

08

280

# მოსახლე

თეოლოგიური ჟურნალი

წელიწადი მეოთხრამეტე

**№ II**

თბილისი, 1904

ტფილისი

ქალაქი თბილისი, მ. ბაქრაძის ქუჩა, № 11, ტ. 11, გ. 11

1904

# შინაარსი

I—	დარისკანის განსაჯირი.—სურათი ერთ მოქმედებად.— დაგ. კლდისშვილისა.	83 1
II—	უსინათლო მემუსიკა.—გ. კორელესკოსი (ეტიუ- დი), თავი მეორე.—თარგმანი ინ-ჟნისა.	33
III—	გლახი კაცი.—წიგნი მეორე, თავი I—II. რომანი გიდქელმ ფონზოლენცისა.—თარგმანი ივ. პოლუშკო- დვიხვისა.	59
IV—	თამარ მეფე და მისნი ისტორიკოსნი.—მ. ჯანა- შვილისა.	1
V—	კატრიოტიზმი და კოსმოპოლიტიზმი.—ივ. მაჭა- ვარიანისა.	34
VI—	ცხოვრება და ღვაწლი თ. დი. გრიგოლ. ორბე- ლიანისა.—ნ. მეუნარგასა.	55
VII—	უცხოეთის წვრილმანი.—I კორეის საქმეები.— კ. ა.-სა.	83
XIII—	ბიბლიოგრაფიული შენიშვნები.—1. თ. მაკაძე— ქოლოკი.—2. წმინდა გიორგის რაზმი.—ა. აკისა.—3. ლექსები გრ. ორბელიანისა,—გაშუცემა ს. მერკვილძისა.—4. საქარ- თველას კალენდარი.—5. რომის კათოლიკეთა ეპისკოპოსი დე როპპი და მისი მოგზაურობა საქართველოში.—6. თ. ალ. სუმბათაშვილი.—„ლალატი“.—დრამა.—თარგმ. გრ. ყიფში- ძისა.—7. პირველი ნაბიჯი.—რომანი.—გ. წერეთლისა.—8. ლექსთა ბაასი და არსენას ლექსი.—9. სრული სიზმრის ახს- ნა.—10. სრული სიზმრის ახსნა ანბანითა და მთვარითა.— 11. ხალხური მესხური ლექსები.—შეკრებილი და გამოცემუ- ლი მესხი კონსტანტინე გვარამიძისაგან.	106

მ მ ა მ ბ ე

05  
280

თ ვ ი უ რ ი   ქ უ რ ნ ა ლ ი

წელიწადი მეთერთმეტე


**№ II**

თ ე ბ ე რ ვ ა ლ ი, 1904

ტ ფ ი ლ ის ი

საბჭოთა კავშირის ცენტრალური ბიბლიოთეკის გამომცემი

1904



Доволено цензурою. 15 Марта, 1903 г. Тифлисъ.

# შინაარსი

I—დარისპანის ბასაჰირი.—სურათი ერთ მოქმედებად.— დავ. კლდიაშვილისა.	83 1
II—უსინათლო მემუსიკა.—ვ. კორელენკოსი (ერთუ- დი), თავი მეორე.—თარგმანი ინ-ანისა.	33
III—გლუხი კაცი.—წიგნი მეორე, თავი I—II. რომანი გიდუქელმ ფონზოლენცისა.—თარგმანი ივ. პოლუძო- დგინოვისა.	59
IV—თამარ მფუე და მისნი ისტორიკოსნი.—მ. ჯანა- შვილისა.	1
V—კატრიოტიზმი და კოსმოპოლიტიზმი.—ივ. მაჭა- ვარაძისა.	34
VI—ცხოვრება და ღვაწლი თქვი გრიგოლ ორბე- ლიანისა.—ი. მეუნანგაძისა.	55
VII—უსცოვთის წვრილმანი.—I კორეის საქმეები.— კ. ა.-სა.	83
XIII—ბიბლიოგრაფიული შენიშვნები.—1. თ. მაგმაძე— კლდოვი.—2. წმინდა გიორგის რაზმი.—აკაკისა.—3. ლექსები გრ. თრბელიანისა,—გამოცემა ს. მერკვილაძისა.—4. საქარ- თველოს კალენდარი.—5. რომის კათოლიკეთა ეპისკოპოზი დე როჰი და მისი მოგზაურობა საქართველოში.—6. თ. ალ. სუნი: იაშვილი.—„ლალატი“.—დრამა.—თარგმ. გრ. ყიფში- ძისა.—7. პირველი ნაბიჯი.—რომანი.—გ. წერეთლისა.—8. ლექსთა ბაასი და არსენას ლექსი.—9. სრული სიზმრის ახს- ნა.—10. სრული სიზმრის ახსნა ანბანითა და მთვარითა.— 11. ხალხური მესხური ლექსები.—შეკრებილი და გამოცემუ- ლი მესხი კონსტანტინე გვარამიძისაგან.	106

<b>IX—ნარკვევი</b>	—1. ფინლანდიელი პოეტი რუნებერგი.—2. მკვდარი გულის გაცოცხლება.—3. ჭაობის ხალხი.—4. სვედური გიმნაზია.—5. რადის სატყებლობა.—6. სპენსერის ავტობიოგრაფია.—7. ტურინის საუნივერსიტეტო ბიბლიოთეკის დაწვა.—8. მეტრული ზომა ინგლისში.—9. უცნაური თეატრი.—10. მისაბაძი მაგალითი.—11. ახალი იტალიური ჟურნალი.—12. ამერიკული ქალაქის მართვა.—13. იაპონელის აზრი ტოლსტოის შესახებ.—14. ომის მიზეზი.—15. ევროპიელთაგან გაურყენელი ხალხი.—16. ოდისსეის დამწერი.—17. ველური ხალხი.—18. ჰიპნოტიზმი აბაშაში.—19. პირ-უტყვთა გონება	115
<b>X—ზინაური მიმოხილვა.</b>	—კერძო თაოსნობის საკითროება.—ფ. გუგინაიშვილისა.	125
<b>XI—უცხოეთის მიმოხილვა.</b>		155



# დარისპანის გასაჭირი

სურათი ერთ მოქმედებად

## მოქმედნი პირნი:

მართა ქვიტირიძისა.  
პელაგია საბელაშვილისა.  
ნატალია, პელაგიას ქალიშვილი.  
დარისპან ქარსიძე.  
კაროენა, დარისპანის ქალიშვილი.  
ონისიმე მათარაძე.  
ოსიკო ხარებაძე.

უბრალოდ მონათული ოთახი მართას სასაღვთი.

## გამოსვლა პირველი

### მართა და პელაგია

**მართა.** ახლავე აქ მომიყვანე ჩემი ნათლული, პელაგია ჩემო... ამ საღამოს მესტუმრება ონისიმე მათარაძის ბიძაშვილის ედუკიას, ხარებაძეს რომ ყავს—შვილი... ეგებ ღმერთი შეგგვეწიოს და ჩემი ნატალიას ბედმა გასკრას!..

**პელაგია.** მიშველე, ჩემო ბატონო, ჩემო მწყალობელო!.. იცხონე სული... მოისხი ჩემი შვილების მადლი!.. ერთი, ერთი ვინმე... რას დავეძებ ვინ იქნება, სახლში სიძეთ შემომაყვანიე და გაჭირვებისაგან გიხსნივართ!..

- ერთი ვინმე პირველი მაშოვნინე და მერე მე ვიცი...  
საშველს არ ვაღიროებ, სანამ თითო სიძე თითო ცო-  
ლის დას არ გამათხოვებინებს... შენ არ მომიკვდე!..
- მანთა** (იჭენის). ეგ ძალიან მოგიფიქრებია, პელაგია!.. ხა,  
ხა, ხა!..
- ჰელაგია**. უი მე, რას არ მოგიფიქრებ, შენ გენაცვალე, როცა  
ჩემისთანა ოხერ გაჭირვებულს სამი გასათხოვარი  
სახლში მიზის და მთხოვნელი კაცა არსადა სჩანს?..
- მანთა**. კაი ოჯახის პატრონია, იცი!..
- ჰელაგია**. არ დავეძებ, შენ გენაცვალე!.. ცოდვისაგან მიხსნას,  
ქალიშვილობაში შვილი არ დამაბერებინოს და მის  
სიმდიდრეს რას დავეძებ!..
- მანთა**. მერე თუ ღმერთმა ქნა და ყმაწვილმა სხვანაირი თვა-  
ლით დეინახა ჩემი ნატალია—ეგებ არც კი დაგვჭირ-  
დეს რამე! ვინ იცის, რა თვალით შეხედავს!.. თუ  
არა და ერთი ათი, თხუთმეტი თუმნით მოგიტყუ-  
ოთ. (ჰელაგია ამოიხსრებს) აბა, შე ქალო, რას იზამ!..  
ყოველისთვის ბედი უნდა!..
- ჰელაგია**. ბედი უნდა... ბედი უნდა, ჩემო მაცხოვრებელო!.. ბე-  
დი უნდა!..
- მანთა**. რასაკვირველია!.. მერე, ნათლი-დედა, ნატალიას უთ-  
ხარი... მეც ვეტყვა, მარა შენ უთხარი—ქე რომ  
გადაპრანჭვა და ტუჩის აბზუება იცის, თავი დაანე-  
ბოს, თვარა გლახა საქმეს უზამს თავის თავსაც და  
დებსაც... თავათაც ჩარჩება, ჩაბერდება ქალიშვი-  
ლობაში და იმათაც ჩააბერებს!.. ნულა იგვიანებ,  
პელაგია ჩემო!.. გასწი და ამ წამსვე მოდიოთ ორი-  
ვე!..
- ჰელაგია**. ორივე დედა-შვილი აქ გავჩნდებით... რაფა დევიგ-  
ვიანებთ, შენ დაგენაცვლე! ცხოვრებას მპირდები!..  
(შიიჩქარის კარებისაკენ გამობრუნდება) შენ დაგენაც-  
ვლე! კაბა რომელი ჩავაცვა? შენ სინათლიან თვა-  
ლებში რომელი უფრო მოუხდება!.. შავი, შენი



ჭირი შემეყაროს, თუ... ყველა შენი ნაჩუქარი აქვს!..

მართა. ნატალია თავად ამოარჩევს!..

ზელაგია (კარებთან მისული გამობრუნდება). პიპოჩკა გეიკეთოს თუ დეიმწნას? ბელათ წუხელი თავიც დეიბანა!..

მართა. პიჩესკა... პიჩესკა გეიკეთოს!

ზელაგია. კი, ჩემო სინათლევე, ჩემო მაცოცხლებელო!.. მე უბედურს ამისთანების რა გემეგება? ნაცარში ამოგლიგნილ დედაბერს!.. (გაექანება კარებისაკენ; უცებ გამობრუნდება და შორიდებით დაიწყებს) ერთი რამ მინდოდა მოგახსენო, ჩემო ღმერთო, ჩემო ყოლისფელო... მარა ნუ შემრისხავ ჩემი ჭკუა-მოკლეობისათვის... ჩემს გამოჩერჩეტებულობისაგან ნუ რას მიწყენ, შენი ჭირი შემეყაროს!..

მართა. რაა?

ზელაგია. ნუ გეწყინება ჩემი უგუნურობა და სისულელე!..

მართა. კაია... სთქვი, რა არის? რა გინდა?

ზელაგია. ყველასთვის მეშინია... მე უბედურს!..

მართა. მომკალი, პელაგია, და ეს არის... თქვი, შე ქალო, რა გინდა?

ზელაგია. რომ დამიწუნოს!.. სალაპარაკოდ შექმნიან... უარესად გაჭირდება, შენ გენაცვალე, კაცის შოვნა... დაწუნებული ქილიშვილის ამბავი თავათ იცი, ჩემო ცხონებავ...

მართა. აბა მიდღემში სხვასთან ვერაფერი გითქვამს შენი ქილიშვილებისათვის და ეგ არის!.. მე რაღაც მეგონა! დაწუნებაზედ სიტყვა ნუ იქნება, თვარა ისეთ დასაწუნს გამოვუნახავ მოქმელს, რომ ვაი-ვუი იძახოს!.. შენ, ბატონო, ის ქენი, რაც მე გითხარი .. ჩემი ნათლული მომიყვანე აქ!..

ზელაგია. შიში მალაპარაკებს მე უტვინოს! ყველასი მეშინია! შვილების შიშიც კი მაქვს!.. რომ რამე საწყენი

შეხვედეთ, უნდათ მომკლან, ისე შეუბრალებლად მეკიდებიან!..

- მართა.** ეგ მე და ჩემმა ნათლულმა ვიცი... წადი, წადი, ნულა იგვანებთ!..
- ბელაგია.** მივდივარ, მივდივარ, ჩემო სიცოცხლე!.. არაფერი გეწყინოს, ჯვარი დაგწერე!.. ახლავე აქ გაჟინდებით!.. (აჩქარებით გავა).

### გამოსვლა მეორე

მართა შემდეგ დარისპანი და კარაუნა.

**მართა** (შემობრუნდება, მივა ფანჯარასთან). ეს ვინაა!?. ჩვენსა ჩამოუხვია!.. უიშე! დარისპანი თავის ქალიშვილით!.. დასწყევლა ღმერთმა, საიდან გაჩნდა?!. საიდან მოერთრევა?!. (გავა) მობძანდით, მობძანდი, დარისპან ჩემო!..

**დარისპან** (რომ შემოვა). აქა მშვიდობა?..

**მართა.** უი, შენ დაგენაცვლა მამიდაშენი... რამხელა გაზრდილა!.. რავე დამშვენებულა!.. პირველად რომ შემოგხედეთ, ვერც-კი ვიცანი!.. დაბძანდი, დარისპან ჩემო!.. რავე შვიდობით, შენ გენაცვალე!..

**დარისპან.** გახლავართ, მართა ჩემო!..

**მართა.** ჩემი რძალი ხომ კარგათაა?

**დარისპან.** მაღლობელი ვარ!.. ვართ ისე, მართა ჩემო!.. რავარც მოგეხსენება ჩვენისთანების ამბავი!.. შენ რაღა დაგიმალო, მართა ჩემო, ჩემი სისხლ-ხორცი ხარ—აგერას წელში გავწყდებით, მართა ჩემო!.. ნამეტან გაქირვებაში ვიმყოფებოდით—მარა ამ ქალიშვილებისაგან უფრო გვემატება გასაჭირი, შენ გენაცვალე!.. შენ გაშორა ღმერთმა ეს დღე, ჩვენ რომ გვადგია... ერთი გყავდა და ქე მოახერხე მისი გათხოვება—ჩვენ კი ერთობ ვაწვალებული შევიქენით,

მართა ჩემო!.. ოჯახს ვერ ნახავ, რომ სამი და ოთხი ქალიშვილი არ ყავდეს გასათხოვარი და მახოვნიელი კი არსადაა, შენი ჭირი შემეყაროს!.. არსად არის! რაღაც უბედურობამ გული შეუცვალა ახლანდელ ყმაწვილებს... აღარ ეკიდებიან ოჯახობას!.. ე გოგოები კი გვიყრია სახლში და გვაბერდებიან საცოდავით სახლში!.. ამას წინად მაშელით მაინც მოახერხებდი კაცი საქმეს—ახლა იმათაც მიანებეს თავი, მაშელობას აღარ ჰკიდებენ ხელს—ვერასფერი გამოსარჩენი ხედებათ და ტყვილა წანწალით როდილა იწუხებენ თავს!.. სხვა გზა აღარ გრჩება გასათხოვარის პატრონს—ისევ შენ თავათ გამოძებნო და მოინახო სადმე სასიძო!.. არ დაგიმაღლავ, ჩემი სისხლხორცი ხარ, შეხვალ ჩემს გასაჭირში,—დავთარევე ამ ჩემს ქალბატონს ყოველგან—ნათესავებში, კეთილებში, დღეობებში—ეგებ ვისმეს ან მოეწონოს, ან ვინმემ სხვანაირ გუნებაზედ თვალი გადაავლოს და გამანთავისუფლოს მაგისაგან!.. სად არ ვყოფილვარ, ცის კიდე მაქვს მორებული, მართა ჩემო—არაფერი იქმნა!.. ახლა აგერ ერთმა, ჩემი ცოლის ნათესავმა, შემომითვალა, მომიყვანეო... ვიღაც ყმაწვილი ყოლია სახეში—ვაჩვენებო!.. მიმყავს იქ!.. აბა რა ვქნა, შენი ჭირი შემეყაროს?.. უწინ თავად მოდიოდნენ სანახავად, ახლა შენ უნდა მიუყვანო!.. რას იზამ?!.. წანწალმა მომკლა, მართა ჩემო!.. ეგებ ერთი კი გავათხოვო, მარა-რა, მადლი აღარ აქვს ამისთანა გათხოვებას!.. შენთან შემოვუხვიე ეგებ ცოტა დევისვენო და შენ კარგა ხანია აღარ მინახავხარ!..

**მართა.** ბეღია, დარისპან ჩემო!.. ყველაფერში ბედი მუშაობს!.. სანამ თავის ბედს არ შეეყრება, არაფერი არ იქნება... თავისით მოვა!..

**დარისპან.** შე დალოცვილო, სანამ თავისით მოაგნებდეს, ე შვილი კედეც დამიბერდა, დამიუწნოვდა... დამახინჯე-

ბულსა და დაგლახავებულს რომ შეხვდა საბედო, კი აღარ მოჰკიდა ხელი, ქე დეიწუნა!..

**მართა.** ამისთანა კარგ გოგუნის ვინ დეიწუნებს, რას ამბობ, შეე კაცო?!. ყოველთვის მოიწონებენ!..

**დარისზან.** მოიწონებენ კი არა!.. სისხლი გამიშრო მე მაგან, მართა ჩემო, სისხლი გამიშრო!.. ამ გზაში სულ იმას ჩაეჩიჩინებ—აი, ბოშო, სხვას რომ დეინახავ, თამამათ იყავი, ხმა ამოიღე, ენა მუცელში ნუ ჩაგივარდება, დაანახვე, რომ მუნჯი არა ხარ!.. შენც არ მომიკვდე, ვერაფერი შეევასმინე!..—რავარც ვინმე გარეშეს თვალს მოჰკრავს, ქვე დამუნჯდება, ქვე დაყრუვდება, ქვე დაკუტდება... დაჯდომა თუ ერთი მოასწორო, ააყენებ ზეზე?—ისე დეეკოსება ერთ ადგილას, რომ ვერას გზით ვერ ააგლეჯ ზვეით!.. მომკლა მე მაგან!.. ვინ უნდა მოიწონოს?!. სახლში-კი, მართა ჩემო, ოთხივე რომ ლაქლაქს მოჰყვებიან, ზედ შენი რძალიც დეერთვის—ჰმ, ყურთა სმენაა წაღებული, მართა ჩემო!

**მართა.** კი, მამიდა —თამამად უნდა იყვე ყველასთან!.. ხმაც უნდა ამოიღო... დეელაპარაკო კიდევ!.. თუ ყმაწვილი შეგხვდა—უნდა გაუსრილო-გამოუსრილო თვალწინ!.. ვინ იცის, რა თვალით შემოგხედავს!.. თავი უნდა მოაწონო... უფრო მალე გათხოვდები, მამიდა!..

**დარისზან.** სხვებრ იცოცხლე, მართა ჩემო, —ერთობ მარჯვე არიან; ნამდვილ საოჯახო ქალები დარჩებიან!.. ხელსაქნარი, მე შენ გეტყვი, არ ემარჯვებათ და არ იციან!.. წვრილფეხის მოვლა, ფრინველის მოშენება რამდენი ფრთა ქათამი გყავდა წრეულს ბოშო?

**კაროუნა.** ორასი გამოტეხა!.. მარა კირმა გაგვიწყვიტა...

**დარისზან.** აბა, აბა!.. ერთობ დაგვაზარალა, მართა ჩემო, კირმა!..

**მართა.** არათერია... გაისათ უფრო მეტს მოაშენებს!..

დარისპან, არ მინდა, შენ გენაცვალე... ქათამსა და ბატს სამიღღემჩიოთ დავთმობ, ოღონდ კი მაგას პატრონს მოეუნახავდე!..

### გამოსვლა მისამე

ივინივე, ზელაგია და ნატალია.

ზელაგია (მართას ჩუმად). ხომ არ დამგვიანებია, შენ გენაცვალე?

მართა. არა, არა!.. დარისპან ქარსიძე... მათი ქალიშვილი... ღმერთო მომკალი, ფუი ჩემს მახსოვრობას!..

დარისპან. კაროენა, მართა ჩემო, კაროენა!..

მართა. დავბერდი შე უბედური... გულმავიწყა შევიქენი!.. კაროენა ჩემი... ჩემი ნათლიდედა პელაგია საბელაშვილისა... ჩემი ნათლული, მათი ქალიშვილი.

დარისპან. დიდათ სასიამოვნოა!.. დიდათ სასიამოვნოა!.. (ისევ დაჯდება).

მართა. ნატალია ჩემო... მოდი შენ გენაცვალე, შენთან ცოტა საქმე მაქვს! (გაფლენ).

### გამოსვლა მითხე

ზელაგია, დარისპან და კაროენა.

დარისპან (მოკლე სიჩუმის შემდეგ). აქაური მცხოვრები ბრძანდებიო!..

ზელაგია. აქაური, ჩემო ბატონო!.. თითქმის მეზობელი ჩემი მართასი!..

დარისპან. კაი დავემართოსთ!.. (მოკლე სიჩუმის შემდეგ) ერთობ მარჯვე ქალია ეს ჩემი ნათესავი ქალი, ჩვენი მართა!..

ზელაგია. ნულა ბძანებთ!.. მაგით გვიდგია თელათ ამ კუთხეს სული!.. მაგაა ჩვენი შემხედვარე, ჩვენი შემბრალებ-

ბელი, დამრიგებელი, რჩევის მომცემი და მწყალობელი!.. უმაგისოთ რა გვეშველებოდა, ჩემო ბატონო?!

**დარისზან.** ჰმ, საკვირველია!.. სადაც კი ფეხი ჩადგეს ჩვენი გვარის ქალებმა—ყველგან სასახელოთ უჭირავთ საქმე!.. დიდი ღვთის წყალობაა, თქვენ ნუ მომიკვდებით, ასეთი ამბავი... ასეთი სიკეთე გვაროვნობით რომ დაჩემდება!.. სახელს უკეთებს გასათხოვრებსაც!..

**პელაგია.** კაი ოჯახი კაი შვილს გაზდის, ჩემო ბატონო, რაღა ლაპარაკი უნდა!..

**დარისზან.** ჭეშმარიტი ბრძანებაა!.. სწორედ ასეა!.. უკაცრავად, ვერ გვეიგონე კარგათ თქვენი სახელი...

**პელაგია.** პელაგია, ბატონო ჩემო!..

**დარისზან.** ჭეშმარიტი ბრძანებაა, ბატონო პელაგია!.. თამამად შეგვიძლია ვთქვათ, რომ სწორედ კაი ოჯახები გვაქვს გვარში!.. თუ ყველას არა... ზოგიერთებს მაინც!.. ჩემს თავზედ მოგახსენებთ—რომ მობძანდეთ ჩემს ოჯახში, თამამათ შემიძლია ვსთქვა, რომ ვერასფერს დამიწუნებთ!.. თქვენ არ მომიკვდეთ!.. ერთობ გაწყობილი ოჯახი მაქვს!..

**პელაგია.** ღმერთმა მოგცეთ, ჩემო ბატონო!

**დარისზან.** შვილებიც ისეთები დამეზარდნენ, რომ თამამად შემიძლია ვსთქვა, ვისიც ოჯახში შევლენ—ოჯახს განათლებენ, ისეთი ქალიშვილები მყავს, ბატონო პელაგია!.. მამა ვარ და ვერ ვარჩევ, რომელი რომელს სჯობია!.. რა არ იციან?! ერთი თვალი რომ რამეს მოჰკრან, მეტი არ უნდათ!.. ამას წინად სადღაც ენახათ... კარხმალს რომ ახლა უშვებენ... რას ურევთ, ბოშო, —ამას წინად რომ მაყიდვინეთ... შაურის იყო?

**კანოუნა.** ბურია!

**დარისპან.** დიახ! დიახ, ბურია!.. ისე აპრიალევენ კახმალიანი თუ რამე შეხვდათ, რომ რომელი ქალაქის პაქკა მოახერხებს!..

**შელაგია.** დიდი ღვთის წყალობაა, ჩემო ბატონო!..

**დარისპან.** ისე არიან გადამკვდარი საქნარზედ, რომ გარეშე მოსამსახურე არც ბიჭი და არც გოგო ახლოს არ გეიკარეს... სახლში არ შემომაყვანიეს.. თავის ხელით უნდათ აკეთონ ყველაფერი!.. ღვთის წყალობაა ქალიშვილი ოჯახში!.. თქვენ რამდენი გყავთ, ბატონო პელაგია, ქალიშვილი?

**შელაგია.** სამი, ბატონო! თქვენ?

**დარისპან.** მე... ამიანათ ოთხი!.. დიახ ოთხი!.. მარა გათხოვება მეძნელება.

**შელაგია.** ჭირს, ბატონო... ერთობ ჭირს!..

**დარისპან.** არა... მენანება მოშორება!.. კაი ოჯახში ნამყოფი კარგათ შენახული... თუ ისევ ხეირიან ოჯახში არ ჩაადე, ცოდვაა... ამიტომ უფრო არ ვეჩქარი მაგათ დათხოვებას... თვარა მთხოვნელები ბევრი დაჰმადიან!..

**შელაგია.** ვისაც შეუძლია ქალიშვილის შენახვა, რა შეაწუხებს...

**დარისპან.** ვწუხვარ კი არა... ჰმ, ჩემისთანა მოლხენილი კაცი არ მეგულდება!.. არაფერი არ მაწუხებს!.. მივდი-მოვდივარ ამ ჩემს ნათესავებში, კეთილებში, ნაცნობებში... ყველგან კარი ღიათ მხვდება, ყველგან მიუხარიათ ჩემი ნახვა...

**შელაგია.** ღმერთმა კეთილათ გარონიოთ, ჩემო ბატონო!.. (ამოიხუნეშავს). ღმერთმა სიკეთე გმატოსთ... მოგახსენებენ, ბედნიერი ადამიანის დანახვით გაჭირვებულს გული გეეხსნებაო!..

## გამოსვლა მხუთთა

იგინიკე, მართა და ნატალია.

მართა. მოდი, მამიდა!.. რიგიანათ ხმა გამეცი!..

დარისპან. მიდი, ბოშო!.. (ხმა დაბლა) მართა ჩემო, გზაში ცოტა გევილახე... წინ კიდევ გვარიანი გზა მაქვს გასარები... ერთი თუ თავი არ წავდევნი, მოვკვდები კაცი!.. თავი მიმადებინე სადმე ცოტა ხნით, შენ გენაცვალე... ავდგები მერე და გაფუღებები ჩემს გზას, მეშინია არ დამავიანდეს იქ მისვლა... ეგებ მეშველოს რამე!..

მართა. კი, შენი ჭირიმე!.. წამობძანდი! (მიუძღვება ოთახში).

დარისპან. ბოშო, წამო შენც ლათჩინს გამხდი (გაფლენ).

## გამოსვლა მამიკისა

ზელაგა, ნატალია და შექმდე მართა.

ნატალია. ვინ არიან ესენი?! (ეცინება).

ზელაგა. კაია, კაი!.. ყველას შენ უნდა გაცინო!.. გოჟლან-ძღე ნათლია შენს ნათესავი—აამებ ძალიან!.. უი, თქვენს ჩვეულებას!..

ნატალია. დამამუნჯე ახლა!.. ხმას ნუ ამომადებინებ, ჰო!

ზელაგა. გაჩუმდი, გეუბნები!.. რჩება აქ, შენ გენაცვალე?

მართა. წეაძინებს... ადგება და წავა თავისთვის!..

ზელაგა. ვაი თუ ის ყმაწვილი მაგის წასვლამდის მოვიდეს!..

მართა. მერე რა? (ნატალია ვიოლმდა ეუჩს არ უკდებს, თანჯა-რასი იყურება).

ზელაგა. ოთხი ქალიშვილი ყოლია!.. თუ ყმაწვილი მოეწონა, ეგებ ქე შეაძლიოს ქალიშვილი... გადიყოლიებს... შეძლებული ყოფილა!..



- მანთა.** ვინ? დარისპანი? საიდან გეიგე მაგ, პელაგია... ვინ გითხრა, თუ გიყვარდე?
- პელაგია.** თავათ, შენ გენაცვალე!.. თავაი გადმომიშალა თელათ თავის ოჯახის ამბავი!..
- მანთა.** შეძლებული ვარო!.. უი მაგ უბედური, ხომ არ შეუძლია გარეშესთან არ მორთოს თავის ტრაბახობა!.. შენთან მაინც რაღა ატრაბახებდა?! რა ჩვეულება სჭირს მაგ უბედურს!..
- პელაგია.** მე კი გადამრია, ისეთები მომიყვა!.. (იღინის) გაქცევა ვიფიქრე, შენ ნუ მომიკვდები!.. თუ ყმაწვილი მოეწონა-თქვა!.. მაგასთან მე ვილა დამიწყებს ლაპარაკს-თქვა!..
- მანთა.** თუ გინდა მართლა მდიდარი ყოფილიყო, მერე ამისთანა გვრიტუნისა გავაქცევდი მის ქალიშვილიან, ღმერთო მომკალი?! (ნატალის) კარგი ხარ, შვილო... ყოველისფრით კარგი ხარ, მარა ერთი რამ მაინც უნდა გითხრა... დრო მოვიდა, შვილო, ისეთი, რომ ყველა სწუხს, ყველას ნამეტანი გასაჭირი ადგია... ყმაწვილები ისე შეშინდნენ, რომ ოჯახის მოკიდებას ერიდებიან, ქალიშვილებს ხელს აღარ ჰკიდებენ!.. ამისთანაში, შვილო, ჩრეკა-ძიება და რჩევა თუ აზარალებს ქალიშვილ ქალს, თვარა სიკეთეს არ დააყრის!.. თუ კი ვინმე გამოჩნდეს ღვთისნიერი, ცოლად წაყვანა მოგინდომოს, ნუღარც კი კითხულობ რამეს... ორივე ხელებით ჩებლაუქე,—არსად წაგივიდეს!.. მაღლობაც უთხარი, რომ სხვას შენი თავი არჩია!.. თვარა ეგ შენი სილამაზე გაგიქრება, ხანიც გადაგივა და მერე აღარც კი შემოგხედავს ვინმე—ჩაბერდები ქალიშვილობაში, შვილო!.. ისეთი დრო მოვიდა, რომ ქალიშვილის გათხოვება ყველასათვის ნამეტანი გაჭირდა, შვილო!.. თუ კი კაცი გამოჩნდა, რომ შენი ჰმევა, სმევა, ჩაცმა-დახურვა მოინდომა იკისროს.—ნურც კი კითხულობ ბევრს მისას!..

- ზელაგია.** ყური უგდე, ყურა უგდე, შვილო!.. ოქროთ უნდა გიღირდეს თათო ამისთანა დარიგების სიტყვა!.. ამ შენი ნათლია ბატონის მაინც შეისმინეთ რამე!.. ჩემი სიტყვა ახლოსაც ხომ არ გეიკარეთ!.. რა გიყოთ მე უბედურმა!.. სამი მყავხართ... სამივე გასათხოვრები!.. სხვისი მაინც გაიგეთ, თუ ჩემი არ გესმით!..
- ნატალია.** მესმის, ბატონო, მესმის!.. ყრუ ხომ არა ვარ, დედა...  
**ზელაგია.** შებზიალდი, შებზიალდი შენებურათ! ნათლია შენსაც ნუ დაერიდები!
- მართა.** კაია, ჰელაგია, კაია! ესმის, აბა არ ესმის!  
**ზელაგია.** სიცოცხლე მაქვს მაგათგან გამწარებული, ჩემო შემწყალებელო!..
- მართა.** დაწყნარდი... დამშვილდი!.. ეგებ ამ სალამოს ღმერთმა გაგვახაროს!..
- ზელაგია.** ვინ მოესწრება მაგას, შენს სულს ვენაცვალე!.. გული მაქვს გატეხილი. კი აღარაფერი მჯერა!..
- მართა.** მხნეთ იყავ, ჰელაგია!.. აბა, შვილო, რავარც გითხარი... ყორიფელი თავ-თავის დროზედ, შენებურად, კობტად შემოიტანე ყველაფერი...  
**ნატალია** კი ბატონო!..
- მართა.** შემოგხედოს რა ჩიტუნია გვყავხარ!.. ეგებ ისეთი თვალი გადაგავლოს, რომ თავათ შემოიხვეწოს შენი თავის მიცემას!.. შენისთანა ლამაზი და კობტა ქალიშვილი ხან-და-ხან ერთი თვალის დახაზვამებაში გააგიჟებს ხოლმე ზოგიერთს ყმაწვილებს!.. თვალია ყოველისფერი!.. იმიტომ უნდა ეცადო სხვანაირათ დაანახო შენი თავი, ქალიშვილმა ქალმა!..
- ზელაგია** (რამეუფიც ხშირათ ფანჯარაში იმზირებდა). მოდის, მართა ჩემო!.. მოდის!.. ნატალია!.. შვილო!.. (შივარდება კაბის გასასწორებლად) თმა-თმა გეისწორე!..
- მართა** (გაღხედავს). კი, ის არის!.. აბა, შევეგებოთ, ნატალია ჩემო (შიდის).

**პელაგია** (აფუსფუსებული) მართა ჩემო... შენი ჭირი შემეყაროს... ერთი თვალი გადაავლე... ურიგოდ არაფერი ჰქონდეს (ნატალია წეროვით გადმოხედვს)!..

**ნატალია**. თავი დამანებე, ბატონო!..

**მანთა**. არაფერი არ უნდა, პელაგია!.. გეცალე, ბატონო!.. (გაუჯუნ).

**პელაგია**. ღმერთო შემეწიე!.. ღმერთო შემიბრალე!.. ღმერთო მოხედე ჩემს გაქირვებულ ქრივ-ოხრობას!.. (ისეღება გაკეთ). ღმერთო აღირსე ბედი ჩემს ნატალიას!.. ღმერთო ბედნიერი და კეთილი თვალით შეაბედვი-ნე ჩემი შვილისათვის (ისწორებს კაბას და თავსაფარს).

### გამოსვლა მუხვიღე

**მანთა, პელაგია, ნატალია, ოსიკო და ონისიმე.**

**მანთა**. მობძანდით, თქვენი ჭირიმეთ.. მობძანდით!..

**ონისიმე**. აქა მშვიდობა!.. ოჰ, ბატონ პელაგიას ვახლავართ!..

**მანთა** (აღნობს). ჩემი ნათლიდელა ვახლავსთ, პელაგია საბელაშვილისა... დაბძანდით, ჩემო ბატონო!.. ღმერთო ჩემო, რაფა შეუმჩნევლად ვბერდებით!.. გუშინ ბაღანა მახსოვს... ახლა რას ვხედავ?! დაწვერულვაშინებული ვაჟაკი და რა ვაჟაკი კაცი! შენ გენაცვალე!..

**ონისიმე**. იხვებივით სწრაფად იზრდებიან, ბატონო მართა, ახლანდელი ყმაწვილები!..

**მანთა** (იღინის). მაინც, მაინც!.. რა ბედნიერი ქალია ჩემი ივლიტა. ხომ კარგათაა, შენ გენაცვალე?

**ოსიკო**. გმადლობთ, კარგათ ვახლავსთ!..

**ონისიმე**. დიდი მეოჯახე ქალია!.. დიდი მეოჯახე!..

**მანთა**. არ ვიცი!.. აი ბეჩა, რა მეგობრობა გქონდა ჩვენს დროზედ!.. უერთმანეთოთ სულს არ დავბერავდით!.. ბედნიერი ქალია!..

- ონისიმე.** კიდევ უფრო ბედნიერი იქნებოდა, რომ მისი უფროსი ვაჟის შვილი დეენახა... ერთობ სწუხს, რომ რძალი სუსტი ქალი გამოადგა შვილოსნობაში...
- მართა.** მის ადგილზედ სულაც არ ვიჯავრებ მაგაზედ!.. ერთს არა ყავს—მეორეს გყოლება!.. სხვის ხელში ხომ არ გადავა მამული!.. აგერ, ჩემს ოსიკოს არ შეეძინება?!.. მზითვიან ქალს მზითვეით თავს აღარ მოატყუებინებს... მზითვეი, თუ კაცი მართალს იტყვის, ქალის ნაკლებულობის შესავესებია, ღმერთმანი!.. ოსიკო ჩემი სხვებსავით ვაჭრობას არ იკადრებს... შეხვდება სადმე ერთ ლამაზ, კობტა ქალიშვილს და თავათაც გულს გეიხარებს და დედასაც გაახარებს მისი შერთვით!.. ასე არა, ოსიკო ჩემო? (ოსიკო იცინის).
- შელაგია** (თავასთავის). შენ დაგენაცვლე მაგ მოქარგულ ენაში!..
- მართა.** რასაკვირველია... რასაკვირველია!..
- ონისიმე.** მზითვეი მაინც არაა დასაკარგავი ყმაწვილებისაგან, ბატონო მართა!..
- შელაგია** (თავისთავის). გაგიხმა ენა!..
- ონისიმე.** ჩემს რძალს რომ მზითვეი არ მოჰყოლოდა, სწორედ არ შემოგუშვებდი შვილს სახლში... ყმაწვილმა თავი უნდა დეიფასოს!..
- მართა.** ჩვენ ძველებურად ვირჯებით, ბატონო ონისიმე!.. ახლანდელი ყმაწვილები მოწონებას უყურებენ მართო... მოწონებით იციან საქმის გათავება... არა, ოსიკო ჩემო? ი შენი კაი დედა ნუ მოგიკვდება!
- ოსიკო** (ღიმილით). კი ბატონო!..
- ონისიმე.** მამა გიცხონდება!..
- მართა.** რასაკვირველია!.. ჭკვიანი, დინჯი, გაგებულდი ახლანდელი ყმაწვილი კაცი მზითვის გულისათვის არ დაჰკარგავს კარგს, ლამაზს, კაი ხასიათის და საოჯახოთ გამოსადეგ ქალს!.. არა, ბატონო ონისიმე!.. ტყუილს ვამბობ, ოსიკო ჩემო, შენ გენაცვალე?

ონისიმე. კი, ბატონო მართა...

მართა. გეცალეთ, ბატონო!.. (ოსიკო იცინის, შემოდის კაროვნა). დარისპან ქარსიძის ქალიშვილი გახლავს! (კაროვნა ხელს ჩამოართმევს და დაჯდება თავისთვის). მართალს ვამბობ, თუ ვტყუი, ოსიკო ჩემო?

ოსიკო. მართალია!..

მართა. აბა, რა!..

ონისიმე. თქვენ ნუ მომიკვდებით, თქვენმა შვილმა რომ უმზითო მოგაყენოსთ კარზედ...

მართა. შემობძანდი-თქვა, ვეტყვი და პირველ ადგილზედ დავსხამ, თუ კი იმისთანა ქალი დამანახვა, რომ თვალსაც იამა და გულსაც... ისე მე ვიცოცხლო, ასე ვქნა!.. კი, კი ბატონო ონისიმე!.. მარა მარტო ეს მუსაიფი ხომ არ გვეყოფა, ეს ღმერთმაც იცის და კაცმაც!.. (სიცილით გავა, მას მიჭუეება ნატალია, მეტე ჰელაგია. ამათ შემდეგ კაროვნაც შებრუნდება ოთახში, სადაც მამა მისი წევს).

### გამოსვლა მირვი

#### ოსიკო და ონისიმე

ონისიმე. (მკვლე სიხუმის შემდეგ). ეს ჩვენი მასპინძელი რაღაც კრიმანჭულებით გველაპარაკება!.. მგონი, იმ თავის ნათლულის თავი უნდა, რომ მოგაწონოს... უკან რომ გეყოლა—მიფრინია-მოფრინია!..

ოსიკო. აქვს რამე?

ონისიმე. იმ აბზეკილი ცხვირისა, წვრილი ტანისა, შედებილი წარბებისა და მარდი ფეხების, — რასაც ხედავ—მეტი არაფერი, ბიძიკო!..

### ბამოსვლა მესხრი

ივინივე, დარისპანი, შემდეგ კარაუნა.

**დარისპან.** ახნაური დარისპან ქარსიძე!..

**ონისიძე.** ველარ გიცანით, ბატონო დარისპან!.. ჩემი ბიძაშვილი ოსიკო ხარებაძე!..

**დარისპან.** ოჰ, ღმერთო მომკალი!.. მაპატიეთ, ბატონო ონისიძე!.. ხშირად ამ ბოლო დროს გზაში ვარ ხოლმე გაკრული... ერთობ ვილახები და იმის გამო... ეს ზავშიც-კი გამელაზა ნამეტანი!.. რას იზამ, ბატონო ონისიძე—ოჯახის პატრონი კაცი ვერ დაკარგავ ვერც ნათესავს, ვერც კეთილს, ვერც მოყვარეს... ამას კი დიდი მისვლა-მოსვლა სჭირდება!..

**ონისიძე.** მართალი ბრძანებაა!.. დიდი ხანია აღარ გვინახავს ერთმანეთი!..

**დარისპან.** კარგა ხანია, ბატონო ონისიძე!.. ოჯახს ვუნდები... დიდი სამძიმო საქმეა ოჯახი, პატონო ონისიძე... თელათ კაცს მოგინდომებს... ნამეტურ, როცა შენდა გუნებისად გაქვს მოწყობილი...

**ონისიძე.** მართალია... მართალია!..

**დარისპან.** როცა ოჯახში გეგულებს რამე!.. უნდა მოგახსენოთ, წინათვე ურიგო ოჯახი არ გექონია... მარა ჩემი მეცადინეობით,—თამამად შემოიძლია მოგახსენო, სწორედ რომ კარგათ მოვაწყე ამ ბოლო დროს. გაამებათ, რომ შემობძანდეთ, ბატონო ონისიძე, თქვენ ნუ მომიკვდებით!.. პური, ღვინო, სასმელსა-საქმელით!.. ერთობ შევმატე, ონისიძე ჩემო!.. ნამყოფ კაცსაც იამება... გადავყვივი კი!..

**ონისიმე.** დიდი ამბავია კაი ოჯახი, ბატონო დარისპან!.. დიდი შეღავათია!.. იმით მაქვს გული გახსნილი—ოჯახი რომ ხელში მეგულება!.. თქვენ ნუ მომიკვდებით, დარისპან, ჩემი თეთრი ღვინო რომ გამახსენდება—ერთი ხუთი საპანე მისხია,—გულს იმ წამსვე ყოველივე დარდი გადამეყრება!..

**დარისპან.** კმაყოფილათ რომ მიყურებენ, თქვენ ნუ მომიკვდებით, ისეთი პირები მსტუმრობენ, რომ ზოგიერთ თავადიშვილს არ იკადრებენ... ჩემს ოჯახში კი მოუხარიათ!.. (სიამოვნებით იცინის) დიდ პატივისცემაში ყავთ ამ უცხო და განათლებულ პირებს ჩემი ცოლ-შვილიც..

**ონისიმე.** დიდი განძია კაი ოჯახი!.. დიდი განძია, დარისპან ჩემო!.. მარა დიდი სადავიდარაბოც, —კარი მუდამ ღია უნდა გქონდეს... სტუმრიანობასა და მისვლამოსვლას დიდი ამბავი სჭირდება!.. ვისაც არაფერი აქვს, უფრო თავისუფლათაა, თქვენ ნუ მომიკვდებით!.. ჩვენ ნამეტანიც გვემართება ხშირად!..

**დარისპან.** უნდა გავუძლოთ!.. ქალიშვილები რამდენი გყავთ, ონისიმე ჩემო?

**ონისიმე.** სამი!..

**დარისპან.** ისემც კაი დაგემართოსთ!..

**ონისიმე.** კაი არაა, მარა რა ვუყოთ!.. თავ-თავისი ყველას გადადებული აქვს... ვისაც ამოირჩევენ და მოიწონებენ, იმას გავატან, თუ არა და იყვენ... ჩავაცმევ, დავბურავ; ფეხ-შიშველს არ გავარონიებ და...

**დარისპან.** დიდი ღვთის წყალობაა!.. სანამ კარგ ყმაწვილს არ შევხვდება, არც კარგი მშობელი და არც გონიერი გასათხოვარი, რასაკვირველია საქმეს არ გადასწყვეტს... იცოცხლეთ, მთხოვნელები ბევრი დამიდიოდეს... მარა, სანამ კარგს არ შევხვდავ—რაზედ გავავლო ჩემი მასიამოვნებელი ქალი ოჯახიდან?!

**ონისიმე.** ნამდვილია... ნამდვილია!..

სანსკრიტის სახელმწიფო ბიბლიოთეკა  
 2  
 სანსკრიტის სახელმწიფო ბიბლიოთეკა  
 2  
 სანსკრიტის სახელმწიფო ბიბლიოთეკა

## გამოსვლა მიათუ.

ივინივე, ძანთა, ზელაგია, ნატალია.

(ნატალია აწეობს სტოლს).

- ძანთა. ნურას უკაცრავათ, ჩემო ბატონებო!.. ჩემი მარტოხელობის ბრალია!.. (ასიკოს) ასე აწვალეობთ ახლანდელი ყმაწვილები მოხუცებულ დედებს დროზედ შემფარავის მოუყვანლობით!.. კაია, რომ კიდევ ამისთანა მარჯვე ნათლული მყავს!..
- ანისიმე. აგერ ძველი ნაცნობობა განვაახლეთ, ბატონო მართა, მე და ბატონმა დარისპანმა და საგულისხმიერო მუსაიტში გავვებით!..
- ძანთა. კაი დაგემართოსთ!.. მაგას რაღა სჯობია!.. (ასიკო ანისიმესკენ გადადის).
- დაწისპან. კაროჟნა, ბოშო, შენ რაღა გაჩერებულხარ? დატრი-ალდი შენებურად!..
- ძანთა. რაზედ მიწუხებ, დარისპან?
- დაწისპან. რა შეაწუხებს?!. მე შენ გეტყვი არ ემარჯვება მაგისთანები!..
- ძანთა. იყავი, იყავი, მამიდა!.. მყავს მე ამისთვის აგერ ჩემი ნათლული!..
- დაწისპან. მუხლებს მაინც გეიმართავს... ზეზე არ ამდგარა რა ხანია!.. ჰო, მოდი, ბოშო!.. (კაროჟნა ხან რას შემოიტანს, ხან ისე დაჭყეება ნატალიას. დაწისპანი ხმა დაბლა ძანთას) მართა ჩემო, ეს ყმაწვილი ცოლსათხოვი უნდა იყვეს... ვატყობ, ისე გამოიყურება!..
- ძანთა. არ ვიცოდე, შენ არ მომიკვდე!..
- დაწისპან. კი, ასე უნდა იყვეს!.. უნდა მომეხმარო, შენ გენაცვალე!..
- ძანთა. რაში?



დარისპან. კაროენა უნდა შევძლიო!.. ბიძა მისს შემძლია მივმართო—ერთობ პატივისმცემელია ჩემი,—სიხარულით კილამ გადაირია, რომ დამინახა—მარა შენი სიტყვა მიჩვენია, მართა ჩემო!.. ახლავე უნდა გამიწყვიტოს!..

მართა. დარისპან, ასე რავე დავეტაკო... ჯერ ფეხიც არ შემოუდგამს სახლში!.. სამერმეისოთ გადავდეთ!..

დარისპან. სწორეთ არ შემძლია!.. მერე სადლა ვსდიო მაგას—აგერ მყავს და ბარემაც ახლავე გავიგებ ყოლისფერს!..

მართა. დარისპან, რომ დამკლა არ შემძლია ახლა მაგაზედ დავიწყო ლაპარაკი!..

დარისპან. უკაცრავად შეწუხებისათვის!.. (გაშორდება უკმაყოფილოდ) დასწყევლოს ღმერთმა, შენი სისხლობორცი ორგული გიხდება ღღეს!..

ზელაგია (მართასთან მავა—ხმა დაბლა). რას გებეწებოდა, შენი კირი შემეყაროს?

მართა. სისულელე მაგისი!..

ზელაგია. შემეწიე... ღვთის გულისათვის შემეწიე... ღმერთი თავად შეგეწევა!..

მართა. ჰო. კაი, კაი!.. ბატონო ონისიმე, ოსიკო ჩემო... დარისპან!.. უკაცრავად ვარ ასე მცირედისათვის, მარა რაც გაგვეწყობოდეს!..

ონისიმე. გმადლობთ... ახლავე გიახლებით! (ისევ დარისპანს ელაპარაკებ).

მართა. შენ მაინც მობძანდი, ოსიკო ჩემო!.. იმათ ისაიდუმლონ! (შიაწყდის სტაქან ჩაის) ეს სტაქანი უსათუოდ საგულდაგულოთ შენთვის დაუსხამს ამ ქალიშვილს!.. იმ წამსვე შევატყვე, რავარც შევხედე!.. უსათუოდ გემოსაც სხვანაირს ჩაატანდა!.. აბა ნახე, თუ ასე არაა!.. (შიაწყდის).

ოსიკო (იდიშება). გმადლობთ!..

მართა. კაროენა, რავე ზიხარ მარტოთ, შენ გენაცვალე?!..

**კარაყუნა.** რა მიჭირს, ბატონო?.. (ადგება და გასდევს ნატალიას, წამოქცეული სიხარულით მიდი-მოდის. შემდეგ ჰელაგაჟის გვერდით და მუსაიფში შეუქცევს ცდილობს).

**მართა.** იმათ იმუსაიფონ იქ; ჩვენ არაფერი დაგვაკლდება— ეს ჩემი ნათლული, როგორც ეტყობა, თავს გვყვება!— არაფერი არ ეზოგება, რაც კი სახლში, მონახა, აგერ გვიწყობს წინ!.. (ნატალიამ მუხაბა დადგა) ეს მურაბა ამ ყმაწვილს? ნამეტანს უშვები, შენ გენაცვალე!.. ასე უცბად მოგაწონათ თავი ამ ბედნიერმა კაცმა?! (ნატალია გრძნობით გაშორდება) ცუდი ნათლული მყავს, ოსიკო ჩემო? ა? ხომ კობტა გოგონაა, ის შენი კაცი დედა ნუ მოგიკვდება, ა? ხომ კარგია?

**ოსიკო** (ღიმილით). კი ბატონო.

**მართა.** ჰო, მცოდნია მე ყმაწვილ კაცების გემოვნების ამბავი, მცოდნია! (იფინის) ყველგან კი ვერ შეხვდები ამისთანას!.. შენც არ მომიკვდე!..

**დარისპან.** კარაყუნა, ბოშო!.. აქ მოართვი ჩაი, ბატონ ონი-სიმეს!.. (ნატალია გადახედავს ჰელაგაჟის და ნელა იფინის კარაყუნა წამოადგება, აიღებს სტოლიდან ჩაის და მიჰქვს).

**მართა.** გაგვიდექით, გაგვიდექით განზედ, განა?!.. (კარაყუნას გაუკარდება თიხჯანი და გაუტყდება).

**დარისპან** (წამოყარდება). რა ეშმაკებმა გაგირბინეს მაგ ხელებში, შე უხეირო?! (კარაყუნა ბაჭყავს ნატალებს და ნატალიას ეხმარება).

**მართა.** არაფერია, არაფერი!.. რა ვუყოთ!..

**დარისპან.** ძალიან არ დამიშოწმა თავის სიმარჯვე!.. არა, გამოუბრუნებლად რაღა გაგლახა მგზავრობამ, შე შე-რცხვენილო!..

**მართა.** რაზედ კლავ მაბოვებს, დარისპან, ერთი ჭიქის გულისათვის!..

**დარისპან.** არა... თავისდღეში რომ არაფერი გატეხია ხელში... რაღა სახლა აქ მოუვიდა მარცხი!.. თელათ ოჯახი მაგის კისერზედაა, მაგაა ჩემი ამშენებელი... თავის დღეში ოჯახისათვის არაფერში უხარალებია!..

ონისიმე. აქ მოპდანდი, დარისპან!.. სანჯაგრებელი სხვაც ბევრი გვაქვს!.. ერთ ფინჯალს ამისთანა სუფრას რაფა გადააყოლებს ადამიანი!.. (დარისპანი შიფს სტოლთან) დაბძანდით... დაბძანდით!..

მართა. მომითმინეთ, ახლავე ყველას გაგამხიარულებენ ეს ყმაწვილები... ესენი თუ ერთი არ ვათამაშე, რაფა შემიძლია ისე!.. რას იტყვით ამაზედ, ბატონო ონისიმე?

ონისიმე (ითღის და იფუკშება). ძალიან შეეზავება ამ სუფრას, ღმერთმანი!..

მართა. შენ უნდა იცოდე, კაროენა ჩემო, ბუზიკა?

კაროენა. კი ბატონო!..

დარისპან. რაფა არ იცის!

მართა. აბა, ნატალია ჩემო, წამოდი ჩემთან!.. მომანახვინე, საცხა მაქვს შენახული!.. (გაუღენ).

დარისპანი (ზელაგიას მიუხაღოდეხა). არა, ამ ჩემმა ქალბატონმა რომ თავი გამოიჩინა, ჰმ?!. თავის დღეში არაფერი გაუტეხია ხელში... უცნაური მარჯვეა... და.

ზელაგია. რა ვუყოთ, ჩემო ბატონო!.. შეხდომია ..

დარისპან. ჰმ, რაფა რა ვუყოთ? შე დალოცვილო, ვინც ამბავი არ იცის, სხვანაირად იფიქრებს!..

ონისიმე (ოსიკოს). ერთობ მოწადინებულია ქალიშვილი მოგათხოვოს!..

ოსიკო. აქვს რამე?

ონისიმე. გვეიგებ!.. ძალიან კი იჩარჩება!

### გამოსვლა მითერთობა

იგინავე, მართა და ნატალია განმარტებით.

მართა. აბა მამრდა, დაუკარი, შენ გენაცვალე!..

ზელაგია (მართას ხმა დაბდა). მოილაპარაკეს, მართა ჩემო!..

მართა. ნატალია, აბა შენებურათ ჩამოგვიქროლოვ!.. (ნატალია იგრიხება).

**პელაგია.** არ გესმის? (კაროენა უკრავს გარმონიკას, ნატალი თამაშობს).

**მართა** (გვერდით მიადგება ასიკოს). მარგალიტია, მარგალიტი!.. შენ არ მომიკვდე, მეორე ამისთანა ძვირად სადმე შეგხვდეს!.. სული ნუ წამიწყდება, რომელ ოჯახში შეევა—სწორედ გაანათლებს იმ ოჯახს!.. სული ნუ წამიწყდება!.. (ნატალიამ გაათავა თამაში) ახლა ორივემ, ორივემ!..

**ასიკო.** არ ვიცი თამაში, ბატონო მართა.

**მართა.** კაია, დედა ნუ მოგიკვდება!.. ორივემ, ორივემ!.. ერთი შემახედვინეთ, რაეა დაშვენდებით ერთმანეთს? (იღინის).

**ასიკო.** ღმერთმანი, კაი ხანია არ მითამაშნია!

**მართა.** თავი დაუკარი, ყმაწვილო!.. არ შეიძლება, უსათუოდ უნდა ითამაშოთ ორივემ ერთათ!.. დაუკარი, შენ გენაცვალე!.. ნატალია, თხოვე, თხოვე!.. (ნატალია თავს უკრავს. თამაშობენ).

**პელაგია.** ისინი კიდევ ჩურჩულობენ, მართა ჩემო!..

**მართა.** პელაგია, მაკალე თუ გიყვარდე!.. ბრავო!.. ბრავო!.. ონისიმე ჩემო, ამათ შეხედეთ... რაეა შეენით! (ასიკო გაათაყებს, იქით წავა, იწმუნდს ოფესს)!..

**ონისიმე.** კაი მოგცეთ ღმერთმა... ორივე კარგები არიან, სწორედ!..

**ღანისხან** (მივა კაროენასთან. ონისიმე მართასკენ მიიწევა და ელახაკება). აბა ახლა ბოშო, შენ, კაროენა გამოდი!..

**პელაგია.** ჩემმა ნატალიამ რომ არ იცის ბუზიკა, ჩემო ბატონო!..

**ღანისხან.** არაფერია!.. ბოშო ქე ხომ იცი... ქვეც დაუკარი და ქვეც ითამაშე...

**მართა.** ცარიელი ენაა მაგ საწყალი!.. ტრახახობას გადაყოლილი!..

**ღანისხან.** რას უყურებ, ბოშო? ჰე? (კაროენა ააჭიჭეინებს გარმონიკას).

- მართა. ნულარ სწუხდები, შენ გენაცვალე!.. ნულარ სწუხდები!.. (ონისიმე და ოსიკო ბაღკონზედ გაუფენ).
- დარისპან. ჩამოუაროს ამანაც!.. რა უჭირს, მართა ჩემო!.. ისიამოვნონ!..
- მართა. ვილამ? ისინი, ე, ბალკონზედ გევიდნენ!.. (ჟერ ნატალია გავა, უკან კაროუნატ გაჭეკება. ჰელაგია გუფმოსული განზედ დგას).

### გამოსვლა მითორმითი

#### მართა, ჰელაგია და დარისპანა

- მართა. გადამეტებული არაფერი არ ვარგა, დარისპან!..
- დარისპან. მაკვირვებთ, მართა ჩემო!.. ჩემი სისხლ-ხორცი ხარ... უნდა მეწეოდე... შენ-კი, პირში გეტყვი, უკან მიყენებ შეილს!..
- მართა. ახირებული თუ გინდათ, ეს არის!..
- დარისპან. ბრმა კი არა ვარ, შენ გენაცვალე!.. კარგათ ვხედავ ყველაფერს!..
- მართა. გინდა მაწყენიო, სხვა არაფერი, დარისპან!..
- დარისპან. რა ვქნა!.. რალაზედ მიმალავ — ცხადია, შენს სისხლ-ხორცი ივიწყებს და სხვისთვის ფიქრობ!.. პირში გეუბნები რა..
- ჰელაგია (გაჯავრებით წინ წამოიჭრება). ძალიან უკაცრავად ბძანდებით, ჩემო ბატონო!.. ჩემს შეილს გთხოვთ თავი დაანებოთ!.. არავისაგან წარა-მარა სახსენებელი არ გახლავსთ .. არა!..
- დარისპან. არც უხსენებია ვისმეს!..
- ჰელაგია. თქვენ თუ ხედებით რასმეს, ჩვენც სულ გამოტვინებული და სმენა მოკლებული ტყვალა გგონივართ!.. თქვენ საქმეს ვერ ახერხებდეთ — ჩემი შეილი რა ხელ წამოსაკრავია... რა შუაშია?!
- მართა. კარგია, პელაგია!.. არავინ გაგიგონოსთ, ღმერთო მომკალი!.. სირცხვილია!.

**შელაგას.** არავინ ხელის შემშლელი არა გყავთ, ჩემო ბატონო!.. არავინ არ გეცილებათ მაგ ყმაწვილში...

**დარისპან.** სულაც არ ვწუხვარ მაგაზე!.. დუკი საქმე მოვინდომე, თქვენი შეცილებით, დარწმუნებული ბრძანდებოდეთ, ვერასფერს დამაკლებთ!.. თქვენ არ მომიკვდეთ, თუ კი საქმე მოვინდომე!..

**შელაგას.** მონდომებულნი ხართ და ეს არის!.. ვერ გხედავთ თუ!..

**დარისპან.** თუ გინდ ასეც იყოს—მერე რა?.. რა მერე?

**მანთა.** სირცხვილში ნუ მაგდებთ, ღმერთო მომკალი! ეს რა ამბავია?! პელაგია, გაშორდი, თუ ღმერთი გწამს!..

**შელაგას.** გაფშორდები, ბატონო, გაფშორდები!.. თავიან ფეხებიანათ მიირთვან მათგან მოწონებული ყმაწვილი... ოღონდ ჩემს შვილს თავი დაანებონ!.. ტყვილა უბრალოდ ნუ მიხსენიებენ!.. ნუ, ნუ მიხსენიებენ! (გაფა გაჯავრებული).

**დარისპან.** გასაკვირველია, ღმერთმანი, ზოგიერთის საქმე!..

**მანთა.** გასაკვირველია შენი საქციელი, დარისპან!.. ჩხუბითა და დავიდარაბით რა უნდა გეიტანო?

**დარისპან.** ბატონო, შემოგეხვეწე დახმარებას,—უარი მითხარი... მე ჩემით ვარიგებ საქმეს!.. რა იქნა ამისთანა?! შე დალოცვილო, ვცდი, ეგებ ჩემი შვილის ბედი იყვეს... რას ვშვრები ამისთანას, გზას რომ მიკრავთ ყოველ მხრიდან?!.

**მანთა.** ვინ გიკრავს გზას, ყმაწვილო?

**დარისპან.** თქვენი!.. შენ და ე შენი ნათლი დედა!..

**მანთა.** ჰმ, ახირებული თუ გინდათ ეს არის!..

**დარისპან.** შემოტანაზედ ხელი არასუერს მოაკიდებინეთ ბოვშს... თამაში არააო საქირო... იმდროს რაღაც წა მოიძახეთ, რომ ქურქელი თავზედ გადაამსხვრევინეთ იმ უცხოებისათვის!.. მეტი ხელის შემლა იქნება?! შენ გინდა მოაწონო შენი ნათლული... ბატონო,

შეხედოს ჩემს შვილსაც — რომლის ბედი გასჭრის, ის იქნება და ის... რა საწყენია ახლა ეს?

**ძანთა.** არავის არ წყენს... არავის... არა!.. ოღონდ ჩხუბს თავი დაანებე, თუ ღმერთი გწამს!..

**დარასჰან.** მართალია შენს სახლში ვარ, მარა, უფროც რომ გეწყინოსთ, უკან ვერავინ ვერ დამახვეინებს, მართა!.. შენც არ მომიკვდე!.. უფრო მეტნიც რომ დამესიოთ... გზა შემიკრათ... — ჩემი უნდა ვქნა! მე შენ გეტყვი, ყოველ ნაბიჯზედ გხვდებოდეს ყმაწვილი, ცოლის თხოვნას რომ ეპირებოდეს!..

**ძანთა.** ბატონო, რაც გინდა, ის ქენი, ოღონდ ჩხუბსა და დავიდარაბას ამაშორე.

**დარასჰან.** ჰმ! იმ გამქენარ ნათლიდედას თუ აგრე სული უწუხს სამი ქალიშვილის სახლში ჯდომით... მე, შე დალოცვილო, ოთხი მყავს... ოთხი მყავს!.. ყოფილიყავი ჩემს ადგილას — გნახავდი რაც ამბავში იქნებოდი! კი!.. (გადას ბაჯგონზგდ გაჯაფრებულად).

**ძანთა.** ჰმ!.. წინდაწინ ვიცოდი ამისთანა ამბავს დამაწევდა მაგ შეჩვენებული!.. ტყუილა კი არ დამეცეცხლა ეზოში რომ ფეხი შემოდგა?.. შენმა სიცოცხლემ, შენ მე გზა გადამიარო! (მიდის ბაჯგონას კარებთან) ოსიკო ჩემო, არ დაგგრილოს, შენ გენაცვალე, ნათამაშები ხარ!.. გაოფლიანებული ხარ!.. აქ შემობძანდი, შენი ქირიმე!.. არ გაცივდე!..

**ოსიკო.** არა ბატონო (შეშფავს).

### გამოსვლა მმცამეტე

ძანთა და ოსიკო.

**ძანთა.** აგერ დაბძანდი, შენ გენაცვალე!.. (ღიმილით და ეშმაკურათ) შენთან ერთი სიღუმლო მაქვს!.. კი ნუ იუცხოვებ ჩემს სიტყვას... დედაშვილობამ, ჩემი ივ-

ლიტეს სიყვარულობა მოლაპარაკებას -- თავად ის მოგიყვება, თუ რა სიყვარულობა გექონებია ერთმანეთში!.. მწარე გულით მონდომებული ვარ, მისი ქირი შემეყაროს, რომელიმე უხეირომ მის კაი ოჯახში ფეხი არ შესდგას—ახლა ყველა აჩრის ყმაწვილებს ქალს—ადვილათაც შეაცდენენ კიდევ გამოუცდელ ყმაწვილს—ძვირფასი მისი სიცოცხლე და მისი კეთილი და საყვარელი გული არ დამეჩაგროს!.. დროა აწი შენთვისაც, დედა-შვილობამ ოჯახს მოეკიდო, ის შენი კაი დედის გულიც გაახარო შენი ბედის დანახვით!.. თქვენი ოჯახის სიკეთე რომ მსურს სულითა და გულით, იმიტომ გეთამამები და ასე პირდაპირ გეუბნები, თვარა სხვისთვის ენასაც არ გავანძრევ!.. არ მომიკვდეს შენი თავი!.. ე ჩემ ნათლულს რომ უყურებ, შეხედულობით ხომ არი და არი—უკეთესობა რაღა მოეთხოვება ქალიშვილ ქალს... თავათ ხედავ, შენ გენაცვალე, ამასთან რა ძვირფას ხასიათი, საოჯახო საქმის მცოდნე, მოხერხებული სიტყვა-პასუხი... გამოგაჩენს კაცთან!.. ოჯახს გაანათლებს, დედაშვილობამ, ოჯახს გაანათლებს!.. გარდამეტებული ერთგული ოჯახისა და ქმრისა—მეორე ძნელად თუ გამოვიდეს მაგისტანა!.. მზითევზედ თუ იტყვის კაცი ~ შენისთანა ყმაწვილი არც კი უნდა გამოეკიდოს მზითევს!.. დედაშვილობამ, ძვირფასი ცოლი გეყოლება ყოველნაირათ!.. ნუ დაჰკარგავ ამისთანა ძვირფასს ქალს!.. ენდევ ჩემს სინილისს, სასარგებლო და საბედნიერო საქმეს გირჩევდე!..

**ახსიკო.** მადლობას მოგახსენებთ... მარა...

**მართა.** რა მარა, შე კაცო!.. მერწმუნე შესადარს ვერსად ნახავ...

**ახსიკო.** დანიშნული მყავს, თვარა თქვენს რჩევას...



- მართა.** დანიშნული გყავს?! მომკალი და აქამდისინ არ გამახარე?!. გაგაბედნიეროს, შვილო, ისე რავარც შენ გუნებას ენატრებოდეს!.. ერთობ გამხარებია, შენ ნუ მომიკვდები!.. ერთობ გამხარებია!.. რატომ მიმალავდი მერე, შე კაი კაცო?..
- ოსიკო.** არა ბატონო!.. შემთხვევა არ მომეცა მეთქვა!

### ბამოსვლა მითოთხმეტე

#### ივანივე, ონისამე და დარისზანი.

- ონისამე.** ბიძიკო, აღარ წვევიდეთ აწი? გაგიტკბა, მგონი, აქ ყოფნა!..
- მართა.** თქვენ მაინც რატომ არ გამაგებინეთ, ბატონო ონისიმე, რომ ჩემს ოსიკოს დანიშნული ყოლია, ა?
- დარისზან** (გაფცებით). დანიშნული ყოლია?!.
- ონისამე.** მეც ახლა გავიგე, თქვენ ნუ მომიკვდებით,—აგერ ამ თქვენს ბალკონზედ, რჩევას ვაძლევდი ერთ-ერთი ამ ჩვენს ქალიშვილებში ამოერჩია... უკვეთეს სადღა ნახავს,—საქმე გეეთავებინა და მაშინ გამომიცხადა თავისი ამბავი და, მართალი უნდა მოგახსენოთ, კილოზედ შევატყე, რომ შენანებულია, ამ ქალიშვილების დანახვის შემდეგ, რომ ცოტა აჩქარებულა მაგ ჩემი ნათესავი კაცი და საქმე სხვაგან გაუთავებია!..
- მართა.** სანანებლად ღმერთმა ნუ გაუხადოს!.. თვარა დროით სჯობია შეცდომის გასწორება!.. სანამ კიდევ მოეხერხება!..
- დარისზან.** რასაკვირველია, რასაკვირველია!...
- ოსიკო.** მშვიდობით ბძანდებოდეთ!..
- მართა.** დიდათ მესიამოვნებოდა, რომ არ აჩქარებულიყავით!..
- ოსიკო.** გმადლობთ!.. ხვალ ადრე უნდა გიახლოოთ...
- ონისამე.** დილით აპირობს გაბრუნებას, სწორედ!.. მშვიდობით ბძანდებოდეთ. (ჰელაგია, ნატალია და კარაქნა ამას წინაღ შემოვიდნენ; გამოეთხოვებიან, გაეკება მართა).

დარისპან. წამო, ბოშო, შენ აქ!.. (კარფუნა მიჭეუება იმ ოთახში, სადაც დარისპანს ეძიხა).

### გამოსვლა მითხუთმეტე

პელაგია. დანიშნული ყოლია მაგ ოხერს!..

ნატალია. რა იყო ახლა... რას გამოორჩით, რომ მაიმუნეით მაჩანჩალეთ ვილაც ოხრის წინ? რას გამოორჩით?

პელაგია. დეიწყე .. დეიწყე შენებურათ!.. მოგეცა მიზეზი!..

ნატალია. სიკვდილი სჯობია თქვენს ხელში ყოფნას, სიკვდილი!.. არც კი გესმით რას ჩადინართ!.. დეინახავთ ვილაც ოხერს თუ არა და...

პელაგია. აჰა რა ვქნა, შე დაწყევლილო, რა ვქნა, რა?— მასწავლე ერთი!.. ღმერთმანი, აღარ ვიცი, რა შეგ წყალში გადავარდე!.. შე უკუღმართო, თუ კაცს შენი თავი არ დაანახვე, შენი ღირსება არ აჩვენე — ისე რომელი სულელი მოგკიდებს ხელს? რომელი გადარეული გეცემა—ცოლათ წამომყვეო?!

ნატალია. გადარეულებიც და სულელებიც თქვენვე ხართ...

პელაგია. გაგიხმა მაგ მწარე ენა, შეილო!.. მაგ მწარე ენა გაგიხმათ!.. რატომ გაუჩნდით თქვენ თქვენს დედას საწვალეებლად, რატომ, რატომ?

ნატალია. არავინ არ გაწვალეობთ... თქვენ იწვალეობთ თავს... თქვენვე!.. თავი დაგვანებე, ათასჯერ მითქვამს...

პელაგია. ათასნაირად ვეწვალეები, თავს ვაკლავ—კაცმა ხელი არ მოგკიდათ... თავი რომ გაგანებოთ, ვილა შემოგხედავთ, თქვე შედღეზე გაჩენილებს, ვილა—?!.— უნდა ჩაბერდეთ თქვენს ნაცარში, თქვე უბედურებო?!.

ნატალია. ჩაბერდებით—ჩაბერდებით!.. რა ვქნათ ახლა?

პელაგია. უმადურებო, უმადორებო!.. ჩემი შრომის მაგიერია!.. ვაი დედი თქვენის ბრალი... ვაი დედი თქვე-

ნის ბრალი თქვენს ხელში!.. (გულდაწვევტილი გადის, ნატკლავი უკან გაჭევება, შემოსულ დარისპანს რომ დაინახავს).

### გამოსვლა მითმჯსმით

დარისპან და კარაყჩა.

დარისპან. ხომ არაფერი დაგვიწყებია, ბოშო

კარაყჩა. ყაბალახი რა უყავი?

დარისპან. (დეიხედავს) ჰმ! დაძებნე იქ ეგდება სადმე!.. ყაბალახი კი არა, რატომ ჩემი თავი არ მავიწყდება, რაც შენი გულისათვის მე უსიამოვნობა მხვდება!.. რა ექნა, რა გაჭირდა ერთი ქალიშვილის გათხოვება? აბა დანარჩენები ჩამრჩენია ხელში და ეს არის!..

კარაყჩა. (ყაბალახს გამოიტანს და ბეჭებსედ მოახვევს). მიაგდებ ყოველთვის სადმე!..

დარისპან. შენ მიგაგდებდე სადმე, შვილო, რამე რიგათ და ამისთანა ყაბალახს თუ გინდა ათასს ჭირი მოუჭამია!

### გამოსვლა მჩვიდმით

მჩინავე და მართა.

მართა. მივმგზავრები, დარისპან?

დარისპან. გოვუდგები გზას, შენი ჭირიმე!.. რაღას შეეაჩერდე აწი!.. ნეტავი აღრეც გამედგა ფეხი!.. ერთი წამით შემოვიარე და უსიამოვნობის მეტი რა მოგაყენე?!. ჭურჭელი დაგიმტვრიე, კილამ ჩხუბი აგატეხე!..

მართა. კაი, თუ გიყვარდე!.. რა იყო ამ გლახაკმა, წასვლისას რომ დაგვახალა დანიშნული მყავსო!.. დიდი ამბავი არ გამოგვიცხადა?! ჰმ!.. ორ სიტყვას ძლივს უყრის თავს და რაღა მოაქვს თავი!.. დავასხი ლა!

ფი!.. დედამისის პატივისცემით, თვარა სულაც სახლში შემოსაშვები არ იყო!.. დედა მისივით იპრანჭება და იგრიხება! მაგისტანა ყმაწვილისათვის რაფა ავწ-რიალდები!.. აჩქარებული კაცი ხარ, დარისპანი ნუ მომიკვდება!..

**დარისპან.** ჰმ!.. ნუ აჩქარდები, შენ გენაცვალე!.. ამას გარდა სახლში სამი ამხელა მიზის კიდევ!.. სამი ეგერ შენს ნათლი-დედას ყავს... სამი იმ დიდ ბატონ ონისი-მეს... რომელ ოჯახს ნახავ, ასე არ იყოს!.. ნუ აჩქარდები, როცა ამდენ ქალიშვილებზედ ძლივს ერთ ორ ცოლის მთხოველ ყმაწვილს ხვდები მხოლოდ!.. ნუ აჩქარდები—ყველა ჩაგაბერდება ხელში!.. მოგკვდი, მართა ჩემო, მოგკვდი, ისეთი ცეცხლი მადგა ამათაგან!.. ნამეტანი გავწვალდი!.. აღარა ვარ კაცი!.. თუ ხვალაც ვერაფერი გავარიგე იმ ჩემი ცოლის ნათესავისას—უნდა გავანებო თავი ყოველივე მაცადინობას. აღარ შემიძლია მეტი. გაგიძღვეს, შეილო, აწი დედაშენი... იარეთ ხან ფეხით, ხან ურმით, თუ კიდევ ვინმემ გათხოვათ—ცხენითაც... ეძიეთ აწი თქვენ სასიძო კაცი!.. მე აღარ შემიძლია მეტი... აწი დედაშენმაც გამოსცადოს, რაც მე ამ შენს პოწილში გამოვცადე!..

**კარაყნა.** ჩემი რა ბრალია, ბატონო.. ყოველთვის რომ ასე მომსდგები?

**ძანთა.** სუთ, შენ გენაცვალე! შენი რა ბრალია შეილო!..

**დარისპან.** აბა ვისი გულისთვის ვეწვალები ასე, ბოშო?

**კარაყნა.** მე არა გათხოვთ გათხოვებას... ვიქნები ჩემთვის!..

**დარისპან.** იქნება მისთვის!.. ჰმ!.. შენახვა არ გინდა, ქალბატონო? ვერ შეგინახეთ ყველა, ბოშო, ვერა!.. მინდა პატრონს ჩაგაბარო... რომ ვერსად შევხვდი იმ სულწაწყმენდილს!.. მარა ვაი თუ ღმერთს არც კი გეეჩინოს თქვენი ბედი და ილბალი!.. ვაი თუ კენ-

- ტებათ ყავხართ გაჩენილები?!. შეიღობით, შეიღობით, შენი ქირიმე!.. გამოეთხოვე, ბოშო.
- მართა (ჭკოცნის კაროყნას). შეიღობით მამიდა!.. ნუ გეშინია: კი ეყოლება ღმერთს შენთვის შენი ბედი... კი ეყოლება!..
- დარისპან. ღმერთმა იმედი ნუ მოგიშალოს... ჰმ!.. ბატონ პელაგიას გამოუშვიდობებლათ მივდივარ!..
- მართა (უძახის კარებში). პელაგია!. დარისპანს გამოგემშვიდობოს უნდა!..

### გამოსვლა მითვრამბტე

ივინაგე, ჰელაგია და ნატალია.

- დარისპან. ბატონო პელაგია, რაღაც გეწყინათ ჩემგან!.. გეფიცებით არავითარი დანაშაულობა არ მიმიძღვის თქვენს წინაშე... ტყუილა იფიქრეთ, ვითომ იმ მუნჯ ბიჭზედ რამე განძახვა მქონებიყოს!.. იმედია, ეხლა აღარ მიწყრებით!..
- ჰელაგია. არა ბატონო... რატომ ნებულობთ!..
- მართა. საწყენი რა შეხვდომიან? ერთმანეთის ვერ გეიგეთ, სხვა არაფერი!..
- დარისპან. რასაკვირველია!... იმისთანა ბიჭის გულისთვის რავა წვევიკიდებით ჩვენისთანა ქალიშვილების პატრონები!.. იმისთანების რა გვცოდნია, ა, არა, ბატონო პელაგია?!.
- მართა. რასაკვირველია!.. დავასხი იმას თავსლაფი!..
- დარისპან. ასე, ბატონო პელაგია, — იმედია, დეივიწყებთ ყოველივე უსიამოვნებას და როცა ჩემი მართა აგერ ამ მოკლე ხანში ჩემი ქალიშვილის ქორწილში მესტუმრება — თქვენც მცემთ პატივს და ოჯახს გამინათლებთ თქვენის წვევით!.. პატივისცემა ჩემს კისერზედ იყვეს,

ჩვენც მოვილხინოთ ერთი!.. ოღონდ ბედი გამოჩნ-  
დეს ამ ქალბატონის!..

მარტა. გამოჩნდება... გამოჩნდება, დარისპან!..

დაწისპან. თუ მაგის იმედიც მოგვესპო, დავიღუპებით და ის  
იქნება, შენ გენაცვალე... წმინდად დავიღუპებით!..  
უკაცრავად, უკაცრავად!.. შეგაწუხეთ მეტის ლა-  
პარაკით!.. შვიდობით ბძანდებოდეთ — შვიდობით  
ბძანდებოდეთ!.. (კრებთან) ღმერთო კეთილად დაა-  
ბოლოვე ჩვენი მგზავრობა.

(ფარდა)

დ. გ. კლდიაშვილი.

# უსინათლო მემუსიკე

გლჰდ. კაროლენკოსი

(ეტოჟლი)

თაში მმო.რე \*)

I

ბნელით მოცული თავი უსინათლოსი ახალ-ახალის წარმოდგენებით თან-და-თან მდიდრდებოდა. გავარჯიშებულის სმენით თავისს გარშემო ბუნებას თან-და-თან უფრო ღრმად და უკეთ იცნობდა. მისს გარშემო წინანდებურად ისევ გაუმსჭვალელი ღრმა წყვილი იყო; მიძიმედ დასწოლოდა სქელი ღრუბელივით ეს წყვილი ბავშვის ტვინსა, მაგრამ, მიუხედავად იმისა, რომ დაბადებიდგანვე დაყოლილს სიბნელესა და უბედურებას თითქოს უნდა შესჩვეოდა, ბავშვის ბუნება რაღაცა აღლოს ძალით ერთ-თავად მაინც იმასა სცდილობდა, რომ ეს ბნელეთის ფარდა როგორმე აეხადა, განთავისუფლებულიყო. ამ რიგად მუდმივი, გაუგებარი მისწრაფება უცნობ სინათლისადმი არც ერთს წამს ბავშვს მოსვენებას არ აძლევდა და მისს სახეს თან-და-თან ღრმად და ღრმად ასომდა ბეჭედს ბუნდოვან ტანჯვისა და სურვილისას, რომ ყოველივე ეცნო და დაეძლია.

მაინც განიცდიდა ხოლმე ნამდვილს კმაყოფილებასა და ბავშვურს აღტაცებას, როცა - კი ნაცნობი შთაბეჭდილებანი ახალს რამ ძლიერს შეგრძნებას აგრძნობინებდნენ და მისთვის

\*) იხ. „მთაბზე“ № I 1904 წ.

უხილავ ქვეყნიერების ახალს მოვლენას აცნობდნენ. დიდებულები და მძლავრი ბუნება მთლად როდი იყო უსინათლოსათვის კარ-დახშული, გაუგებარი. ერთხელ, მაგალითად, მდინარის ფრიალო ნაპირზედ რომ მიიყვანეს, განსაკუთრებულის გატაცებით დაუწყო ყურის გდება, ძირს წყალი როგორ მიშხუოდა და გულის ფანქვალით ეჭიდებოდა დედის კაბასა, ფეხთ ქვეშ რომ ქვეები ეცლებოდა და ძირს მდინარეში გაჰქონდათ ტყაპანი. ამის შემდგომ სიღრმე მუდამ წყლის ჩუმ ბურტყუნათა ჰქონდა წარმოდგენილი, იქ, მდინარის ფრიალო ნაპირიდან რომ მოესმა, — ან კიდევ კენჭების შეშინებით ძირს ჩაცვივნადა.

შორის მანძილი მისს ყურს მიმწყდარ, ბუნდად მონადენ სიმღერადა ჰქონდა წარმოდგენილი; ხოლო როდესაც გაზაფხულზე ქუხილი ასტყდებოდა და მრისხანედ იწყებდა გრგვინვასა, ცის სივრცეში გაიბნეოდა, უსინათლო რაღაც კრძალულის შიშით დაუწყებდა ხოლმე ყურის გდებასა, გული გაუგანიერდებოდა და წარმოიდგენდა ხოლმე, რაოდენად დიადი და ფართე უნდა ყოფილიყო ცის ქვეშეთი.

ხმებითა სცნობდა ამ რიგად უმთავრესად, თუ მისს გარშემო ქვეყნიერება რას წარმოადგენდა. დანარჩენი შთაბეჭდილებანი მხოლოდ ავსებდნენ და ჰშველოდნენ სმენასა, ყველა მისნი წარმოდგენანი სმენისათვის გარკვეულის ფორმით იხატებოდნენ.

ხან-და-ხან, შუადღის გულზე, სიცხეში რომ ირგვლივ ყველა გაჩუმდებოდა, ხალხის ხმა და მოძრაობა მისწყდებოდა და ჰაერში ის საგანგებო ღუმილი ჩამოვარდებოდა, რომელიც ადამიანს განუწყვეტელსა და ჩუმს, სიცოცხლის ძალის ნელს მოძრაობას აგრძნობინებს ხოლმე მხოლოდ, მაშინ უსინათლოს სახესაც საგანგებო გამომეტყველება აღებეჭდებოდა ხოლმე. გეგონებოდათ მაშინ, ამ ღუმილის გავლენის ქვეშ სულის სიღრმიდგან რაღაცა მხოლოდ მისთვის გასაგონი ხმები მოესმის და ამ ხმებს დიდს ყურადღებით თვითონვე უგდებს ყურსაო. გეგონებოდათ, ეს არის გაურკვეველი რამ აზრი ჩაესახა და ეს აზრი ბუნდოვან მელოდიასავით გაისმა მისს გულშიო.



II

უკვე მეხუთე წელში გადადგა. ტანათ სუსტი და გამხდარი იყო, მაგრამ კარგად დადიოდა და მთელს სახლში თავისუფლად დარბოდა. უცნობს რომ ვისმე ენახა, როგორ გულდაჯერებული გამოვიდოდა ხოლმე ოთახებში და მიუხე-მოუხვევდა, სადაც-კი ეს საჭირო იყო, ან როგორ ადვილად პოულობდა საგნებსა, იფიქრებდა უთუოდ, რომ მის წინ უსინათლო-კი არა, მხოლოდ უცნაურად ჩაფიქრებული, გაურკვეველად თვალე-გაშტერებული ბავშვი იდგა. მაგრამ ეზოში-კი ძალიან უჭირდებოდა ხოლმე სიარული და მუდამ ჯოხს იშველიებდა. თუ შემთხვევით ჯოხი არ ექმნებოდა ხელში, მაშინ-კი ხოხვასა რჩებოდა და თან ყველა საგნებს სწრაფად იკვლევდა ხოლმე ხელითა.

III

ზაფხულის წყნარი საღამო იყო. ბიძია მაქსიმი ბაღში იჯდა. მამა, ჩვეულებისამებრ, საღლაც შორს მინდვრად დაგვიანებულიყო. ეზოში და ირგვლივ სიჩუმე იყო. სოფელი სთვლემდა; მოსამსახურეებისა და მუშების ხმაც მისწყდა. ნახევარ საათი იყო უკვე, რაც ბავშვი დაეწვინათ.

ბავშვი უკვე სთვლემავდა, მაგრამ ბოლოს დროს რაღაცა უცნაური მოგონება დასჩემდა ამ დუმილის დროსა. რასაკვირველია, ვერა ჰხედავდა ხოლმე უსინათლო, ლაჟვარდს ცას ბინდი როგორ გადაეკვროდა, ხის წვეროები როგორ ირხეოდნენ და ვარსკვლავებით მოქედნილ ცაზედ როგორა კრთოდნენ, ან ირგვლივ შენობები როგორ მოიღუშებოდნენ და ლურჯი ნისლი მთვარისა და ვარსკვლავების შუქისა როგორ მოეფინებოდა ხოლმე დედამიწასა. მაგრამ მაინც, ეს რამდენიმე დღე იყო, რაღაცა განსაკუთრებულის მომხიბლველ შთაბეჭდილების გავლენის ქვეშ იძინებდა, რის ანგარიშსაც თავის თავს სრულიად ვეღარ აძლევდა ხოლმე მეორე დღესა.

როგორც-კი ღრმა ბურანში შევიდოდა და წითლების ფოთლის შრიალიც თითქოს მთლად მისწყდებოდა და ველარ არჩევდა ველარც სოფლის ძაღლების შორეულს ყეფას, ველარც ბუღბუღის სტვენას წყალ გაღმა და ბალახზე დაბმული კვიციის ჟღარუნების მელანხოლიურს ჟღრიალს, როგორც-კი ცალკე ხმები მთლად მიილეოდნენ და გაჰქრებოდნენ, წარმოიდგენდა ხოლმე მაშინ უსინათლო, რომ ყველა ისინი, ერთ, მწყობრ და ჰარმონიულ ხმათ შეერთებულნი, ფანჯრიდგან შეეპარებოდნენ და თავს დასტრიალებდნენ; რაღაცა გაურკვეველს, მაგრამ სასიამოვნო, ტკბილს ოცნებებს ჩასჩურჩულებდნენ. დილით მერე მთლად მოთენთილ-მინაზებული იღვიძებდა ხოლმე და დაუწყებდა დედას კითხვასა:

— რა იყო ის გუშინ... საღამოზედა?... რა იყო?..

ვერას გაუგებდა ხოლმე დედა და ფიქრობდა, უთუოდ ბავშვს სიზმრები აღელვებენო. თვითონვე ჩააწვენიდა ხოლმე ლოგინში, გადასწერდა პირჯვარსა და გაჰშორდებოდა იმ დროს, როცა უკვე თვლივას იწყებდა; მაშასადამე, საგანგებოს ვერასფერს ჰნიშნავდა. მაგრამ ბავშვი მაინც ეკითხებოდა ხოლმე მეორე დღეს, ის რა იყო, რომ ისე სასიამოვნოდ მილიტინებდა საღამოთიო.

— ისეთი კარგი იყო, დედი, ისეთი, რომ! რა იყო, ჰა? ერთს საღამოს დიდ-ხანს აღარ მოსცილებია დედა შვილის ლოგინსა, რომ ეს უცნაური გამოცანა გამოეკვლია როგორმე. იჯდა შვილის გვერდით სკამზე და ჰქსოვდა; თან თავის პეტრუსის თანაბარს სუნთქვას უგდებდა ყურსა. ეგონა დედას, ეგ არის მთლად ჩაეძინაო, რომ უცბად ბნელაში შვილის ხმა შემოესმა:

— დედი, აქა ხარ?

— ჰო, შვილო, აქა ვარ...

— წადი, დედა, გეთაყვა; შენი ეშინიან უთუოდ, რომ აქამდის არსად არის. აგერა, თითქმის ჩამეძინდა კიდეცა, მაგრამ ის-კი არსადა სჩანს...

განცვიფრებული დედა რაღაცა უცნაურის გრძნობით უგდებდა ყურს ნამძინარევი შვილის ჩურჩულით ჩივილსა... ისეთის რწმენითა ლაპარაკობდა ბავშვი სიზმარში ნაოცნებარზე, გეგონებოდათ ნამდვილად ნანახს გიამბობთო. მაინც წამოდგა დედა, დაჰკოცნა შვილი და ჩუმად გამოვიდა, რომ ბალის მხრივ ღია ფანჯარასთან შეუმჩნეველად მისულიყო და თვალი ედევნებინა.

შემოვლა ვერ მოასწრო დედამ, რომ გამოცანა თავისს თავად გამოირკვა. უცბად საჯინბოდამ ოდნავი სალამურის ხმა მოესმა, რომელიც სამხრეთ სალამოს მომხიბლველს შრიალს უერთდებოდა. მიჰხვდა მაშინათვე დედა, რომ ბავშვის საამური მოგონებათა მიზეზი უთუოდ ეს სალამურის ხმა უნდა ყოფილიყო, რომელიც თვლემის ფანტასტიურს ჟამს ასე უახლოვდებოდა, ენათესავებოდა.

შედგა თვითონ დედაცა, მალოროსიულს, გულის სიღრმედგან გრძნობით ამოთქმულს სიმღერას ერთს წამას ყური მიუგდო და სრულიად დამშვიდებულმა ბალის ბნელ ხეივანით ბიძია მაქსიმისაკენ გასწია.

„კარგათ უკრამს იოხიმე,—გაიფიქრა დედამა. საკვირველია სწორედ, ამ გარეგნობით მოუხეშავსა და ბრიყვს „ხალოპს“ (გლეხი, შინა-ყმა) ამოდენი ფაქიზი გრძნობა საიდგანა აქვს.

#### 17

მართლაც-და კარგად უკრავდა იოხიმე. ეშმაკურს სკრიპკასაც-კი არ შეუშინდებოდა ხოლმე და კვირაობით, როცა-კი დრო ჰქონდა, იმაზე კარგად დუქანში „კახაჩკასა“ და მხიარულს პოლონურს „კრაკოვიას“ ვერავინ უკრავდა ხოლმე. როგორც-კი ტახტის კუთხეში მიჯდებოდა, მიიკრავდა მაგრად სკრიპკის ბოლოს გაპარსულს ნიკაპზე, ბატკნის ფოფოხსაც კისერზე მოიგდებდა კოხტათა და დაჰკრავდა ქამანჩას რბილს სიმებზე, დუქანში ყველა იმავ წამს ცეკვას დაუვლიდა ხოლმე.

ცალ-თვალა ბებერი ებრაელიც-კი, იოხიმეს რომ კონტრაბასზე ბანს ეუბნებოდა, ისაც-კი უზომოდ გახურდებოდა და გამოცოცხლდებოდა ხოლმე. მისი მოუხეშავი „საკრავიც“ გახურებული სცდილობდა ხოლმე იოხიმეს სკრიპკის სუბუქსა და საამურს ხმებს არ ჩამოჰრჩენოდა; თვითონ ბებერი იანკელა-კი, მხრების მაღლა-მაღლა თამაშით აქნევდა ხოლმე მოტიტველებულს არახ-ჩინიანს თავსა და ისევე ცმუკავდა და ხტოდა, როგორც იოხიმეს ცელქი და სიცოცხლით სავსე მელოდია. რაც შეეხება მირონ-ცხებულს ხალხს, რომელსაც ძველთაგანვე ფეხები ისე აქვს მოწყობილი, რომ მხიარულ სიმღერის გაგონებაზე თვითონვე იწყებენ ბუქვენასა, ესენი ხომ, რა თქმა უნდა, არ ჩამორჩებოდნენ ხოლმე სხვებსა.

მაგრამ მას შემდეგ, რაც იოხიმემ მეზობელ ბატონის მოსამსახურე მარია გოგო შეიყვარა, მხიარული სკრიპკა სულ მთლად როგორღაც მოიძულა. ვერ შესძლო მართლაც მალხაზი გოგოს გულის მოხიბლვა სკრიპკამა და მარიამ მემუსიკე-ხახოლის უღვაშებიანს „დინგს“ პირტიტველა ნემეცი კამერდინერი ამჯობინა. მას შემდეგ დუქანში და სალამოებზე იოხიმეს სკრიპკის ხმა აღარავის გაუგონია. ჩამოჰკიდა საჯინობოში პალოზე სკრიპკა და აღარავითარს ყურადღებას არ აქცევდა, თუ სინესტისა და დაუდევრობისაგან მისს ძველად საყვარელს საკრავს ერთი მეორეზე სიმები აწყდებოდა. ისე მჭახედ და ჩივილით-კი აწყდებოდა სიმები, რომ ცხენებიც-კი თანაგრძნობითა და გაკვირვებით გადაჰხედავდნენ ხოლმე გამძვინვარებულს პატრონსა.

სკრიპკის მაგივრად იოხიმემ ერთის გზად გამვლელ კარპატელ მთიულისაგან ხის სალამური იყიდა. იოხიმეს აზრით, მისს მწარე ბედსა და უარყოფილი გულის ბოღმას სალამურის წყნარი და ტკბილი, გულის სიღრმიდგან ამოთქმული ხმები უფრო შეჰფეროდა, ვიდრე სკრიპკა. მაგრამ მოატყუა მთიულის სალამურმა. ერთი ათჯერ მაინცა სცადა სხვა-და-სხვა რიგად თვლების აყოლება; ხან მოსკრა და წყალში დაასველა, მერე მზეზე გააშრო, ხან ბაწრით ჩარდახში ჩამოჰკიდა, რომ ქარს თავისუფლად ექროლა, მაგრამ არ იქნა, არა ეშველა-რა:

მთიულის სალამური ხახოლის გულს არ უგონებდა. უსტვენ-  
და იქ, სადაც მღერა უნდოდა და ეღრიალებდა იქ, სადაც ნე-  
ლი თრთოლა, კანკალი უნდოდა; ერთი სიტყვით, დამკვრელის  
გულის თქმას არ ემორჩილებოდა. გაწყა ბოლოს იოხიმე  
მაწანწალა მთიულებზედ, რომ არც ერთმა მათგანმა კაი სალა-  
მურის გამოჭრა არ იცოდა და გარდასწყვიტა თვითონ გაეკე-  
თებინა ახალი. მთელი რამდენიმე დღე დაღვრემილი დადიოდა  
მინდვრად და ქაობებში, ჰსინჯავდა ყველა ტირიფსა და სათი-  
თაოდ უთვლიერებდა ტოტებსა; ზოგიერთს კიდევცა სჭრიდა,  
მაგრამ სულ არ მოსწონდა; რაც უნდოდა, ვერ პოულობდა.  
წარბებ-მოღუშული და გაცხარებული ეძებდა. ბოლოს, რო-  
გორც იყო, ერთს ადგილს ზარმაცად მზლოზნავ მდინარის  
ნაპირს მიადგა. დუმფარების თეთრს თავ-თავს წყალი ოდნავად  
არხევდა; სქლად დაბურულ ტირიფებს ქარი სულ მთლად არა  
ჰხედებოდა და ჩაფიქრებულნი ჩუმად დაჰყურებდნენ წყლის  
ბნელსა და მდორე სიღრმესა. გადასწია იოხიმემ ბუჩქებსა, გა-  
დავიდა წყლის პირად, ერთს წამს გაჩუმებული იდგა და უც-  
ბად დარწმუნდა, რომ, რასაც ეძებდა უთუოდ აქ უნდა ენახა.  
ღრმად შეკრული ნაოქები შუბლიდან უცბად გაუქრა. ამოი-  
ლო საცვეთ ქვეშიდან თასმაზე დაბმული დასაკეცი დანა, ტი-  
რიფის საიდუმლო მოჩურჩულე ბუჩქებს ყურადღებით თვალი  
მიმოავლო და ჩამოკმულ ფლატეს პირად მდგომს ერთს წვრილს,  
პირდაპირს ღეროს გაბედვით მიუახლოვდა. ვგონებ, საცდენ-  
ლად, თითი შემოჰკრა, სიამოვნებით გადაჰხედა, რო ჰაერში  
სუბუქად შეირხა, მისს ფოთლების შრიალს ყური მიუგდო და  
თავი დაიქნია.

— *Ото-жъ воно самесенькее*, — წაიბურტყუნა იოხიმემ  
კმაყოფილადა და წინანდელი მოჭრილი წკებლები ყველა წყალ-  
ში გადაყარა.

სანაქებო სალამური გამოუვიდა. გამოაშრო ტირიფი, გა-  
ხურებულის მავთულით გული გამოსწვა, ამოსწვა ექვსი რგვა-  
ლი თვალი, მეშვიდე სიგანეზე ამოუქრა და ერთი მხარე ხს  
რიკით დაუტო, რომელსაც მხოლოდ პაწია ნაჩვრეტი დაუტო-

ვა. მთელი კვირა მერე წვრილ ბაწარზე ეკიდა და მზეზე ხმებოდა, ქარი შეჰზუზუნებდა. მერე გულდადებით, ლამაზად გაფხიკა დანითა და შუშითა და ხამი მაუდის ნაჭრით მაგრა გაწმინდა. ზედაპირი რგვალი ჰქონდა, შუადამ მოკიდებული სწორედ და თანაბრად გამოკვერცხილი კუთხეები, რომელზედაც მოკაკულის გახურებულის რკინით სხვა-და-სხვა ეშმაკური სახეები ამოსწვა. რამდენჯერმე სწრაფად აათამაშა თვლები, აღელვებულმა თავი კმაყოფილებით გაიქნია, შეჰყვირა და ფრთხილად შეინახა ლოგინ გვერდით. არ უნდოდა პირველად დღისით, არეულობაში, ეცადა თავისი საკრავი, სამაგიეროდ, დადამდა თუ არა, საჯინიბოდან ნაზი, ღრმად ჩამაფიქრებელი, ქრელი და მთრთოლვარე სალამურის ხმა მოისმა. თავისის სალამურით იოხიმე მთლად კმაყოფილი იყო. გეგონებოდათ, თვითონ მისის არსების ნაწილს შეადგენსო; მისი ხმა თვითონ იოხიმეს მხურვალედ აღგზნებულ გულიდან ამონახეთქს ნაზს ხმას წააგავდა; მისის გრძნობისა და მწუხარების ნამდვილი გამომხატველი იყო და გარინდებით ყურ-მიგდებულ სალამოს ჰაერში საამოდ ისმოდა.



იოხიმეს ეხლა მხოლოდ თავისი სალამური უყვარდა გატაცებითა და თავის პირველს თვეს მასთანა დღესასწაულობდა. დღისით თავისს მოვალეობას პირნათლად ასრულებდა: ცხენებს წყალს ასმევდა, აბამდა და თავისი ქალბატონი ან მაქსიმი მიჰყავდა სადმე; ხან - და - ხან - კი რომ მეზობელ სოფლისაკენ გაუხვევდა, სადაც სასტიკი მარია სცხოვრობდა, გულს ნაღველი დაუწყებდა ხოლმე ღრუნასა. მაგრამ შემოღამდებოდა თუ არა, მაშინვე მთელს ქვეყანას ივიწყებდა და შავ თვალ-წარბა გოგოს სახესაც-კი რაღაც ბურუსი გადაეკვროდა ხოლმე. მისი სახე მაშინ თავისს მწველს გარკვეულობასა ჰკარგავდა და მხოლოდ-ღა მკრთალად, ბუნდად წარმოუდგებოდა ხოლმე თვალწინ იმდენად, რომ საუცხოვო სალამურის დანამღერებს დამაფიქრებელი, ნაღვლიანი ხასივთი ჰქონოდა.

იმ ღამესაც ისრევე აღტაცებული ამღერებდა და აკანკალებდა თავისს სალამურს საჯინიბოში მწოლარე იოხიმე. სრულიად დაავიწყდა დამკვრელს არა მარტო სასტიკი ღამაზი, თვითონ საკუთარი არსებობაც-კი, რომ უცბად თოფ-ნაკრავივით შეხტა და ლოგინიღამ ფეხზე წამოვარდა. მაღალს, მგრძნობარე ფარდებში რომ ავიდა, იგრძნო უცბად, რომ ვიღამაც პაწია ხელი შეახო და სახეზე თითები სწრაფად და სუბუქად აუტარა; მერე ხელებს შეეხო და საჩქაროდ სალამურს დაუწყო სინჯვა. ამასთან გვერდით ვილასიც მღელვარე, სწრაფი, სუსტი სუნთქვა შემოესმა.

— Цурь тобі, пекь тобі, — წაილაპარაკა იოხიმემ ჩვეულებრივი შეჩვენება და ჩაეკითხა: — Чортове, чи може? — უნდოდა შეეტყო, მართლა ხომ ავი სული არსაიდან ამიჩნდაო.

მაგრამ ღია კარებიდგან შემონაშუქებმა მთვარემ დაანახვა, რომ მოტყუვდა. კოიკასთან (ტახტთან) ბატონის უსინათლო შვილი იდგა და თავისს პაწია ხელებით ეპოტინებოდა.

ერთი საათის შემდეგ რომ დედამ მიძინარე პეტრუსის დახედვა მოინდომა, ბავშვი ლოგინში აღარ დაჭხვდა. თავდაპირველად ცოტა არ იყო შეშინდა, მაგრამ დედობრივმა აღლომ მალე წასძახა, დაკარგული სად უნდა მოეძებნა. შეჭრცხვა საშინლად იოხიმესა, რომ დაისვენა და შეჭხედა უცბად, მისი „მოწყალე ქალბატონი“ საჯინიბოს კარებში იდგა. ეტყობოდა უკვე რამდენიმე წამი ასე მდგარიყო, სალამურისათვის ყური ეგდო და თან თავისს ბავშვისათვის ეყურებინა, რომელიც ტახტზე იჯდა ახლა იოხიმეს ტყავში გახვეული და შეწყვეტილს სიმღერას ხარბად ყურს უგდებდა ისევე.

ამის შემდეგ ბავშვი ყოველ საღამოს იოხიმეს სტუმარი იყო საჯინიბოში. მაგრამ დღისით აზრდაც არ მოუვიდოდა ხოლმე იოხიმესათვის რისამე დაკვრა ეთხოვა, თითქოს დღის ფაცა-ფუცა და მოძრაობაში ბავშვის წარმოდგენით ამ წყნარს.

მელოდიებს ადგილი არც-კი ჰქონდათ. მაგრამ შებინდებოდა თუ არა, პეტრუსის მაშინვე რაღაც მოუთმენარობა და კანკალი აიტანდა ხოლმე. სალამოს ჩაი და ვახშამი იმისი მაჩვენებელი იყვნენ, რომ სასურველი წამი ახლოვდებოდა და დედაც ვერ უკრძალავდა ხოლმე საყვარელს შეიღოს მთელი ორი საათი ძილამდე საჯინიბოში მჯდარიყო და სალამურისათვის ყური ეგდო, თუმცა მოწონებით როგორღაც ინსტინქტიურად სრულიად არ მოსწონდა ასეთა მუსიკალური სეანსები. ეს დრო ბავშვისათვის ახლა ყველაზე ბედნიერი დრო იყო და დედაც იქვიანობდა მუდამ, რო ჰხედავდა, ბავში მეორე დღესაც წარსული ღამის შთაბეჭდილებათა გავლენის ქვეშ იყო ხოლმე და მისს აღერსს წინანდებურად აღარ ეტკბოდა; მოეხვეოდა ხოლმე დედასა და თან-კი წინა ღამინდელს იოხიმეს დაკვრას იგონებდა დაფიქრებული.

ახლა ლა მოაგონდა დედას, რომ რამდენისამე წლის წინად, ქ-ნ რადეცკის პანსიონში რო სწავლობდა კიევში, სხვა „სასიამოვნო ხელოვნებათა“ შორის მუსიკასაც ასწავლიდნენ. მართალია, თავის თავად ეს მოკონება არც იმდენად ტკბილი დასაამური იყო, რადგან უნებურად მასწავლებელსაც აგონებდა, საშინლად გამხდარს, პროზაიკულსა და ბრაზიანს ნემეც ქალს კლაპსსა, რომელიც შესანიშნავის ხელოვნებით უმტვრევდა ხოლმე თითებს თავისს მოწაფეებსა, რომ საჭირო და შესაბამი მოქნილობა შეეთვისებინათ; მაგრამ მასთან უხშობდა ყოველგვარს გრძნობას პოეტურ მუსიკალობისას. მარტო ეს შიშიც საკმარისი იყო, რომ მოწაფეებს პანნა კლაპსი შესძულებოდათ, თორემ მისს პედაგოგურ საშუალებათ ხომ სულ არავითარი მნიშვნელობა არ ექმნებოდათ. ამიტომაც, გამოვიდა თუ არა პანსიონიდანა და გათხოვდა თუ არა, ანნა მიხაილოვნას თავისი მუსიკალური ვარჯიშობა აღარც-კი გაჰხსენებია. ახლა-კი, მესამე ღამეზე იოხიმეს რომ ყურს უგდებდა ხოლმე, ატყობდა, რომ იქვიანობის შურთან ერთად მისს სულში რაღაცა ცოცხალ მელოდიის გრძნობა იღვიძებდა. ხოლო ნემეც ქალის საზარისაზე თან-და-თან იჩრდილებოდა, ნელ-ნელა ავიწყდებოდა. შე-



დევად ამას ის მოჰყვა, რომ პანა ჰოპელსკაიამ სთხოვა ქმარს, ქალაქიდან პიანინო გამოეწერათ.

— როგორც გესურვოს, ჩემო მტრედო, — მიუგო სამაგალითო მეუღლემ. — თუმცა, ვგონებ, სიმაგისოდ მუსიკა არა გყვარები...

იმავე დღეს ქალაქში წერილი გაგზავნეს, მაგრამ ვიდრე იყიდინდნენ და ქალაქიდან მოიტანდნენ; მთელი ორი-სამი კვირა გავიდოდა.

საჯინბოდან-კი ყოველ საღამოს მელოდიური კილოები ისმოდა და ბავშვიც იმავე წამს იქით გაჰკრავდა ხოლმე, დედას აღარც-კი ეკითხებოდა.

საგანგებო სუნი საჯინბოსი და თივისა ხამი თასმების მწვავე სუნს უერთდებოდა. ცხენები წყნარად ახრამუნებდნენ და ახურიდგან ამოდებულს თივის ხვევას აშრიალებდნენ; შეიქაქანებდა თუ არა მესალამურე და დაისვენებდა, მაშინვე ბალიდანაც მწვანე წიფლების ჩურჩული გაისმოდა ხოლმე. იჯდა ხოლმე მოხიბლული პეტრუსი და ყურს უგდებდა.

არასოდეს სიმღერას არ გააწყვეტინებდა და მხოლოდ, როცა თვითონ იოხიმე დაისვენებდა და ორიოდ-სამი წამი გაივლიდა, მაშინ-ღა შეეცვლებოდა ხოლმე ჩუმი მოხიბლვა რაღაცა ვნებით აღსავსე სიხარბეთ. წაეტანებოდა სალამურსა, ხელის ცახცახით აიღებდა და ტუჩებთან მიიტანდა. მაგრამ რაკი სუნთქვა ეკვროდა, პირველად როგორღაც კანკალითა და დაბლა ამოაღებინებდა ხოლმე ხმასა. მერე-კი ნელ-ნელა შეეჩვია და შეეთვისა ამ უბრალო საკრავსა. დაუწყებდა ხოლმე იოხიმე თვლებზე თითებსა და შეეჩვია ასე ხმის აყოლებასა, თუმცა პაწია თათი ბავშვისა თვლებს ძლივს აწვდენდა თითებსა. მასთან თვითოეულს ხმას ბავშვის წარმოდგენაში თავისი საკუთარი სახე და განკერძოებული ხასიათი ჰქონდა; იცოდა, მაგალითად, რომელს თვალში რომელი ხმა იყო დაბინავებული და საიდან რა გამოვიდოდა; ამიტომაც, როგორც-კი იოხი მე ნელ-ნელა ააყოლებდა თითებსა და უბრალო რასმე დაუკრავდა, მაშინვე ბავშვის თითებიც ათამაშდებოდნენ ხოლმე.

და ამ დროს გარკვევით ჰქონდა ხოლმე წარმოდგენილი, რომელი ხმა რომელ ადგილიდან ამოდიოდა.

## VII

გავიდა ბოლოს სრული სამი კვირა და ქალაქიდან პიანინო ამოიტანეს. პეტია ამ დროს ეზოში იდგა და დაკვირვებით უგდებდა ყურსა, მუშები როგორ ფაცა-ფუცში იყვნენ და ემზადებოდნენ მოტანილი „მუსიკა“ ოთახში შეეტანათ. ეტყობოდა ძალიან მძიმე უნდა ყოფილიყო, რომ, რო ასწიეს, ურემმა მთლად ჭაჭაქუჭი დაიწყო და კაცები კიდევ ძალზე ხენეშოდნენ, ღრმად სუნთქავდნენ. აგერა დაიძრნენ და წყნარად და მძიმედ წაიღეს, თან თვითოეულ ფეხის გადადგმაზე ზევით რაღაცას გუგუნნი და წკრიალი გაჰქონდა. სასტუმრო ოთახში რომ იატაკზე დაუშვეს, ერთი კიდევ დაიგუგუნა ყრუთ. თითქოს გაჯავრებულთა და ემუქრება ვისმეო.

ყოველივე ეს ბავშვს რაღაცა შიშს აგრძნობინებდა და ახალი, უსულო, მაგრამ მასთან მრისხანე სტუმარი როგორღაც აღარ იზიდავდა. მერე ბაღში წავიდა და აღარ გაუგია, როგორ დადგეს ფეხებზე, როგორ აწყობდა ქალაქიდან მოსული კაცი მავთულის სიმებსა და უშინჯავდა კლავიშებსა. როცა მთლად მორჩნენ გაწყობასა, მაშინ-ღა უბრძანა დედამ— პეტიასათვის დაეძახათ.

უენიდგან გამოწერილი საუკეთესო ოსტატის საკრავი რომ დაიგულა, ახლა-კი ადრევე დარწმუნებული იყო ანა მიჩაილოვნა, რომ უბრალო სოფლურს სალამურზე უთუოდ გაიმარჯვებდა. დარწმუნებული იყო იგი, რომ მისი პეტია საჯინბოსა და მესალამურეს სრულიად დაივიწყებდა ახლა და ყოველგვარს სიხარულსა და სიამოვნებას დედისაგან იგემებდა. მომცინარე თვალებით გადაჰხედა მაქსიმთან ერთად მოკრძალებით შემოსულს ბავშვსა და იოხიმეს, რომელმაც ნება გამოითხოვა, უცხო ქვეყნიდან მოტანილ მუსიკისათვის ყური დაეგდო და კარებში იდგა დარცხვენით თავ-ჩაკიდული. დასხდნენ

თუ არა ბიძია მაქსიმი და პეტია ტახტზე და ანნა მიხაილოვნა-  
მაც პიანინოს კლავიშებს დაჰკრა ხელი.

უკრავდა იგი პიესას, რომელიც პანი რადეცკის პანსიონ-  
ში ყოფნის დროს ქალბატონის კლავისის ხელმძღვანელობით  
სავსებით შეესწავლა. მართალია, არც ისრე მყვირალა იყო  
პიესა, მაგრამ საკმაოდ დიდს თითების მოქნილობას-კი მოი-  
თხოვდა. საჯარო გამოცდის დროს ანნა მიხაილოვნასა და მა-  
სწავლებელსაც განსაკუთრებით, ამ პიესის გამო დიდი ქება შეა-  
სხეს. მართალია, გადაქრით ვერავენ იტყოდა, მაგრამ პევერი-კი  
მაშინვე მიჰხვდა, რომ ბ-ნი პოპელსკი სწორედ იმ ჟამად მო-  
ჰხიბლა პანნა იაცენკომ თავისის დაკვრით. ახლა-კი სულ სხვა  
შეგნებითა და ანგარიშით სცდილობდა ხელ-ახლად გამარჯვე-  
ბასა: უნდოდა ახალგაზრდა დედას ხახოლის სალამურით გა-  
ტაცებულის შეილის პაწია გული მიეზიდნა და დაეტყვევებინა  
როგორმე.

მაგრამ არ გაუმართლდა მოლოდინი: ვენიდგან გამოწე-  
რილმა საკრავმა უკრაინელს უბრალო სალამურს ვერა სძლია.  
მართალია, ვენურს პიანინოს დიდი ძალა, ძვირფასი ხე, საუ-  
ცხოვრო სიმები, მშვენიერი ნამუშევრობა ვენელის ოსტატისა  
და ვრცელი, მდიდარი რეგისტრი ჰქონდა; მაგრამ უკრაინის  
უბრალო სალამურსაც თავისი მოსარჩლეები აღმოუჩნდნენ, რა-  
კი შინ, თავისს სამშობლო ბუნების ახლო იყო:

ვიდრე იოხიმე მოსჭრიდა და გახურებულის რკინით გულს  
ამოსწვავდა, აქ ქანაობდა, ბავშვისათვის კარგად ნაცნობ მდი-  
ნარის პირადა, უალერსებდა და ათბობდა უკრაინის მზე და  
იგივე უკრაინის ქარი უბერავდა, ვიდრე უკრაინელი მესტვირე  
თვალს დაჰკრავდა. ძნელი იყო ამიტომ უცხოეთიდგან მოსულ  
საკრავისათვის ადგილობრივ უბრალო სტვირთან შეჭიდება,  
რადგან მოველინა ბავშვს იმ დროს, როცა ჩუმადა სთვლემავ-  
და და საიდუმლოებით მოცულს ღამეში მთვლემარე წიფლების  
შრიალი ისმოდა, როცა მთლად უკრაინის მშობლიური ბუნე-  
ბა გარს ერტყა.

და პანა პოპელსკაიაც ვერ შეედრებოდა იოხიმესა. მართალია, მისი წვრილი თითები უფრო სწრაფი და მოქნილები იყვნენ, — შელოდია, რომელსაც უკრავდა, რთული და მდიდარი და შრომაც დიდი ჰქონდა ქ-ნს კლაპსს გაწეული, ვიდრე თავისს მოწაფეს ძნელ საკრავზე დაკვრას ასწავლიდა. მაგრამ იოხიმესაც საკუთარი მუსიკალური გრძნობა ჰქონდა და მასთან უყვარდა კიდევ, ნაღვლობდა კიდევ და სიყვარულისა თუ მწუხარების დროს, ორსავე შემთხვევაში, მშობელს ბუნებას მიჰმართავდა ხოლმე. ასწავლიდნენ მას მარტივს სიმღერებს იგივე ბუნება, მისი ტყეები, ჩუმი ჩურჩული მინდვრის ბალახისა, ხმაურობა ტყისა და ჩამაფიქრებელი, ძველთა-ძველი მშობლიური სიმღერა, რომელსაც აკვანშივე ისმენდა ხოლმე ბავშვობისასა.

ღიახ, გაუჭირდა ვენურს საკრავსა და უბრალო ხახოლის სტვირს ვერ აჯობა. არ გასულა სულ ერთი წამი, რომ ბიძია მაქსიმმა უცბად ყავარჯენი მკაცრად დააბრაგუნა იატაკზე. ანნა მიხაილოვნამ რომ შემოიხედა, მთლად გადაფითრებულ პეტრიკის სახეზე ივივე გამომეტყველება ამოიკითხა, რაც გაზაფხულის სამახსოვრო პირველ გასეირნების დღეს აღებეჭდა ბავშვს, ბალახზე რო იწვა.

თანაგრძნობით გადაჰხედა იოხიმემ ბავშვსა, მერე ნემეცურს მუსიკას გადაავლო საყვედურითა და ათვალწუნებით თვალი და სასტუმრო ოთახიდგან მძიმედ გავიდა გარეთ თავისის მოუხეშავ წაღების ფრატუნით.

## VIII

ბევრი ცრემლი დააღვრევინა და დიდად შეარცხვინა ამ დამარცხებამ საბრალო დედა. მას, „მოწყალე ქალბატონს“ პოპელსკაიას, ერთს დროს რომ რჩეული „საზოგადოება“ ტაშის კვრით ეგებებოდა, უნდა სასტიკად ეგრძნო დამარცხება, და მერე ისაც ვისგან? — უბრალო მეჯინიბე იოხიმესა და იმის სტვირისაგან! როგორც-კი გაიხსენებდა, როგორის ათვალწუნე-

ბიო გადაჰხედა იოხიმემ კონცერტს შემდეგ საკრავსა, მაშინვე სახე რისხვით აეცებოდა და „საზიზღარი ხალოპი“ გულწრფელად შესძულდებოდა ხოლმე.

მზინც, ყოველ ღამე, როგორც-კი მისი ბიჭიკო საჯინი-ბოსაკენ გაიქცეოდა, გამოადებდა ხოლმე მაშინვე ფანჯარასა, დაეყრდნობოდა და ხარბად უგდებდა ყურსა. პირველად როგორღაც ათვალწუნებით და გაჯაერებული უგდებდა ყურსა, თანა სცდილობდა ამ უბრალო „სულელურს ქყვირილში“ მხოლოდ სასაცილო რამ გამოეძებნა ხოლმე, მერე-კი ნელ-ნელა, სრულიად გაუგებრად, სულელურმა ქყვირილმა მისი ყურადღება უნებურად მიიზიდა და ხარბად დაუწყა ამ ხმებში დამაფიქრებელს, ნაღვლიანს კილოს ძებნა. მერე-ღა დაფიქრდა და დაუწყა თავისს თავს კითხვა, რათ არიან ეს ხმები ესე მიმზიდველნი და მომზიბლველნიო, და, ჰა, ლურჯმა საღამოებმა, გაურკვეველმა საღამოს ჩრდილებმა და შესანიშნავმა გარმონიამ სიმღერისა და ბუნებისამ გაურკვევეს ეს კითხვა.

„ღიახ, რაღაცა თავისებური, ქეშმარიტი გრძნობა და მომზიბლველი პოეზიაა აქ, რომელსაც ნოტებით ვერ შეისწავლიო“...—ფიქრობდა თავისთვის ძლეული და დამორჩილებული დედა.

და მართლაც ქეშმარიტად ასე იყო. საიდუმლოს ამ პოეზიისას განსაცვიფრებელი კავშირი ჰქონდა, როგორც დიდის ხნის წარსულთან, ისე ადამიანის გულისათვის მარადის მეტყველ და ცოცხალ ბუნებასთან, რომელიც ერთად-ერთი მოწმეა ყოველისავე წარსულისა. და ეს გარმონია, ეს ცოცხალი გრძნობა ბუნებისა ამ მოუხეშავს ფრატუნა წაღებიანსა და ხელებ-კორძიანს გლახს გულით დაჰქონდა.

და იგრძნო ანნა მიხაილოვნამ, რომ ამაცმა „ჰანამ“ მეჯინბე-გლახის წინ მორჩილებით ქედი მოიხარა. ავიწყდებოდა ყოველივე: ტლანქი და ბედასლი ჩაცმულობაცა და კუპრის სუნიც; სამაგიეროდ საღამურის ჩუმს დამღერაზე აგონდებოდა კეთილი სახე დამკვრელისა, მშვიდი გამომეტყველება ნაცრისფერ თვალებისა და გრძელ ულვაშებ ქვეშ გამოჰარებული

მოკრძალებითი, დამცინველი ღიმილი. დრო და დრო რისხვის აღმური მაინც დაჰკრავდა ხოლმე ახალგაზრდა დედის სახესა, რადგან ჰგრძნობდა, რომ შვილის ყურადღების მისაზიდად ატეხილს ბრძოლაში იგი ამ უბრალო „გლესს“ გვერდით ამოუდგა და ძლეული იქმნა.

ხეები-კი ისევ დაბალის ხმითა ჩურჩულებდნენ ბაღში და ლურჯს ცაზედ ღამის მნათობთ ცეცხლებრ კაშკაში გაჰქონდათ, ქვეყანას ბნელი ლურჯ ზოლად ეფინებოდა. და აი, ამ დროს იოხიმეს სალამურისაგან ახალგაზრდა დედას გულში რა-ღაცა მდულარე ნაღველი ეწვეთებოდა: ასე ნელ-ნელა სწავლობდა და იცნობდა საიდუმლოს წმინდა და უბრალო პოეზიისას ანნა მიხაილოვნა.



ღიახ, გლესს იოხიმეს ნამდვილი, ცოცხალი გრძნობა აქვს! ქალბატონს-კი? ნუ-თუ არც ერთი ცვარი ამ გრძნობისა არ მოეძებნება? მაშ, რათ უხურს ისე მკერდი, გული რად უშფოთავს, კრემლები თვალებს რისთვის უღობობენ? ნუ-თუ ეს არ არის მხურვალე გრძნობა სიყვარულისა მის უბედურ, უსინათლო ბავშვისადმი, რომელიც იოხიმესთან გაურბის და რომლისთვისაც ნამდვილი სიტკბოება ვერ მიუნიჭებია?

აგონდებოდა ის ტკივილის გრძნობა, რომელიც მის დაკვრაზე ბავშვს აღებეჭდა სახეზე და ცხარე კრემლი სდიოდა, ყელში მომდგარს ქვითინს ძლივს-ღა იმაგრებდა.

საბრალო დედა! შვილის უსინათლობა. მასაც სამუდამო, განუკურნებელ სენათ გადაეჭვა. ეტყობოდა, რომ ავად იყო, იმითიც, რომ უზომოდ ნაზად ებყრობოდა შვილსა და იმითიც, რომ ბავშვის ყოველგვარს ტკივილსა და ტანჯვას თვითონაც უთუოდ გულითა ჰგრძნობდა. ამიტომაც იყო, რომ თუ ეს მეტოქეობა შესტირე გლესისა სხვას მხოლოდ გააბრაზებდა, მას უზომოდ მწველად სტანჯავდა.

ასე მიდიოდა დრო და შეღავათს-კი არაფრით არა ჰგრძობდა, თუმცა არც უსარგებლო იყო მისთვის ეს დრო: შეიგნო ნელ-ნელა სიტუაცია იმ მელოდიისა და პოეზიისა, რომლითაც იგი მესტიერე გლეხის დაკვრამ მოჰხიბლა. და კვალად იმედი მიეცა. რამდენჯერმე კიდევაც იგრძნო უცბად ძალა თავისის თავისა და პიანინოს თავი აჰხადა, რომ მეტოქე სტვირის ნელი ხმა კლავიშების მძლავრ ამოძახილით დაეჩრდილა. მაგრამ გრძობა გაუბედველობისა და რალაცა დამარცხვენელის შიშისა ნებას არ აძლევდა ხოლმე, მუდამ აფერხებდა. მოაგონდებოდა მაშინვე ტანჯვის გამომეტყველი სახე ბავშვისა და ათვალწუნებით გადახედვა გლეხისა და სიბნელეში ლოყები სირცხვილით ენთებოდა, ხელი მხოლოდ ცახცახითა და შიშით-ლა გადისრიალებდა ხოლმე კლავიშებზედ ჰაერში.

მიუხედავად ამისა, შინაგანი შეგნება საკუთარის ძალ-ლო-ნისა დღითი-დღე თან და თან ეზრდებოდა და მოხერხებულს დროს, როგორც-კი ბავშვი შორს ხეივანში იწყებდა თამაშობას ან სასეირნოდ წავიდოდა ხოლმე, მაშინვე პიანინოს მიუ-ჯდებოდა. მართალია, პირველის ცდით თვითონვე ვერასფერი კმაყოფილი დარჩა: ხელები როგორღაც გულის ნადებს არ ემორჩილებოდნენ და საკრავის ხმები კიდევ მის სულიერს განწყობილებას ეწინააღმდეგებოდნენ. მაგრამ ნელ-ნელაობით ეს განწყობილება თან-და-თან უფრო მეტის სისრულითა და სიადვილით ისმოდა მისს ხმებში. გლეხის გაკვეთილებმა უქმად არ ჩაუარეს, რადგან მშობლის მხურვალე სიყვარულმა და შეგნებამ იმისამ; თუ რა უფრო მეტად იზიდავდა და ჰხიბლავდა ბავშვის გულს, სულ ადვილადა და ჩქარა შეასწავლეს და შეათვისეს იგი. წინანდებურად ყურთგამქედსა და ბრძნულს „პიესებს“-კი აღარ უკრავდა ახლა; უკრავდა წყნარად, უკრაინის ნაღვლიანს კილოზზედ დამაღონებელს „ფიქრებს“ და ბნელ ოთახებში ატირებდა, აწყრილებდა, დედას გულს უღობოდა ეს სიმღერები.

ბოლოს, როგორც იყო, საკმაო სითამამე შეიძინა, რომ პირდაპირაც შეჰბრძოლებოდა და ჰა, საღამოობით, ბატონის

სახლსა და იოხიმეს საჯინბოს შორის უცნაური ცილაობა იპართებოდა ხოლმე. ჩალით დახურულ, ჩაბნელებულ საჯინბოდგან წყნარად ისმოდა ხოლმე სალამურის ხმა და მას ბატონის სახლის ღია ფანჯრებიდან წინ ეგებებოდა მოლილინე მძლავრი და სრული აკორდები ფორტეპიანოსი.

არც ბავშვი და არც იოხიმე პირველად ამ „ეშმაკურს“ მუსიკას ყურადღებას არ აქცევდნენ, რაკი ადრევე დარწმუნებულნი იყვნენ, მათს გულს ვერ მოისყიდოდა. ბავშვი, პირიქით წარბებს მოიღუშავდა და მოუთმენელად დაუწყებდა ხოლმე იოხიმეს წაქეზებასა, როგორც კი სალამურს გააჩუმებდა.

— დაუკარ ეი, რალა, დაუკარ!

მაგრამ არ გასულა სულ სამი დღე, რომ იოხიმემ როგორღაც თან-და-თან უბშირა სალამურის გაჩუმებასა. გააგდებდა იოხიმე ხელიდან სალამურსა და გატაცებით უგდებდა ხოლმე ყურსა და ამ დროს ბავშვიც ყურს უგდებდა და ავიწყლებოდა, რომ მეგობარი ჩვეულებისამებრ წაექეზებინა. ბოლოს-კი ჩაფიქრებულმა ჩაილაპარაკა იოხიმემ:

— Ото-жь якъ гарно... Бачъ, якá воно штука...

და ისევე ისე ჩაფიქრებულმა და ყურის გდებით გართულმა დაავლო ბავშვს ხელი და ბალის გზით სასტუმროს ღია ფანჯრისაკენ გასწია.

ეგონა იოხიმეს „მოწყალე პანნა“ თავისს საკუთარ სიამოვნებისათვის უკრავდა და არავითარს ყურადღებას არ აქცევდა. მაგრამ, არა, გაჩუმდა თუ არა მეტოქე სალამური, გამარჯვებულს ანნა მიხაილოვანს იმავ წამს გული სიხარულით აეგსო.

ჩანელდა მასთან იოხიმესადმი აღძრული რისხვისა გრძნობაც. ბედნიერი იყო ახლა და ჰგრძნობდა, რომ მიზეზი ამ ბედნიერებისა იოხიმევე იყო: იმან ასწავლა, როგორ დაებრუნებინა უკანვე ბავშვი და თუ რომ შეეძლო მრავალი ახალი შთაბეჭდილება და გრძნობა ჩაენერგნა ახლა ბავშვისათვის, დედაც და შვილიც, ორივენი ისევ ამ მესტირე გლეხის მადლობლები უნდა ყოფილიყვნენ.





გატყდა ყინული. მეორე დღეს ბავშვმა მოკრძაღე ცნობის-მოყვარეობით შესდგა ფეხი სასტუმრო ოთახში, რომელშიაც მას შემდეგ ფეხი აღარ დაედგა, რაც ქალაქის მყვირალა და მრისხანე სტუმარი დასახლდა იქა. გუშინდელმა დაკვრამ მოისყიდა ბავშვის სმენა და წინანდელი დამოკიდებულება სრულიად შეუცვალა. წინანდებურის მოკრძაღებივით მიუახლოვდა პიანინოსა და შორი-ახლოს დადგა, ყური დაუგდო. სასტუმრო ოთახში არავინ იყო. დედა თავისის სამუშაოთი მეორე ოთახში იჯდა საკარძელზედ და სულ-განაბული უყურებდა, თვითოეულს ბავშვის მოძრაობასა და სახის გამომეტყველებას სიყვარულით თვალს ადევნებდა.

ბავშვმა შორიდანვე ხელი გაუწოდა და საკრავის გალიზულს ზედპირს შეახო, მაგრამ მაშინვე მოკრძაღებით უკან დაიწია. ერთი ორჯერ კიდევ გაიქეოდა ესა, უფრო ახლო მივიდა და საკრავს დაწვრილებით სინჯვა დაუწყო; თან მიწამდე იხრებოდა, რომ ფეხებისათვის ხელი შეეხო, თავისუფალს ნაპირებს გარს უვლიდა. ბოლოს ხელი სიპს კლავიშებსაც შეახო.

ხელი ხმა სიმისა თრთოლით შეთამაშდა ჰაერში. დიდხანს უგდებდა ბავშვი ყურს დედისათვის უკვე შეწყვეტილს თრთოლას სიმისას. მერე ახლა მეორე კლავიშს შეახო ხელი. ბოლოს ხელი მთელს კლავიატურას გააყოლა და სულ მაღალი რეგისტრის ხმა გამოაღებინა. თვითოეულს ხმას საკმარისს ხანს აცდიდა და ასე ერთი მეორესაც აცვლიდნენ ხმები, გაჰქონდათ ზრიალი და ბოლოს ჰაერში სწყდებოდნენ. და ყურადღებასთან ერთად ბავშვის სახეს იმავ დროს სიამოვნებაც აღებუქდებოდა ხოლმე. ეტყობოდა, რომ ბავშვი თვითოეულს ცალკე ხმას სიყვარულით ყურს ადევნებდა და ელემენტარულს, უბრალო შემადგენელს ნაწილებს მომავალ მელიოდისას შესანიშნავის ფეხხელის ყურადღებით ეპყრობოდა, რაც უთუოდ არტიტის ნიქს ამხელდა.

მაგრამ ეტყობოდა ამასთანავე, რომ თვითოეულს ცალკე ხმას კიდევ სხვა რაღაც ვანსაკუთრებულს თვისებებს აწერდა: როგორც-კი კლავიში მხიარულსა და მაღალს ხმას გამოიღებდა, ბავშვი მაშინვე თავს ცოცხლად მაღლა აიღებდა ხოლმე, თითქოს წკრიალა და მაღლა-მაღლა მსრბოლი ხმა გააცილაო; ხოლო თუ ოდნავ გასაგონს, სქელსა და ბოხს ხმას გამოიღებდა, მაშინ ყურს მთლად ძირს დაჰხრიდა, თითქოს ეს მძიმე ხმა უთუოდ დაბლა უნდა გაიბნას გრავინვით დედამიწაზე და სადმე შორეულს კუთხეებში შესწყდესო.

### • 1

ასეთს მუსიკალურს ცდას ბიძია მაქსიმი, როგორც იყო, ითმენდა. იქნება უცნაურიც იყო, მაგრამ ბავშვის მიერ გამოჩენილი მიდრეკილება ორგვარს გრძნობას უღვიძებდა ძველს მეომარსა. ერთი მხრივ იმას, რომ ძლიერი მისწრაფება მუსიკისადმი უეჭველად ბავშვის მუსიკალურ ნიჭიერების მაჩვენებელი იყო და, მაშასადამე, ამითი მისს მომავალსაც ცოტად თუ ბევრად უთუოდ არკვევდა. მაგრამ, მეორე მხრივ, ამ შეგნებას ძველის ჯარის-კაცისას რაღაცა გაურკვეველი გრძნობა სასოწარკვეთილებისა აჰკვიატებოდა.

— რასაკვირველია, მუსიკასაც დიდი ძალა აქვს და ბრბოს გულის მონადირება ადვილად შეუძლიან, — ფიქრობდა ხოლმე მაქსიმი. უსინათლოს გარს შემოკრებება მრავალი კოხტად გამოწყობილი ქალი და კაცი და ისიც სხვა-და-სხვა გვარის „ვალსებიტა“ და „ნოქტურნებიტა“ გაართობს... (მართალი რომ ვსთქვათ, ამ „ვალსებისა“ და „ნოქტურნების“ მეტი მუსიკიდან ბიძიჲ მაქსიმმა არც თუ რა იცოდა) ყურისმგდებელთ თვალზე ცრემლს მოჰგვრის. ეჰე, დალაზვრა ეშმაკი, ბარემ ასე არ მინდოდა, მაგრამ რას ვიზამ, აბა! უსინათლოა პატარა და დეე, მაშ, ისევ ის გამოვიდეს, რის ნიჭიცა აქვს. თუმცა სიმღერა სჯობიან სხვებსა, მგონი? მარტო განაზებულს სმენას

როდი ატკობს იგი. იძლევა სურათებსა და გულში ვაჟკაცობასა და თავში აზროვნებას გვიღვიძებსო.

— შენ ეი, იოხიმე, — შეუძახა ერთს სალამოს მაქსიმმა იოხიმეს და ბავშვს თან შეჰყვა საჯინიბოში. — ერთხელც არის მაინც გააგდე ხელიდან ე რალაცა სტვირია. ქუჩის ბიჭებისა და მწყემსებისათვის მინდვრად იქნება კარგი იყოს, მაგრამ შენ ზომ მაგოდენა ვაჟკაცი ხარ: თუმცა ისულელმა მარიამ მთლად დაგალაჩრა. ფუ! შენ მაგივრად მე მრცხვენთან სწორედ! გოგომ ზურგი შეგაქცია და შენ-კი ლამის არის მთლად დადნე. გალიაში ჩამწყვდეულ მწყერისავით მთელი დღე უსტვენ!

უგდებდა ყურს იოხიმე გულმოსულ ბატონის გრძელს მხილებასა და საყვედურსა და ბნელაში ჩუმ-ჩუმად იცინოდა, რომ უმიზეზოდ ურისხდებოდნენ. პატარა ბიჭებთანა და მწყემსებთან შედარება-კი ცოტა არ იყოს ეწყინა კიდევ.

— ნუ იტყვიო, ბატონო, მაგასა, — მიუგო იოხიმემ. — ასეთი სალამური მთელს უკრაინაში არც ერთს მეცხვარესაც-კი არ ექმნება, არამც თუ მწყემს-ბიქსა... ისინი თუ სტვირებია მართლა, — ეს... აბა, ყური დაუგდეთ.

ყველა თვლებს თითები დაადო და სალამურს მხოლოდ ორი დაბალი ხმა გამოადებინა ბოხად, თან მათის სისრულითა სტკებოდა. მაქსიმმა გვერდზე გააფურთხა.

— ფუ, მაპატიე ღმერთო! მთლად გასულელებულა! მაშენს სალამურს რას ვაქნევ, ნეტა? სალამური და დედაკაცი, თუნდ შენი მარიც იქ იყოს, სულ ორივე ერთნი არიან არა სჯობიან, გვიმღერო რამე, „მამა-პაპური“ რამ კარგი სიმღერა გეცოდინება.

ჩამომავლობით მალოროსი, მაქსიმ იაცენკო გლეხებსა და მსახურ ბიჭებს მუდამ უბრალოდ ექცეოდა. მართალია, ხშირად უყვიროდა და ლანძღავდა ხოლმე კიდევცა, მაგრამ როგორღაც არ სწყინდათ და ამიტომ თვითონაც თავისუფლად და პატივით ებყრობოდნენ.

— მერე, რაო? — უპასუხა იოხიმემ ბატონსა. — ერთს დროს მე სხვებზე ცუდად არა ვმღეროდი. თუმცა იქნება ჩვენი გლეხ-

ხური სიმღერა ჰანე, არ მოგეწონოთ კიდევ!—გადაჰკრა ცოტათი ბატონსა.

— მიჰქარავ, ბრიყვო! — უპასუხა მაქსიმმა. — კარგი სიმღერა სალამურს არ შეეძრება, თუ რიგიანად იმღერეს. აბა, პეტრუს, ყური დაუგდოთ სიმღერასა. მაგრამ, ვინ იცის, გაიგებენ, პატარავ?.

— გლახურს სიმღერას? — ჩაეკიბხა ბავში. — „გლახურათ“ კარგა მესმის.

მაქსიმმა ამოიოხრა.

— ეჰ პაწიავე! გლახური-კი არა... მძლავრისა და თავისუფალ ხალხის სიმღერებია ეს სიმღერები. პაპაშენები, დედით, დნებრისა და დუნაის მიმდევრებსა და შავს ზღვაზე მუდამ ამათა მღეროდნენ. ჰო, ვიცი, შენც გაიგებ ოდესმე მათს აზრსა, მაგრამ ახლავ-კი სხვისა მეშინიან.

მართლაც და მაქსიმს იმისი ეშინოდა, რომ ბავში სასიმღერო ეპოქის ნათელს სურათებს თავისის უსინათლოდით ვერ გაიგებდა და, მაშასადამე, გულიც სავსებით ვერ იგრძნობდა ყოველისფერსა. ეშინოდა, რომ ბავშვის ბნელით მოცული თავი სახალხო პოეზიის სურათებრივს ენას ვერ შეითვისებდა. და ის-კი სრულიად დაავიწყდა, რომ ძველი მესტიერეები და უკრაინის მელექსე-მეფანდურეები უმეტეს ნაწილად უსინათლოები იყვნენ ხოლმე. და მართლაც, მძიმე ხვედრი, უსინათლობა-მახანჯობა, ხშირად ააღებინებდა ხოლმე მათ ფანდურსა და სტკირს და მოწყალებას ათხოვნიებდა. მაგრამ იმათგან ყველანი ხელობით გლახები და დაბადებით უსინათლოები როდი იყვნენ. უსინათლობა, მართალია, ხილულს ქვეყანას შავ ფარდათ აფარება ხოლმე, რომელიც ტვინს აბნელებს და მუშაობას უძნელებს, მაგრამ მემკვიდრეობით შენაძენ წარმოდგენათა და შთაბეჭდილებათაგან, რომლებსაც უსინათლო სხვა გზითა და საშუალებით ითვისებს, ტვინი თავისთვის საკუთარ ქვეყნიერებასა ჰქმნის, ნაღვლიანს, მოწყენილს, ბინდით მოცულსა, რომელიც თავისებურსა და ბუნდოვანს პოეზიას მოკლებული სულაც არ არის.

Ж II

მაქსიმი და ბავშვი თივაზე დასხდნენ, იოხიმე კიდევ თავის ტახტზე წამოწვა (მის არტისტიულს სულიერს განწყობილებას ეს პოზა უფრო შეეფერებოდა) და მცირე ფიქრის შემდეგ სიმღერა დაიწყო. შემთხვევით იყო, თუ ფხიზელი ალლოს წყალობა იყო, სასიმღერო მართლაც საუცხოვო რამ იყო. იოხიმე ისტორიულს სურათს შეეხო:

Ой тамъ на горі, тайъ женці жнуть...

(ოი, იქ გორაზე მომკალნი მკიან)

ყველას უთუოდ კარგად ეხსომება, ვისაც კი ეს მშვენიერი ხალხური სიმღერა გაუგონია კარგის მომღერალისაგან, როგორ უცნაური მაღალი, გაჭიმული კილოა, თითქოს ცოტად ისტორიულის მოგონებით დანადგლიანებულიც. მასთან სიმღერა დიდს ისტორიულს მოვლენასა, სისხლის ღვრასა და ვაჟაკობას არ შეეხება; არც ყაზახის საყვარელთან გამომშვიდობებაა აქა, არც თავდასხმა და დუნაიზე ან ლურჯს ზღვაზე ნავეებით მოგზაურობა. იგია მხოლოდ წამის სურათი, მალოროსის ხსოვნაში ბუნდოვან ოცნებასავით უცბად აღდგენილი ნაწყვეტი ისტორიულ წარსულისა. ჩვეულებრივსა და უბრალოდღეში უცბად თვალ წინ წარმოუდგა ბუნდოვანი, მკრთალი სურათი, იმ განსაკუთრებულის ჩუმი ნაღველით შეზავებული, რომელსაც სამშობლო ქვეყნის დაკარგვა გვაგონობინებს ხოლმე. მაგრამ სავსებით დაკარგვა-კი არა! სამშობლო ამბავს მოგვითხრობენ ჯერ კიდევ მთელი შემადღებული საფლავები, სადაც ყაზახთა ძვლები განისვენებენ და საიდგანაც ლამ-ლამობით ცეცხლები მოსჩანს, მძიმე კვნესა მოისმის ხოლმე. მასვე გვაგონებს ხალხის თქმულობა და სიმღერა მისი:

Ой тамъ на горі, тайъ женці жнуть,

А по-підъ горою, по-підъ зеленою

Козаки идутъ,  
Козаки идутъ!..

(ოი, იქ გორაზე მომკალნი მკიან,  
გორის ძირას-კი, მწვანე გორისა  
ყაზახები მოდიან,  
ყაზახები მოდიან!..)

მწვანე გორაზე მომკალნი ყანასა მკიან. გორის ძირას-კი, დაბლა ყაზახთა ჯარი მოდის.

გატაცებით მიუგლო მაქსიმ იაცენკომ ამ ნაღვლიანს კილოს ყური და მისს ოცნებას შესანიშნავის გარკვეულობით წარმოუდგა სიმღერის შინაარსით გამოწვეული და მასთანვე შეთანხმებული სურათი, ვითომ მინდვრად, გორაზე, ჩუმად ეწოდებოდა მომკალნი ყანასა და ძირს კიდევ ასრევე ჩუმად ყაზახთა წყებები მიდიან და სალამოს ბინდში მინდვრის ჩრდილებს უერთდებიან.

По переду Дорошенко  
Ведет свое войско, войско запорожське,  
Хорошенько.

(წინ მოუძღვის დოროშენკო,  
მოჰყავს თვისი ჯარი, ჯარი ზაპოროჟისა,  
კარგი).

და წარსულთა დროთა სიმღერის გაქიანურებული ხმა ნელად ირხევა და წკრიალით ჰსწყდება ჰაერში, რომ მერმე ისევ დაიწკრიალოს და ბინდ-ბუნდიდამ ისევ ახალ-ახალი სანახაობა გამოიწვიოს.

### ❧ III

ბავშვი მოღრუბლული და ნაღვლიანი უგდებდა ყურსა. მომღერალი რომ გორას უმღერდა, რომელზედაც მომკალნი

მკიდნენ, ოცნებას პეტრუსია მაშინვე ნაცნობს ფრიალო ნაპირზე გადაჰყავდა. იცნო იგი იმიტომ, რომ ძირს წყალი მისჩქედდა ქვებზედ. იცის აგრეთვე, მომკალნი რაც არის: ნამგლის წკრიალი და მოსხეპილ თავ-თავის შრიალი ნათლად მოესმის.

მერე როდესაც სიმღერა იმაზე გადადიოდა, გორის ძირას რალა ამბავი იყო, უსინათლო ოცნებას მალლიდან ახლა ძირს, მინდვრად, ჩამოჰყვანდა...

ნამგლის წკრიალი შესწყდა, მაგრამ იცის ბავშვმა, რომ მომკალნი იქვე, გორაზე, არიან, იქ დარჩნენ; მაგრამ აღარა ისმის-რა-კი, იმიტომ, რომ ისრევე მალლა არიან, როგორც ფიქვები, რომელთა შრიალიც ფრიალო ნაპირის დაბლა მყოფს ზევიდან მოესმოდა. დაბლა-კი, მდინარის პირად, ხშირი, თანაბარი ცხენის ფეხის ხმა ისმის... ბევრნი არიან, რალაცა გაურკვეველი გუგუნა იქ, გორის ძირას, სიბნელეში. ეს „ყაზახები მოდიან“.

იცის აგრეთვე, ყაზახი რასა ჰნიშნავს. ბებერს „ხვედკას“, რომელიც დროგამოშვებით შეუფლისთ ხოლმე, ყველა „ძველს ყაზახს“ ეძახის. ბევრჯელ დაუსვამს პეტრუსი მუხლებზედ და აკანკალებულის ხელით თმები უსწორებია. ხოლო როდესაც ჩვეულებისამებრ სახეზე ხელს უსვამდა ხოლმე, თავისის მგრძობიარე თითებით ნათლად არჩევდა პეტრუსი, რა ღრმა ხაოქები ჰქონდა ხოლმე შეკრული, — დიდი ძირს ჩამოშვებული უღვაშები, ჩაცვივნილი ლოყები და ლოყებზე კიდევ მოხუცობის ცრემლები. იქ, გორის ძირასაც, ამ სიმღერის ხმაზედ ისეთივე ყაზახები ჰყვანდა ბავშვს წარმოდგენილი. სხედან ცხენებზედ ისეთივე უღვაშიანი, წელში მოხრილი ბებრები, როგორიც „ხვედკა“. მიდიან ჩუმად, რალაცა უსახო აჩრდილებივით ამ სიბნელეში და „ხვედკოსავით“ ისინიც რალაცაზე სტირიან; იქნება იმიტომაც, რომ გორაზედაცა და მინდვრადაც იოხიმეს სიმღერის გრძელი, ნაღვლიანი კუნესა და „არაჩვეულებრივ ყაზახობის“ სიმღერა ისმის, რომელშიაც ნათქვამია, თავისი ახალ-

გაზდს ცოლი ყაზახშა ლაშქრობის „ჩიბუხსა“ და ბრძოლის  
გაქირვებაზე როგორ გასცვალა.

საკმარისი რყო ერთი-კი შეეხედნა მაქსიმს ბავშვისათვისა  
და მაშინვე მიჰხვდა, რომ, მიუხედავად უსინათლობისა, ბავშ-  
ვის მგრძობიარე ბუნება სიმღერის პოეტურს სურათებს  
სულ ადვილად ითვისებდა.

ან-ანა.

(შემდეგი იქნება)





# ბლენი კაცი

(რომანი \*)

გიორგი ფონ-პოლენცისა

წიგნი მეორე

## I

ერთ მშვენიერ დღეს ბიუტნერს სასამართლოდან რაღაც ქალადი მოუტანეს. თურმე კაშელ ერნსტს ეჩივლა—ათას შვიდასი მარკა მართებს ჩემი და არ იძლევაო. ეხლა ეს ათას შვიდასი მარკაც უნდა გადაეხადა, ამ თანხის სარგებელიც და სამართლის ხარჯიც.

ეს ამბავი მესხავით დაატყდა მოხუცს და წელი მოსწყვიტა. მიუხედავად იმისა, რომ სასამართლოსი არაესმოდა—რა, მაინც პირველ წუთსვე მიხვდა, რომ საქმე სახიფათო იყო და შეიძლებოდა მეტად ცუდათ გათავებულყო. ეხლა ცხადზედ უცხადესი იყო, რომ კაშელერნსტს ნათესავის დაღუპვა განეზრახა და ეს უწყება ის იარაღი იყო, რომლითაც ბიუტნერს ბოლოს მოღებას უპირებდა ვაჭარი. ჯერ აღმასრულებელი ფურცელი, მერე მამულის საჯაროთ გასყიდვა, —აი რას უპირებდა მიკიტანი.

ბიუტნერს ერთხელ და ორჯერ არ ენახა მამულების საჯაროთ გასყიდვა. ის ბევრ გლეხს იცნობდა იმისთანას, რომელნიც პირველად შეძლებულათ სცხოვრობდნენ, მაგრამ ბოლოს, უსახლ-კაროთ დაარჩომილნი, იძულებულნი იყვნენ მათ-

\*) იხ. „მოამბე“ № I, 1904 წლისა.

ხოვრის ჯოხით და ტოპრაქით საწოწიალოთ წასულიყენენ სოფლიდან. საჯაროთ გასყიდვა! მარტო ფიქრიც კი ამაზედ სისხლს უშრობდა ძარღვებში და თავს რეტს ახვევდა. აქ კი ყველაფერი გათავდება! თუ ეწვია რომელიმე გლენს ეს უბედურება, ის ცოცხლების სიიდან წინდაწინვე უნდა ამოშლილიყო: იმას ძალით გააძავებდნენ მამაპაპეულ მამულიდან, ძირიან ფესვიანათ-ამოაგდებდნენ მიწიდან და უვარგის ბალახსავით ქუჩაში გადასტყორცნიდნენ.

გუსტავი ერთად ერთი წევრი იყო ოჯახისა, რომელსაც გლენმა გული გაუსხნა და ახალი უბედურება არ დაუმალა. გუსტავი მალე მიხვდა, რომ ოჯახს უბედურება მოელოდა და გადასწყვიტა უსათუოთ რაიმე ღონე ეღონა და კაშელის მუქარა როგორმე თავიდან აეცდინა. პირველი აზრი, რომელიც გუსტავს მოუვიდა, ეს თითონ კაშელის გადმობირების აზრი აყო. იქნება როგორმე მოვახერხო და ცოტაოდენი ღრუ კიდევ მოვაცდევინო. ამის იმედი იმიტომ უფრო ჰქონდა, რომ აღმასრულებელი ფურცლით, თითონ კაშელსაც კარგათ უნდა სცოდნოდა, კაშელი ბევრ ვერაფერს აიღებდა და თუ საჯაროთ გაისყიდებოდა მამული, მაშინ ხომ სულ ერთიანათ დაჰკარგავდა თავის ფულსა. ხშირი ღროს მოვიგებ და სანამ, იქნება საიდანმე რამე გვეშველოსო, ჰფიქრობდა გუსტავი.

მოუტანეს თუ არა მოხუცს უწყება, გუსტავი იმ დღესვე სამიკიტნოში წავიდა. ადვილი არ იყო გუსტავისთვის იქ წასვლა, რადგან ცხადათ იცოდა, მუდარა და თავის დამცირება დასჭირდებოდა; გარდა ამისა, გუსტავს კაშელის ოჯახი ჭირივითაც ეჯავრებოდა. კაშელი ხომ ბავშვობიდანვე ეზიზღებოდა, მაგრამ იმისი ქალი ოტილია რომ გაიხსენა, მაშინ ხომ გულ-მუცელი მთლათ აერია. არც ბიძაშვილ რიხარდთან იყო გუსტავი კარგ განწყობილებაში, მით უმეტეს იმის შემდეგ, რაც ერთხელ ცემით კინალამ წელი მოსწყვიტა. რიხარდს ერთხელ ცოცხალი ქათამი ნერგზედ მიება და ხის ღამბაჩიდან ტყვიებს ესროდა, გუსტავი ზედ წააწყდა და, რასაკვირველია, არც აპა-

ტია ასეთი გულქვაობა. ეს სასჯელი რიხარდს, რაღა ლაპარაკი უნდა, არც ღღესა ჰქონდა დავიწყებული.

საზოგადო დარბაზში გუსტავს მარტო ოტილია დახვდა, მაგრამ სხვა რამეზედ რომ არ დაეწყო ლაპარაკი, პირდაპირ კაშეელი იკითხა. რიხარდი და მამა სარდაფში ლუდსა რწყავენო, ხითხითით მიუგო დარცხვენილმა გოგომ და მერე სთხოვა სუფთა ოთახში გასულიყო, ეს ოთახი საზოგადო დარბაზის გვერდით იყო და თავის მოწყობილებით მხოლოდ იმითი განსხვავდებოდა დარბაზისაგან, რომ კედლებზედ ხელმწიფისა და დედოფლის ცუდი სურათები ეკიდა.

გუსტავი იძულებული იყო აქ დამჯდარიყო. ოტილია ყოველ ღონესა ხმარობდა, რომ გუსტავისთვის როგორმე ესიამოვნებინა: სკამი თითონ, თავის ხელით მიუდგა მაგიდასთან და მაგიდაც ტილოთი გადაუწმინდა, ამავე დროს მრავალ მნიშვნელოვნად უყურებდა თავის ბიძაშვილს. მართალია ქალაქში გააზიზებული და განებივრებული იქნებით, მაგრამ აქ სოფელში ისიც უნდა იკმაროთ, რაცა გვაქვსო, — არა ჩვეულებრივის სუსტი ხმით ელაპარაკებოდა ოტილია. ვალბენაუში მოსაწყენი ცხოვრებაა და მიკვირს, რატომ ხშირით არ დაიარებით ჩვენსაო? არც ერთ საცეკვაო სადამოზედ არა გხედავთ სამიკიტნოში. უსათუოდ აქაური ქალები სათქვენოთ არ მიგაჩნიათ და არ მოგწონთ იმათთან ყოფნაო.

გუსტავი პასუხებს უგულოთ აძლევდა. ის ცხადათ ჰგრძნობდა, რომ ოტილიას ექვის მაგვარი გრძნობა ალაპარაკებდა: ჩამომხმარი და გაგრძელებული ტანით, ყიყვით და მოღრეცილი პირით, რომელშიაც ამ ცოტა ხანში ერთი კბილი დაჰქლებოდა, ოტილია სასიამოვნო მობაასეს არ წარმოადგენდა, რასაკვირველია. მაგრამ რა უსუფთაო და ბინძური რამ იყო? ყოველ ცისმარე ღღეს ასე როგორ დარბოდა? დაგლეჯილ დაფლეთილ წინდებში, თმა გაწეწილი და გულ-გადაღედილი! მდიდარი გასათხოვარი ქალი კია! აქ ნება-უნებურათ ოტილიას ბინძურობა პაულინას სისუფთავეს და სიფაქიზეს შეადარა გუსტავმა.

უცბათ ოტილია ოთახიდან გავარდა. გუსტავს ეგონა, მამის დასაძახებლათ თუ წავიდაო, მაგრამ დიდი ხნის ლოდინი დასჭირდა. ბოლოს, ოტილია ისევ შემოვიდა ოთახში. ლანგარზედ დაწყობილი საუზმე და ბოთლებით ღვინო და ლუდი შემოუტანა და ალერსიანი ღიმილით მაგიდაზედ დაუდგა.

გუსტავს არ ესიამოვნა ოტილიას საქციელი. მართალია გუსტავს ჭამა-სმა ძალიან უყვარდა და ამ ბოლოს დროს თავიანთსა ხახვეარზედ მშვიერიც იყო ხოლმე, მაგრამ მაინც არ მოსწონდა ოტილიას მასპინძლობა. მარტო ოტილიას შეხედულობა წაართმევდა კაცს მადასა.

ოტილია თითქოს ვერც კი ჰგრძნობდა, რომ გუსტავის გულში ზიზღის მეტს ვერაფერს იწვევდა. იმან ერთი ჭიქა ლუდით აუმსო და მეორეში რაღაც წითელი ღვინო ჩაასხა, ისე რომ, რაც უნდოდა და რაც უფრო ძალიან მოსწონდა, იმას მიირთმევდა ძვირფასი სტუმარი, მერე თითონაც ჩამოჯდა გუსტავის პირდაპირ სკამზედ და წრფელის გულით და სიამოვნებით შეჰყურებდა, გუსტავი საუზმეს როგორ შეექცეოდა.

ჭამის დროს გუსტავმა შენიშნა, რომ ოტილიას კაბის გამოცვლაც მოესწო. შენიშნა და ნება-უნებურათ გაიღიმა, რადგან ის დრო, რაც ტანთსაცმელის გამოცვლას მოანდობა, დაკარგულად უნდა ჩათვლილიყო. წითელ-ყვითელი ფერით შეზავებულ კაბას სრულიად ვერ დაემშვენებინა გაყვითლებული და ჩამომხმარი ოტილია. მაძინძელი ყოველ ღონეს ხმარობდა, რომ ბიძაშვილს კარგათ ეჭამა და ესვა. ყოველ ლუკმის შემდეგ ჭიქაში ღვინოს უმატებდა, ისე რომ ჭიქაში ღვინო გამოულეველი იდგა.

თავის მადისა და სიმშვილის წყალობით გუსტავმა პირველი ზიზღი მალე დაივიწყა. მერე გაიფიქრა: რატომ არ უნდა ვისარგებლო ამის სიტუტუციითაო? ამ აზრით გუსტავმა ლუდსა, არაყსა და ლორს ხელი გაუსვა.

როცა იმოდენათ გაძლა, რომ ერთ ლუკმასაც ვეღარ გადაყლაპავდა, ხონჩა გვერდზედ გასწია და კედელზედ გადა-

ესვენა. ამ დროს ოტილია წამოხტა, სიგარები მოურბენა და ერთს თითონ წაუკიდა ცეცხლი.

გუსტავმა სთხოვა, თუ შეიძლება, მამას დაუძახეო. მაგრამ ქალმა მიუგო, რა გვეჩქარება, უმის დაძახებას კიდევ მოვასწრობთო.

ღმერთო, რამდენი რამე აქვთ სათქმელი? რამდენი ხანია ერთმანეთი არ უნახავთ? ამ სიტყვებით ოტილიამ ადგილი იცვალა და გუსტავს გვერდით ამოუჯდა. მაგრამ გუსტავმა იფიქრა, ეს კი მეტის მეტი იქნებაო და დაბეჯითებით რამდენჯერმე გაუჟეორა, მამას დამიძახეო. ბოლოს, როგორც იყო, ოტილიამ შეისმინა ბიძაშვილის თხოვნა და მამის დასაძახებლათ წავიდა.

მიკიტანი, როგორც ყოველთვის, ქოშებით, გაწოწოლავებული ქუდით და ფართუკში გახვეული ხელებით გამობრძანდა, უკან შვილი მოსდევდა, რომელიც ყოველ მიხვრა მოხვრაში და ნაბიჯში საფეხებით ჰბაძავდა მამას. ორთავე კაშელი ჩვეულებრივი ხითხითით და კბილების ღრჯენით მიესალმნენ სტუმარს.

— ოტილია! მეც დავლევდი ერთ ჭიქა არაყს!— დაუყვირა მიკიტანმა თავის ქალს. — ლუდსა ვრწყავდით და ხახები დაგვიშრა. მართალს არ ვამბობ, რიხარდ?

შვილი სულელური თავხედობით, ვითომ და დარცხვენით, ცერად შეჰყურებდა ბიძაშვილს.

მარტო იმისთვის, რომ რამე ეთქვა და ჩამოვარდნილი სიჩუმე დაერღვია, გუსტავის დაეკითხა— რიხარდს ჯარის კაცად მალე გაიყვანენო. ამ სიტყვებზედ მამასაც და შვილსაც სახე გაუბზყინდათ და მოხუცმა კმაყოფილების ღიმილით მიუგო:

— ჩემი შვილი გაანთავისუფლეს. დიად, ჩემი შვილი თავისუფალია!

გუსტავმა ძალიან გაიკვირვა ეს ამბავი, რადგან კარგათ იცოდა, რომ რიხარდი ჯანსაღი იყო და დასაწუნი არაფერი ჰქონდა.

— მაშ! ამ ბოლოს დრომდის ჩვენც არა ვიცოდით რა. შტაბის ექიმმა კი გამოაცხადა: მარცხენა ფეხზედ ძარღვები აქვს დაჭიმულიო. დიალ, დიალ, პირდაპირ ასე სთქვა—ძარღვები დაჭიმული აქვსო. მართალს არ ვამბობ, რიხარდ? ამის შემდეგ, რასაკვირველია, ჩემი რიხარდი შინ გაშოუშვეს. რაღა ლაპარაკი უნდა, მე წინააღმდეგი არაფერი მქონდა და, მგონი, არც რიხარდია უმადური! არა, რიხარდ?

ლაპარაკის დროს მოხუცი მთლათ ცახცახებდა სიცილით, ის მზათ იყო ძარღვების დაჭიმვისთვის შვილი გენიოსად დაესახა. გუსტავს ძალიან უნდოდა ეთქვა, რომ მაგისტანა რეტინანს სამხედრო დისციპლინა ძალიან მოუხდებოდაო, მაგრამ თავი დაიჭირა და არაფერი უთხრა. ეხლა ბიძის გაჯავრების ძალიან ეშინოდა—სათხოვენლად მოვიდა და ამისთანა ლაპარაკს როგორ-ღა გაუბედავდა?

გუსტავმა ძლივს საჭირ-ბორბოტო კითხვაზედაც ჩამოაგდო ლაპარაკი. მაგრამ შეატყო თუ არა კაშელმა, რომ ლაპარაკი ფულის ანგარიშს უნდა შეხებოდა, იმ წუთსვე ოტილია ოთახიდან გაისტუმრა. რიხარდი დარჩა და, როგორც ეტყობოდა, არც აპირებდა წასვლას. ეს უკანასკნელი გარემოება ბევრ ვერაფრათ ექაშნიკა გუსტავს, მაგრამ რას იზამდა?

გუსტავი მაგიდის ერთ წვერს მისჯდომოდა და იმის პირდაპირ მამა და შვილი ისხდნენ. მამისა და შვილის მსგავსება ეხლა როგორღაც არ მოსწონდა გუსტავს. მათ უაზრო ღიმილში გაიძვერობა და თავხედობა ცხადათ გამოსჭვიოდნენ.

გუსტავმა ლაპარაკი დაიწყო და სიტყვას არავინ აწყვეტინებდა. ღიმილითა და თვალების ხშირი ხამხამით მამა და შვილი გულისყურით ისმენდნენ გუსტავის გულ ახდილ ლაპარაკს. ეხლა ხომ ველარ დამალოვდა რა საშინელ განსაცდელში იყო იმათი მამულის საქმე? გუსტავმა პირდაპირ გამოუცხადა, რომ, თუ თქვენსას არ დაიშლით და მაინცა და მაინც ძალას დაგვატანთ, მამა ჩემი უსათუოდ გაკოტრდებაო. ამიტომ გუსტავი სთხოვდა ცოტა კიდე მოეცადა კაშელს, მთ უმეტეს რომ სარგებელს სრულად მიიღებს, ამის თავდებათ თითონ დაუდგება. მერე, ცოტა

სულს რომ მოითქვამენ, ვალის გადახდასაც შეუდგებიან. თუ კაშელი არ შევა იმათ მდგომარეობაში და თავისას არ დაიშლის, მამული უსათუოდ გაეყიდებათ და მაშინ ხომ იმათი გირაოს ქალღმერთი დაიღუპება.

გუსტავს წინააღმდეგ ჰქონდა ყველაფერი მოფიქრებული, მაგრამ, როგორც ყოველთვის მოხდება ხოლმე ამგვარ შემთხვევაში, ის არა სთქვა რის თქმასაც აპირებდა და იმ სიტყვებს და წინადადებებს არა ხმარობდა, რომლებიც წინა დღითვე ჰქონდა დაძაბებული. მამა-შვილის სიჩუმემ სულ ერთიანათ გადაარია გუსტავი და მთელი გეგმა დაურღვია. ის აღფრთოვანებით ლაპარაკს აპირებდა და უნდოდა გრძნობით სავსე სიტყვებით ნათესაური დამოკიდებულება მოეგონებინა კაშელისათვის.

ნუ თუ ბიუტენერიანთ მამაპაპეული მამული საჯაროთ უნდა გაისყიდოს? ნუ თუ მოხუცებულს, მუდმივი მუშაობით წელში მოხრილს და დასუსტებულ გლეხს ქუჩაში გააგდებენ და თოვლსავით გაათვრებულ მოხუცს მათხოვრობას დააწყებინებენ? კაშელი ამისთანა ცოდოს კისერზედ როგორ დაიდებს? ის სხვასაც კი არ მისცემს ამის ნებას! გვარეულობის პატივისცემით ამისთანა სირცხვილს არ შეაქმნეს მოხუც ბიუტენერს. ბიუტენერიანთ ქალის შერთვით კაშელი იმათ საგვარეულოს დაუნათესავდა და იმ მიცვალებულის პატივისცემით და სიყვარულით მაინც ნუ დაღუპავს იმის მამას! — თითქმის ამ სიტყვებით აპირებდა გუსტავი ლაპარაკს.

მაგრამ შეხედა თუ არა იმათ ვირთაგვურ, ეშმაკობითა და გესლით სავსე, სახეს ეს აღფრთოვანება სრულიად დაეკარგა. ერთი სიტყვა მაინც რომ ეთქვა გრძნობით, ატყობდა, მასხარათ ასაგდები გახდებოდა. გუსტავმა სრულიად დაჰკარგა საკუთარი თავის რწმენა და თავის ნალაპარაკევი თითონვე ეზიზღებოდა. ეს რაღას უნდა ნიშნავდეს, რომ ორთავენი ხმამაღლდებლივ თავს უქანთურებენ ერთმანერთს და თვალს უშვრებიან? რასაც ერთი სჩადიოდა, მეორეც იმას იმეორებდა, თითქოს მათ შორის რაღაც იდუმილი კავშირია და ერთმანეთსაც რომ არ უყურონ, მაინც აშკარათ წაიკითხავენ ერთი მეორის აზრსა და

ფიქრებსაო. მაშ დასცინიან რაღა?!. როგორცა სჩანს, თავისი ნალაპარაკებით იმათი, მტრობითა და გესლით გატენილი, გული გაუხარებია!

ამის შემდეგ გუსტავი პირდაპირ დაეკითხა კაშელს — შენი საჩივრით რას გინდა მიაღწიო? იქნება ჩვენი გაკოტრება იმიტომ გინდა, რომ ჩვენი მამული შენ შეისყიდო?

კაშელერნსტმა ჩვეულებრივ ეს კითხვაც სიცილში გაატარა და არავითარი პასუხი არ მისცა გუსტავს. მაგრამ ამ შემთხვევაში გუსტავი თავისას აღარ იშლიდა. იმას უეჭველათ უნდოდა გაეგო რა ახრით ხელმძღვანელობდა კაშელი, რომ თავის ნათესავს სასასართლოში უჩიოდა. უსათუოდ რაღაც მიზეზი უნდა ჰქონდეს კაშელს, თორემ განა კაშელმა ცხადათ არ იცის, რომ ამ ჟამათ ბიუტნერიანი იმის ვალს ვერ გადიხდიან?

ამ კითხვაზედ კაშელი თითონ დაეკითხა! „განა ნება არა მქონდა ეგრე მოვქცეულიყავი?“ კაშელერნსტიც აღარ ლაპარაკობდა ჩვეულებრივ გულგრილათ. მიკიტანმა, მგონი, დღეს პირველათ მოიხსნა პატიოსანი და მართალი კაცის ნილაბი.

ამასობაში სამთავენი ფეხზედ წამოდგნენ. გუსტავსა და კაშელებს მაგიდა ჰყოფდათ.

გუსტავმა ერთხელ კიდევ გაუმეორა კითხვა — შესწყიტავთ სასამართლოში საჩივარს, თუ არაო?

— სწორეთ! მეც მაგას არა ვფიქრობდი?! — შესძახა გესლიანათ კაშელმა და შეიღმა საზიზღრათ ჩაიცინა.

გუსტავმა დაინახა, რომ თავს ვეღარ დაიჭერდა. და გულზედ მოწოლილი ბრაზი როგორმე უნდა გადმოენთხია — მამა-შვილისთვის შეურაცხება მიეყენებინა და ამითი გული მოეოხა.

ამ მდგომარეობაში, რაც ძალი და ღონე ჰქონდა, სკამის ზურგს ხელი მოუჭირა. ეხლა მათი სიძულვილის დაფარვა რაღა საჭირო იყო.

ფერწასულმა და გულზედ ბოღმა-მოწოლილმა გუსტავმა ძლივს წარმოისთქვა:

— მაშ ეგრეა რაღა? ამის იმედი კი მქონდა! ეხლა მესმის, რაშიც ყოფილა საქმე! გარჩასსოვიცი და თქვენ ამხანა-



გები ყოფილხართ! კარგი ნათესავები ბრძანებულხართ, რა გიშავთ! დღეის იქით მე თქვენსა ფეხის შემომდგმელი აღარა ვარ!.. ფუ! თქვე დაწყევლილო უსინიდილოებო!.. გრცხვენოდეთ მაინც.

ყველა ეს უცბათ მიახალა მამა-შვილსა და საშინლათ აღვლევებულმა კარებისაკენ გასწია, გზაში ხან მაგიდას, ხან სკამს აწყდებოდა.

მიკიტანი უკან გამოუდგა, მერე კარებში შეჩერდა და უკანიდან მიაძახა გუსტავს:

— დაიცა, ყმაწვილო! ერთი სიტყვა მაქვსსათქმელი. თუ ჩემი გულჩვილობის იმედი გქონდათ, შეპყდარხართ, ჩემო კარგო! მამა შენი ყოველთვის რეგვენი და ვირსავით გამოთაყვანებული იყო. ეზოში თავის თავზედ გამოთაყვანებული საქონელი არც კი მოეძებნება. მაგისტანა რეგვენს რა მამული უნდა. მამული რომ სულაც გაგეყიდოთ და საგლახავოთ საქვე გაგიხდეთ, შე არა შენაღვლება რა. სულაც რომ გასწყდეთ, მე რა შეკითხება?..

მაგრამ გუსტავს კაი მანძილი ჰქონდა გავლილი და კაშელის ლანძღვა-გინება აღარ გაუგონია.

\*  
\* \*

რაკი მიკიტანთან ვერა გააწყო-რა, გუსტაუმე გადასწყვიტა კარლ ლებერეხტ ბიუტნერისთვის მიემართნა. მართალია, ცოტა გზა არ უნდაგაველო, იმასთან რომ მისულიყო, მაგრამ ამ ხარჯისა არ უნდა შეშინებოდა, რადგან ბიძის იმედი ძალიან ჰქონდა. ლებერეხტი შეძლებული კაცი იყო და გუსტავს იმედი ჰქონდა, იმას მაინც დავაჯერებ, რომ ღვიძლ ძმას შემწეობა აღმოუჩინოს და გაჭირვებიდან როგორმე დაისხნასო.

გუსტავს ჯერ სამსახურისთვის თავი არ დაენებებინა, რომ ლაჟვარდი მაუდის ტანისამოსი შეიკერა. პაულინამ დააჯერა, ეს ტანისამოსი ძალიან გიხდებოდა. ამის გარდა ერთი წყვილი, თითქმის სულ ახალი, ჩექმები და ახალივე ქუდიცა ჰქონდა. ამიტომ თავისუფლათ შეეძლო ბიძისკენ გამგზავრებულიყო.

იმას არ უნდოდა ქალაქში მცხოვრებ ნათესავეებს გლახათ სჩვენებოდა. დაე დარწმუნდნენ, რომ სოფელში დარჩომილი ნათესავეები სამარცხვინონი არ არიანო, ჰფიქრობდა გულში გუსტავი.

ერთ მშვენიერ დღეს გზასაც გაუდგა და ნათესავეებს არც კი შეატყობინა, რომ იმათკენ გამგზავრებას აპირებდა: ეშინოდა წერილითვე უარი არ შემომითვალონო. გუსტავმა ჩინებულათ იცოდა, რომ ქალაქის ნათესავეები არც გუსტავს და არც მთლათ იმათ ოჯახს კარგად არ უყურებდნენ. ეს განწყობილება გაზაფხულზედ უცბათ ფულის მოთხოვნით ნათლად დაამტკიცეს ნათესავეებმა.

მოხუცი ბიუტნერი იქ წასვლას ფულისა და დროს დაკარგვით სთვლიდა, რადგანაც კარლ ლებერესტის იმედი სრულიად არა ჰქონდა. მთელ საგვარეულოში<sup>1</sup> ხნით ამ ძმაზედ ახლო არა ვინ იდგა ტრაუგოტთან, ბავშვობაში თითქმის ყოველ წუთს-ათრევდნენ ერთმანეთს თმითა. კარლ ლებერესტი ფხიზელი და ცოცხალი ბავშვი იყო და მზათ იყო ყოველ წუთს რამე ახალი სიცელქე და სიგიჟე გამოეგონა. უმფროსი ძმა ლებერესტს „სად მომგლიჯესა და ყაჩაღს“ ეძახდა და გუსტავს ურჩევდა ამ განძრახისთვის თავი დაენებებინა, მაგრამ მოხუცის ლაპარაკს გუსტავი ყურადღებას არ აქცევდა და მაინც თავისი სიტყვის გაყვანა უნდოდა. სიყმაწვილეში როგორც უნდა ყოფილაყო ლებერესტი, ვაჟკაცობაში მაინც კაი უნარი გამოიჩინა და რა განწყობილებაშიაც უნდა ყოფილიყო, მაინც მამის ღვიძლი ძმა იყო. იქნება ნათესავეური გრძნობა ჯერ სრულიად არ ჩაჰქრობია და, კარგათ რომ სთხოვოს, კვლავ გაუღვიოს გულში?

გუსტავმა ბიძაშვილის წერილიდან იცოდა რომ ბიძა „სავაქრო“ მოედანზედ ვაჭრობდა და ამიტომ, ჩავიდა თუ არა ქალაქში იქითკენ გასწია. დიდი ძებნა არ მოუწინა, რადგან ოქროს ასოებით დაწერილ თავის გვარს შორიდანვე მოჰკრა თვალი.

კედელზედ წარწერილ თავის გვარს რომ შეხედა გუსტავმა, გული რაღაც ამპარტავნულ გრძნობით და სინარულით აევსო. სანამ დუქანში შევიდოდა, გუსტავი კაი ხანს იდგა ქუ-

ჩაზედ და ნანახი სურათით სტკებოდა, გული კი, თითქოს რილაცის ეშინიანო, საშინლად უცახცახებდა. ამისთანა მშვენიერ სავაჭრო სახლს გუსტავი ვერც კი წარმოიდგენდა.

ბიუტნერის სავაჭრო კუთხის სახლში იყო მოთავსებული, რომელსაც ორი დიდი ფანჯარა „სავაჭრო“ მოედნისკენ და რამდენიმე წვრილი შესახვევ ქუჩისკენ ჰქონდა მიქცეული. ყოველი ფანჯარა სხვა და სხვა საქონლით იყო გატენილი: ფერად შუშებში ჩაი და ყავა, ათასნაირი საპნები, კოხტა კოლოფებში ჩაწყობილი სანუკვარები, კოხტად შეკრული სანთლები, ხილეულობა, თამბაქო და სხვა და სხვა საქმელები. ერთ ფანჯარაში ჩინელი იჯდა და თავს აქანდურებდა. ერთ განცხადებაზედ, რომელშიც ახლათ ჩამოტანილ ჩაის აქებდნენ, ზურგზედ ტომრებ აკიდებული აქლემი იყო დახატული, რომელიც არაბს მოჰყავდა.

გუსტავი გაჩერებულიყო ფანჯრების წინ და, გაკვირვებულს გონება ველარ მოეკრიფა. თუმცა სალდათობის დროს რამდენიმე წელიწადი დიდ ქალაქში გაატარა, მაინც სოფლოური ხეპრეობა ცოტათი კიდევ შერჩენოდა. ყველაფერი, რაც უწინ არ ენახა ან არ ესმოდა, თან აკვირვებდა და თან რილაცის შიშს უნერგავდა გულში.

ეს ფაქიზათ მორთული ფანჯრები და ათასნაირი, მისთვის უცნობი, საქონელი არწმუნებდა გუსტავს, რომ ბძბა მართლა კაი შეძლების პატრონი უნდა ყოფილიყო. როგორ დაიჯეროს, რომ ამოდენა ქონების პატრონი გალზენში დაბადებულა, სხვა გლენებსავით ამასაც პატივი და სხვა უსუფთაობა უზიდნია და მინდორში ნახირი უძოვებია, მერე კი ველარ გაუძლია, ველარ აუტანია ამ გვარი ცხოვრება და გაქცეულა. იქნება მამის უსამართლობასაც გაექცა, რომელიც უფროსი ვაჟის გულისთვის მას ავიწროებდა და სჩაგრაავდა? ამ გარეგებაში გადიხვეწა ჟუცხო მხარეს, ვინ იცის, რამდენი გაჭირვება გამოიარა, რა თანამდებობა არ შეასრულა და ბოლოს ამ დღესაც მიადწია. სხავთა შორის, მებაყლის ნოქრათაც ყოფილიყო, მერე ბატონის

ქალწედ დაიწერა ჯვარი და ამით სიმდიდრის საფუძველი და-  
ილა.

ქალაქში კიდევ უშველის კაცი თავის თავს და რამეს  
გააწყობს!

ამ ფიქრით გუსტავმა მიიხედ-მოიხედა და შენიშნა, რომ ირ-  
გვლივ სიცოცხლე სდულდა და გამოდიოდა, ყველა ფაცი-  
ფუცში იყო, ყველა სადღაც მიეჩქარებოდა და რაღაცას მიეს-  
წრაფოდა—ყველა ამის მაყურებელ გუსტავს გულმა როგორ-  
ღაც ქენჯნა დაუწყო და საოცრათ შემოჰკვნესა. აგერ საქონ-  
ლითა და სიმდიდრით სავსე დუქნები, კახტად და ფაქიზად შეკე-  
თებულ-შელამაზებული სახლები. ქალაქთან შედარებით თავისი  
სამშობლო სოფელი გალბენაუ უდაბნოთ ეჩვენა გუსტავს! აქ კი  
იგრძნო, რომ თითქოს რაღაც ღირსება ჩამოერთვა, თავის  
საკუთარ თვალში დაეცა და, მიუხედავად ახალი ტანთსაცმე-  
ლისა, საკუთარი თავის რწმენა დაჰკარგა. ნათესავები უეჭვლათ  
გაუროკნავ და გაუთლელ გლენათ ჩასთვლიან, ვერც ეს ტანთ-  
საცმელი უშველის. ორჯერ სამჯერ რომ აუარ-ჩამოუარა დუ-  
ქანს, ბოლოს, როგორც იყო, გაბედა და შიგ შესვლა გადას-  
წყვიტა.

დახლს რამდენიმე ახალგაზდა კაცი მოსდგომოდა. ერთი  
გამხდარი, მაღალი ტანის, კაცი იყო და ცხვირზედ სათვალეები  
ეწყო. ის მიუბრუნდა გუსტავს და მოსვლის მიზეზი ჰკითხა.  
გუსტავმა თავისი გვარი დაასახელა და გამოუცხადა, რომ ბიძის  
ნახვა მინდაო. ახალგაზდა კაცმა სათვალეებ ზეიდან გადახედა  
უცნობს და უთხრა—სამწუხაროთ, მამა ჩემი ამ ჟამათ აქ არ  
არისო.

აგერ თურმე როგორი ბიძაშვილი ჰყოლია. გუსტავმა  
ცნობისმოყვარეობით აათვალ-ჩაათვალიერა თავისი სენხია.

მის წინ ჩამომხდარი, ცოტათი წელში მოღუნული და  
მაღალიტანის კაცი იდგა. ამის მაკქერალი ძნელათ წარმოი-  
დგენდა, თუ მისი მამა-პაპა რამდენიმე საუკუნის განმავლობაში  
სოფელში სცხოვრობდა და მთელი თავისი სიცოცხლე გუთანზე  
გაუტარებიაო, მაგრამ მიუხედავად იმისა, რომ გუსტავის ბიძაშვი-

ლი მასწავლებელს უფრო ჰგავდა, ნათესავური მსგავსება მაინც არ დაეკარგა და ბიუტნერიანთი კიდევ რაღაცა შერჩენოდა. თავის ქალა, დიდრონი ხელფეხი და თმა გალბენაუელ ბიუტნერებისა ჰქონდა.

ორთავე ბიძაშვილი დარცხვენილნი იდგნენ და ხმას არც ერთი არ იღებდა. ორთავენი მშვენივრათ ჰგრძნობდნენ, რომ მიუხედავად ნათესაურ დამოკიდებულებისა, მაინც უცხონი იყვნენ ერთი მეორისთვის. ერთიც და მეორეც როგორღაც ურწმუნოთ ათვალიერებდნენ ერთი მეორეს და არც ერთმა არ იცოდა, რა ეთქვა და ლაპარაკი რითი დაეწყო.

გლეხის შვილ გუსტავს გულში ეზიზღებოდა ეს ფერწასული ახალგაზდა კაცი, რომელიც მთელი დღე იძულებული იყო დახლოენ მდგარიყო და მარტო მუშტრის სიამოვნებაზედ ეფიქრნა. მაგრამ ამ ზიზღს, ცოტა არ იყოს, შურიც უერთდებოდა, ის შური, რომელსაც გლეხი ყოველთვის ჰგრძნობს ხოლმე მოქალაქისადმი. მოქალაქე გუსტავი კი გულში დასცინოდა სოფლიდამ ჩამოსულ ნათესავს და იმის თავისებურ მიხვრა-მოხვრას მასხარათ იგდებდა.

დუქანში რამდენიმე მუშტარი შემოვიდა. იმათ გასტუმრების შემდეგ ბიძაშვილი მიუბრუნდა გუსტავს და თავიანთა წასვლა ურჩია— „მოხუცი“ უსათუოთ შინ იქნებაო. გზის საჩვენებლათ დუქნის პატარა ბიჭი გაატანა. გუსტავი გაჰყვა ბიჭსა და მალე ბიძასაც ეახლა.

ბიძასთან ბევრით უფრო კარგათა ჰგრძნობდა გუსტავი თავსა, ვიდრე ბიძაშვილთან. ეს კაცი ნამდვილი ნათესავი იყო მისი და ორთავეს ერთი სისხლი უჩქეფდათ ძარღვებში. მაღალი ტანის გლეხი, უწვევრო წითელი სახიფ და ხშირი ქალარა თმით გალბენაუს მემამულეს ასლი იყო. კარლ ლებერხტ ბიუტნერს თავზედ მოქარგული ქუდი რომ არა ხურებოდა, ფეხებზედ ლბილი ფეხთსაცმელი და ტანზედ ქალაქური კოხტათ შეკერილი ტანთსაცმელი არა სცმოდა, ყველა გალბენაუელ გლეხათ იცნობდა. თვალის ჩაკვრაში და თავისებურ ღიმილში გლეხური ეშმაკობა იფარებოდა. ლაპარაკშიც კი რაღაც შერ-

ჩენოდა გლახური. ძმისწული წრფელის ალერსით მიიღო მოხუცმა.

ლებერებტმა ბიძაშვილი გვერდზედ მოისვა, ღვინო მისთავაზა და სთხოვა ჯერ თავიანთ ოჯახზედ და მერე გალბენაუელ სხვა გლახებზედაც ეამზნარამე, რომლებიც მოხუცს ჯერ კიდევ არ დავიწყებოდა. რასაკვირველია, მოხუცის ნაცნობებს გუსტავი ბევრს სრულიად არც კი იცნობდა, რადგან არა თუ არ ენახა, არც კი გაეგონა იმათზედ რამე. ბევრი იმათგანი დახოცილიყო, ბევრი სრულიად წასულიყო გალბენაუდან და სამუდამოთ გადაკარგულიყო.

ბიძა ისეთი გულითა და სიამოვნებით ეკითხებოდა ყველა ამას, რომ გუსტავს გამბედაობა მოემატა. ბიძას ჯერ კიდევ ჰყვარებია თავისი სამშობლო კუთხე, ამის ეჭვი გუსტავს აღარა ჰქონდა. როცა ჯერი ბიუტნერიანთ მამულზედ მიდგა და ბიძა დაეკითხა, თქვენი საქმე როგორღა მიდისო, გუსტავმა ისარგებლა შემთხვევით და თავიანთი გასაჭირი დაწვრილებით აუხსნა.

კარლ ლებერებტი, როგორც შეეტყო, გაჰკვირდა. რამდენა ჯერმე თავი გააქნია და შუბლიც კი შეიკრა.

— რას ლაპარაკობ!? ეგ კარგი საქმე ვერ მოგსვლიათ!— ასე უპასუხა ბიძამ გუსტავს. ტრაუგოტტი რომ გაჭირვებაში უნდა ყოფილიყო, ეს კარგათ იცოდა ლებერებტმა, მაგრამ თუ ასე გაფუჭებული ექნებოდა საქმე, ამას კი ვერასჯით ვერ წარმოიდგენდა!... აქ ღრმათ ამოიოხრა და მწარეთ დაღონდა.

ამგვარ თანაგრძნობით დაიმედებული გუსტავი, ბოლოს, როგორც იყო, მიუბრუნდა ბიძას და სთხოვა ამ გაჭირვებიდან როგორმე გამოეყვანა ნათესავები. იქნება ბიძამ როგორმე მოახერხოს და ის ათას შვიდასი მარკა, რომელიც მამას კაშელერნესტისა ჰმართებს, ამან გაღიხადოს და მიკიტნის გირაოს ქალღი თავის სახელზედ გაღიტანოს.

კარლ ლებერებტმა შუბლი შეიკრა, წარბები მადლა აიწია და ლოყებ გაბერილი ერთ წერტილს ჩააჩერდა. ამ ღროს ლებერებტი საშინლათ წააგავდა თავის ძმას, ტრაუგოტტს— იმანაც ასე იცოდა, როცა ძნელი საკითხი ჰქონდა ხოლომე გადა-

საწყვეტი. მერე მარჯვით ჩაჯდა სავარძელში და თუმცა ძმის საქმე საშინლათ გაფუჭებულად აღიარა, მაინც გუსტავის მთელი გეგმა ხელმეორეთ მოისმინა.

გუსტავი გრძნობით და ქკვიანურათ ლაპარაკობდა. იმან ყველაფერი უამბო და რაც კი გულზედ მოწოლილი ჰქონდა, ყველაფერი გადმოდანთხია. ბიძასთან როგორღაც კარგადა ჰგრნობდა გუსტავი თავსა; კაშელერსტთან ლაპარაკის დროს კი ენა ემბოდა და სათქმელ სიტყვას ველარ ჰპოულობდა. ის ემუდარებოდა, ეხვეწებოდა, რომ ბიძა დახმარებოდა და გასაჭირიდან გამოეყვანა ნათესავეები; ლაპარაკობდა და თითონვე უკვირდა, ასეთი სარწმუნო სიტყვები საიდან მაგონდება და ასე დაბეჯიდებით ლაპარაკს როგორ ვახერხებო.

მოხუცმა ყური მოიფხანა და უთხრა — ეხლა ცუდი დროა, ფული სულ საქმეში მაქვს მოთავსებულიო, — მაგრამ უარი მაინც არ უთხრა ძმისწულს. ლებერეხტი თან და თან უფრო ლბებოდა და, როგორც ეტყობოდა, საქმე იჩარხებოდა.

გუსტავს გულში უხაროდა, რადგან საქმე გარიგებულათ და გაჩარხულათ ეგულებოდა კიდევ. იმან გადასწყვიტა შემთხვევით ესარგებლნა და სარგებლისა და საქმის გასაკეთებელი ხარჯიც იმისთვის ეკისრებინა.

მოხუცმა არც უარი უთხრა და არც თანხმობა გამოუცხადა. როგორც ეტყობოდა, ეს საქმე ძალიან აწუხებდა მოხუცს — ის გაცხარებული დადიოდა ოთახში, ხელებს ისრისავდა, მალიმალ თავს იფხანდა და ბოლოს ნება-უნებურათ ძველებურათ გლეხურათაც დაიწყო ლაპარაკი, რაც იმის მღელვარებას ცხადათ მოწმობდა.

— არა, აგრე უცბათ როგორ შეიძლება?! თქვენ, სოფლებს, გგონიათ ჩვენ ფული ბზესავით გვეყაროს. თქვენი საქმე რომ ცუდათ წავა, ჩვენ პირველნი ვიღუპებით ხოლმე, მაშინ ჩვენც უფულონი ვსხედვართ. მეც ეგრე ვარ, მე სულითა და გულით მინდა ტრაუგოტტს დავეხმარო, მაგრამ განა ჩემ ხელთ არის? განა შემეძლიან ის ჩავიდინო, რაც მე მინდა და რასაც

ვესწრაფვი? მართალია ჩვენი ფირმა თავის საქმეებს კი გაუძღვება, მაგრამ...

ამ სიტყვებზედ მოხუცი შესდგა და ძმისწულს დაეკითხა— ჩვენი დუქანი ნანახი გაქვს თუ არაო. გუსტავმა უთხრა პირველათ იქ მიველი და, სწორე გითხრათ, ძალიანაც გამაკვირვა იქაურობამაო. მოხუცს ეს ძალიან გაეხარდა და სიამოვნებისაგან მთლათ გაბრწყინდა.

— ახლა ჩვენი საწყობი ნახე!— შესძახა მოხუცმა.— აბა ის გაგიკვირდება, აი! გუსტავი გაჩვენებს საწყობსაც. რაღა ლაპარაკი უნდა, გალბენაუში მაგისტანა საწყობები არ გექნებათ.

კარლ ლებერენტს თავისი გამარჯვება ჯერ ვერ მოენელებინა— იმის სიხარული ხამის სიხარული იყო, რასაკვირველია. ღარიბ ნათესავებთან თავის შეძლებითა და უზრუნველი ცხოვრებით თავი მოჰქონდა. ის დიდის სიამონებითა და ამპარტავნობით უამბობდა ძმისწულს წელიწადში რა თანხას ატრიალებდა, რამდენი მოსამსახურე ჰყავდა დაქირავებული, რა ჯამაგირს ურიგებდა და მოვაჭრეებში რა ნაცნობები და მეგობრები ჰყავდა. მერე ისიც უამბო, რომ ჯერ პატარიდან დავიწყე და პირველათ წამლათ რომ მდომებოდა გროში არ მომეძებნებოდა ჯიბეშიო. მოხუცს წარსული სიღარიბითაც თავი მოჰქონდა და თავს უხვათ იქებდა. თუ ასეთ მდგომარეობას მიაღწია მარტო თავის გამჭრიახობის და სმქმიანობის მაღლიერი უნდა იყოს, მეტი არაფრისა. იმას უნდოდა აეხსნა ძმისწულისთვის სოფელში დარჩომილი ძმა და სხვა ნათესავები რად გაღარიბდნენ და რამ გაადატაკათო. მოხუცი წელში გაიმართა, მიუახლოვდა გუსტავს და ხელები მხრებზედ შეაწყო,

— აი, მიყურე. თქვენი გლეხები წელზედ ფეხს იდგამთ— დღეს და ღამეს მუშაობაში ატარებთ, არც დღე გაგაჩნიათ, არც ღამე, არც დილა იცით, არც საღამო, თითქმის არც ერთ სურვილს არ ისრულებთ, ყველაფერში თქვენ თავს უარს ეუბნებით, მამაშენსავით, ყოველ გროშს ზედ დასტირით და მაინც არა გამოდის-რა! რაც უნდა ჰქნათ, გლეხები ვერაფერს მიაღწევთ; ცხოვრებაში თქვენ არასოდეს არ დაწინაურდებით და,



პირიქით, დაქვეითება კი მალე შეგიძლიანთ. მე გეტყვი ყველა ეს რისაგან ხდება. იმისგან, რომ თქვენ თვლა არ იცით; თვლა... ნამდვილი გლეხი ის არის, ვინც თვლა არ იცის. და ვინც თვლა არ იცის, იმას ფულისა არა ესმის რა და, რასაკვირველია, ვაჭრობისათვის არც ვარგა. ეხლა ისეთი დროა, რომ თვლა და ანგარიში ყველამ უნდა იცოდეს—ეს პირობა უმთავრესია. აი, შენ მე შემომხედე! მეც დავრბოდი გაღბენაუს სკოლაში და მეც იმას ვსწავლობდი, რასაც მამა შენი სწავლობდა. გამოგიტყდები და გეტყვი, ყმაწვილობაში დიდი ანცი ვიყავ, მაგრამ თვლა კი ვიცოდი, თვლა ყოველთვის კარგი ვიცოდი, ყოველთვის! აი სწორედ ამ თვისებამ მიშველა და ამან გამომიყვანა კაცად. აბა ეხლა შემომხედე, მე ვინა ვარ და თქვენ რა ხართ.—თქვენგანით არაფერი გამოვა ხეირიანი. რადა? იმიტომ, რომ რიგიანი თვლა არ იცით!..

გუსტავს ამგვარი სჯა-ბაასი სრულიად არ ექაშნიკებოდა, მაგრამ პასუხს მაინც ვერა ჰკადრებდა. იმას ხომ ერთი მიზანი ჰქონდა, რომ როგორმე დაეყოლებინა ბიძა და ამისთვის მისი გაჯავრება და მოთმინებიდან გამოყვანა ხელს არ მისცემდა. გუსტავმა კვლავ თავისი დაიწყო და სათხოვარი კვლავ გაუახლა.

ბიძამ მხარზედ ხელი დაჰკრა და აღერსიანათ გაუღიმა. ვნახავ, რა შემიძლიან და რა არის საჭირო. მე ისეთი კაცი არა ვარ, რომ ჩემი ნათესავეები განსაცდელში დაგტოვო, —უთხრა მოხუცმა, მაგრამ გადაჭრით დახმარებას კი მაინც არ დაჰპირდა. როცა გუსტავი ჩააცივდა, მოხუცმა მოუგო, გადაჭრით ვერაფერს გეტყვი, რადგან არ ვიცი, სხვებიც დამეთანხმებიან თუ არაო.

მეზობელ ოთახში ქალების ლაპარაკი ისმოდა. როგორც ეტყობოდა, ერთ ახალგაზდა და ხნიერ ქალს უნდა ჰქონოდათ ლაპარაკი. ბოლოს კარები გაიღო და მოხუცი დედაკაცი შემოვიდა; გუსტავი მიხვდა, რომ ეს დედაკაცი ლებერესტის მეუღლე უნდა ყოფილიყო.

ცოლი რამდენიმე წლით უფროსი იყო ქმარზედ. ქალარა თავზედ თეთრი თავსახურავი ჩამეოფხატა და სოსანი ლენტეხით

შეეკრა. ახლათ შემოსული თხუნელისებურ წვრილი თვალებით უცხო კაცს ცნობის მოყვარეობით დააკვირდა და გაიგო თუ არა, რომ ეს უცნობი კაცი გულბენაუდამ ჩამოსული ბიუტნერიანო, დაღმევილ სახეზედ უცბათ თავისი ღირსების შეურაცხება გამოესახა. იმას საზოგადოთ ძალიან ეზიზღებოდა ეს „გლახუქეები“. ამიტომ არც კი გომოელაპარაკა ქმრის ნათესავს, მხოლოდ ქმარი განზედ გაიყვანა და აჩქარებით რაღასაც ეჩურჩულებოდა. რას ლაპარაკობდა დედაბერი, გუსტავმა არ იცოდა, რადგან უკბილობისა გამო მოხუცი საძაგლათ ჩაფჩაფებდა. თუმცა ლაპარაკის საგანს ვერ მიუხვდა გუსტავი, ის კი ცხადათ გაიგო, რომ იმის აქ ყოფნა დედაკაცს არ მოსწონდა, ბიძა რილაცის ბოდის იხდიდა და რაღაცაში თავს იმართლებდა. ასე უცბათ სად დაეკარგა მოხუცს ამპარტავნობა და საკუთარი თავის რწმენა? ცოლთან ლაპარაკის დროს ლებერეხტი როგორღაც შეეკრთა, დაბეჩავდა და სიტყვის თქმას ველარ ახერხებდა.

— აგერ თურმე ქარი საიდან უბერავს! — გაიფიქრა გულში გუსტავმა. — როგორცა სჩანს, ბიძა თავის უფალი და სახლის ბატონი არა ბრძანებულა!

აქ კი შიშმა აიტანა, რომ მთელი გეგმა ჩამეფეუშება და ვერაფერს ვერ გავარიგებო.

ცოტა ხნის შემდეგ ოჯახის სხვა წევრებიც მოვიდნენ — ბიძაშვილი გუსტავი, დუქანში რომ ნახა და მისი და. დანარჩენი შვილები სახლში აღარ ცხოვრობდნენ — ვაჟებს ცოლები შეერთოთ, ქალები გათხოვილიყვნენ და ყველას თავისი ოჯახი გაეჩინა და თავისი კერა გაეჩაღებინა. გუსტავის და სულ უნცროსი შვილი იყო ლებერეხტისა და ოც-და-ერთის თუ ოც-და-ორის წლის ქალი იქნებოდა. ქალაქელი ნათესავი სხვა ფრივ ლამაზი ქალი იქნებოდა, რომ დედის წვრილი თვალები არ გამოჰყოლოდა. ქალმაც დედასავით ოდნავ დაუქნია გუსტავს თავი. ვიწრო წელით, ფაქიზი ხელებით და კოხტათ დავარცხნილი. თმით ბიძაშვილი ნამდილი ქალაქური ქალი იყო.

გუსტავმა ნება-უნებურათ ლებერეხტის ქალი თავის დებს შეადარა... და როგორღაც არა სჯეროდა, რომ ესეცა და თავისი დებიც ღვიძლი ძმებისანი იყვნენ.

გუსტავემა უცბათ თავის წრეში ვერ იგრძნო თავი. ამათთან საერთო მარტო გვარი თუ ჰქონდა, თორემ სხვა აღარაფერი. სახლის მოწყობილებაც როგორღაც უცხოთ ეჩვენებოდა: გაბრჭყვიალებული მაგიდები, ხავერდის ბალიშები მძიმე ლოდსავით აწვებოდნენ გუსტავს გულზედ. ყოველ ნაბიჯზედ სუფრები და ხალიჩები ეფინა, აითქოს უბრალო ხისა ამ სახლში ისევე რცხვენიანთ, როგორც სხვაგან უსინდისობისა და ურცხოებისაო. ერთ კუნჭულში როიალიც კი იდგა და პატარა მაგიდაზედ კოხტათ დაკაზმული წიგნები ელაგა. საკვირველია, როგორ უნდა სცოვრობდეს ის ხალხი, ვინც ამდენ უსარგებლო საგნებით ივსებს სახლსა?!.—ჰფიქროდა გუსტავი. ამ სახლში კაცი თავისუფლათ ერთ ნაბიჯსაც ვერ გადასდგამდა. სულ იმის შიში უნდა ჰქონოდა, რომ ან რამე არ გავაფუქო, ან არ გავტყებო. გაღბენაუში კი სულ სხვანაირათ ჰქონდათ სახლი მოწყობილი—იქ ყოველი საგანი რამესთვის საჭირო იყო. ხალხიც, ღვთის წინაშე, იქაური სჯობდა. გუსტავს კი ასე ეგონა და! მართალია ისინი ამათსავით ზრდილნი არ არიან, მაგრამ სანაცვლოთ გულახდილნი და უფრო ადვილათ გასაგებნი იყვნენ, ვიდრე ეს ამპარტავანი ნათესავები, რომელთაც სიტყვის დახარჯვაც კი საშინლათ ეხარებოდათ.

ბოლოს ყველანი სასადილო ოთახში გავიდნენ, სადაც გუსტავი ბიძის გვერდით დასვეს. ამ გარემოებამ გუსტავი გაახარა, რადგან ბიძა ხშირათ აღერსიანათ გამოელაპარაკებოდა ხოლმე. ბიცოლა ისევ მტრულად უყურებდა. ბიძაშვილები კი ისეთ გაცხარებულ ლაპარაკში იყვნენ, რომ კაცს ეგონებოდა რამდენიმე წლის უნახავები თუ არიანო. იმათ ლაპარაკსა თუ ხმაში რაღაც ბოროტი სიხარული და ამპარტავნული გრძნობა ისმოდა. ეტყობოდათ, ძალიან უხაროდათ, რომ ეს ხეპრე გლეხი თუმცა ყურს უგდებდა, იმათ ლაპარაკიდან ერთი სიტყვაც კი არ ესმოდა.

გუსტავემა გაიფიქრა: იმის მაგიერ, რომ ასე ხშირათ სცვალონ თეფშები, ის არ ემჯობინებოდა, რომ რამე მძღლისი მოეტანათო? სადილის დროს თეთრ ხელთათმანიანი და სუფთა წინ-

საფარ აფარებული, ახალგაზდა გოგო ემსახურებოდათ. ყოველი საქმელი იმას მიჰქონდა და ვისთანაც მივიდოდა, ყველას „მიირთვითო,“ ეუბნებოდა. გუსტავმა გაიფიქრა—ეს სიტყვა სრულიად უაზრო და სულელურიაო. კაზარმებში თუ თავის სახლში სულ სხვა რამეს იყო გუსტავი დაჩვეული: როგორც უნდოდა, ისე დაჯდებოდა, ერთ მათლაფაზედ სჭამდა რაც ექნებოდა და როცა გაძლებოდა, მაშინ ადგებოდა. აქ კი სკამზედ გამოჯგვიმული უნდა იჯდე, ყოველი განძრევისა გეშინოდეს, ელოდო როდის მოგიტანენ კერძსა და როცა მოგართმევენ, პატარ-პატარა ლუკმებით უნდა გაიძლო კუჭი. ბიძის ქალი როგორღაც უსიამოვნოთ მოიღუშა, როცა გუსტავმა ერთი ნაჭერი ჰური კიდევ მოითხოვა და დაუმატა — ცოტა დიდი ნაჭერი მომეცით, თორემ ძალიან წვრილათ დაგიჭრიათო.

სადილს შემდეგ, ყავის სმა რომ დაიწყეს, ამათი სასიძოც მოვიდა. ეს მორთულ-მოკაზმული და მოპრანჭული ყმაწვილი საცოლოსთან შედარებით მთელი მტკავლით იყო დაბალი. ლებერებტის ქალი კი, როგორც ყველა ბიუტნერი, მაღალი ტანისა იყო. ეს ახალგაზდა, ღიპიანი ყმაწვილი განცვიფრებული გაჩერდა, მოჰკრა თუ არა უცხო კაცს თვალი. მაგრამ საცოლეს მოელაპარაკა და მალე დამშვიდდა, ალბათ, დამამშვიდებელი პასუხი თუ მიიღო.

მერე, ვაყებს რომ საქმეებზედ ლაპარაკი შესძლებოდათ, ქალები მეორე ოთახში გავიდნენ. წასვლის წინ ლებერებტს ცოლმა რაღაც წასჩურჩულა. ალბათ, თუ არიგებდა, როგორ უნდა მოქცეულიყო და თავი როგორ დაეჭირა.

გუსტავი ძლივს ბიძა-ბიძაშვილთან და იმათ სასიძოსთან დარჩა. ყველანი გაჩუმებული ისხდნენ და თითქოს იმას ელოდნენ, რომ გუსტავს დაეწყო ლაპარაკი. მაგრამ გავიდნენ თუ არა ქალები და გუსტავი ვაყებთან დარჩა, იმ წუთსვე მიხვდა, რომ დილანდებურათ თავისუფლათ და გასაგებათ ვეღარ ილაპარაკებდა. დაიწყო თუ არა ლაპარაკი, ბიძაშვილმა და იმათმა სასიძომ როგორღაც მრავლ მნიშვნეულად გადახედეს ერთმანეთს, ამან ხომ სულ ერთიანათ გადარია გუსტავი.

გუსტავის შემდეგ ლებერესტის შვილმა ილაპარაკა: ბიძა-შვილი ტყუილათ თავს ნულარ შეიწუხებს, რადგან იმის წინადადებას აქ ვერავინ დაეთანხმება. ამისთანა საქმეში ფულის დახარჯვა მეტის-მეტი „სასუღეღე“ იქნებოდა. ლებერესტის შვილი ისეთ სიტყვებს ხმარობდა, რომ გლეხის შვილს არა ესმოდა-რა. ამ საქმეში დახარჯული ფული „fina perdu“ იქნებოდა, — და სულ რაღაც „non valeurs“-ზედ და ტყუილ გიროს ქაღალდებზედ ლაპარაკობდა. „ცოცხალი კაპიტალი მკდარ საქმეში არ უნდა დაიხარჯოსო“ — დიდის რიხით გამოაცხადა ბოლოს.

დაგრგვალეული სასიძოთანხმობის ნიშნათ თავს იქნევდა და კარლ ლებერესტი, როგორც ეტყობოდა, შვილის ქვიანური ლაპარაკით სტკებოდა. მამას შვილის ლაპარაკით თავი მოჰქონდა და ნასწავლი შვილით ამაყობდა. გუსტავი კომერციულ სასწავლებელში სწავლობდა და მხედველობაც იქ დაჰკარგა, მაგრამ, სანაცლოთ, ასეთი ლაპარაკიც ხომ იქ ისწავალა.

სჯა-ბაასის შედეგი კი ის იყო, რომ გუსტავს უარი უთხრეს:

— ჩვენ არ შეგვიძლიან ამოდენი ფული დაკარგულ და უიმედო საქმეში ჩავყაროთო, — შვილის შემდეგ მამამაც გაიმეორა.

გუსტავმა ვერაფერი მოარიგა და შინ გულჩათუთქული დაბრუნდა. გამოთხოვების დროს, ბნელ დერეფანში, ბიძამ რაღაც ჩასჩარა გუსტავს ხელში, მაგრამ ისე კი, რომ არავის დაენახა. პირველად თითონაც ვერ გაიგო გუსტავმა გამოთხოვებისას ბიძამ რა მიუძღვნა, მაგრამ კარგათ რომ გასინჯა, გამოჩნდა, რომ ერთი ყუთი გავანის საუკეთესო სიგარები მიეცა.

\* \* \*

ეხლა კი გადასწყვიტა გუსტავმა, რომ მამულის შერჩენა შეუძლებელია და კარებზედ მომდგარ უბედურებას ველარაფრით ველარ ავიცდენთო. ის ისევ შინ დაბრუნდა და თუმცა ძველებურად ისევ შევლოდა მამას, გულში კი გადასწყვიტა, თავისი ბედი როგორმე ოჯახის სხვა წევრების ბედისაგან გაეცალკეებინა და თავის თავისთვის რაიმე ეფიქრნა. ეხლა

ერთი ხელიც ხომ აღარ არის! ჰყავს ისეთი ვინმეც, რომელნიც მშობლებზედაც და დაძმაზედაც უფრო ახლო სდგანან მასთან. აი სწორედ ისინი ჰყავს მას საფიქრებელი—პაულინა და იმისი ბიჭუნა გუსტავს როგორც თავის მრჩენელს და მაცხოვრებელს ისე შესცქეროდნენ. მალე გუსტავმა მღვდელსაც და სოფლის მმართველობასაც გამოუცხადა, გაზაფხულზედ პაულინაზე ჯვარი მინდა დავიწერო.

მაგრამ ჯვარს რომ გადიწერენ, ხომ სადმე უნდა იცხოვრონ და მამის სახლში რომ ვერ შემოიყვანდა პაულინასა და შვილს, ეს ცხადზედ უცხადესი იყო. ოჯახის მომავალ მარჩენელს რამე გამორკვეული საქმე და შემოსავალი უნდა ჰქონოდა. ახალგაზრდა კაცს პასუხის გების და მოვალეობის გრძნობა თანდათან ეზრდებოდა და უფრო-და-უფრო აწუხებდა. ეს გრძნობა საკუთარი თავის რწმენას უკარგავდა და გამბედაობას აკლებდა. გუსტავმა მთელი მიდამოები მიიარ-მოიარა, მიდგა-მოდგა, ხან ვის ეკითხებოდა, ხან ვის წაუგდებდა ყურს, გაზეთებსაც კი ადევნებდა თვალსა, იმ იმედით, რომ რამე თავის შესაფერად გილს იშოვნოდა. გუსტავს რამე სამსახურში უნდოდა შესვლა, მაგრამ რა სამსახურში შევიდოდა—ჯერ თითონაც არა ჰქონდა გადაწყვეტილი.

ათასი შეუძლებელი და შეუსრულებელი გეგმები უმძიმებდნენ თავსა; ერთი ხელობა უცხო ქვეყანაში გადასახლებაასაც კი აპირებდა.

პაულინა მშვიდათ ისმენდა გუსტავის გეგმებს და არაფერს ეუბნებოდა. ის იმოდენათ კეთილი და მოყვარული იყო, რომ ყოველთვის მოახერხებდა ხოლმე გუსტავის გამზიარულებას. პაულინა სრულიადაც არ იყო შეშინებული და გუსტავსავით ცხოვრების წინ არა ჰკრთოდა.

იმ დღის შემდეგ, რაც დარწმუნდა, რომ გუსტავი იმის საკუთრებათ გადიქცევოდა, პაულინა სულით და გულით დამშვიდდა. როგორც ნამდვილი ქალი, პაულინა იმისთანა დროსაც კი, როცა მდგომარეობა გამოურკვეველი ჰქონდათ და არ იცოდნენ რა მოელოდათ მომავალში, ამისთანა დროსაც კი

არ ივიწყებდა რაც საჭირო იყო და გაქანებული მზითვეს იმზადებდა. სადა და როგორ იცხოვრებს, ეს პაულინამ არ იცოდა და, იმის აზრით, არც თუ საჭირო იყო ამის ცოდნა. ერთი რამ იყო რასაც კმარობდა პაულინა და თავის ხანგრძლივი სიყვარულის და ერთგულების ჯილდოთ ჰხატავდა. ეს ჯილდო, ეს უსაზღვრო ბედნიერება ის იყო, რომ გუსტავი და ის ცოლ-ქმარნი შეიქმნებიან და სამუდამოთ ერთმანეთს დაეკუთვნებიან. ქალი მადლიერი იყო გუსტავისა და იმის ერთგული და ხანგრძლივი სიყვარულისა. თუ ხანდახან უწინდებურათ აღერსიანათ არ ექცევოდა, ან ცუდ გუნებაზე შეხვდებოდა, პაულინა ამას არცა ნაღვლობდა და არც ყურადღებას აქცევდა, რადგან ეს დროებითი ცვლილება გუსტავის წრფელი სიყვარულის ეჭვს ვეღარ უბადავდა. პაულინას უწინდებურათ აღფრთოვანებულის და იქვიანი სიყვარულით აღარ უყვარდა; ეხლანდელი სიყვარული მშვიდი და კმაყოფილი ქალის გრძნობა იყო, რომელსაც ერთათ-ერთი უნდოდა და კიდევ მისწრაფოდა მისკენ, ეს ერთათ-ერთი მიზანი ის იყო, რომ თავის ბიჭუნის მამა შეერჩინა და სამუდამოდ თავის საკუთრებათ გაეხადნა. პაულინას არც თავმოყვარეობა აკლდა: იმას არ უნდოდა, რომ გუსტავს ცარიელ-ტარიელი წაჰყოლოდა. თუმცა დიდ მზითვეს ვერ მიიტანდა, მაგრამ მაინც, ანდაზისა არ იყოს, სულ არარაობას ცალი უღელი ხარი სჯობიაო, რაც უნდა მოეტანა, გუსტავისთვის ისიც კარგი იქნებოდა. ამ უკანასკნელ დროს ძალიან ხშირათ ნახავდა ადამიანი პაულინას მაკრატელით, ადლით თუ. ძაფით ხელში; იმისი პატარა ოთახი ხომ სულ მუდამ მიტკლებითა და ჩითეულობით იყო სავსე.

გუსტავმა როგორღაც ყური მოჰკრა, რომ მებატონეს მეეტლე დაუთხოვნია და ეხლა ეს ადგილი თავისუფალი არისო. რაღა ლაპარაკი უნდა, რომ გუსტავი იმ საათშივე მებატონის სახლისკენ გაემგზავრა, მაგრამ ეს ხმა ტყუილი გამოდგა. ძველი მეეტლე თითონ არც კი ჰფიქრობდა ამ ადგილის დატოვებას, რადგან კარგი ჯამაგირი ჰქონდა, და არც მებატონე ითხოვდა. გუსტავმა თუმცა ვერა გაარიგა რა, მებატონეს მოურავი, შროფფი, მაინც გაიცნო.

გუსტავს უწინაც ბევრჯერ გავგონა ამ კაცის გვარი. მოხუცი ბიუტნერი ახსენებდა თუ არა ამ მოურავის გვარს, სჯე სიბრაზითა და მძულვარებით წამოუქარხლდებოდა და ჯიუტათ სულ

ერთსა და იმავეს გაიძახოდა ხოლმე: „კაპიტანი წვრილ ხალხს როგორც კურდღლებს, ისე სდევნის, რასაკვირველია, იმისთვის რომ იმისმა ბატონმა უფრო ადვილათ გაანადგუროს ისინიო.“ მეორეს მხრივ გუსტავს ბევრი კარგი რამეცა ჰქონდა კაპიტანზედ გაგონილი. ბევრნი ლაპარაკობდნენ, მოურავი ძალიან კარგი კაცია და მუშებსა თუ გლეხებს ძალიან ხშირათ ესარჩლებო. მუშების საცხოვრებელი სახლები თითქმის ყველანი შრომის დროს იყვნენ აშენებული, უწინ კი ზამთარ-ზაფხულ რაღაც უვარგის ფიცრულეებში სცხოვრებდნენ. მარტო ამისთვის იყო კაპიტანი საქები.

— თქვენ, მგონი, მოხუცი ბიუტნერის შვილი ხართ? — დაეკითხა კაპიტანი.

— დიად, ბატონო.

— განა მამა თქვენის მამულში სათქვენო საქმე ვერ მოიპოვება, რომ სხვაგან ეძებთ ადგილსა?

გუსტავმა გულახდილათ ვერ უპასუხა. სხვა და სხვა გარემოების წყალობით იძულებული ვარ სხვაგან ვეძებო ადგილიო. გუსტავს რცხვენოდა თავიანთ სიღარიბისა და ვერ გამოტყუნილიყო, რომ არამც თუ შვილი, მალე მამაც ვეღარ იპოვნოდა თავის მამულში საქმესა.

— აი, თქვენგან უფრო ნამდვილ ამბავს გაიგებს ადამიანი. აბა, მითხარით თქვენი მამულის საქმე როგორ მიდის?

გუსტავმა მიღგო—მამიჩემის საქმე მეტათ ცუდათ მიდის და თუ ვინმე არ დაეხმარა, მალე სულ მთლათ დაიღუპებაო.

— აი, მეც სწორედ მაგას ვეუბნებოდი მამათქვენს ამ ნახევარი წლის წინათ, მაგრამ გამგონი სად იყო? — შესძახა კაპიტანმა.

კაპიტანი და გუსტავი უკანა ეზოში ლაპარაკობდნენ. ამ ლაპარაკის დროს კაპიტანი რამდენსამე ახალ მუშას გაუსწორდა და მერე გუსტავი თავისთან შეიწვია.

ქვით მოფენილ ბილიკით მოურავი და გუსტავი საჯინიბოებს გასცდნენ. ეზო ოთხ კუთხედი, მაგრამ გაგრძელებული იყო. ერთ მხარეს საქონელის შესანახი შენობები იყო ამართული და მეორე მხარეს.—საღორე და ფარეხები. შუაში აგურით ამოშენებული ორმო იყო პატვის შესანახი და იქვე იმის გვერდით საქონლისთვის წყალი ჰქონდათ დაგუბებული. ცხენების კვიცებისთვის ერთი კუთხე შემოფარგლული იყო ეს უხარმა-



ზარი ეხო კობტა შენობით თავდებოდა, სადაც გრაფის კანტორა იყო მოთავსებული. მოურავიც აქ, ამ სახლში, სცხოვრობდა. მუშებისათვის აშენებულ სახლების წინ დატოვებული ადგილი დასახლებულთა შრომის მოყვარეობით ჩინებულ პატარ პატარა ბაღებით იყო გადაქცეული. აქედან თითქმის სრულიად არ მოსჩანდა გრაფის კოშკი. ის ხშირ ფოთოლთა ხეებით იყო შემოზღუდული და განცალკევებული იდგა, თითქოს არც კი უნდა, რომ შორიდან მაინც მოსჩანდეს შრომის ბუდეო.

კაპიტანი შროფტი ამ სახლის პირველ სართულში სცხოვრობდა და ორ ოთახში იყო მოთავსებული. მოწყობილება სულ უბრალო ჰქონდა: ტყავ გადაკრული ავეჯი, რამდენიმე ლერწმის სკამი, წიგნებით სავსე ოთახი და საწერი მაგიდა. საითაც გაიხედავდით, ყველგან ჩიბუხები, თუთუნის და წუმწუმები ეწყო. ესეც რომ არა ყოფილიყო, ჰაერზედაც შეატყობდა ადამიანი, რომ ამ სახლში თუთუნის გატაცებით მწვეელი უნდა მდგარიყო. კედლებზედ სამხედრო და სანადირო ნივთები ეკიდდა. საწერ მაგიდის თავით, ოთახის ერთათ ერთი დამამშვენებელი საგანი, სურათი ეკიდდა. სურათზედ ფერად-ფერადი საღებავებით სოფლის მაკული იყო დახატული, სადაც კობტა შენობა მყუდროთ მიკუნტულიყო ჩინებულ ხეივნის ფოთლებში. შემოფარგლულ პატარა მოედანზედ მჯდარი ვაჟკაცი კაპიტანი შროფტი იყო და იმის გვერდით მჯდომ ღია ფერის კაბაში გამოწყობილი ქალი ალბათ კაპიტანის ცოლი და სამი ქერა ბავშვის დედა თუ იქნებოდა. ეს სურათი სწორედ ამ ადგილას იყო დაკიდული და არა სხვაგან იმ მიზეზით, რომ კაპიტანი სადაც უნდა მჯდარიყო და რაც უნდა ეკეთებინა, აიხედავდა თუ არა, პირველად ამ სურათს მოჰკრავდა თვალს. კაპიტანი რამდენიმე წლის ქვრივი იყო და სურათზედ დახატული სამი, ეხლა დავაჟკაცებული, ვაჟი მამასავით იძულებულნი იყვნენ სხვის თვლებში ეცქირნათ და სხვის ქერ ქვეშ ეცხოვრნათ.

შროფტმა გუსტავი დასაჯდომათ მიიწვია. მერე თამბაქოთი გაქუქილი ჩიბუხი მოიტანა, ცეცხლი მოუკიდა და გაუმადლრად წევა დაუწყო. მერე სავარძელში გადაწვა, ფეხი ფეხზედ შემოიღო და დაიწყო:

— აბა მომიყვით ეხლა, ბიუტნერ! მამა თქვენი დაბერებულია და ყაყანის შეტს არაფერს აკეთებს. იმას სიკეთეს უშე-

რებიან და ის კი იკბინება. მე მგონია, თქვენ უფრო გონიერი იქნებით იმასთან შედარებით, არა?

— ვეცდები, ბ. კაპიტანო!

გუსტავის გული შროფფმა უცბათ დაიტყვევა, ამიტომ მოაუბრებლათ ყველაფერი დაწვრილებით უამბო. გუსტავმა მამულის გაყოფიდან დაიწყო, უამბო მამულის დავალიანება, მოხუცი ბიუტნერი გარემოებებს როგორ შეებრძოლა, ბოლოს როგორ გაქირდა ცხოვრება, ხარჯი როგორ მოემატათ და ბოლოს მოვალეებმა როგორ დაუგეს გამოუცდელ და გაუნათლებელ გლეხს ქსელები.

კაპიტანი შროფფი წვერზედ ხელს ისვამდა, მოუთმენლად ბორგავდა საფარძელში, პირიდან ბოლს უშვებდა და მძიმეთ ოხრავდა; როგორც ეტყობოდა, გუსტავის ლაპარაკს კაპიტანი გულისყურით ისმენდა.

ბოლოს ჩიბუხი გვერდზედ მოსტყორცნა და წყევლა კრულვით ოთახში ჩქარი ნაბიჯით დაიწყო სიარული.

— მე ვიცოდი, ვიცოდი, რომ ეგრე მოხდებოდა!.. დასწყევლოს ღმერთმა!.. გლეხი, მგონი, არასოდეს არ დაუჯერებს პათიოსან კაცს და ვინც ატყუილებს, იმას კი შიგ ხელში ჩაუვარდება. გარრასსოვიცისთანა კაცს ენდობა, რასაკვირველია! მამა თქვენი სრულიად შეშლილა ჭკუაზედ, რადგან თითონ თავის ფეხით მისულა და ეშმაკს ჩავარდნია ხელში. განა მამა თქვენმა არ იცოდა, რომ იმ ურიას მთელი სოფელი ვერსბახი ეკუთვნის? მთელი ეს სოფელი ნაწევარ, მეთე ფასათ იყიდა და მერე დაანაწილა! ეხლა ის საძაგელი წურბელა გალბენაუშიც გაჩნდა, მელა საქათმეში შეუშვეს, ჰა?.. ერთი წელიწადიც არ გავა და გარრასსოვიცი მთელ სოფელს მეხარკეთ გაიხდის! ახლა რაღა უნდა ვქნათ, რა?

ამ სიტყვებით კაპიტანი გუსტავის წინ გაჩნდა და თვალეებში ჩააწერდა, ბიუტნერმა პასუხის ნაცვლათ მხრები შეიშმუნა.

— ჰხედავთ, გლეხების უბედურებაში თქვენ, გლეხებივე ხართ დამნაშავე! ვერც ვერაფერი გიშველით! ცხვრებისავით თქვენ თითონ სცვივდებით ცეცხლში. მამა თქვენს თმა გასთეთრებია, რა არ გამოუცდია და რა არ გამოუვლია თავის ცხოვრებაში და მაინც კიდევ ურიასთან მიდის და თამასუქებზე ხელს უწერს. ეს ხომ სიგიჟეა. ყველგან ერთი და იგივე, ერთი

და იგივე... დიდსაც და პატარასაც ერთი დღე მოვლით; სხვის უბედურებით ჭკუას რომ არავინ სწავლობს... ეს არის უბედურება და. ყველამ თავის თავზე უნდა გამოსცადოს უბედურება, რომ ცოტა ჭკუაზედ მოვიდეს. როცა საქმე გაფუჭდება, მერე ტირილსა და ოხვრას მოჰყვებიან ხოლმე, ყველა თავის თავს ამტყუნებს, მაგრამ რა გამოვიდა, შველა აღარსაიდან არ არის!

ამ სიტყვებს რომ ამბობდა კაპიტანი, საწერ მაგიდასთან იდგა და კედელზედ დაკიდულ სურათს დაშტერებით უყურებდა. სახეზე მწარე ნაღველი და დარდი გამოეხატა. მერე უცებ ხელი გაიქნია, თითქოს მძიმე ფიქრებს ერეკებაო, და ისევ ბოლთა დასცხო ოთახში.

— ახლა, ახლა რაღას აპირებს ბიუტნერი?

— თუ ბ. კაპიტანი რჩევას არ მოგვცემს...

— მამა თქვენს მაშინვე რომ მოეკრიბა ჭკუა და ჩემი სიტყვა მაშინვე დაეჯერებინა, კიდევ უშველიდი რამეს, მაშინ ანე ძლიერ არ იყო იმის საქმე დახლოარაული. ეხლა კი, როცა იმ ურიას თავის ტომარაში ჩაუჩქმალავს, ეხლა გვიანდაა!.. გრაფი სიცილით მოკვდება, თქვენი მამულის გამოსყიდვა რომ ურჩიო. მერე ის უბედური მამული ეხლა იმდენი არც კი ღირს, რაც ვალი აწევს ზედა. ისევ საჯაროთ გასყიდვას თუ მოუცდით, ეს კი უეჭველათ უნდა მოხდეს. თუ გადავსწყვიტეთ იმის შეძენა, მაშინ შეგვიძლიან მივიდეთ და ვაქრობაში მონაწილეობა მივიღოთ. მამა თქვენმა კი ამ ამბებს უნდა უყუროს. ჩვენ მარტო ტყე გვინდოდა, მეტი კი არაფერი, ეს მე მაშინვე ვუთხარი. მთელი მამული კი რა საჭიროა ჩვენთვის? აგერ თურმე როგორ ყოფილა საქმე, თქვენ თითონ ჰხედავთ, ბიუტნერ, რომ თქვენ საქმეს ველარა ეშველებო-რა.

— მე ყური მოვკარი, გარრასსოვიცი აგურხანის აგებას აპირებს ბიუტნერიანთ მამულშიო, — ჩაუბრუნა სიტყვა გუსტავმა. გარრასსოვიცს უთქვამს, სააგურხანოთ ამაზე კარგ ადგილს ძნელათ თუ იშოვნის სადმე კაციო.

გუსტავმა ეს სიტყვები გულუბრყვილოთა სთქვა, სრულიად უაზროთ, მაგრამ კაპიტანი კი ამ სიტყვების გაგონებაზედ გაჰკვირდა.

— როგორ, აგურხანასაო? — შესძახა გრაფმა. — მერე თინა გაქვთ განა მამულში?

— როგორ არ არის, ბატონო, თიხა? მეზობლები რამდენს ჩასჩინებდნენ მამაჩემს: სულელი ხარ, რომ აგურს არა სწვამ. შენ მამულშიო.

— გარდასოვიცმა კი, რასაკვირველია, იმ საათშივე აიღო აღლო!— შეჰყვირა კაპიტანმა და, როგორც შეეტყო, ძალიან გაცხარდა: ახლა, რასაკვირველია, ზედ ცხვირის წინ წამოგვიქიმავს აგურხანას, სწორედ ეს-ლა გვაკლდა ამოდენა მშვენიერებასთან!

გუსტავს ეხლა რომ მოაგონდა, დიდი ხანი არ იყო, რაც მებატონეს მამულში ააშენეს აგურხანა და მიხვდა. ამ ამბავმა ასე ძლიერ რად გააცხარა კაპიტანი და რასაკვირველია, იმასაც მიხვდა, რომ ეს გარემოება შეიძლებოდა როგორმე გამოეყენებინა. აქ კი ცხადათ დაინახა, რომ გაჭირვებიდან თავის დახწევა კიდევ თურმე შესაძლებელი ყოფილიყო.

ეხლა გრაფის მოურავს გუნება გამოეცვალა. იმან ისეთის ძალითა ჰკრა სკამს წიხლი, რომ სკამი ოთახის კუნჭულში მივარდა.

— ჰმ!... ჩვენც თურმე ჩაუგდივართ ხელში. ის საძაგელი გაიძვერა განა უსარგებლოთ რამეს დასტოვებს? ახლა აგურის ფასს დასწევს, მუშებს გაღიბირებს და მუშტარსაც ხელიდან გამოგვაცლის,—სულ მთლათ გახრწნის აქაურობას. აგურხანა ჯერ დასაწყისია—ამას კიდევ სხვა რაიეები მოჰყვება, სახამებლის ან საღებავის ქარხანა! მერე მთელი სოფელი სამრეწველო აღვილათ გადაიქცევა. მაშინ ხომ ჩვენი მამულებიც სულ მთლად დაჰკარგავენ ფასსა! მაშინ მეურნეობას სულ უნდა დავანებოთ თავი. აგერ გეიგელსდორფი რად გადაიქცა? ყოველ ნაბიჯზედ ქარხნები ამართულან, წყალი წაჰბილწეს და ერთი კაცი აღარ მიდის მინდორში სამუშაოთ, ყველა ქარხნებისაკენ მიიწევს. აქაც სწორედ ასე მოხდება. მე შელანდებიან კიდევც ის დაწყველილი ქარხნები. ყველგან ბოლი და ჰვარტლი. „თუ ეს მოხდა, შეგვიძლიან გრაფს მამულის დაკარგვა მივულოცოთ.

გუსტავი ხმაჩაკმენდილი ყურს უგდებდა და გულშა უხაროდა, რომ საქმე ასე მოტრიალდა. ამაზე უკეთესს რაღას ინატრებდა? თუ გრაფი და ვაჭარი ერთმანეთს შეეცილებიან ბიუტნერიანთ მამულის გამო, ეს სარგებლობის მეტს არაფერს მოუტანს იმის მამას.

კაპიტანი კვლავ მიუახლოვდა გუსტავს და ალერსიანათ ხელი მხარზე დაადო.

— აბა მიტხარით, ბიუტნერ—თქვენ უნტერ-აფიცრად ყოფილხართ და გონიერ კაი კაცად მეჩვენებია—ნუ თუ მართლა თქვენი მამული იმ საძაგელ ურიას ჩაუვარდება ხელში და მამა თქვენი იძულებული შეიქნება მამულს თავი დაანებოს?

გუსტავმა მიუგო, მამაზედ რომ იყოს დამოკიდებული, ის, რასაკვირველია, მაგას არ იზამდაო. ახალგაზდა ბიუტნერი მშვენიერათ მიუხვდა მოურავის გულის თქმას. რასაკვირველია, ეს კაცი ისეთი წრფელი გულისა და უნგარო არ იყო, როგორც სცდილობდა, რომ სხვებს სჩვენებოდა. იმ ცოტა ხანში მოხუცმა ბიუტნერმა მართალი სიტყვა იმაზედ: „დიდ ხალხს გლეხები ისრევე უყვართ, როგორც კატას თავიო“.

— ამ საქმის ეგრე დატოვება ყოვლად შეუძლებელია!— შესძახა კაპიტანმა.— თქვენი საგვარეულო, მგონი, დიდი ხანია რაც მაგ მამულს მფლობელობს? კაი დღე დაგვადგება, თუ თქვენსავით ძველებურ ოჯახებს ძირის თხრა დაუწყეს. გარრასსოვიცისათვის საკმარისია ფეხი ჩადგას სადმე, რომ ბოლოს ყველაფერი თითონ ჩაიგდოს ხელში. აგურხანის ამბავი მე ძალიან მეწყინა, სწორეთ გითხრათ.

გუსტავმა გადასწყვიტა, ეს ვაჭბატონი სიტყვაზედ რომ დაეჭირო, ურიგო არ იქნებო და გამოუცხადა—რამდენიმე ათასი მარკა სულ გვისხნიდა ამ უბედურებიდანაო და მთლად აუსხნა თავისი გეგმა. დაბოლოს სთხოვა: კაშელის გირაოს ქალღი თქვენზედ რომ გადაგეტანათ, ჩვენც გვიშველიდით და თქვენ თავსაცაო.

— მე, ჩემო კარგო?— შესძახა კაპიტანმა.— მეც თქვენსავით ლატაკი ვარ და იქნება მეტრც, რადგან ერთ დროს კაი ცხოვრება მქონდა... მაგრამ დავანებოთ ამას თავი!.. ყველას თავისი ნაღველი და დარდი აქვს. არა, ჩემგან ნურაფერს ნუ ელით, ჩემო კარგო! მე გრაფის წარმომადგენელი ვარ აქა, მეტი კი არაფერი!

გუსტავმა უთხრა, იქნება ამ თხოვნით თვით გრაფს მიმართოთო, კაპიტანმა შუბლი შეიკრა და წვერზედ ხელი წაისვა.

— გრაფი!.. გრაფი ეხლა ბერლინშია და უფრო დიდის

სიხარულით თითონ აიღებს ფულს, არამც თუ სხვას მისცეს. არც ჩვენა გვაქვს გადასაყრელი ფული... იმისთანა ცნობილ პირს, როგორც ჩვენი გრაფია, ყოველ წელიწადს უფრო მეტსა და მეტ ხარჯს აწერენ, შემოსავალი კი პატარავდება. სინილის ქვეშ გეტყვით, მე არ შემიძლიან ამ საქმეში ჩარევა ვურჩიო გრაფსა.

მერე ისევ სავარძელში გადაწვა და კვლავ ფიქრებმა გაიტაცეს.

— მამა თქვენს ძალიან ენანება მამული? — დაეკითხა ცოტა ხნის შექდეგ კაპიტანი.

მე მგონია, საცოდავი მოხუცი ამ დანაკრისს თან გადაჰყვებო, მიუგო გუსტავმა პასუხათ.

— მესმის, მესმის! — სთქვა კაპიტანმა და ფეხზედ წამოხტა.

— აი რას გეტყვით, ბიუტნერ! — დაიწყო კვლავ კაპიტანი. — მე მოვარიგებ მაგ საქმეს. გრაფს წერილს მივწერ. დაპირებით ვერაფერს დაგპირდებით, მაგრამ იმას კი გეტყვით, რომ გრაფი ყოველ თხოვნას მისრულებს ხოლმე. ცოტა მოვალეობას არ ვიღებ კისერზედ, მაგრამ მაინც მოვარიგებ ამ საქმეს... თუ თქვენთვის არა, ჩემთვის მაინც...

გუსტავი გამოეთხოვა და სახლისკენ დამშვიდებული წავიდა.

ივ. ზალუქოვანდვანაძე.

(შემდეგი იქნება)



# თ ა მ ა რ მ ე ფ ე

და

## მისნი ისტორიკოსნი

I. სასუფოას ძღაერება და ძიჯნება. არასდროს საქართველო ისე ამალღებული და გაძლიერებული არ ყოფილა, როგორც თამარ მეფის ჟამს. „ისპაანს დაესდევ ბეგარა, სტამბოლს ხარჯი ავიღეო“, ეთქმოდა მხოლოდ თამარ მეფეს.

მართალია, თამარი სტამბოლამდის ვერ მისწვდა, გარნაკეისარს, როგორც მოწმობენ თვით ბერძნული წყაროები და აკრეთვე ქართლის ცხოვრებაც, ჩამოართო ტრაპეზუნტი და მისი მიდამოები პონტოს ზღვის პირად და აქ დასო თავისი ხელაღი კაცი, რომელიც ტრაპეზუნტს გაიმპერატორდა. რომ თამარს ეხარკა სპარსეთი, ამას, ზეპირგადმოცემასა და ქართლის ცხოვრებას გარდა, მოწმობს შვეთელიც თავის „აბღულმესიან ში“.) იგი ამბობს (შვეთ., ტ. 35): „ხარ კეისარი, ხარკე, ის არი სიმდიდრით ლაღი, ჯიმშედს (სპარსეთს) მფლობელი“. დავით აღმაშენებელს არა თუ სპარსეთი არ დაეხარკა, რახსაც არ გასცილებოდა, სპარსნი სპარსეთს თამარივით არ შეემუსრა.

\*) პროფ. მარი თავის შრომაში—Тексты и разсканія по Армяно-Грузинской филологіи, IV (Спб, 1902),—ამტკიცებს, რომ იოანე შვეთელი იყუ თანამედროვე დავით აღმაშენებლისა და მისი პოემა შესხმა დავით აღმაშენებლისა და არა თამარ მეფისა. კარგი იქმნება, რომ ბ. მარმა ანგარიში გაუწიოს ჩვენის ავტორის მოსაზრებათაც და გააჩჩიოს ეს მოსაზრებანი.

რედ.

თამარი არა თუ სპარსეთის მძლეველი იყო, არამედ შუამდინარემდის და დამასკომდის ზარს სცემდა. ძლიერმა სალადინ სულთანმა (1171 — 1193 წ.) იერუსალიმიდგან გაიტაცა მაცხოვრის ხატი. თამარმა, იბნ-შედდანის მოწმობით, ამ ხატში შეაძლია სულთანს 200,000 დინარი და სთხოვა დაებრუნებინა ქართველებისათვის მათი სავანეები, იერუსალიმისა. დამასკოს სულთანთან ზავი დასდო და ამის შემდეგ, თანამედროვე კირაკოსის თქმით, უღვაო სულთნები მოწყალედ ეპყრობოდნენ მათს ქვეშევრდომებს, განსაკუთრებით კი ქართველებს, რომელნიც იქაურს ქალაქებში ბაჟ-გადაუხდელად შედიოდნენ; მეტადრე დიდად პატივსცემდნენ ქართველებს იერუსალიმში. თამარის მეოხებით, დასძენს იგივე მწერალი, მშვიდობა და მეგობრობა დამყარდა საქართველოსა და სულთანთა სამთავროებ შორის.

დამასკო ძველის არამის მომიჯნავე ქალაქია. და შავთელი სრულიად მართალია, როდესაც ამბობს:

ქველად ქერით ა (რს),  
 რისხვით ქერით-ა (რს)  
 ელი ამ ოსით  
 ეს რომ არამით.

როში ანუ რუმი ეწოდებოდა იკონიის სასულთნოს. ბარონ ტორნაუს ისტორიულ ატლასით (ტაბულა VIII) 1202—1291 წლებში საქართველოს მომიჯნავე სახელმწიფოები იყო: ა) ტრაპიზუნტის იმპერია (ზღვის პირიქინოპიდგან გონიამდის), ბ) რუმი (იკონიის სასულთნო ხმელთაშუა ზღვითგან ქოროხის სათავემდის), გ) სალადინის სამეფო (ეგვიპტიდგან ეფვრატტიგროსის შუაწელამდე), დ) ბაღდადის სახალიფო (შუამდინარეში), ე) ქურთისტანი (ბაღდადის სახალიფოდგან ვანის ტბამდე), ვ) სასულთნო ხლატისა ანუ ხელატისა (ტიგროს-ეფვრატისა და არეზის სათავეებში ყარსამდე), ზ) აღრიბეჟანი (მომიჯნავედ ქურთისტანისა, ხელატისა და საქართველოსი მტკვრის შე-



სართავამდე და (3) ვრაცი (აღრიბეჟანის აღმოსავლეთ-სამხრეთით). თვით საქართველოს იმავე ავქსონის ჩვენებით უჭერია მეტად დიდი სივრცე კავკასიონის მთებიდგან ჭოროხამდე და არეზის სამხრეთის მიჯნამდე. ამავე მიჯნებს თითქმის შეუცვლელად აღნიშნავს ქართლის ცხოვრებაც (გვ. 283), როდესაც ამბობს, თამარმა იპყრაო „ზღვით პონტოსით ზღვადმდე გურგანისა (გურგანის ზღვად იწოდებოდა კასპიის ზღვის სამხრეთი ნაწილი) და სპერითგან (ჭოროხითგან) დარუბანდამდის და ყოველნი კავკასიისა იმერნი და ამერნი, ხაზარეთამდი და სკვითთადმი“.

აი, სადამდის გასწვდა ძლიერება თამარ მეფისა, აი, სად და სად ფრიალებდა ქართველთ დროშა თამარ წმინდის მპყრობელობის ჟამს, იმ თამარისა, რომელიც ყოველს საქმეს იქმნაო, ვითარ „მოჭბერვიდა სული“ (წმიდა).

თამარი დიდი ხელმწიფე იყო. სიგელ-გუჯრებში იგი „ღვთისა სწორად“ იხსენიების, მატთანე მას სთვლის „სიმაღლე შეუსწორებლად“, შავთელით იგია „ციერთ უმაღლე“ და მას „მთა ვერად სწორავს არარატისა“, „თამარიანით“ იგია „სიმაღლით ცებრი“, თვითონ თავისთავს სთვლის „მეფედ აფხაზთა და ქართველთა, რანთა, კახთა და სომეხთა და ყოველისა აღმოსავლეთისა და დასავლეთისა ფლობით მპყრობელად“.

ეს ცოტაა კიდევ. არასდროს არ ყოფილა, რომ ქართველი ლაშქარი შეებოდეს თვით ხალიფას ჯარს, შეემუსროს მისი ძალა, მის ქვეშევრდომ მაჰმადიანთაგან ხარკი აეღოს. „ხალიფამან წარმოავლინა მოციქული და დიდნი მრავალფერნი სამეფონი ძღვენნი წარმოგზავნნა და დიდითა სიმდაბლითა შემოგზავნა თამარს, რათა აღიღოს ხარკი და დააცადოს რბევა“ (ქ. ცხ., გვ. 318).

„აღმისრულებიეს თხოვა შენიო, — უპასუხა თამარმა ხალიფას, — რომელთაცა ინებონ მშვიდობა თავთა თვისთა, მოიღონ ხარკი წინაშე ჩემსა და მათდა მიმინიჭებიეს მეცა ცხოვრება ვედრებისათვის შენისა“ (იქვე).

ამასვე „ლაღადებენ

ა) შავთელი (ტ. 16).

ა ხალიფასი  
ახალი ფასი  
მრავლად მოერთმის  
თავთა მონებად.

ბ) „თამარიანი“ (ტ. 73)

ურჩთა კლვად მკოდი,  
სულტანთა მგოდი,  
ხალიფას სვისა  
ჯვართა მშლელი.

გ) ქართლის ცხოვრება (გვ. 310)

ხალიფას დროშას  
და თანავე მანიაკსა  
შევრთე ცრუ სჯულთა მოძღვრისა  
ლაზოდ მძღვანი,  
რომელი დავით, ძეებრ ეფრემის მოისარმან,  
მოირთხნა, მოსრნა-რა  
სულტნითა ათაბაგი.

ყველა ამ უნახაობით განცვიფრებულნი მგოსნები და  
მემატიანე მიჰმართვენ თამარს:

ა) შავთელი (ტ. 3):

ძე ადამისი  
მსგავსად ამისი  
ვისცა ეხილვონ,  
მამცნონ, სად არი?  
ღმერთმან სამოთხიფ  
მოგვცა სა(ა)მოთ ხით

ეთერ ბრწყინვალე  
 მზეებრ სადარი;  
 აღმოსავლეთით  
 და დასავლეთით,  
 სამხრით ჩრდილომდის  
 კპოონ, სად არი  
 ზესკნელს ქვესკნელით  
 და გარესკნელით  
 უკანასკნელით  
 უფსკრულ სადარი?

და კიდევ (ტ. 95).

ქრისტეს სასძლოსა\*)  
 ვინმცა ასძლოსა,  
 —განმწმენდით ქმულსა,  
 გაბრწყინებულსა—  
 თვით მას ედემსა,  
 ნახლად მიმდემსა,  
 პირველვე შენთვის  
 სახლად გებულსა,  
 სასუფეველსა  
 ყოვლად ცხოველსა,

\*) ჩვენ არ ვიცით არც ერთი თხზულება, რომ ქრისტეს სასძ-  
 ლოდ არ იწოდებოდეს ქალი და ქრისტეს მხედრად ვაჟი (მამაკაცი).  
 თვით შავთელი თამარს იხსენიებს ქრისტეს სასძლოდ, ხოლო დავით  
 სოხლანს ქრისტეს მხედრად: „ქრისტეს მხედარსა, მხნე, ახოვანსა  
 და სხ. (ტ. 76). მეფე-ქალიც შეიძლება იწოდებოდეს მხედრად, ხოლო  
 მეფე-მამაკაცი მუდამ იწოდება მხედრად და არა სასძლოდ. ამას  
 გარდა, თვით შავთელი პირდაპირ აცხადებს, რომ რგი აქებ-ადიდებს თამარ  
 მეფეს და არა დავით აღმაშენებელს: (ტ. 2) თამარს ვაქებდეთ მეფედ ცხე-  
 ბულსა; (ტ. 11) თამარ მეფესა... (ტ. 53) სიბრძნისა ზღვასა თამარ პირ-  
 მშოსა. იგივე იხსენიებს ომებს, რომელიც გადაიხადა თამარმა, იხსენიებს  
 ოსს დავითს და სხ. „აბდულ-მსეიანი“ არის „ქრისტეს შემდეგის“ (თა-  
 მარ მეფის) ისტორია და მისი ქება.

საფუფუნებლად  
თქვენთვის დასხმულსა!

ბ) „თამარიანი“ (ტ. 109, 112)

შენსა სადარსა  
შენსასა დარსა  
ვერა ვჭრეტ ცხადად  
და ხსოვნებარად...  
რა სთქვას ანელმან  
დღეს მუსურმანთა  
მოსანთებარე?  
აგარის ერთა  
სალმობიერთა  
სხვამცა ვინ იყოს  
სრვად შემძლებარე?

გ) ქართ. ცხოვრება (გვ. 277, 283):

დაიპყრნეს კიდენი ქვეყნისანი  
და მეფობდეს იგი ზღვითი ზღვამდე  
და მდინარითგან კიდემდე სოფლისათ.  
არა სადა ვის უხილავს,  
თვინიერ ამისსა, ესე ვითარსა  
უვნებელობასა და ურიცხველობასა.  
შინა უვნებლად და მშვიდობით  
დაპყრობა საზღვართა მამაპაპურთა.

II თამარ მეფის მეხოტბენი. იოანე შავთელი ჩვენ მიგვაჩნია ჩახრუხაძედ („შავთელი“ მას დაერქმეოდა შავს მთაზედ მოღვაწეობის გამო), ხოლო „თამარიანის“ შემთხვევლი, ჩვენის აზრით, არის იგივე „ვეფხისტყაოსნის“ ავქსონი, შოთა რუსთაველი (მესხი). რაზედ ვამყარებთ ჩვენს აზრს?

„თამარიანის“ ავქსონი შენიშნავს, თამარი ექო ჩახრუხაძესო (მოხვევს). ამგვარი სასაქებო თამარისა „თამარიანის“ წი-

ნად, შავთელს გარდა, არავის დაუწერია, ანუ, უკედ ვთქვათ, არა სჩანს მაინც, რომ ვისმე დაეწეროს, და ჩვენამდე მოღწევით ხომ „აბდულმესიანსა“ და „თამარიანს“ შორის დაწერილს თხზულებას არ მოუღწევია. მაშასადამე, თუ ვისმე ექო თამარი მანამდე, ექო მხოლოდ შავთელს, რომელიც შოთას თქმით და ქართლის ცხოვრების მოწმობით სანაქებო ლექსების დამწერად ითვლებოდა. და, მართლაც, შავთელმა პირველმა შემოიღო ჩვენში „ჩახრუხაულით“ ლექსაობა და თუ ეს შავთელი არ იყო. თვით ჩახრუხაძე, რატომ მის შემოღებულს ლექსთწყობას არ დაარქვეს „შავთელური“ ანუ მაგვარი სახელი და მისი ნაოფლარ-ნამესვეური რად ჩასთვალეს სხვისად, მის მომდევნო ავქსონისად, ამ შემთხვევაში „ჩახრუხაძისად“?

ვიმეორებთ, ჩვენით, შავთელი ჩახრუხაძეა,\*) „თამარიანის“ დამწერი კი — შოთა რუსთაველი. თუ ჩახრუხაძე შავთელი არ ყოფილიყო ან-და მისი დაწერილი ყოფილიყო „თამარიანი“, „ვეფხისტყაოსნის“ ბოლოს შოთა ამასაც მოიხსენებდა სხვა მწერლებთან ერთად.

„ამირან დარეჯანისძე“  
 მოსეს უქია ხონელსა,  
 „აბდულმესია“ — შავთელსა,  
 ლექსი მას უქეს რომელსა,  
 „დილარგეთ“ — სარგის თმოგველსა,  
 მას ენა დაუშრომელსა,  
 „ტარიელ“ — მისსა რუსთველსა,  
 მისთვის ცრემლ შეუშრომელსა.

\*) ჩახრუხი მგალობელს ფრინველს ეწოდება. შეიძლება, შავთელის გვარი არც კი ყოფილიყო ჩახრუხაძე და ესრეთი წოდება მიეჩემა მას ნართაულად, როგორც მგალობელს, მგოსანს. იმედია, ჩვენი ქუჩნალ-გაზეთების მთიულეთ-ხეველი თანამშრომელნი მოიკითხავენ, დღემდის ხომ არ შენახულა გვარი ჩახრუხაძე.

თუ ჩახრუხაძე შავთელი არ ყოფილიყო ან-და ჩახრუხაძე „თამარიანის“ ავტორი ყოფილიყო, რუსთაველი მოახერხებდა, რომ ამ სიაში იგიც ჩაერთო.

ასრეთს აზრს ჩვენ კარგა ხანია დავადექით და ჩვენს წიგნში „Царица Тамара“ თინათინის გამეფება თამარის გამეფებად ჩავთვალეთ.

„თამარიანის“ დამწერი, ჩვენით, შოთა რუსთაველი, ამბობს: მოხევეს ჩახრუხაძეს (=ი. შავთელს) ექო თამარი და მე, რომელმაც უკვე ხოტბით გავლექსე იმავე მეფის გავლელა მეფობა, ახლა უნდა ვაქო მისი სიმეტე თინათინი, მაგრამ არა ის თინათინი, რომელიც „არაბეთს“ იყო სულადიანი, არამედ ეს თინათინი, თამარ მეფე, როდესაც იგი იყო:

ჯერეთ ყმაწვილი,  
წმინდათ ნაწილი,  
სამოთხის ვარდი,  
პირად მზიანი.

„ჯერეთ ყმაწვილი“ თამარ მეფე არავის შეუქია შოთა რუსთაველს გარდა: მისი „ვეფხისტყაოსანი“ იწყება ჯერეთ ყმაწვილის „თინათინის“ მეფედ კურთხევით და თავდება მის დაქორწინებით. მეფობა ამ თინათინისა (თამარისა) მას გალექსილი აქვს „თამარიანში“ და მასშივე წარმოუდგენია მოკლე გეგმა „ვეფხისტყაოსნისა.“

III გამეფება თამარ მეფისა. თამარი იყო ასული გიორგი III-ისა და ბურდუხანისა. ეს ბურდუხანი ოსეთის მეფის ხუდდანის ქალი იყო. ბურდუხანი ცოლად მოჰგვარა გიორგის მისმა მამამ აღმაშენებლის ძემ დიმიტრიმ (1125—1155). „მისებრი სძალი არა ეხილვა ქართლის თემსაო, შენიშნავეს მემატიანე; შვენებით მზგთა მზე იყოო, მის ქებად ესეც საკმარისიაო, რომ შეიქმნა „დედად შვილისა ნათელ შემოსილისა, თვით ვახტანგ გორგასლის ადგილის აღმავსებელისა აღმოსავლეთისა, და დასავლეთის მპყრობელის თამარ მეფისა“. სიბრძნით, სიტურფით,

გონიერებით და შვენიერებით ბურღუხანი განთქმული იყო. მამა თამარისა გიორგი აგრეთვე ფრიად ახოვანი, ბრძენი კაცი იყო. თავის სიკვდილის ხუთის წლის წინად გიორგიმ მეფედ აკურთხა (1179 წელს) თავისი ასული თამარი; მის დასალოცად და დასაგვირგვინებლად მან აირჩია ქართლის სოფელი ნაქარმაგევი (აწინდელი კარალეთი), საცა იყო მეფეთა საზღუდულო სასახლე. აქ შეჰყარა კათალიკოზი, ეპისკოპოსები, ამერ-იმერნი, შვიდთავე სამეფოს ერი, ლაშქარი, აკურთხა და თავზე გვირგვინი დაადგა, დალოცეს და თაყვანისცეს მეფე თამარს.

IV მსგავსებანა თამარასა და თინათინის გამეფებისა.

ა) მშობელი მამა.

თამარასა.

გიორგი მეფე იყო სვიანი (ქ. ცხ. 275), სვე-სრული (274), სვე-გამდიდრებული (269), სვე-დოვლათიანი (264), ამალღებული (274, 275), უხვი (265), მორჭმული (274, 268, 264), მოწყალე (264), განგებანი (268), უებრო (268), ბრძენი (265), უკადრო (265), მხნე (266), ლაშქარ-მრავალი, სხვილ ბარკალ ყმიანი, უძლეველი, გაზეებული, ახოვანი, გულმადნიტოვანი, მკლავ-აქილეველი, მძლეოთა მძლე, უზესთაესი, დიდი (266—268).

ბ. შვილი.

გიორგი მეფეს სხვა ძე არ ესვა, მარტო ოდენ ასული მისი სახელი თამარ.

თინათინისა

იყო „არაბეთს“ როსტევან, მეფე ლეთისაგან სვიანა, მაღალი, უხვი, მდაბალი, ლაშქარ-მრავალი ყმიანი, მოსამართლე და მოწყალე, მორჭმული, განგებანი, თვით მეომარი უებრო, კლავ მოუბარი წყლიანი.

სხვა ძე არ ესვა მეფესა, მართ ოდენ მარტო ასული... მისი სახელი თინათინ.

### ბ) მიწები გამეფებას.

თამარი შემთხვევით გამეფდა. კანონიერი მემკვიდრე იყო მისი ბიძაშვილი დიმიტრი დავითისძე. ეს დიმიტრი ჩხვილი ყრმა იყო, რომ მამა მოუკვდა (1155 წელს). საქართველოს გამგელ შეიქმნა დიმიტრის ბიძა გიორგი. 1177 წელს დიმიტრი უკვე მოწიფული ქაბუკი იყო, 21 წლისა დაბადებიდგან. ბიძას შეუთვალა, აწ სამეფო დამითმო. გიორგიმ ტახტის დათმობა არ ისურვა. დიმიტრი აღზრდილი იყო ორბელიანთა კარზე. ეს ორბელიანები იმთავითვე ბაგრატიონების მესისხლე მტრები იყვნენ და ხშირად ღალატობდნენ მეფეებსა და სამეფოს. ამის გამო თუ სხვა მიზეზით ამ ორბელიანების მომხრე დიმიტრის გამეფება სასარგელოდ არ სცნო თამარის მშობელმა. ასტყდა ბრძოლა ძმისწულსა და ბიძას შორის. დიმიტრი დამარცხდა (1177 წელს) და გიორგიმ ტახტი დაულოცა თამარს (1179 წელს). ამას ცხად-ჰყოფენ მაშინდელი მწერლები.

ა. შავთელი (ტ. 98). ქრისტეს სასძლო, „ნესტორად მძღეობ, არა თუ ლეობ, დიმიტრის მიერ ძალ-შეზღუდულად: აწე რისხვითა აწ ერი სხვითა გზით წარუვლინოს უკუნ-საქცევლად!“

„ისაკებრ პირმშობ კურთხევით, ნიშობ მელქისედეკებრ ლოცვით“ (ტ. 27).

დავით აღმაშენებელს არავითარი მიზეზი არ ჰქონდა, რომ ზიანმშობა ეზოვნა ისაკებრ კურთხევით, ვინაითგან იგი შობითვე პირმშო მემკვიდრე იყო თავის მამის გიორგი მეორისა.

ბ. „თამარანა“ (ტ. 19): „საულს მეფობა ართო, მეფობა დავითს მიჰმადლა“.

ბ. „ქათლ. ცხოვრება“ (გვ. 274): გიორგი მეფემ შეჰყარა ნაზირ-ვეზირნი და მათთან გამორჩევითა და განზრახვითა და უფროსდა განგებითა ზენისა დალოცა და მეფედ აკურთხათამარი.

დ. „გეფხის ცვაჲსანი“: როსტევეან მეფემ იწვია დიდებულნი და მათთან გამორჩევითა და განზრახვით მეფედ დასო-



თავისი ასული თინათინ. ამ დრომდისო, ამბობს როსტევეან მეფე, ანუ

ამისად ქმნამდის დამწველი  
ცეცხლი არ დამევესებოდა-ო.

და ეს „დამწველი ცეცხლი არ დამევესებოდა“ იმიტომ, რომ თამარის მეტოქედ ჰხელადდა დიმიტრის, რომელსაც ის იყო ბოლო მოუღო, რომ საკუთარი შვილი გაამეფა. თუ არა ეს გარემოება, ე. ი. დიმიტრის მეტოქეობა, მაშ რა ცეცხლი დასწვავდა ძლიერს როსტევეან მეფეს? რად დაიწოდა ცეცხლით, აღგებოდა და უღრტვინველად, „ცეცხლით დაუწველად“ გაახელმწიფებდა ერთად-ერთს თავისს ასულს, მერე იმისთანას, რომელმაც „იცოდა მეფობა“.

წ. მეფედ კურთხევის მოწყობილობა:

თამარისა

„თინათინისა“

მოვიდნენ ნაზირ-ვეზირნი, დიდებულნი, კათოლიკოზი, ეპისკოპოსპნი, ლაშქარი, ერი, დიდნი და წვრილნი. ძვირფასს ტახტზე, თავის მარჯვენით, მეფემ დაისვა თამარი, შემოსილი ბისონითა და ზეზით, თავსა დაადგა გვირგვინი ოფაზისა, აღმკული იაკინთითა და სამარაგლოით. ერთი ლიტანიობდეს მის წინაშე. მეფე გიორგიმ შეჰფიცა ერთგულობა და ერთსულობა, აკურთხა კურთხევეითა აბრამიანითა და შეჰვედრა ღმერთსა თამარი, მზეთა მზე, ნათელი და ბრწყინვალეობა, გვირგვინი და მანიაკი ყოველ-

მოვიდნენ დიდებულნი, მოხელენი, ლაშქარი მთელის „არაბეთიდგან“. დასდგეს ტახტი ძვირფასი. და ამ ტახტზე დასაჯდენად თინათინ მიჰყავს. მამასა პირითა მით ნათელითა; დასვა და თავსა გვირგვინი დაადგა თავის ხელითა, მისცა სკიპტრა და შემოსა მეფეთა სამოსელითა. ქალი მზებრ უჭვრეტს ყოველთა ცნობითა ზე-მხედველითა. უკუ-სდგეს და თაყვანისცეს. მეფემა და მისთა სპათა. დალოცეს და მეფედ დასვეს, ქება უთხრეს სხვაგნით სხვათა, ბუკსა ჰკრეს და წინწილანი

თა მეფეთა და ხელმწიფეთა, მგალობელთა აღიმაღლეს ხმა გვირგვინოსნობისა და მძლედ მფლობელობისა, ჰკრეს სპილენძ-ქურთა, ბუკთა, ქოსთა და წინწილათა, თაყვანისცეს, დალოცეს და აღიდეს სპათა.

დაატკობდეს ტკბილთა ხმათა. მეფე სმასა და მღერასა იქმს, მეტად მოილხინებდა, თინათინ მზესა სწუნობდა, მაგრამ მზე თინათინებდა.

**VI. ქმნას მოწვევა დედოფლისათვის.** ყველა მაშინდელი მწერლები შეეხებოიან თამარისთვის ქმრის მოწვევისა თუ გამორჩევის ამბავსაც.

ა) შავთელი (ტ. 5, 6): დავით სოსლანი მოწვეულ იქმნა თანახმად ღვთის აღთქმისა: „შენს ნაშობს, დავით, დავსვამ ტახტზეო“.

დავით სოსლანი ბაგრატიონი იყო, ხოლო ბაგრატიონნი ურიათა მეფის დავითის შთამომავალნი „იყვნენ“ და ამიტომ იწოდებოდნენ იესიან-დავითიან-სოლომონიან პანკრატოვანად და თავიანთ ღერბზე აღნიშნავდნენ დავითის ქნარს, შურდულს, უფლის კვართს, სასწორს, ორს ლომზე დაყრდნობილს გვირგვინს და ღერბის გარეშემო აწერდნენ „დავითნის“ შემდეგს სიტყვებს (131, მ. 11): „ეფუცა უფალი დავითს ქეშმარიტებითა, და არა შეურაცხოს იგი: ნაყოფისაგან მუცლისა შენისა დავსვა საყდართა შენთა“. ამასვე იმეორებს დავით სოსლანის შესახებ შავთელი:

დავითისადა, დავითისადა  
ეფუცა უფალს სიტყვა მტკიცედა:  
„ნაშობნი შენნი, შენ მიერ შენნი,  
დავსვა მსაჯულად საყდართა ზედა“.  
ესე (დავით სოსლანი) მისითა,  
ესე (ამგვარად) მისითა  
კურთხევით უფლებს  
ძალთა შემწედა.\*)

\*) ზეციერ ძალთ შემწედ. „თამარიანში“ (83): „მესიას შემწედ“.

ბ) თამარაინა (ტ. 100): ურჩთა მოგვიდებს ცითა ნა-  
წოდებს: დავითს უწოდა მეფეთა ძებად.“ შავთელიც კვლავ  
იმეორებს (ტ. 79): „ძეგლად სჯულისად მართლმსაჯულისად,  
დავით, გიწოდა თვისად მკვიდრობა“.

ბ) ქართ. ცხოვრება (გვ. 291): იტყვის დავით: „თავად  
უფალმან აღმიღო და მცხო ზეთითა ცხებულისა მისისათა“. ამის ძალით და განგებითა და ნებითა ღვთისათა“ გამეფდა და-  
ვით სოსლანი.

ღვით სოსლანიო, ამბობს ქართ. ცხოვრება (გვ. 291 ,  
იყო მოყმე ძეთაგან ეფრემისა, რომელ არიან ოვსნი, კაცნი  
მძღენი და ძლიერნი ბრძოლას: შინა. ეს დავითი აღზარდა  
თამარის მამიდამ, რუსუდანმა. ეს თამარის მამიდა ოვსეთს გა-  
თხოვილიყო და მის გამო დავით სოსლანი ნათესავად მოხვდე-  
ბოდა რუსუდანსა და თამარს. იგი იყო ფრიად შვენიერი,  
ნაკვთად კარგი, ბექ-ბრტყელი, პირად ტურთა, ტანად ზომიე-  
რი, კეთილად ზრდილი და წვრთილი, მხნე და ძლიერი, რაინ-  
დობითა და მშვილდისნობით უსწორო შემმართველი, ტანითა  
ახოვანი და ყოვლითურთ სრული, არც შინანი და არც გა-  
რეშენი არ იყვნენ მისებრ მშვილდოსანნი, ცხენოსანნი,  
მკვირცხლნი, მოასპარეზენი, მწიგნობარნი, არსად გამოჩენილ  
იყო მისებრი მოყმე. თვით თამარი მას იხსენიებს (ქ. ცხ., 310).  
ეუწყემას ქეებ მთასწად და „თამარიანშიაც“ ვკითხულობთ  
(ტ. 8 და 34):

„ისერის ისარსა,  
ვიტყვი, ის არსა  
ეფრემის ძირთა.  
აღმორჩებულად“ (აღმოცენებულად).

„ვინ ეფრემს, თვისობს  
სიმხნითა ისობს,  
მბრძოლთა სისხლითა  
ხმელთა მღებარე.“

დ) ვეფხის-ტყაოსანი. შოთა ვეფხის-ტყაოსნის თავში (ტ. 3) ჰკითხულობს: „ვის შვენის ლომსა ხმარება შუბისა, ფარ-შიშერისა მეფისა მზის-თამარისა, ლაწვ ბალახშ, თმა გიშერისა?“ და ბოლოში (ტ. 1569) ამბობს: ავთანდილს

გამოეგებნეს „არაბნი“;  
სამეფო დააშენა მან-  
ნახა მზე მისი, მირიდა  
მისთა სურვილთა წყენამან,  
მისთანა ტახტზედ დავესჯდა,  
აღბინა მკვრეტთა ლხენამან,  
განახელმწიფა გვირგვანი  
ზეცით მოსრულმან ზენამან.

მაშასადამე, ავთანდილსაც, ვითარცა დავით სოსლანს, გვირგვინი რგებია ზენაარობით, ღვთისა განგებით. ნამდვილა დაც ასრე იყო. ავთანდილს, ვითარცა დავით სოსლანსაც, უყვარდა მეფის ასული და, ვიდრე მასზე ჯვარს დაიწერდა, დავით სოსლანივით მრავალი ჭირ-ვარამი გამოსცადა. მაგრამ განვაგრძოთ.

ყველა არსებული წყაროები ვეფხის-ტყაოსნითურთ თამარს მკვედ უწოდებენ და შოთა კი პირდაპირ ამბობს, თუ რისთვის და ვისთვის იღექსა. იგი სწერს (ტ. 1578):

ქართველთა ღვთისა დავითის,  
ვის მზე მსახურებს სარებლად,  
ესე ამბავნი გავლექსე.

ქართველების ღვთისად კუთვნილ ანუ ღვთის მიერ რჩეულ დავითის (სოსლანის) ამბავი გავლექსეო, იმ დავითის, რომელსაც მზე (თამარ მეფე) მსახურებს სარებლად, ე. ი. საასპარეზოდ, სამოქმედოდ, სანავარდოდ. ქართლის ცხოვრებითაც ასრეა. დავით მეფეო, ამბობს მემატიანე (გვ. 297), მოქმედებდა და „ლაშქრობდა ბრძანებითა და გამოორჩევითა თამარ სვე-ალექსანდრიანითა“

შემდეგ შოთა განაგრძობს:

მე მათად საკამათებლად,—  
ვინ არის აღმოსავლეთით  
დასავლეთს ზართა მარებლად\*),  
ორგულთა მათთა დამწველად,  
ერთგულთა დამამაგრებლად,—  
დავითის ქნარი ვითა ვთქვენ  
სიჩალხე, სიხაფეთანი!

დავით წინასწარმეტყველის ქნარი ვერ შესწვდებარა იმათ კამათობას (მოქმედება, მეფობას), რომელნიც აღმოსავლეთით დასავლეთს ზარს სცემდნენო, ორგულთ (მტრებს) სწვავენენო, და ერთგულთ მხარს უჭერდნენ, ამაგრებდნებო.

ამასვე ამბობენ თამარ-დავითის შესახებ სხვა წყაროებიც.

შავთელა: „თამარ მეფე ერთგულთ ხსნილ ჰყოფს „(ტ. 11), „ორგულთ ერთი ცუდჰყვის სახმილმან“ (12), „აგარის ერთა ცეცხლთა მომდებლად (16), ერთგულთა სიმტკიცის კვერთხი მისაყრდნობელი (63), „ორგულთა მოსწყლავ, ერთგულთ ექმნები ფარად და ზურგად „(61).

თამარაანა (ტ. 76); „ერთგულთა უკლი, ურჩთა კვლად ზინდანს შემაყენალი“

VII. გეფხისტყაოსნის დაბოლოება. ვეფხისტყაოსანი თავდება თინათინისა და ავთანდილის, ტარიელისა და ნესტანდარეჯანის დაქორწინებით. რად სწყვეტს აქ სიტყვას შოთა და რად არ ლექსავს თავის გმირების „რებასაც“, ძეგლობას? იმიტომ რომ უკვე გაღექსა თამარ-დავითის მეფობა თავისს „თამარიანში“ და გვიჩვენა, ვითარ შეაყენა თამარმა ზინდანს ორგულნი, ვითარ გაუმაგრა ზურგი ერთგულთ, ვითარ დააბნელა შუქი მზისა თავის ცისკრობით და ვითარ განაბრწყინა სოფელი. შოთა გვეუბნება წინასიტყვაობაში;

\*) ზართა მარებლად: ზმად—თამარ.

თამარს ვაქებდეთ მეფესა  
სისხლისა ცრემლ-დათხეული!

ე. ი. იმ თამარს, რომელიც ქართველობამ უკვე დაიტოვა, რომელიც (თამარიანი, ტ. 114, 110, 112) გაეყარა სოფელს, ზეცად წარვიდა და ურომლისოდ აღარავინ სჩანს „აგარის ერთა სრვად შემძლებარე“. ოღონდაც სათანადო იყო სისხლის ცრემლ დათხევით ექვთ განსვენებული თამარ მეფე, უებროდ განმადიდებელი და განმაბრწყინებელი შემკულის საქართველოსა

თამარის ისტორიას მემატრიანე ასრე აბლოებს (გვ. 338): „აქა დავხში სიტყვისა წყობა მომავალთათვის.. უმჯობესად შესატყვის შესაძლებელად სახის მეტყველებასა უაღრესისა სიტყვის პოვნით. და ამისთვის ჩვენ დუმილით პატივცემით დავიდუმოთ“.


შავთელიც დუმილით ათავებს თავის აბდულომესიანს (ტ 108).

მარტო შოთამ არ დაიდუმა: „თამარიანში“ გაღეჭსა ის, რასაც მოგვიტხრობს თამარ მეფის შესახებ მემატრიანე ანუ რაც თვითონ ენახა და მერე აუსრულა წადილი მემატრიანეს, „უაღრესი სიტყვები იპოვნა“ და „სიტყვის წყობა“ „მარგალიტ წყობილად“ აქცია.

### VIII დაქორწინება თამარისა და „თინათინის“.

როგორც თინათინისა, ისე თამარის დაქორწინების ამბავი რაღაც საიდუმლოებით მოცულია.

თამარი 23 წლისა იყო, როდესაც მამამ მეფედ გამოაცხადა (1179 წელს). ამის შემდეგ მისმა მშობელმა კიდევ ხუთი წელიწადი იცოცხლა. იბადება კითხვა: რატომ ამ ბრძენმა მეფემ, — რომელსაც ამდროს თინათინის მამასავით ეთქმოდა: „მე გარდავსრულეარ, სიბერე მჭირს, დღეს არა, ხვალე მოეკვდები“, — არ იზრუნა თავისს სიცოცხლეშივე „დაებინავებინა“ თამარი, ერთად ერთი მემკვიდრე თვისი და უკვე მის მი-



ერვე გახელმწიფებული? ნუ თუ იგი ვერ ხედავდა, რომ მისი ასული გასათხოვრად მოწიფულიყო და მისს სიტურფეს გაეხელღებინა, გაეჭრა მრავალნი და ზოგნიც დაეზნიდა და გაერეტებინა? როგორ არ მოისაზრა, რომ საჭირო იყო თავისს ხელმწიფე ქალისთვის ამ მრავალ მოყმეთაგან აეჩინა ერთი საქმროდ და მოეწვია წინამძღოლად და სარდლად ლაშქრისა? რად სტოვებდა იგი ქალს უნუგეშოდ, უპატრონოდ და ჯარს უწინამძღვროდ?

მამის სიკვდილის წელიწადს (1184) თამარი 28 წლის ქალი იყო. მის ხელმძღვანელად და მეორე მშობლად შეიქმნა რუსუდანი. ამ დროს აიშალნენ საცა ვინ იყო გამოჩენილი სანეთოები, შინაურები თუ გარმიანელები. ყველა ესენი ისე შეეპყრო თამარის თვალთშეუდგამს სილამაზეს და ამასთანავე საქართველოში გამეფების სურვილს, რომ რეტდასხმულებს აღარც ნათესაობა აგონ ღებოდათ, აღარც სირცხვილი აწუხებდათ, ოღონდ სცდილობდნენ თავისი გულითადი წადილი სისრულეში მოეყვანათ. იმედით მოდიოდნენ სანეთოები და მიჯნურები შირვან დარუბანდიდგან, ოსეთიდგან, სპარს არზრუმიდგან და კოსტანტინეპლიდგან. ზოგი ამათგან თამარის სურვილით კიდევ დაბნდა და მოკვდა, ზოგმა, მაგალ., მუტათრადინმა, დიდის ათაბაგ-სულთნის შეილმა, მეფობისა და თამარის მეუღლეობის მაგიერ საქართველოში ჰპოვა ხარჭისაგან ნაშობი ქალი, მასზე ჯვარი დასწერეს და წარვიდა.

სანეთოები გაშმაგებულ იყვნენ. თამარი კი კლდესავით იდგა. „თამარიანის“ ავტორი მიჰმართავს თამარს:

ვერვინ გიხილა:  
 ნახვად გიხილა  
 ანუ გიჭკრეტღეს  
 გარეტებულად.  
 ატევრებ თმითა,  
 სულისა დგმითა.  
 ანატრებ, გნახოს,



ვინ განაძ ლევად.  
 შენთა მოყმეთა  
 რა ქნან? მოამბეთა  
 დედა და მამა  
 აღარ ასმოღის:  
 მუნ დაიხოცნეს,  
 სადა ეოცნეს  
 ქვეყნის სახელი  
 არ ასმოღის.

სჩანს, თამარს ჰყვანდა თავისი საგულო, აეჩინა თავისთვის პატრონი და ქვეყნისთვის მეფე, მაგრამ ამას ვერ ხედავდნენ ანუ, უკედ ვსთქვათ, ამის დანახვა არ უნდოდათ მაშინდელ თავკაცებს და მიუხედავად თვისის ხელმწიფის სულის კვეთებისა, მისთვის საქმროს იწვევდნენ ყივჩაღეთიდგან, მერე საბერძნეთიდგან და სხ. გარნა ყველა ესრეთი საქმროები ჩალადაც არ გამოჩნდებოდა მის წინაშე, რომელსაც გული გულისთვის აღეთქვა, ვარდს ვარდისთვის ინახავდა.

ამას ნათელს ჰყენს „თამარიანი“: შენ, თამარო, დიღარგეთი ააშფოთეთო (ტ. 5), რამინს უშენოდ სტკივისო, ოსანოს რეტი დაესხაო, სალას სალმოზა ლხინად მიუჩანს, თუ შენი პატრონი შეიქმნაო, შატბიერი დაშვრა შენის მოლოდინითო, რუსიც კი ვინმე ქმრად გიჯდა, მაგრამ რა დარჩა მის ძვალთაგანო, ერანს მფლობელიც ნატრად გახადეთო; ვიცო, შენ თავს ინახავ ღოძთა თაგადისთვის, ავადად თქმულისთვისო!

„თამარიანიში“ დავით სოსლანი ავადად მოხსენებულია და აგრეთვე ავთანდილიც ვეფხის ტყაოსანში.

თამარიანი (ტ. 44)

ლომთა თავადად,  
 თქმული ავადად,  
 სხვაცა ვინმე სჩანს,  
 ხართ ნამარხევედ.

ვეფხის ტყაოსანი (1222):

ესე ამბავი აეთანდლო  
პირმზემან, მაგრ ზვადამან,  
რა მოისმინა, იამა,  
სხვა არა გააცხადა მან.

ზვად, ოსური სიტყვაა და ნიშნავს სახლიკაცს, ზოგის გამოთქმით ზვად, მეგვარტომეს. ასრეთი იყო დავით სოსლანი, ოსი, რომლის მამა და დედა ვინ იყვნენ, არავინ იცოდა და ზოგნი მას უწოდებდნენ ბაგრატიონად, დიმიტრი ბაგრატის ძის ჩამომავლად, ზოგნი ეფრემის ძედ, ებრაელ იოსების ეფრემის თესლისაგან ნაშობად. შეიძლება „ავადი“ ოსური კი არა, იყოს ქართული ზვადი (ინგ. ზვადმყოფი). დავით სოსლანს, ალბად, იმიტომ იწუნებდნენ ზოგიერთნი, რომ, ვითომ, იგი ყოფილიყო ავადი.

„თამარიანის“ ავტორი ამბობს (ტ. 42, 43): „დასტირ კაენის, ეს ვით კაენის ძმის მკვლევლობისა დანაბრალევად; სალას სალმობად უჩნსვე და ლმობად სხვათათვის ხელქმნა ლხინ უნახევად“. ამას იმეორებს შოთაც ვეფხის-ტყაოსანში (ტ. 1316):

მისნი ვერ გასძლნეს პატიყნი  
ვერ კაენ, ვერცა სალამან.

აქ სალად იგულისხმება გმირი როსტომიანისა, ხოლო კაენად რუსი, თამარის ქმრად ყოფილი. ქართლის ცხოვრება ამბობს (გვ. 300): „სვე-უბედური რუსი, ამის სამოთხისაგან ექსორია ქმნილი, კაენისაებრ მკვლელი არა ძმისა, არამედ თავისა თვისისა, ვერცა-ლა ნაიდსა ღირს იქმნა ყოფად.“ „დაბადებაში“ ვკითხულობთ (თ. დ., მ. ივ): „გამოვიდა კაენ პიროსაგან ღვთისა და დაემკვიდრა ქვეყანასა ნაიდს წინაშე ედემისა.“ ეს რუსი კაენი კი, ექსორია ქმნილი, ვერ დადგა ვერც ყივჩაღეთს, ვერც კოსტანტინეპოლს და ვერც სხვაგან და უბრალოდ თავი დაიღუპაო.

ყველა ამას დიდი ბრძოლა უნდა დაებადა ჯერ ისევ გიორგი მეფის დროსვე და ეს ბრძოლა უნდა დანელებულიყო. მხოლოდ 3—4 წლის დასასრულს რუსის მოწვევიდგან დავით სოსლანის დაქორწინებამდე 1193 წელს, როდესაც თამარი უკვე 37 წლის დედაკაცი იყო.

თუ თამარს წინ არ ეღობებოდა ძლიერის თავადების უკმეხობა, ხომ ამდენს ტანჯვასაც არ გამოივლიდა, ლომთა თავადს. წინათვე მოიწვევდა და ჯვარს გადაიწერდა მასზე. სჩანს, ლომთა თავადს, „ავადად თქმულს“ (თამარიანი, ტ. 44), ბევრი მეტოქეები ჰყოლია რომ საჭირო შექმნილა მისთვის თავი თვისი დაეცვა, „დაემარხა“ თამარ მეფეს. ამას ცხადად აჩენს ტარიელის სიტყვები, თინათინს რომ უთხრა ქორწილის დღეს (1524).

შემიყრიხართ...

ალარა გწვავს ცეცხლთა დება.

ქმარი შენი ძმაა ჩემი,

მწადს აგრეთვე თქვენი დება,

ორგულთა და შემცდილეთა

შენთა მე ვქნა გაფლიდება!

ამ დრომდის კი „თინათინმა“ და „ავთანდილმა“ ბევრი ტანჯვა და მწუხარება გამოიარეს. ქალმა სამის წლის ვადით გაგზავნა ავთანდილი ტარიელის მოსაძებნელად და აღმოჩნდა, რომ სამი წელიწადი არ კმაროდა გულის წადილის მისაღწევად. ტარიელი თვით შეიქმნა საშემწეოდ და ვიდრე ნესტანს მოუძებნიდნენ და შერთავდნენ, მისგან შველა და მწეობა არ გამოდნებოდა.

რომ მართლაც ძლიერი მოწინააღმდეგეები ჰყვანდათ თამარსა და დავით სოსლანს, ამას ცხად ჰყოფენ ცნობები ქართლის ცხოვრებისა, „თამარიანისა“ და სხ. ამ მოწინააღმდეგეების დასამარცხებლად საჭირო შეიქმნა მოკავშირეთა შეძენა.

### IX მოკავშირეთა შექმნა.

რუსი რომ ძალად შერთეს თამარს (1190 წელს), დიდი უბედურება დაატყდა თავს ოსთა ორს ბატონიშვილს. იგინი

საქართველოში მოსულიყვნენ იმ განზრახვით, რომ ეგების ერთი ჩვენთაგან ღირს გაგვხადოს თამარმა თავის მეუღლეობისაო. იმედი რომ გაუცრუვდათ და ტახტზე რუსი დაბინავდა, იგინი ოსეთისკენ გაეშურნენ, მაგრამ ერთმა მათგან ველარ მიაწია სამშობლომდე და მწუხარებისაგან ნიქოზს გარდაიცვალა და იქვე დაასაფლავეს; მეორე კი, რაღა თქმა უნდა, დავით სოსლანი, წავიდა, მაგრამ სად?

ზევით შევნიშნეთ, „თამარიანში“ შოთას შეუტანია გეგმა ვეფხის ტყაოსნისაო. ამ გეგმით სატროფო ქალი (თამარ მეფე) ავალებს საგულოს (დავით სოსლანს) წავიდეს შორად, გაიჭრეს ველად, მოიაროს მადრიბი, ხაზარეთი, ჩინნი და ხანნი.

არვისად სწორად წავიდის შორად,  
 ინდოეთს იყვის მისი საზღვარი:  
 ამოვლნის ინდნი, ხანნი და ჩინნი,  
 არარად უჩნდის მას მათი ზარი;  
 ატალას\*) მოჰყვის, ქვეყანა მოსცვის,  
 არვისი ჰქონდის შესაუარი;  
 ხაზარეთს დაჰყვის, რუსეთსაც ჩაჰყვის,  
 ზღვის პირით ჰქროდის ტაროსით ქარი;  
 ოქროსა სწონდის, ტურფები ჰქონდის  
 ფერად ფერადი მრავალი გვარი,  
 ჰყვანდის მოყმები, მონა, მხეველები,  
 თვალმარგალიტი, სუნნელ ამბარი;  
 წავიდის ხმელსა, იანთა ველსა,  
 მუნ, სადა მეფედ ზის კეისარი,  
 მოვლნის ქალაქნი, ზღვისა ალაგნი,  
 სრულად ეგვიპტე, ანაბთა მხარნი,  
 ამანს მივიდის, თავი იდიდის,  
 რა ჰხამდის, მუნცა ჰქმნის იგ ნაქნარი,  
 მოიქცის გარე, მოჰკებნის მთგარე,  
 შიშ ჰაერ-პირი მნათობი ღარა (ჯან),

\*) ატალა=იტილი=კლიზი რუსეთის მდინარე ვოლგა.

მოჰყვანდის ქალი, საჩემო სძაღი,  
 მორცხვი, მორიდი, ბრძნად მოუბარი,  
 მოვლნის სჭარსეთი; სხვა ქმნის ასეთი:  
 სულტანი ნაზის ცათა მცთუნარი,  
 იგავნი უთხრნის, მეფენი უქნის,  
 მათდავე სწორად მათი ლაშქარი.

ამას გარდა

მოზადდადენი ბარდავს მოვიდის,  
 მახარებელი ჩვენთანა რბოდის,  
 ათიათასი მართ ვაკვეთილი  
 ბიბი მოჰყვანდის, მოეზადის...  
 ქაბასა მფლობი დიდი ემირი  
 მას შიგან მთხრებლსა თვისად ისობდის;  
 მოჰმადის ხმობად მიზგიოსა შესვლად  
 თაყვანისცემად მას შინა გცადის.

ყველა ამას ავალებს ქალი სატრფოს და ჰპირდება:

ვიცი გეწყალი: დამთქავს მე წყალი  
 ნოეს ნაკადი მოქცევი ღვარი;  
 რალა კვლავ მოჰკვდე, თუ არა მოჰკვდე,  
 ვამაგალითო მე ოდენ ვარი.

ყველა ეს ჩვენ მიგვაჩნია მოკლე გეგმად ვეფხისტყაოს-  
 ნის იმ ნაწილისა, რომელიც შეიცავს ავთანდილისა და თი-  
 ნათინის გამიჯნურების ამბავს.

აქაც, როგორც „თამარიანში“, სატრფო ქალი (თინათი-  
 ნი) ავალებს საგულოს (ავთანდილს) წაფიდეს შორად, მონა-  
 ხოს ტარიელი, და ჰპირდება, შენთვის დავიცავ ჩემს თავსაო-

სამსა სძებნე წელიწადსა  
 იგი შენი საძებარი;  
 ჰპოვო, მოდი გამარჯვებით,  
 მხიარული, მოუბარი,

ვერა ჰპოვებ, დავიჯერებ,  
 იყო თურმე უჩინარი;  
 კოკობი და დაუფრტკველი  
 ვარდი დაგხვდე დაუმტკნარი.

„თამარიანში“ ვადა არ არის აღნიშნული, გარნა დავით სოსლანმაც სწორედ სამს წელიწადში მოახერხა რუსის დამხობა. ამას გარდა, თუმცა თინათინი არ ავალებს ავთანდილს მოკავშირეების ძებნას, გარნა ეს იგულისხმება თავის თავადაც. ავთანდილი რომ მიდიოდა თავის მოძმის მეგობრისა და მოკავშირეს სანახავად და მიიმღეროდა, მისი სიმღერა და სიმართლე ყველას ესმოდა. და მის

მოვიდიან შესამკობლად  
 ქვეყნით ყოველნი სულიერნი:  
 ტყით—ნადირნი, წყალში—თევზნი,  
 ზღვით—ნიანგნი, ცათ—მფრინველნი,  
 ინდოთ, არაბთ, საბერძნეთით  
 მაშრიყნი და მალრიბელნი,  
 რუსნი, სპარსნი, მოფრანგენი  
 და მისრეთით ეგვიპტელნი (ვეფხ. ტყ. ტ. 948)

ყველა ეს ინდნი, არაბნი, ბერძენნი, რუსნი და სხ. იგივე ერნია, რომელთა მოვლა დააგალა თამარმა დავით სოსლანსაც („თამარიანი“, ტ. 56—63). ეს მრავალ მნიშვნელოვანი ტაეპი (948) ვეფხის ტყაოსანის დასურათებით გამომცემლებს გამოუტოვებიათ. რა მიზეზით, ჩვენ არ ვიცით. მე 947 ტაეპში ვკითხულობთ:

რა ეს მოდის მღერა ყმისა,  
 სმენად მხეცნი მოვიდიან,  
 მისვე ხმისა სიტკბოსაგან  
 წყლით ქვანიცა გამოსხდიან;  
 ისმენდიან, გაჰკვირდიან,  
 რა ატირდის, ატირდიან;

იმღერს ლექსთა საბრალოთა,  
ღვარისაებრ ცრემლნი სდიან.\*)

თუ მხეცთა და ქვათ ესმოდათ მღერა ავთანდილისა, არ ვიცი, როგორ ვერ შეისმენდნენ მისს კვენესას და წუხილს ინდონი, არაბნი და სხვა მეტყველნი! პირიქით, მეტად საყურადღებოა და საგულისხმო, რომ ავთანდილის მსმენელთა შორის მოფრანგენიც არიან. რუსთაველის ნურადინ მეფე თუ ნურედინია, მცირე აზიის სულტანი, მაშინ მოფრანგენი იქნებიან აქაურივე ჯვაროსანთა სამთავროს ფრანგნი\*\*). ნურედინი ძლიერი სულთანი იყო და მისი სასულთნო ტიგროსის მდინარემდის უწვდებოდა. 1144 წელს მან აიღო ედესა.

„თამარიანსა“ და „ვეფხისტყაოსანში“ საერთო კიდევ ის არის, რომ გაქრილი, შორად წასული მოყმე ათვალიერებს მრავალს ქალაქებს და სამეფოებს, ზღვის პირს, ხან ვაჭრულად ეჩვენება ხალხს, სძებნის ქალს, მნათობს დაწას, თამარ-თინათინის სძაღს (ტარიელს მძობა აღეთქვა ავთანდილისთვის) და სხ.

აქვე უნდა შევნიშნოთ, რომ „თამარიანის“ დაწა ჩვენ დაწვეჯანად მიგვაჩნია, ვინაითგან ნამდვილი ფორმა სახელის დარეჯანისა არის დარია (იხ. სვინაქსარი XI საუკ. № 222).

ჩვენ გვგონია, ავთანდილი ტარიელის საძებრად წავიდა თინათინის ნებითა. მაგრამ ვეჭობთ, რომ ეს ესრე ყოფილიყო. ავთანდილი, ვით დავით სოსლანიც, იძულებული იყო შორეულს და საბიფათო გზას გასდგომოდა. ეს სჩანს მისის „მიგზითას“ ლოცვით. ამ ლოცვაში იგი ამბობს (ტ. 791):

\*) შეადარე (შავთელი, ტ. 11):

ტომნი და ერნი, ყრმანი და მღვდლნი  
ადიდებდიან შვებით და ხლდომით;  
არიან მხეცნი, მთანი და ბორცვნი,  
მალნარნი, ველნი მისთვის შვერდომით.

\*\*) მოფრანგენი და ყველა ზემო ჩამოთვლილნი ერნი თამარის ქებათა იტყოდნან (ქ. ცხ., 336), და ავთანდილსაც, რაღა თქმა უნდა, მოქიბთხედნენ, თუ რა სწადა, რა სტკიოდა, რისთვის მგზავრობდა.

მე სოფელმან მომაშორავა  
 უკეთესსა ჩემსა მზესა;  
 (ღმერთო), ნუ აღმოფხვრი სიყვარულსა.  
 მისგან ჩემთვის დანათესა!

ცხადია, სოფელს განუშორებია „მზისაგან“ ავთანდილი და არა თვით „მზეს“ (თინათინს). ამას გარდა, თვით მდგზათა გეოგრაფიული სახელი არ უნდა იყოს, არამედ გადამწერთაგან გადამახინჯებული მაზგათა, რომელიც ნიშნავს მეჩითს. მიზგითს ლოცვა ავთანდილისაგან საჭირო იქნებოდა იმისთვის, რათა დაენახებინა მაჰმადიანთათვის, რომელთა შორის მოუხდებოდა მგზავრობა, რომ იგი პატივისმცემელია მაჰმადის საწმუნოებისა. უამისოდ მას ძნელად შეუხმენდნენ სულთნები. „თამარიანში“ ეს ცხადად გამოაქმულია. ქალი (თამარი) ეუბნება სატრფოს (დავით სოსლანს):

ქაბასა მფლობი დიდი ემირი  
 მას შიგან მთხრებლსა თვისად ისობდის,  
 მაჰმადის ზმობად მაზგათოსა შესღვად  
 თაყვანისცემად მას შინა გცადის.

#### X. გამგზავნება ავთანდილისა

„თამარიანით“ ქალის მოტრფიალე (დავით სოსლანი) ჯერ შივიდა თავის სამშობლოს (ხაზარეთს), მერე ნახა ხანნი, ჩინნი, წავიდა კოსტანტინეპოლისკენ, ნახა არაბთა დიდი ემირი და შიაწია ინდოეთამდე.

„ვეფხისტყაოსნით“ ვიდრე ავდანდილი ინდოეთამდე შივიდოდა და ტარიელის ამბავს გაიგებდა,

ყოველი პირი ქვეყნისა  
 მოვლო, სრულად მოიარა,  
 ასრე რომე ცასა ქვეშე  
 არ დაურჩა, არ იარა,  
 მაგრა იგი მის ამბისა



მსმენელსაცა ვერ მიმხვდარა;  
 ამაშიგან წელიწადი სამა  
 სამს თვედ მიიყარა.

ჰჰ ის თთვის თავზე მან გადასწყვიტა დაბრუნება. ამ დროს იგი იღვა მალაღის მთის ზურგზე და წინ გადაშლილი ჰქონდა შეიდი დღის სავალი ვრცელი მინდორი. ამ მინდორს რომ ჩავიდა, შეხედნენ სამნი ძმანი-მთავარნი, რომელთაც უთხრეს, ხატკელნი ვართო და

ღია გვაქვს ციხე ქალაქი  
 ხატეთს არე მარეთა.

ამათ შეხვედროდათ ტარიელი და ამათვე დაანახვეს ავთანდილს ცხენით მიმავალი გმირი. ავთანდილმა ტარიელი იპოვნა ქვაბებში და მან უამბო შემდეგი.

ინდოეთს შეიღთა მეფეთა ყოველი კაცი ხართ მცნობელი. ექვსი სამეფო ეჭირა ფარსადანს და მეშვიდე მამა ჩემს სარიდანს. ფარსადანს შეილი არა ჰყვანდა და მე მზრდიდა, მაგრამ შემდეგში მიეცა ნესტან დარეჯანი. მამა მომიკვდა და მე გავმთავრდი და შევიქენ ინდოეთის ამირსპასალარი. დარეჯანი გაიზარდა, შევიყვარე, შემიყვარა, ერთგულება და ცოლქმრობა აღუთქვით ერთმანეთს. ხატეთის მეფე რამაზ გაგვიორგულდა, ფარსადანმა გამგზავნა. დავამარცხე, დავიპყარ და ტყვედ მოვიყვანე. ფარსადანმა აპატია, დახარკა, დააბრუნა. ყველანი მე მაქებდნენ გმირობისთვის. ერთს დღეს სასახლეში მიმიხმეს. ფარსადანმა და დედოფალმა მითხრეს: ქალი უნდა გავათხოვოთ. დედოფალმა სთქვა: „ხვარაზმ-შა მეფეა მორქპით მჯდომელი: მათსამცა შეილსა სასიძოდ ჩვენთვის სხვა სჯობდეს რომელი!“ მეფემაც გაიმეორა: „ხვარაზმ-შა ხელმწიფე ხვარაზმელია, თუ მოგვცემს შეილსა საჩვენოდ, მისებრივ არ რომელია!“ კაცი გაგზავნეს და აცნობეს ხვარაზმშას. გაჰხარებოდა და შემოეთვალა: მაგისებრს ქალს ვეძებდითო. ხელახლა შეუთვალეს: შეილი საჩქაროდ გამოისტუმრეო. ჩემი დაშლა

ალარას არგებდა. წინდაწინვე გადაეწყვიტათ საქმე. დარეჯანმა მიმიხმო, გამიწყრა, შენც ჯდომილხარ სავაზიროდ ხვარაზმ-შას. შეილის მოყვანა რომ გადასწყვიტესო. დავარწმუნე, არაო. მირჩია, ხვარაზმ-შას შეილი რომ მოვა, მოჰკალ და მამა ჩემს.

ჰკადრე თუ: „პარსთა ვერა ვიქმ  
ინდოეთისა ქამასა,  
ჩემია მკვიდრი მამული,  
არ მივცემ არცა ღრამასა,  
არ დამეხსნები, გაგიხდი  
ქალაქსა ვითა ტრამასა.“

მეც ასრე ვქენ და განრისხებულს ფარსადანს შევეუთვალე: ინდოეთის მეფედ დღეს შენა ხარ, დანარჩენნი სულ ამოწყდენ, მემკვიდრედ ვშთები ღა მე მარტო, სამართლად ტახტი უჩემოდ არვისად მისახდომია;

ღმერთმან არ მოგცა ყმა-შეილი,  
გიზის ერთაი ქალია.  
ხვარაზმ-შა დაჰსვა ხელმწიფედ,  
დამრჩების რა ნაცვალია?  
სხვა მეფე დაჯდეს ინდოეთს,  
მერთყას მე ჩემი ხმალია?!

მეფე უფრო გაცეცხლდა და წაეკიდა თავის დას დავარს. ეს დავარი ქაჯეთს იყო გათხოვილი და დაქვრივების შემდეგ მამისეულს სახლშივე დაბრუნებულიყო. მეფე უჯავრდებოდა დას, ჩემის ქალისთვის ზრდილობა და კეთილობა კი არ გისწავლებია, ბოზ-კურობაო. დავარმა ჯერ სცემა ნესტანს, დაალება და მერე ორს ქაჯს მისცა, ნავში ჩასვეს და გადაიკარგნენ. შევიტყე ეს ამბავი, მთელის რაზმით (160 კაცი) კვალს გამოვედევნე, ვიარე მთელი წელიწადი, მაგრამ ვერას გავხდი, მისი მნახავიც არსად შემხვედრია. მხლებელნი ამომიწყდნენ. ზღვის პირას გამოველ მარტო ასმათით და ორის მონით. ზღვისპირს დავდიოდი, შემხვდა მცფე ნურადინ-ფრიდონი და

თავის ქალაქ მულლაზანზარს წამიყვანა. მას წასჩუბებოდნენ მამის ძმა და ბიძაშვილნი. მეტად აღელვებულიყო, რადგან დაეჭრათ და ღიღის ლაშქრით თავს დასხმოდნენ. რომ მოჯობინდა, ვუშველე, მისი მტრები დავამარცხეთ, მარტო მე რვაოდნენ ნავით შემომიტიეს, მაგრამ ნავები წყალში დავანთქი. ნურადინს იამა, ერთს დღეს სანადიროდ წავედით და ზღვის პირის ერთს წაწურვილს გორაზე რომ ავედით, ნურედინმა მითხრა: ორმა შავმა კაცმა აქ ნავით ერთი შვენიერი ქალი მოიყვანაო, მაგრამ ვერ შევიპყარით, ისევ მალე გაჰქრენო. ვცან, ის ქალი ნესტანი იყო. ვეძებეთ მე და ნურადინმა, გარნა ამოდ. ფრიდონ-ნურადინს გამოვეთხოვე, მოველ ამ ქვაბებში და აქ ვიმყოფები მას აქეთ მარტო ჩემ ერთგულ ასმათთან ერთად.—

ამის გამგონე ავთანდილი ეფიცებოდა, შენი მშველელი მე ვარო. ოღონდ ეხლა წაველ და ორს თვეზედ ისევ აქ მოვალო. ტარიელმა უთხრა: „უცხოს უცხო ეგრე როგორ შემიყვარდი?“ ძმად გაიფიცნენ, აღუთქვეს ერთმანეთს შველა, ავთანდილი გადაეხვია ტარიელს, შეჯდა ცხენზე და გამოჰქუსლა, თინათინი ნახა, ისევ უკანვე დაბრუნდა, ტარიელი ქვაბებშივე დასტოვა და თვითონ წავიდა დარეჯანის საძებრად.

„თამარიანი“ პირველს დაბრუნებაზე არა არის-რა ნათქვამი; დაბრუნების მაგიერ სატრფოს მოსდის წიგნი და ატყობინებს, კიდევ სხვა ქვეყნებიც უნდა მოვიაროო. მან ნახა ხაზარეთით ხანნი, ჩინნი, მობალდადენი ბარდავს (განჯას), ღიღი ემირი, მივიდა ინდოეთს, ამოვლო კიდევ ხანნი და ჩინნი, მოჰყვა ვოლგას (ატალას), დაჰყვა ხაზარეთს, ჩაჰყვა რუსეთს და ქალს (სატრფოს) მოსწერა წიგნი: „კვლავ განველი ზღვანიო.“ შემდეგ

„თამარიანით“

„ვეფხის-ტყაოსნით“

წავიდა იონთა ველს, სად მეფედ ზის კეისარი. მოვლო ქალაქნი, ზღვის

ავთანდილმა 70 დღე ზღვის პირს იარა, მივიდა თურქთა საზღვარზე, ფრიდონ—ნურადინის სამეფოს შე-

ალოგნი, ეგვიპტე, არაბთა მხარე, მივიდა ამანს (იამანეთს), თავი იდიდა. დაბრუნდა, მოძებნა მთვარე შიშ ჰაერპირი მნათობი და-და. (ტ. 62).

„მოჰყვანდის ქალი, საჩემო სძალი, მორცხვი, მორიდი, ბრძნად მოუბარი“ (ტ. 63).

ვიდა, ნურადინს გამოჰკითხა, სად ენახა მენავეების მოყვანილი ქალი, გაუდგა გზას, შემოხვდნენ მთბაღ-დადენა ვაჰარნი, ეგვიპტით მომავალი ქარავანი (ტ. 1010, 1012), მათთან ზღვა გადაიარა, მივიდა გულანშაროს, ფატმანისგან გაიგო დარეჯანის ამბავი, მისი დატყვევება ქაჯებისაგან, უკანვე დაბრუნდა, ტარიელი და ფრიდონ წაიყვანა, ქაჯეთის ციხე აიღო, დარეჯანი გამოიხსნა; ტარიელს შერთო, და ყველანი წამოიყვანა არაბეთს. (ნესტან დარეჯანი სძლად ხედებოდა ძმად გაფიცულს ავთანდილს).

### XI დაბრუნება „აბახეთს“.

ტარიელისა და დარეჯანის ქორწილი რომ გადაიხადეს ფრიდონისას, ავთანდილსა და ტარიელს შორის გაიმართა ამგვარი საუბარი.

ტარიელი. ძმაო, რა გადიხდის შენგან ჩემსა კირახულსა? შენ ჩემთვის თავი დასდევ, შემეწიე. აწ მე მაქვს ნაცვლად მისისა მოხმარებისა წადება. თუ ვერა ვიქმ საწადელსა შენსა, შენთვის განზრახულსა, არ შეგერთავ თინათინს, არა ვნახავ სახლსა ჩემსა, არ დარბაზსა, არცა ხულსა. აწ მითხარ, ჩემგან რა გინდა, ანუ რით მოგეხმარები? ვარჩევ, წავიდეთ „არაბეთს“, გავმართოთ ხლმითა საომარება, თუ შენ შენს ცოლს არ შეგერთავ, მე ჩემსა არ ვექმარები.

ავთანდილი. ჩემი მზე ტახტსა ზედან ზის მორკმული დგომისა ნებითა. მას ზედან შეველა რად მინდა? რა მოვა ჩემთვის განგება, ზეცათ მოსრულნი ზესანა, უმისყამისოდ ცუდია ჩემგან მიდამო რბენანი. მიჯობს მოლოდნა საქმისა მის განგებო-

სა ზენისა\*)). მსურს, ინდოეთს გნახო მორკმული, საჯდომთა ზედან მჯდომარე. მეზმოდნი თქვენნი მოგესწნეს, არვინ ჩნდეს მუნ მეომარე. რა გაგისრულდნენ ესენი, მაშინლა მივაღო „არაბეთს“.

ტარიელი. მაგას არ ვიქ, ამას არ უნდა მისანი. მე შენისა გამზრდელისა უნახავად არ დავდგები. ხვალე წასვლა არ დავშალო.

ავთანდილი. კმა, რაცა შევცოდე როსტენსა წლეულად. კვლავ ნუ მიქ ერთგულობისა გამტეხელად, რასაცა ჰლამი, არ მოგცემს მას ღვთისა სამართალი. გამზრდელსა ჩემსა ვით ვკადრო მე საქმე სამუხთალია. მე მისთვის ხელი ვით გავძრა, ვინ ჩემთვის ფერნამკრთალია. ვით მოიხმაროს მონამან პატრონსა ზედან ხმალისა? ეგე საქმე მე და ჩემსა საყვარელსა შეგვამდურებეს. ვა თუ გაწყრეს, გაგულისდეს!?

ითათბირეს და გადასწყვიტეს, სამნივე გმირნი (ტარიელ, ფრიდონ და ავთანდილ) წავიდნენ „არაბეთს“ ვითარცა მეგობარნი და მთხოვნელნი ქალისა.

არაბთ მეფე როსტან გამოეგება მათ, ტარიელის წინ შობს უკუ-დგა, მას თაყვანისცა, ქვემიწამლის დაუვარდა და მოწიწებით მოახსენა: „ხელმწიფეო,

ვით ეგების, რაცა გწადდეს,  
რომე კაცი არ მოგთმინდეს?!  
ანუ მშურდეს, ქალი ჩემი  
საკვდავად და ტყვედცა გინდეს!  
გებრძანამცა სახლით თქვენით...  
მე სიძესა ავთანდილის  
უკეთესა ვპოვებ ვერა...  
თუ შეგკერთო ერთი მოხსა,  
თქვენთვის არცა მაშინ მშურდა!  
ვინმცა გკადრა შეცილება,

\*) ქ. ცხ. (გვ. 291): დავით სოსლანის მეჟედ არჩევისთვის „პოვეს ღონე განგებითა და ნებითა ღვთისათა“.

უშმაგოდცა ვით მოგმდურდა!  
 თუ ავთანდილ არ მაყვარდა,  
 აგრე მისთვის რად მომსურდა!  
 დია, ღმერთო, წინაშე ვარ,  
 ესე ჩემგან დადასტურდა.

თუ ჩემი ქალი შენის მონისთვის შესართავად გეთხოვნა, მაშინაც არ დავიშურებდი მასო და არ მოგიმდურებდიო ვინდ „სახლით თქვენით გებრძანამცაო“. არაბთა ხელმწიფემ, 80,000 მხედრის პატრონმა (ტაუპები 1543,1553), რად დაიმდაბლა თავი წინაშე სამთა გვირთა გოლიათთა? ცხადია, ავთანდილის „გაქრამ“ და მრავალთა ქვეყანათ მოვლამ საქმე სხვანაირად დაატრიალა, გოლიათების დანახვამ სამალაევები მოაძებინა ავთანდილის მეტოქეებს და ტარიელმაც, როგორც უკვე ზევით შევნიშნეთ, დაამშვიდა ქალი (თინათინი) მამაცურის სიტყვით: „ორგულთა და შემცდილთა შენთა მე ვქმნა გაფლადება“.

ვინ უნდა ყოფილიყვნენ გასაფლადებულნი კაცები?

თამარისა და დავით სოსლანის დაქორწინების მოწინააღმდეგე დასის მეთაურად უნდა ყოფილიყო აბულასანი, ის აბულასანი, რომელმაც ქართველ დიდებულებს ურჩია, თამარისთვის ქმრად მოეწვიათ რუსი.

ეს აბულასანი იყო ფრიად შეძლებული კაცი, იგი ამირობდა ქართლსა და ტფილისს. ლურჯ-მონასტრის წარწერა მას უწოდებს შვიდთა მთეულთა პატრონად და რუსთავის (ყარაიას) ამირთ-ამირად.

ამის რჩევით ტფილისიდან კაცი გაგზავნეს ყიფჩალს და მოიყვანეს რუსი. თამარს ძლიერ გაუკვირდა, როცა მოახსენეს, რისთვისაც მოეყვანათ. ტანადობისა და სილამაზისთვის მოგწონთ ეგ რუსიო, შეუთვალა თავადებს თამარმა, გარნა არ იცით მაგისი სულიერი მხარე, მაგისი ზნე-ჩვეულება, ჯერ შეისწავლეთ ეგ კაცი და მერე მაგის სიძეობაზე ილაპარაკეთო.

თამარი რომ კაცში სულიერს სიშვენიერეს ეძებდა, მისი ნაზირ-ვეზირნი ძლიერის აბულასანის მოთავეობით საკმაოდ

სთვლიდნენ, რომ რუსი ტანადი და შნოიანი იყო, და ძალმომრეობით ქორწინების გაჩაღება ჰსურდათ. „ესეოდენსა მძიმესა საქმესა მსუბუქად შეეხებოდნენო“, ამბობს მემატიანე, „სპილოსებრ არ განიხილავდნენ მისაყრდნობელსაო“. და ამ სპილოსებრ კაცებმა თავისი გაიტანეს: თამარს შერთეს „ვილაც სკვითი“.

აბულასანი დავით აღმაშენებლის დროს გადმოსახლებული ყივჩაღელი უნდა ყოფილიყო ანუ ყივჩაღელის გაქრისტიანებული შვილი, იქნება აღმაშენებლის სიმამრის ათრაქა შარაგანიძის შვილის-შვილიც იყო ანუ ნათესავი. თვისის ბატონობის უმეტესად გასამტკიცებლად იგი საჭიროდ დაინახავდა თამარისთვის ქმრად დაესო ყივჩაღეთის სამეფო კარზედ აღზრდილი რუსი.

რა პირით-ღა უნდა სჩვენებოდა აბულასანი თამარს, როდესაც ეს რუსი არც ქმრად გამოდგა, არც ხელმწიფედ და არც ჩვეულებრივ კაცად? ედგომილებოდა-ღა მას საქართველოში, როდესაც დიდის გაჭირების შემდეგ თამარ მეფემ აისრულა წადილი, გააგდო რუსი და ჯვარი დაიწერა საყვარელს კაცზედ, დავით სოსლანზედ?

არ ედგომილებოდა. აკი აღარც არის მისი ხსენება დავითის გამეფების დროიდგან. ალბად, იგი ან დაახრჩეს, ან მოჰკლეს დავით სოსლანის ბრძანებით.

აბულასანი რომ გაჰქრა, მისი ადგილი დაიჭირა მისმა შვილ გუზანმა. ეს იყო მმართველი კლარჯეთ შავშეთისა. მამის შემდეგ გავდებულის რუსის ხელმძღვანელად ეს გუზანი შეიქმნა. ამან მოაწყო დიდი შეთქმულობა თამარის წინააღმდეგ. მიიბირა არზრუმის თათრობა, კოსტანტინეპოლიდგან მოიყვანა რუსი და საქართველოს მეფედ გამოაცხადა. მას მიემხრნენ იმერნი, აფხაზნი, სვანნი, სამცხის სპასალარი ბოცო, ორბეთისა და კაენის პატრონი ორბელიანი და სხ. იმავე დროს თითქმის მთელი ქართლი გუზანისავე მომხრე მთიულებმა დაიჭირეს. ძვირად დაუჯდათ ესრეთი კადნიერება და გაბედულობა, მეტადრე გუზანს. მოწინააღმდეგენი დავითმა დაამარცხა, გუზანის ცოლშვილი ხელთ იგდო და ტფილისს წამოასხა, თვით გუზანი შეიპყრა და რადგან იცოდა, თამარი მოწყალე იყო

და ყველას აპატიებდა დანაშაულს, მის ბრძანებას აღარ მოუცადა და მესისხლე გუზანს თვალები დასწვა (ქ. ცხ., 324). ასრე ამოიყარა ჯაფრი მისთვის საზიზღარ აბულასანის ნატამალოზედ. თვით სვე-უბედური რუსი, რომელსაც მემატიანე სთვლის „მეფედ რუსთა, უფროს-ლა აფხაზთა“ (გვ. 286), თამარმა კვლავ განდევნა.

რუსი მეორედ დაბრუნდა. მივიდა სპანსთა ათაბაგისას, აიღო მისგან ქვეყნის სამყოფი, შეიყარა ლაშქარი განჯისა და არანის და ქიზიყს შემოესია. ქიზიყელებმა შემუსრეს მისი ძალა და იგი ორის მონით სადღაც გადიკარგა.

ფრიად საყურადღებოა, რომ თამარ-დავითის მოწინააღმდეგე რუსს შეელოდა სპარსთა ათაბაგი. ეს გარემოება აგრეთვე ერთი უაღრესი საბუთია გასარკვევად კითხვისა.—მართლა ჩვეულებრივი რომანია „ვეფხისტყაოსანი“, თუ ისტორიული თხზულება.

მ. ჯანაშვილი.

(შემდეგი იქნება)



## პატრიოტიზმი და კოსმოპოლიტიზმი

შესაძლებელია პატრიოტი იყოს კაცი და იმავე დროს კაცობრიობაც უყვარდეს? თუ მართალია, რომ სამშობლოს სიყვარული ვერ მოთავსდება კაცობრიობის სიყვარულთან?

ამ კითხვით მიმართა ფრანგულმა Revue-მ მსწავლულთ, მწერალთ, პოლიტიკურ მოღვაწეთ, და ერთი და იგივე პასუხი მიიღო თითქმის ყველასაგან: კაცობრიობის სიყვარული იგივე გრძნობაა, რაც სამშობლოს სიყვარული, ოღონდ უფრო განვითარებული.

ვინც სამშობლოს ემსახურება, კაცობრიობას ემსახურება, რადგან მთელი კაცობრიობა სარგებლობს რომელიმე ერის მეცნიერულ, ხელოვნურ და ეკონომიურ წარმატებით. ერის ცხოვრება და წარმატება დამოკიდებულია სხვა ერთა წარმატებაზე და, ვისაც თავისი თანამემამულენი უყვარს, სხვა ერის შვილნიც ეყვარება. თუ კი სამშობლო არ ეყვარება ადამიანს, ესე იგი თავისი მახლობელი ქვეყანა და ხალხი, ველარც კაცობრიობას შეიყვარებს, ესე იგი დაშორებულს ქვეყანას და ხალხსაო.

ზოგნი უფრო შორს მიდიან (ელიზე რეკლიუ, მირბო) და ამტკიცებენ, ყველა ერნი ძმანი არიან და ამიტომ ჩვენ არც სამძღვრები გვწამს, არც ადგილობრივი ეროვნული პატრიოტიზმი. ჩვენი სამშობლო—მთელი ქვეყანაა და ჩვენ კაცობრიობის შვილად მიგვაჩნია თავი. ადამიანი ყველგან ერთნაირად არის გაჭირვებული და დაჩაგრული და მეცნიერება ყველგან ერთსა და იმავე საგანს ემსახურება: იგი ცდილობს ალა-

დგინოს, შეაერთოს ერებად გაყოფილი კაცობრიობა და ამ ქვეყნად სიმაართლის და ერთობის დასაფუძნებლად ბრძოლა შეაძლებინოს.

ეგ იდეალი არისო, ამბობენ ფრანსუა კოპპე და ჰუსსონ-ვილი: ადამიანს ჯერ კიდევ ბევრი რამ მოსდევს მხეცური და ამიტომ ღღეს კაცობრიობის სიყვარული სამშობლოს ღალატად მიგვაჩნია; ერი, რომელიც ეროვნულს პატრიოტიზმს დაივიწყებს, სხვა ერთა შესაქმელ ლუკმად განდება. ეგ იდეალი შემდეგში იქნება კიდევ განხორციელდეს, მაგრამ ჩვენს დროში კი ვისაც ცხოვრება უნდა, ევროისტურად უნდა ემსახუროს თავის სამშობლოს.

მოკლედ მოვიყვანთ ევროპიელ გამოჩენილ მეცნიერთა და მწერალთა აზრს პატრიოტიზმის და კოსმოპოლიტიზმის შესახებ და ვეცდებით ყოველ მხრივ დავანახვოთ მკითხველს ეს საყურადღებო საკითხი

აღფრქვად ჭყუდიე. საზოგადოებრივ წინსვლას მიზნად განვითარება უნდა ჰქონდეს საზოგადოების ყოველი წევრისა. განვითარება გონებრივი, ზნეობრივი და ეკონომიური შეუძლებელია, თუ საზოგადოებას არა აქვს გარემოებათა შესაფერი დაწესებულებანი კეთილად წარმართავენ მხოლოდ იმათ, ვინც შეერთებულნი არიან ისტორიული წარსულით, ზნე-ჩვეულებით, ენით, ტრადიციით, თავისებურ კულტურით—მოკლედ რომ ვთქვათ, ერს და არა მთელს კაცობრიობას. ჯერ ისევ კანტმა შეადგინა გეგმა ერთა შორის დაურღვეველის მშვიდობიანობისა“. ამ მშვიდობიანობის დასამყარებლად უნდა ვებრძოლოთ ომს, და არა სამშობლოს სიყვარულს. აკი თითონ კანტმავე გააფრთხილა სხვა და სხვა ერი და ურჩია: ევროპის შეერთებულ შტატებად დამყარებამდე ხმალ-ხანჯალი არ მოიხსნათ, თორემ თქვენი ხსენებაც აღარ იქნება, ის ნეტარი დრო რომ დადგებაო.

აწუდე—მეცნიერთა, საზოგადოებას ბიოლოგიურად სინჯავს და დაასკვნის,—კაცობრიობის სიყვარული სამშობლოსას ერთვის და ჰფარავს, თუმცა არ აუქმებს. თავის აზრის დასამ-

ტკიცებლად ამერიკელ შტატების პრეზიდენტის სიტყვები მოჰყავს, რუზველტისა, რომელსაც გაგიჟებით უყვარს თავის სამშობლო და იმავე დროს ხელშეუხებელ წმინდად მიაჩნია სხვათა სამშობლოც. აი რას ამბობდა რუზველტი ამ რვა წლის წინად: „რეფორმატორები ამტკიცებენ შორეულ მომავალში, პატრიოტიზმი, როგორადაც ერთ-ცოლიანობა, უსაფუძვლო და უსარგებლო შეიქნებაო. იქნება მომავალში აგრეც მოხდეს, მაგრამ დღეს კი, ვისაც სხვა ქვეყნები ისევე უყვარს, როგორც საკუთარი სამშობლო, მანებელი წევრია საზოგადოებისა, სწორედ ისე, როგორც მანებელია კაცი, რომელსაც ისევე უყვარს სხვათა ცოლები, როგორც თავისი საკუთარი“. სამშობლოს სიყვარული ისეთივე სათნოებაა, როგორც ოჯახის სიყვარული, თავმოყვარეობა, პატიოსნება და ვაჟკაცობა; მაგრამ სამშობლოს სიყვარული სხვა ერთა სიძულვილი არ არის: ნაყოფიერად თავის ერს მაშინ ემსახურება ადამიანი, როდესაც სხვა ერთა პატივისცემას განუვითარებს. სიმართლე ერთია და როგორც კაცთა შორის სუფევს, ისე ერთა შორის უნდა სუფევდეს. ჯერ თავისი სოფელი უყვარს კაცს, მერმე თავისი მაზრა, თავისი ერი, მახლობელნი ერნი და ბოლოს მთელი კაცობრიობა. მაშასადამე კაცობრიობის სიყვარული უარყოფა კი არ ყოფილა სამშობლოს სიყვარულისა, არამედ განწმენდილი, განვითარებული პატრიოტიზმი.

**ანატოლ ლერუა ბოლდე:** კაცობრიობის სიყვარულს სრულიადაც არ ეწინააღმდეგება სამშობლოთა. ჩემი სამშობლო მიყვარს, მაგრამ ამით კაცობრიობას კი არას ვავნებ. სამშობლოს სიყვარული თანდაყოლილი ინსტინქტიური გრძნობაა, დროთა სვლით და განათლებით განსპეტაკებული. შეგნებული პატრიოტი არ ისურვებს სხვათა ზარალს, რადგან სხვა ერთა უფლებანი ისევე სწამს, როგორც თავისი ერისა. თუ კი დაფიქრება იცის კაცმა, ყველგან აღიარებს, რომ ყველა ერის შვილსა აქვს უფლება და ვალდებულება თავის სამშობლოს ემსახუროს. ერნი, როგორადაც კერძო პირნი ერთს მოძღვრებას უნდა მსახურებდნენ: იმისთანას ნურას უზამ სხვას, რაც არ გინდა,

რომ შენ გიყონ. ამ მოძღვრებამ უნდა ჩამოაგდოს ერთა შორის მშვიდობიანი დამოკიდებულებანი. მომავალში სხვა და სხვა ერები აღარ იქნება და ერთად-ერთი—კაცობრიობა იქნებაო, ამოხვინ. განვითარებად და პროგრესად კი არა, უკან დახევად მიმაჩნია მე ეგ უტოპია, რადგან ეროვნულ განსხვავებათა მოსპობა კაცობრიობის დამახინჯება და გალატაკება იქნება. საქმე ის კი არ არის, ცალ-ცალკე ერთი აღარ არსებობდნენ და ერთს გაერთიანებულს კაცობრიობაში შედუღდნენ; საქმე ის არის, დავუხლოვოთ ერთმანერთს სხვა-და-სხვა ერი, არ დავუკარგოდ თავისი, ხშირად ბრწყინვალე, წარსული და ძმობით შეკავშირებულ ფედერაციად გარდაქმნათ მთელი ქვეყანა.

**მანია:** რა კი სახლობის სიყვარული არას უშლის სამშობლოს სიყვარულს, სამშობლოს სიყვარული როგორღა და უშლის სიყვარულს სხვა ერებისას, როდესაც ამ ერთა შორის დამოკიდებულებაც არსებობს რამე? უწინ, როდესაც მიმოსვლა მეტის-მეტად ძნელი იყო, კიდევ შეიძლებოდა განცალკევებულ ერს სხვა ერისა შიში ჰქონოდა და მტრობა; დღეს კი ყველაფერსა ვცვლით ერთმანერთში სხვა-და-სხვა ერნი, ყველაფერი საზიაროდ გავიხადეთ—საქონელი, მეცნიერება, ხელოვნება, თვით ენაც კი—და ძნელი წარმოსადგენია, რომ შეგნებულმა პატრიოტმა ძმად არ მიიღოს უცხო ერის შვილი.

**მესაქრე (ლოტარინგელია და გულ დამწვარი):** ერის სიმაგრე და თავისუფლება პატრიოტიზმზედ არის დამოკიდებული. თუ კაცს თავის სამშობლოსი ცხოველი სიყვარული არა აქვს, ვერც მამაპაპათა მემკვიდრეობას შეინარჩუნებს, და ვერც თითონ შეიძენს რასმე. სამშობლოს სიყვარული პირვანდელი და უწმინდესი გრძობაა და სრულიადაც არ ეწინააღმდეგება კაცობრიობის სიყვარულს; სამშობლოს სიყვარული სრულიადაც არ მოასწავებს სხვის მტრობას. მამულისშვილობა ის არის, არ უღალატოს კაცმა თავის სამშობლოს დიდებას და არავის შეაღალაგინოს იგი. სასურველია, რასაკვირველია, რომ ერთა შორის მშვიდობიანობა ჩამოვარდეს, მაგრამ იმ პირობით კი, რომ ჩემმა სამშობლომ არა დაკარგოს-რა.

შარლ დეშე. ათინელისათვის სამშობლოს სიყვარული ათინის სიყვარული იყოს, რომელისთვის — რომისა. გავიდა დრო და გაიზარდა, გაფართოვდა სამშობლო და მასთან მისი სიყვარულიც. ამასთან შეუძლებელი შეიქნა ხალხთა უერთმანეთოდ ცხოვრება, გამრავლდა და გაადვილდა ერთაშორის დამოკიდებულებანი და ამან დაჰბადა ის გრძობა, რომელიც შემდეგში კაცობრიობის სიყვარულად იქცა. გერმანელი, ინგლისელი, ფრანგი, იტალიელი, რუსი, პოლონელი, ესპანელი ისე ვართ ერთმანერთზედ დამოკიდებულნი, რომ ყველანი ჩვენს ძმად და მოყვასად მიგვაჩნია, მიუხედავად იმისა, რომ მათ შორის მრავალია განსხვავება — სარწმუნოებრივი, ისტორიული, გონებრივი და სხ. ყველანი ძმად მიგვაჩნია, მაგრამ მათ შორის ზოგი უფრო დაახლოვებული გვყავს, თუმცა ამით დანარჩენებსაც არაფერს ვავენებთ. როგორ არა ვთქვა: პარიზელი ვარ, პარიზში დაბადებული და აღზრდილი და პარიზელებთან უფრო მეტი მაქვს საზიარო, ვიდრე სხვა ფრანგებთან. ამავე დროს ფრანგი ვარ, ფრანგთა რაოდენიმე თაობის შვილი, და ფრანგებთან უფრო მეტი მაქვს საზოგადო, ვიდრე გერმანელთან ან ესპანელთან. პატრიოტი ვარ, მაგრამ კაცობრიობაკი არა მძულს; პირიქით, რადგან ჩემი სამშობლოს ყოველი წინსვლა და სიკეთე სხვისა ჰფენს სხვა ერებსაც, როგორადაც სხვა ერთა სიკეთე სასარგებლოა ჩემი ერისთვისაც. რაიქნებოდა ერის ცხოვრება, თავის თავზედ რომ ყოფილიყო მარტო მინდობილი და სხვისა არა მიედო რა? აღარც შექსპირი ეყოლებოდა საფრანგეთს, აღარც ბეტჰოვენი, აღარც მიქელ-ანჯელო, აღარც ნიუტონი... და უცხოელთ არ ეყოლებოდათ ვოლტერი, ლავუაზიე, პასტერი... დაქუცმაცებული იქნებოდა კაცობრიობა, გონებრივად დაბეჩავეებული. ბრძოლით და იარაღით ერთა შორის ატეხილ უთანხმოებათა გარდაწყვეტა ნაშთია კაცობრიობის უწინდელ-ბარბაროსულ ყოფისა; მუწუკად დარჩენილა ეს ნაშთი. მართალია, რჩება და მალე სულაც გაქრება მუწუკი, მაგრამ მორჩენის წინ ისე იბერება და ავზნიანდება, თითქო გვემუქრის — გავქრები, მაგრამ ჩემს სახსოვარს კი მაინც დაგიტოვებთო!

სამშობლოს სამსახური კაცობრიობის სამსახურია, რადგან ერთაგან შესდგება კაცობრიობაც. სამშობლოს სიყვარული და სამსახური—პატრიოტიზმი—აღზრდილი და აღფრთოვანებული უნდა იყოს მოზარდ თაობაში. სამშობლოს სიყვარული იგივეა, რაც დედის სიყვარული და მთლად წამხდარი უნდა იყოს კაცი, რომ სთქვას—მე დედაჩემი არ მიყვარსო. ოღონდ იმას კი არ გვასწავლის სამშობლოს სიყვარული, სხვისას ამშობლო აიკელით, დასწვით და გაანადგურეთო; ცეცხლითა და მახვილით მიდით სხვა ერის მამულზედ; ერთა შორის დადგენლი ხელშეკრულებანი დაარღვიეთ, ისტორიაში სიყალბე შეიტანეთ და სხვის საკუთრებას დაეპატრონეთო! მონტესკიემ სთქვა: სამშობლოსთვის ტყუილს არ ვიტყვი და თავს კი გავწირამო! წმინდა სამშობლოს სიყვარული, მაგრამ წმინდა მაშინ არის, როდესაც სიმართლეზედ არის დაშვარებული, ძმობაზედ და ერთობაზედ.

გაბრიელ ტორდაი: ნოვიკოვი ამბობს, ერი ეროვნულ ცხოვრებას მაშინ იწყებს, როდესაც საკუთარი მწერლობა ახლავსო. გაძლიერება საფრანგეთის მწერლობისა მე-XVII საუკუნეს ეკუთვნის და იმავე დროიდან იწყება შეერთება ფრანგულ პროვინციებისა. საფრანგეთის ეროვნული სიმაგრე—საკუთარი მწერლობა არის. ყველა ძლიერს ერს საკუთარი მწერლობა აქვს, რომელში თავისებურად გამოსთქვამს ფილოსოფიას ცხოვრების უდიდეს კითხვებისას. ერის ყოველ ნაწარმოებთს სხვა ერებიც ისარგებლებენ, მაგრამ არტისტს, მწერალს და ფილოსოფოსს, ღირსეულად მარტო თავისი აღმზრდელი ერი შეიგნებს, იმ ნეტარ დღემდე, როდესაც კაცობრიობა ძმურად, მშვიდობიანობის შეიურყევლოდ შესძლებს ცხოვრებას, ყველა ერი ვერ მიაღწევს, რადგან დღევანდელი ერნი ისევ იმაზრისანი არიან, რომ ერის გაძლიერება სხვა ერთა დასუსტებით და დალუბვით შეიძლებაო და უპირველეს ყოვლისა შეიარაღებას და სამხედრო გამაგრებას ცდილობენ. ბევრა ერი ვერ მიაღწევს იმდღეს, რადგან მანამდე სხვა ერთა მიერ შთაინთქება; მათთან ერთად შემცირდება ენათა რიცხვიც და, შეიძლება, იმდროს, საერთაშორისო ენად რომელსამე ერთს ენას მისცეს კაცობრიო-

ბამ უპირატესობა — ესპერანტოს და ვოლაპიუკს კი არა, რომელისამე ერის ენას. კაცობრიობისაგან საერთაშორისო ენად მიღებულთან ერთად სხვა-და-სხვა ენებიც დარჩება, რადგან შეუძლებელია ისე შედუღდნენ ერთმანერთში ევროპიელნი ერნი, რომ ერთს ერს და ენას-ლა წარმოადგენდნენ.

**გაბრეელ მონო:** სამშობლოს სიყვარული ისეთივე ბუნებრივი გრძნობაა, როგორც არის თავისთავის და ოჯახის სიყვარული. სამშობლოს სიყვარული სათნოებაა, როდესაც მოყვასად მიაჩნია ყოველი ერი, და ბიწიერებაა, თუ სამართალს გზა აუქცია და გაზვიადებულ, უწმინდურ ეგოიზმად გადაიქცა. როგორც თავისთავის სიყვარული წმინდა მარტო მაშინ არის, როდესაც თავის გონებრივს და ზნეობრივს სისრულეს ცდილობს კაცი, აგრეთვე პატრიოტიზმი — წმინდა მარტო მაშინ არის, როდესაც თავის ერს ღირსეულს ალავს უმზადებენ კაცობრიობაში მამულის-შვილნი:

**ელაზე რეკლამი:** ჯერ ჯონგაა ხალხი და ძალიანაც ატყუებენ: აი შენი სამშობლოო, დაუძახებენ, და ციხე სიმაგრეებით შემოზღუდულს მხარეს აჩვენებენ! შინ იყავ, გარეთ არ გაიხედო, თორემ იქ ბუა არის და შეგჭამსო! ხალხსაც სჯერა ბატონის სიტყვა, ვერ წარმოუდგენია, რომ იქ იმისავით ტანჯული და დამონებული ხალხია და არა მტერი: და რადგან მტრის მოგერება ჯერ-ჯერობით, ხალხის აზრით, მარტო ბატონს შეუძლიან, ემორჩილება, მუშაობს და თავის ნამუშევართ ბატონს ახარებს. ბატონსაც ხომ მეტი არა ნებავს რა! მაგრამ გაიცნობენ ერთმანერთს ერნი, დარწმუნდებიან, რომ სამტრო არაფერი აქვთ და მაშინ უყურეთ: აღარც სამძღვრები იქნება, აღარც ციხე-სიმაგრეები და ბატონები! ყველანი ძმანი ვიქნებით, თანასწორნი და თავისუფალნი.

**ჟაჟელ კლარეტი:** კაცს თავის შვილები უყვარს, მაგრამ სხვისას კი არას აფენებს; სამშობლო უყვარს, მაგრამ სხვისას კი არა ღუპავს. პატრიოტს თავისი ქვეყანა და ერი უყვარს, რადგან შესისხლხორცებულია მასთან, მაგრამ ამ სიყვარულიდგან სრულიადაც ან გამომდინარეობს სხვის სიძულვილი.

კაცობრიობა უნდა გვიყვარდეს, მაგრამ განა მას უნდა ვანაცვალოთ ჩვენი სამშობლო?! ჩვენი სამშობლო ნაწილია კაცობრიობისა და ამ ნაწილის სიყვარული და სამსახური განა კაცობრიობის სიყვარული და სამსახური არ არის? ერთა შორის მობა და ერთობა მწამს, ყოველი პატიოსანი კაცი ძმად მიმაჩნია, ჩემი ქვეყნის შვილი იყოს, თუ ცხრა მთას იქით მდებარისა, ოლონდ... მანამ ყმაწვილი ვიყავ, ყველას ვენდობოდი, ყველას; და ეხლა კი, როდესაც ჭკუა მასწავლეს, ცოტა უნდობლობა მომერია: ჩვენ ხომ ძმანი ვართო, შემომეპარება, და სასიკვდილოდ კი გამწირავს.

**ფრანსუა კოპუე:** მეც მწამდა ერთაშორებრივი ძმობა და მშვიდობიანობა; მწამდა და ვემსახურებოდი კიდევ. მაგრამ გერმანელთა შემოსევამ დამიშტკიცა—შორეული იდეალი სხვაა და დღევანდელი გასაჭირი სხვაო. ერთხელ გავბრიყვდი და ძალიანაც მანანეს; გიჟიარ ვიქნები მეორედაც გავბრიყვდე? მე ჩემი სამშობლო მიჩვენია სხვის სამშობლოს, თუმცა ავი არავისთვისა მსურს, სწორედ ისე, როგორც ბავშვს თავისი დედა უჩვენია ყველა სხვის დედას.

**ანატოლ ფრანს:** საქვეყნო ძმობა და მშვიდობიანობა ძველის ძველი მოძღვრება არის, რომელი ფილოსოფოსთაგან განმარტებული. ეს მოძღვრება შემდეგშიც არასდროს არ მიყუჩებულა და ჭინელონი გარდაწყვეტილი ამოხდა. ჩემს თავს ცოლშვილი მიჩვენია, ცოლშვილს—სამშობლო და სამშობლოს კაცობრიობაო. ცოტა არ არის, შეიგნეს ევროპელმა ხალხებმა ეს აზრი, მაგრამ ძალიან სუსტად. ხალხი ჯერ საქმარისად მომზადებული არ არის, რომ ცხოვრება თავისებურად მოაწყოს, და ხალხის მმართველთათვის კი სასარგებლოა ერთა შორის უფლის ჩამოგდება და ბრძოლის ატეხა.

**ზოლ და გაქოვან მარგუარატი:** პატრიოტიზმაც არის და პატრიოტიზმაც! ჩვენსას არა სძულს უცხო ერთა შვილი, პირიქით, კაცობრიობას ნეტარი დროება მაშინ დაუდგება, როდესაც ერთა შორის თანხმობა და მშვიდობიანობა დამყარდება, მანამდე კი ფრანგნი ვართ, საფრანგეთის შვილნი ვართ სული-



თაც და ხორცითაც ვეცადნეთ, ავამალლოთ და განვადიდოთ ჩვენი სამშობლო, რომ ღირსეული ალაგი დაიჭიროს მომავალ ევროპიელ ერთა შეერთებულ შტატებში.

**დენა გოშენ:** ამბობენ ეროვნულმა სამშობლომ თავისი დღენი მოჰამა და ჩვენს დროში სამშობლო მთელს ქვეყანას და კაცობრიობას ნიშნავსო. ამას მაშინ ვიწამებ, როდესაც ერთ ერთს პლანეტთან მიმოსვლას და მაშასადამე ქიშპობასაც დავიწყობთ: საცა წინააღმდეგობა არ არის, საცა ქიშპობა არ არის, იქ ადამიანი ვერ იცხოვრებს. მდორე ზღვის წყალივით ერთგვარი კი არ არის კაცთა საზოგადოება; რამდენიც ადამიანია საზოგადოებაში, იმდენი განსხვავებული ძალია გონებისა, ზნეობისა და პირად ინტერესებისა; უერთმანერთოდ ჩვენ ცხოვრება არ შეგვიძლიან, მართალია; მაგრამ ისიც მართალია, რომ ერთმანერთის დაუცხრომელ ქიშპობაში ვატარებთ ჩვენს ცხოვრებას და ჩვენ თავად, შეუდარებლივ, არაფერი ვართ: უღარიბოდ მდიდარი არ იქნებოდა, უზარმაცოდ—ბეჯითი, ურეგვნოდ—ჭკვიანი და უმახინჯოდ—ლამაზი. ნუ თუ ისე გააერთიანებებს ყველა ადამიანს კაცობრიობა, რომ მათ შორის აღარავითარი პიროვნული განსხვავება აღარ იქნეს? ღმერთმა დაგვიფაროს! ქიშპობა ადამიანის ბუნებრივი თვისებაა, მისი წინმწევი და განმავითარებელია; შეიძლება კაცმა სიცოცხლე შესწიროს კაცობრიობას, მაგრამ თავის პირადობის გაუქმებას კი არ იზამს. ხალხთა შორის ამართული სამძღვრები შეგიძლიანთ აშალოთ; მაგრამ როგორ აშლით იმ განუვალს სამძღვარს, რომელსაც სდებს ადამიანი თავისა და მოძმეთა შუა? პირვანდელი ადამიანი ეგოისტი იყო, მაგრამ რამდენადაც მეტად იზრდებოდა შეგნება საზოგადოებრივი ცხოვრებისა, იმდენად მცირდებოდა ეგოიზმი; ბუნებამ ოჯახი შექქმნა; საჭიროების და ვრძნობის დახმარებით ეს ნასახი საზოგადოებისა სოფლად იქცა, მაზრად, ქალაქად, ერად. უნდა უყვარდეს ადამიანს, რომ სიყვარულით მაღლიერმა სხვას შეალიოს თავის ძალ-ლონე, — სახელდობრ თავის ოჯახს, სოფელს, ქალაქს, სამშობლოს. მეტი-მეტად ნუ ვასჯიმავეთ სიმს მის სიყვარულისას, თორემ გაწყ-

დება და ისე დამოკლდება, რომ თავის თავის მეტს აღარავის გასწვდება: თუ კი კაცს ოჯახი აღარ ეყოლება და სამშობლო აღარ ექნება, ეგოიზმით აღტყურვილი პირადობა-ლა დარჩება. შეუძლებელს მოგახსენებთ, მაგრამ წარმოიდგინეთ ერთს წამს, რომ ამოდენმა ერებმა დაივიწყეს საკუთარი ისტორია და ტრადიციები, უარჰყვეს ყოველი ეროვნული თვისება, აჯობეს ბუნებრივს და ჰაეროვნულს გარემოებებს და გაერთიანებულ კაცობრიობაში გაქრნენ. რამუნდა გაიტაცოს სამუშაოდ კაცი? მომავალი იმას აღარ ექნება, ოჯახი არ ეყოლება და სამშობლო, რალა ექნება საზრუნავი, ერთად ერთის თავის თავის გარდა?

ოჯახი და სამშობლო უწმინდესი ქმნილებაა ჩვენი გულის და გონებისა, უწმინდესი, რადგან ოჯახის და სამშობლოს სიყვარულმა უნდა გვიხსნას ბუნებრივ ეგოიზმისაგან, ოჯახიც და სამშობლოც, საკუთარს ჩვენს მსგავსად შექმნილნი, ქიშპობით არის ძლიერი და როგორც ჩვენ—ერთმანეთში, ისე ერს სხვა ერებთან ქიშპობა ამხნევებს.

დროთა სვლას ვერავენ შეაყენებს, მაგრამ ერის წინსვლას კი ძალიან ადვილად. ეროვნული განვითარება მამულიშვილთა თავისუფალ ქიშპობაზედ არის დამოკიდებული და ერთნაირი ერი, ერთნაირი ყმაწვილკაცობა—მარტო მტარვალთათვის არის სანატრი, ან იმ პოლიტიკოსთათვის, რომელთაც მეცხვარეობა შეუძლიანთ და სხვა არაფერი.

სისულელე არ იქნება, იარალი შევიხსნა, როდესაც ჩემი მეზობლები თავითფეხამდე იარალში სხედან? სისულელე არ იქნება, უარყყო ჩემი სამშობლო, როდესაც სხვებისთვის სამშობლოს სიყვარული და სამსახური უუწმინდეს გრძობას და ვალდებულებას შეადგენს? ვუმტყუენო, ვულალატო ჩემს სამშობლოს, რომ სხვათა ლუკმად გავხადო?...

**პოლ დურუდედა.** შეიძლება, ძმანიც იყვნენ ხალხნი, მაგრამ ღვიძლი ჩემი ძმა—ფრანგია.

ვიცი, უნდა გვიყვარდეს მოყვასი ჩვენი; მაგრამ უახლოვესი ჩემი მოყვასი ფრანგია.

ჯერ საფრანგეთის სიკვთეს, დიდებას და სიმშვიდეს მოვხმარებ ჩემს სუსტ ძალ-ღონეს; და თუ გადამჩნა რამე, დეე კაცობრიობისა იყოს.

**ზოლ დეშანელი.** შეიძლება, კაცობრიობის სიყვარულით კაცმა სამშობლოს უმტყუენოს? არა და არა! კაცობრიობის განათლება, ძმობა, ერთობა — საფრანგეთზედ არის დამოკიდებული.

**დაიანი.** სამშობლოს სიყვარული არ ეწინააღმდეგება კაცობრიობისას და კაცობრიობის სიყვარულით ჭეშმარიტად გატაცებული მარტო ის არის, ვინც ჭეშმარიტი პატრიოტია. ალტრუიზმი ნელ-ნელა იზრდება: საფუძვლად ოჯახის სიყვარული უდევს, რომელიც სოფლის და მერმე მაზრის, ერის კაცობრიობის სიყვარულად ხდება.

კაცობრიობის სიყვარული ოჯახის და ერის უარყოფით დამტკიცდებაო, — დიდი შეცდომაა: განა ვისაც ოჯახი უყვარს, უარჰყოფს თავის-თავს? და ვისაც სამშობლო უყვარს, უარჰყოფს ოჯახის სიყვარულს?

ნურვინ იტყვის, თანასწორად მიყვარს ყველანიო, რადგან ამის მოქმელს სრულიადაც არავინ უყვარს, თავის-თავის მეტი. და მარტო თავის-თავის სიყვარული კი უარყოფთა საზოგადოებისა და აქედგან პირდაპირი შარა გზა ბარბაროსობისა და ველურობისაკენ.

**ჭუტნაეკა.** იმისთანა მძლავრი იყო უწინდელს დროში პატრიოტული გრძნობა, რომ ყველა ხალხს საკუთარი; საერო ღმერთი სწამდა. გავიდა ხანი, სარწმუნოებამ ელფერი იცვალა, მრავალ ღმერთთა მაგივრად ერთი ღვთაება დამყარდა და დღეს აღარ არის ღმერთი ზნგლისელებისა, ფრანგებისა, არამედ ერთად ერთი ღმერთი ყველა განათლებულ ხალხებისა. მაშასადამე ერთი ბურჯი სამშობლოსი, უმთავრესი და უწმინდესი — სარწმუნოება — უკვე გამქრალა.

სხვა ბურჯები კი უკვე გაქრნენ: ზნეობრივი და მეცნიერული ჭეშმარიტებანი მაშინვე კაცობრიობის კუთვნილებად ხდე-

ბი; და ხელოვნებას სამშობლო არა აქვს, როგორადაც ვაჭრობას და მრეწველობას.

მაშ რაღა დარჩა სამშობლოს? ენა?.. მაშ გააუქმეთ თავისუფალი, მაგრამ ფრანგულად მოლაპარაკე ბელგია; გაჰყავით და გერმანიას, საფრანგეთს და იტალიას შეუერთეთ შვეიცარია; ამერიკის შეერთებული შტატები ინგლისს შეუმატეთ, ან ინგლისი შტატებს. შთამომავლობა? რა შთამომავლობისანი არიან იტალიელები ან ფრანგები, რომელთა ქვეყანა ოცჯერ მაინც იქმნა უცხოთაგან გათელილი? რა შთამომავლობისანი არიან შეერთებული შტატების იანკები, სადაც შერეულია სისხლი იქ ჩასახლებულ გერმანელთა, იტალიელთა, ჰუნგრელთა, რუსთა? დღევანდელს დღეს განათლებული კაცის პატრიოტობა იმაშილა მდგომარეობს, რომ ცდილობს სხვა ხალხს არ შეაღახვინოს ის პოლიტიკური და ისტორიული კრებული, რომელსაც თითონ ეკუთვნის; მეზობლებმა რომ იარაღი აიხსნან და დარწმუნდეს ჩვენი პატრიოტი—მათი შიში აღარა მაქვსო—გეოგრაფიული მნიშვნელობაც კი დაეკარგება პატრიოტიზმს და ერთად ერთი მნიშვნელობა-ღა შერჩება: ადამიანი პატრიოტი იქნება იქ კი არა, სადაც დაიბადა, არამედ იქ, სადაც თავისი შესაფერი წრე ჰპოვა და ბინა დაიდვა.

სამშობლოს სიყვარულს იმ დრომდე ექნება მნიშვნელობა, ვიდრე ერთის ქვეყნის შვილთ შიში ექნებათ-სხვა ქვეყნის შვილებმა არ დაგვიმონაფონ და სამშობლოდგან არ გაგვხიზნონო. რამდენადაც გაიზრდება ყველა ერში საზოგადოებრივი თავისუფლება და გაზიარდება ერთა შორის მიმოსვლა, იმდენად შემცირდება ეს შიში და როგორც კერძო პირნი თავისავე ხალხში, ისე ერნი ქვეყანაში, მონობისაგან თავისუფლებისაკენ მიიწევენ, ძალმომრეობისაგან—სიმატლისკენ, მართლობისაგან—საზოგადოებისკენ.

ნაციონალიზმს, ლ აპერიმლიზმს, რომელიც დღეს ყველა ერსა სჭირს, ჩინელებსაც კი (ეგრედ წოდებული მოკრივენი), ერი ერის დაუდგრომელი მტერი ჰგონია და ამიტომ სძულს დემოკრატია, ერთაშორის მშვიდობიანობა და სათნოება; ამ კონსერვა-

ტორებისთვის ადამიანი ავა და ბიწიერი ქმნილებაა, რომლის განვითარება იმაში გამოიხატება, რომ უფრო ბიწიერი, ავი და მოყვასათათვის მავნებელი ხდება.

საჭიროა თვალთა ხილვა ჰქონდეს კაცს, რომ ჭეშმარიტებას მიაგნოს: დემოკრატიული თავისუფლება, ერთაშორებრივი ძმობა და საზოგადოებრივი თანასწორობა უპირველეს ყოვლისა იმ ერთ ელირსებათ, რომელთაც სხვა ერნი მტრად კი არა, ძმად მიაჩნდათ და დამოკიდულება ჰქონდათ ერთმანერთში. სიმართლეზედ დამყარებული მშვიდობიანობა რომ გაიმარჯვებს, თვით პატაროტული გრძნობაც განიწმინდება, რადგან საჭირო აღარ იქნება მტყუვანს სამშობლოს ემსახუროს კაცი (ომში მაგ.) მართალის მეზობლის წინააღმდეგ. სამშობლო უბრალო კრებული იქნება ერთი ენით და წარსულით შეერთებულ ადამიანთა, როგორც რაიმე სინდაკატი სოვდაგართა კრებულს ნიშნავს, ან ეკლესია—სარწმუნოებრივს საზოგადოებას.

ადამიანთა ერთმანერთში დამოკიდულებანი-საზოგადოებრივი გრძნობა და ბრძოლაა, ოღონდ წარსულში ბრძოლა სჭარბობდა, დღეს კი საზოგადოებრივი მიდრეკილება. ბრძოლაც რჩება, მაგრამ შეერთებული კაცობრიობა ბრძოლით ბუნებას მიმართავს, რომელიც გუშინ ბატონი იყო ჩვენი, დღეს მტერია და ხვალ მსახურად იქცევა.

უწბენ გოაე: კაცობრიობაო?! მოიგონეთ ტრანსვაალი, კუბა, ჩინეთის ომი, ინგლისელთა ბანაკნი, სადაც სიმშლით იხოცებოდნენ ქალები და ბაღლები, შეერთებულ ევროპიელ ჯარების სამარცხვინო საქციელი შორეულ აღმოსავლეთში; ბელგრადის ტრაგედია, საფრანგეთის ქვეშევრდომ არაბების წამება, სისხლით შორწყული ბელგიის კონგო. მრავალი კიდევ სხვა და მაშინ ბრძანეთ რამ შეერთებულ კაცობრიობაზედ!

ასე ურცხვრ თავის დღეში არ ყოფილა უსამართლოება და ძალმომრეობა! მაგრამ დავუბრუნდეთ კითხვას... სამშობლოს სიყვარული შეიცვლება, გაფართოვება, მაგრამ კი არ გაქრება.

თუ პატრიოტიზმი—ყველა უცხოელის სიძულვილია, ერთა-  
შორის მშვიდობიანობა უსათუძელო ოცნებად ხდება; მაგრამ  
თუ პატრიოტიზმი ის ტკბილი გრძობაა, რომელმაც შემაყვა-  
რა ჩემთან ახლო მყოფნი, მათი ჭირი ჭირად გამიხანდა, ლხი-  
ნი—ლხინად ჭ ყველაკაცთაგან ისინი უფრო დამიახლოვა,—რით  
ეწინააღმდეგება ამგვარი პატრიოტიზმი კაცობრიობის სიყვა-  
რულს? ჩემთვის მთელი ქვეყანა სამშობლოა და კაცობრიობა  
ერთად ერთი ერია, მაგრამ ჩემი აღმზრდელი ქვეყანა—სამშობ-  
ლო მაინც მწამს და მიყვარს: გონებით კაცობრიობის შვილი  
ვარ, გულით—საფრანგეთისა; ჩვენი ერის ყველა ღირსებით და  
ნაკლულეფანებით აღჭურვილი შვილი ვარ და სადაც უნდა  
ვაყვე. ყველა იტყვის—ფრანგიაო.

გუშინ არ იყო, ცალ-ცალკე სამეფოებად იყვნენ ნეპო-  
ლი, მილანი, ვენეცია? რომ ეთქვა ვისმე, რა გაქვთ საბრძო-  
ლი, ხომ ძმანი ხართო?—სამშობლოს მოღალატეს უწოდებდ-  
ნენ.

რა აქვთ საბრძოლი დღევანდელ ერთ? ხომ ძმანი არიან?

გუჰაო. პოლ ბერის სიტყვით მოგახსენებთ: „გიყვარდეთ  
დიდებული ჩვენი სამშობლო! სალოცავ ხატად დაისვენეთ,  
გულში ცეცხლი აინთეთ მის სიყვარულისა, მას ანაცვალეთ ყოვე-  
ლი თქვენი ფიქრი და საწადელი. და თუ გისაყვედურათ ვინმე  
ბრძენთა ბრძენმა—მეტის-მეტია ეგ სიყვარულიო, უპასუხეთ,  
რომ დედის ამაგს ვერ გადაიხდის შვილი, მეტადრე იმ დედი-  
სას, რომელსაც შვილები დაუკარგავს და ზედ დასტირის.“

აღფრქვდ წაკე. თავი და ბოლო კაცობრიობის განვითა-  
რებისა არის ინდივიდი და შეერთებული კაცობრიობა. მათ  
შორის იყოფება პატრიოტიზმი.

ადამიანის მხეცურ ყოფილგან გამოსვლის დრო დახასია-  
თდება ინდივიდთა შორის ბრძოლით. ბრძოლასთან ერთად სა-  
ზოგადოებრივი საჭიროებაც მოქმედებდა და მან შეაერთა ინ-  
დივიდები ოჯახად, გვარად, ერად, მაგრამ ყოველს საზოგადოე-  
ბას აქვს ინსტინქტი თავის დაცვისა და ამიტომ გაუბრძის მის  
შემცველ გარემოებას, სულ ერთია პროგრესიული იქნება ეს

გარემოება, თუ რეგრესიული: თემი მხოლოდ ბრძოლის შემდეგ უერთდებოდა სხვა თემს, მაზრა—სხვა მაზრას და ერი—სხვა ერს. მაშასადამე სამშობლო პროგრესიული ძალის შედეგია და რეგრესიულს ძალას კი წარმოადგენს: სხვა ერთან ფედერაციულ განწყობილებას გაურბის, გაფართოვებას სხვა ერთა დამარცხებით ცდილობს.

პატრიოტიზმს რომ ეს მანე მხარე ჩამოეცალოთ, ფრიად სასარგებლო ცნებად ხდება: იგი აერთებს საზოგადოებრივი კავშირით იმ პირთ, რომელთაც საზიარო აქვთ და ერთმანერთში შეთანხმება შეუძლიანთ. და როგორც წარსულში სასარგებლო იყო ინდივიდთა ერებად შედგენა, ისე დღეს სასარგებლო იქნება ერების შეერთება და გაერთიანებული კაცობრიობის შედგენა.

განათლებულ ხალხთა შორის დღეს კიდევ არის წინააღმდეგობა იდეალის და ინტერესებისა, რადგან გაცალკევებულნი არიან სხვა და სხვა ერები; ფედერაციად რომ იქმნენ შეერთებულნი, საფუძველი აღარ ექნება ქიშობას: საფრანგეთი და გერმანია რომ ერთსა და იმავე ფედერაციას ეკუთვნოდნენ, ალზას-ლოტარინგიის საქმე თავისთავად გადაწყდებოდა, რადგან აღარც საფრანგეთისა იქნებოდა ეს სადავო მაზრები, აღარც გერმანიისა, არამედ ალზასელების და ლოტარინგელებისა, და თუ ვნებავთ ევროპიელ ერთა ფედერაციისა.

მერმე, როდესაც შეერთდება კაცობრიობა, განა გაქრება ეროვნული პატრიოტიზმი? არა მგონია.

როგორადაც მთელს საფრანგეთში ყველაზედ მეტად ჩვენი მაზრის შვილნი გვიყვარს, რადგან იმათთან უფრო მეტი გვაქვს საზოგადო, ისე ფედერაციად შეერთებულ კაცობრიობაში ყველაზედ მეტად ფრანგი გვიყვარება, მერმე ერთობ ევროპიელი, თუმცა ჩვენს სიყვარულს და ძმობას სხვასაც არავის დავაკლებთ.

**ჯონ ღებოკ:** ქეშმარიტი პატრიოტიზმი არის უწმინდესი და უდიადესი გრძნობა. კაცს უნდა უყვარდეს თავისი ოჯახი, თავისი მეზობლები, თავის ქვეყანა.

საუბედუროდ, მეტად გავრცელებულია შეცდომა—ვისაც თავისი სამშობლო უყვარს, სხვისი უნდა სძულდესო.

ადვილი დასამტკიცებელია, რომ ერთი ერის წარმარტება ყოველთვის სასიკეთოა სხვა ერებისთვისაც; თუნდა საფრანგეთი და ინგლისი ავიღოთ მაგალითად. თუ საფრანგეთს კარგი რთველი ჰქონდა, ჩვენც კარგი და იაფი ღვინო გვექნება. და თუ რკინის შემუშავებაში ინგლისმა გააუმჯობესა რამე და რკინა გააიაფა, საფრანგეთიც უფრო იაფად შეიძენს რკინის გზებისთვის და სხვა შენობებისთვის საჭირო მასალას.

იგივე ითქმის გონებრივ და ხელოვნურ განვითარებაზედ: ინგლისი მოლიერით და ვოლტერით სტკბება, საფრანგეთი—შექსპირით. მეცნიერებამ ხომ სულაც არ იცის, სამშობლო რა არის; მართალია, გვიამება, როდესაც ახალ რაიმე გამოგონებით ჩვენმა თანამემამულემ ისახელა თავი. მაგრამ არა ნაკლებ გვიხარიან, როდესაც გამოგონება სხვა ერის შვილს ეკუთვნის და წრფელი გულით ვულოცავთ კაცობრიობას ახალს შენაძენს.

**ენაიჭა ჭეჭნი:** უცოლშვილო კაცი ძალიან პატიოსანიც რომ იყოს, განხორციელებული ეგოიზმია, რადგან ოჯახისთვისაც კი შეშურებია თავისი გული.

ოჯახის პატრონი, რომელიც თავის ოჯახს იქეთ არასა ხედავს, დიდად პატივცემულიც რომ იყოს საზოგადოებაში, ეგოისტია, უცოლშვილოზედ გაცილებით ნაკლებად, მაგრამ მაინც ეგოისტია, რადგან საზოგადოებრივი ცხოვრების ბრძოლისთვის და საჭიროებათათვის დაუბნია თავისი გული.

კაცმა თავის თავის გარდა და თავის ოჯახის გარდა სხვაც უნდა შეიყვაროს—თავისი სოფელი, თავისი მაზრა, თავისი ერი. და შეიძლება ესეც არ იკმაროს, სამშობლოს სამძღვრებს აქით გადაიტანოს თავისი სიყვარული და თავის ერთან ერთად უცხო ერთაც ემსახუროს.



უცოლშვილო კაცს, როგორადაც ოჯახის პატრონ ეგო-ისტს, კაცობრიობისა კი არა, სამშობლოს სიყვარულისაც არა სწამს-რა. სამშობლოს და კაცობრიობის სიყვარულით გატაცებულნი კი ყოველთვის სამაგალითო ბურჯნი არიან თავიანთ ოჯახისა, და როგორც სამშობლოს სიყვარული არ უარჰყოფს ოჯახის სიყვარულს და სამსახურს, ისე კაცობრიობის სიყვარული არ უარჰყოფს საკუთარი ერის და მშობლიურ ქვეყნის სიყვარულს.

ახველო ღე გუბერნატას. სამშობლოს პირველი ნასახი საკუთარი ქოხი არის და ამ ქოხში საკუთარი ოჯახი. თუ კაცს სახლი არა აქვს, არც სამშობლო აქვს და ძალუნებურად სხვაგან ირჩევს ძირის მოკიდებას. როგორც ხე, ისე უნდა ჩავეჭიდოთ მშობლიურ მხარის მიწას და ღრმად გავიდგათ შიგ ფესვები, თუ გვინდა, რომ ღრისეულნი ვიყვნეთ ერთა შორის და სხვებთან ერთად ჩვენც გვახსენებდნენ.

ჯერ ოჯახი, მერმე ქალაქი, მერმე სამშობლო, და ბოლობ კაცობრიობა

მიმოლოგია მოვიგონოთ: რამდენი ხანი ეწვალა ჰერკულესი, მაგრამ ვერა დააკლო-რა ანტეს, რადგან ხერხი არ იცოდა: ვიდრე მიწაზედ ედგა ანტეს ფეხი, იმას ვერავინ აჯობებდა: რაკი გაუგო საიდუმლო ჰერკულესმა, ასწია, მიწას მოაშორა და ისე გასრისა.

სამშობლოს მოშორებულნი, ჩვენც ვედარსად ვიხეირებთ, ვიდრე სხვაგან არ გავიდგამთ მძლავრად და მჭიდროდ ფესვებს. მაგრამ განა ადვილია სხვა სამშობლოს პოვნა, უცხო გარემოებათა შეჩვევა და დამორჩილება!

მომავალში გაერთიანდება კაცობრიობა და ეროვნული სამშობლო აღარ იქნებაო, რატომ არა? ადამიანის და კაცობრიობის ბედნიერებისათვის განა საჭიროა ამოფხვრა პიროვნულ ენერჯისა, ინდივიდურ თავისებურობისა? მოვსპოთ ადამიანთა გამაცელკევებული მიზეზები, გავადვილოთ

მათ შორის დამოკიდებულება, მოგფინოთ ყველგან განათლება, შევიძინოთ და შევაძენინოთ კაცობრიობის გონებრივ სალაროს ნაწარმოებნი, გვარის მოსაკეთებლად შევიერთოთ სხვა ერთა ქალები, მეგობრულად დაგხვდეთ სტუმარს, სადაურიც უნდა იყოს, განვაფითაროთ და განვადიდოთ ჩვენი ეროვნება და, გადაგვარებას კი არა, იმას ვეცადნეთ, რომ ჩვენადვე დავრჩეთ. მეტის მეტად მრავალ გვარია ბუნება და რად გვინდა, რომ უდიდებულესი ქმნილება ბუნებისა—კაცი—ერთგვარი იყოს? ფრანგთა და იტალიელთ შორის ერთობის და თანხმობის დამყარება გნებავთ? განა თუ იტალიელი ფრანგად არ იქცა, ან ფრანგი იტალიელად, ერთობა ვერ დამყარდება? ან რითი ემჯობინება გაერთიანებული კაცობრიობა დღევანდელს ერებს? სადღა ნახავთ პარიზელი ქალის ღიმილს და ბაასს, იტალიელის-ვნებით სავსე სიმღერას, ესპანიელის მოხდენილს თამაშს? თუ კაცს სამშობლო დაუკარგეთ, ბარემ მზე დაუბნელეთ და სიცოცხლე მოუსპეთ. ვისაც სამშობლო არა სწამს, არც სიყვარული იცის, არც ცხოვრების მიზანი და არც სათნოება, რადგან ვისმე ან რასმე უნდა ემსახურებოდეს ჩვენი სათნოება. ვინც ოჯახის და სამშობლოს სიყვარულს მოკლებულია, ვერც კაცობრიობის სიყვარულს შესძლებს, რადგან გული მისი დახშულია სიყვარულისთვის.

**ფრანსუა კოშუტი.** განათლება ამყარებს ერთა შორის უფრო და უფრო მჭიდრო დამოკიდებულებას, და ომი კი ასუსტებს და არღვევს... კაცობრიობის ნეტარებისთვის უმთავრესად საჭირო ერთა შორის-მშვიდობიანობის დამყარება არის.

პატრიოტიზმი საჭირო გრძნობაა კაცობრიობის განვითარებისთვის. როგორც ინდივიდს აპატიოსნებს და ამალვებს ოჯახის სიყვარული, ისე ერს—კაცობრიობისა; ოღონდ ადამიანის გული იმდენად ფართო არ არის, რომ მთელი ქვეყანა უყვარდეს. ეგ მარტო ქრისტემ შესძლო და... აკი გაადმერთა ადამიანმა! პატრიოტიზმი რომ არ იყოს, სამეფონი დაიშლენ-

ბოდნენ, ადგილობრივი ინტერესები წამოჰყოფდნენ თავს და დაუმთავრებელი ბრძოლა ასტყდებოდა თემსა და თემს შორის.

გავა დრო, განათლება თავისას იზამს, მძლავრის უფლებას წინ აღუდგება შეერთებულ სუსტთა სიმართლე და აღარ იქნება აღარც ერთა-შორის შური და სიძულვილი, აღარც ბრძოლა და სისხლის ღვრა, აღარც გამარჯვება და ცარცვარბევა... მანამდე კი ყველა ერმა მედგრად დაიცვას ეროვნული თავისი პიროვნება, რადგან კაცობრიობას ის ემსახურება, ვინც თავის სამშობლოს და ერს იმდენად განაძლიერებს, რომ იმასაც წილს დაუდებს კაცობრიობის წინსვლის ტვირთის ზიდვაში.

**ნოვიაკოვია.** როგორც ადამიანთა არსებობა არას ავნებს ადამიანს, პირიქით, უადამიანოდ შეუძლებელი იქნებოდა ადამიანის ცხოვრება, ისევე სასარგებლოა სხვა და სხვა ერთა და სამშობლოთა არსებობა. ერთაშორის შური და უთანხმოება ჩვენი შეცდომაა, თორემ ერთი და იგივე მისწრაფებით სულდგმულობს ყველა ერი—დამყარდეს უაღრესი უშიშრობა, ესე იგი სრული სამართლიანობა მთელს ქვეყანაზედ: სამართლიანობა—სხვათა უფლებათა აღიარება და, მაშასადამე, საჭიშპოც აღარაფერი დარჩებათ ერებს.

დეთ, ყველა ერმა განაგრძოს საკუთარი თავისი ევოლიუცია და ეცადოს, რაც შეიძლება ბრწყინვალე და დიდებული ალაგი დაიჭიროს ერთა შორის, ოღონდ წმინდად კი მიაჩნდეს სხვა ერთა უფლებანი.

**გუგა.** მარტო სასარგებლო კი არა, საჭიროც არის პატრიოტიზმი, იმიტომ რომ ერნი კაცთაგან შესდგებიან და არა ფილოსოფოსთაგან. განა უკვე დადგა ის დღე, როდესაც ქვეყანაზედ სრული სამართლიანობა დამყარდება, სხვათა უფლების ღირსეული პატივისცემა გამეფდება და ერთა შორის უთანხმოების უსისხლოდ დამთავრება შესაძლებელი გახდება? ჯერ

არა და შორსაც ვართ... მანამდე კი, ამ საოცნებო დღემდე, სასარგებლოდ მრწამს და მაშასადამე სავალდებულოდაც, რომ ყველა მამულისშვილი უპირველეს ყოვლისა თავის სამშობლოს ემსახურებოდეს და ხანჯალიც გაღესილი ერთყას.

**მაქს ნორდაუ.** პატრიოტიზმი—სიყვარულია მამულისა, რომელიც ჩვენთა წინაპართა სისხლით არის მორწყული; პატრიოტიზმი სიყვარულია წარსული ცხოვრებისა, ბრწყინვალე ისტორიისა, ენისა, მწერლობისა... ერთი სიტყვით ჩვენ შემქმნელ მატერიალურ და ზნეობრივ პირობათა; პატრიოტიზმი თან დაყოლილი და დაუფასებელი საუნჯეა ყველა ადამიანისა.

ავადმყოფი უნდა იყოს კაცი, რომ უარჰყოფდეს ამ გრძნობას. მაგრამ ეგ არ კმარა: პატრიოტიზმი—ადამიანთა შორის თანხმობის დამამყარებელი ძალაა. მთელის კაცობრიობის სიყვარული იმისთანა დიდებული გრძნობაა, იმისთანა წმინდა და მძიმე ტვირთი, რომ მის ზიდვა ჯერ-ჯერობით მარტო ამირანს და ქრისტეს შეაძლებინა ადამიანმა. ეროვნული პატრიოტიზმისთვის კი სრულიად მზად არის დღევანდელი ჩვენი საზოგადოება და ამიტომ ამყარებს იგი თანხმობას მცირე სამძღვრებში და ხშირად ჰბადავს დიდებულ გმირებს.

პატრიოტიზმის უარყოფა და მის მაგივრად კაცობრიობის ლოცვა და დიდება უსაფუძვლოა, რადგან სიტყვა კაცობრიობა კაცობრიობისათვის ჯერ-ჯერობით ცარიელი სიტყვაა.

ნუ ენდობით იმ ვაჟბატონებს, რომელნიც—კაცობრიობას ვემსახურებითო,—ზურგს აქცევენ თავის აღმზრდელს და მაშასადამე საუკეთესოდ ცნობილს ნაწილს კაცობრიობისას. ფსიხიატრია ამტკიცებს, თუ კაცმა თავისი ქონება საკუთარს ცოლ-შვილს გამოსწირა და სხვას უანდერძა, თუნდა

საზოგადო საქმესაც, შეშლილიაო და ანდერძით ცდილობს  
ჯადრი ამოიყაროს თავის მემკვიდრეებზედ, რომელნიც თავისმა  
სიგიჟემვე შეაძულა და მტრად დაუსახაო.

ივ. მაჭავარიანი.

# ცხოვრება და ღვაწლი

თქვი გრიგოლ ორბელიანისა

## I

გრიგოლის მამა, ზურაბი, იგივე დიმიტრი, წარსულის საუკუნის კაცი იყო, მეფე ერეკლეს სასახლეში ნაჩუქი და ცოტა ნამსახურიც. კახბატონს, ეტყობა, ძლიერ მოსწონდა და უყვარდა ზურაბ, რადგანაც მან მიათხოვა იმას თავისი ქალის ელენეს ასული ხორეშან, დედა პოეტისა. შემდეგ, როდესაც მეფე ერეკლე გადაიცივალა და საქართველოს სხვა პოლიტიკური წეს-წყობა დაუდგა, ზურაბ ორბელიანი, როგორც მოწინავე თავადიშვილი, ჯერ სამხედრო სამსახურში განწესდა და ციციანოვთან ერთად იყო ერეკლის აღების მონაწილე, მერე მთავრობამ დანიშნა იგი თბილისის ბაჟის ზედამხედველად\*) და „ზასედატლათ“ უზენაესს სასამართლოში, რომელიც განაგებდა საბჭო საქმეებს საქართველოში. აქ მსახურების დროზე ამბობენ: როდესაც სასამართლოში საქმის გარჩევა გათავდებოდა და სეკრეტარი—ფილო ენიკოლოპოვი—წაუკითხავდა ზურაბს სასამართლოს ოქმს, ეს უკანასკნელი, რუსულის ნაკლებად მცოდნე, ეტყოდა სეკრეტარს:

— ფილო, რაღა ბევრს კითხულობ, თუ „ესლი“ სწერია, ხელს მოვაწერ, თუ არა და არა\*\*).

\*) პლ. იოსელიანი. ცხოვრება მეფის გიორგი XIII-სა გვ. 327.

\*\*\*) გენერალის ა. სავინოვისაგან გაგონილი.

„ესლი“ ნიშნავდა: если не встретится законныхъ препятствій-ს. ხუმრობით იყო, თუ გულის-სიმარტივით, ზასედატელს ეგონა, რომ ამ „ესლით“ ყოველს პასუხის გებას თავიდან აიცილენდა. \*)

ცოტა ქვემოთ, როდესაც პოეტის სიყმაწვილეზე დავიწყებთ ლაპარაკს, დავინახავთ რა ღვთისნიერი ადამიანი იყო ზურაბ ორბელიანი, რა კარგად იცოდა იმან სამღვთო წერილი და გარეშე წიგნები. ეხლა კი მის პიროვნებაზე თუნდ ამ ორის უბრალო ჩვენგან გაგონილის ამბით დააკმაყოფილეთ თქვენი ცნობის მოყვარეობა.

იმის დროს მთავარ-მართებელს ერმოლოვს არა ჰქონდა თურმე კარგი განწყობილება ზურაბთან. ზურაბიც თითონ არ ძალავდა თავის უკმაყოფილებას და, როგორც ამბობენ, არა ერთ-გზის იტყოდა საზოგადოებაში ერმოლოვის ძვირს. ეს რომ ერმოლოვმა შეიტყო, მიუგზავნა ზურაბს თ. გრიგოლ მუხრან-ბატონი: რას მერჩი, რათ მაგინებო.

— აბა, როდის ვაგინებდი მაგ. .. და აქ ერთმა მაგარმა სიტყვამ გაიელვა ჰაერში, იმ ანდაზის არ იყოს, ურია ღმერთს ნუ ფიცავო და არა ღმერთმანიო\*\*).

მეორე ამბავი, რომელიც გამიგონია ზურაბის შესახებ, იმის დროის მოდას შეეხება. მოდა იყო, ჩაის სმას რომ გაათავებდნენ, თუ არ უნდოდათ მეტის დაღევა, სტაქანი პირ-ქვე უნდა დაემხოთ. ერთხელ, როდესაც ზურაბი ნარდს თამაშობდა, გართულმა, უნებლიეთ სტაქანი გადმოაბრუნა და ბიჭმაც მეტი ჩაი არ მოუტანა. თამაში რომ გათავდა, ბიჭსა ჰკითხა: ჩაი რატომ არ მომიტანეო.

— ბატონო, თქვენ აკი სტაქანი პირ-იქვე დაამხვეთ.

\*) შექსპირი სწერს ერთს კომედიაში: „слово если—единственнй умиротворитель; въ если большая сила“. (Какъ Вамъ будетъ угодно. მოქმედება V, სცენა IV).

\*\*) ივანე მუხრან-ბატონისგან გაგონილი.

— ბიჭო და, რა უღელი ხარი იმის გადაბრუნებას უნდოდა, რით ვერ მოერიეო, უპასუხა სიცილით ჩაის მწყურვალე თავადმა \*).

დედა პოეტისა, ხორეშან, როგორცა ვთქვით, მეფე ერეკლეს ქალის ელენეს ასული იყო. ეს ელენე ჯერ იყო გათხოვილი დიდ სოლომონ მეფის ძმაზე არჩილზე, \*\*) მერე, როცა დაქვრივდა და სულიერ ავთმყოფობას მიეცა, მეფე ერეკლემ გაათხოვა იგი ზაქარია ანდრონიკაშვილზე, ქიზიყის მოურავზე \*\*\*). დიდი, მოსული ვაჟკაცი თურმე იყო ეს ანდრონიკაშვილი, რომელსაც მეტ-სახელად „მგელს“ ეძახდნენ. ამან 600 კაცი მოაშველა ქალაქს, როდესაც ალა-მაჰმად-ხანი შემოვიდა საქართველოში. ელენი ბატონიშვილს ამისგან 1784 წ. ეყოლა ქალი, ხორეშან, და თვით გარდაიცვალა. მეფე ერეკლემ მაშინ თავისი შვილის არამში მოაყვანიხა, გაზარდა და როდესაც ის შეიქმნა ცამეტის წლისა, შერთო ცოლად ზურაბ ორბელიანს \*\*\*\*).

რომ იტყვიან, შესანიშნავი კაცი შესანიშნავი დედის შვილი არისო, სწორედ გრიგოლ ორბელიანზე და მისი მშობელზედ გამართლდა. განსვენებული პოეტი ცრემლით და კრძალვით მოიგონებდა ხოლმე კეთილსა, ნაზსა, ღვთის მოშიშსა და ჭკვიანს დედას, რომელმაც გზა სიკეთისა ასწავლა მას და სული აღუესო მარად-ჟამ გამოუღვეველის სიყვარულითა და სათნოებით. მისი პატივისცემა ძვირფასის მშობლისადმი აღემატებოდა ჩვეულებრივს შვილობრივს სიყვარულსა. იკი წმიდა არსება იყო მისთვის, რომელსაც თაყვანსა სცემდა, როგორც შვილი და როგორც კაცი.

მარტო გრიგოლის გამოზდით არ იყო შესამჩნევი დედა პოეტისა. გრიგოლს გარდა, მას ჰყავდა სამი სხვა შვილი:

\*) ო. ივანე მუხრან-ბატონისგან გაგონილი.

\*\*) მეფის გიორგის ცხოვრება პ. იოსელიანის 13. გვერდი.

\*\*\*)) კნორინგია მოხსენება.

\*\*\*\*)) ქეთევან ორბელიანისგან გაგონილი.



ილია, ზაქარია და ეფემია, სამივე თავის-თავად შესანიშნავნი და სახელოვანნი პირნი. პირველ ორთა სახელს კაცი ხშირად შეხვდება კავკასიის სამხედრო ისტორიაში. თავიანთის ცხოვრებითა და სიკვდილით მათ ორთავ დაამტკიცეს თავ-განწირული ვაჟ-კაცობა და ერთგულება მამულისა. ეფემიამ კი დაუვიწყარ-ჰყო თავისი სახელი იმით, რომ შეიქნა დედა ჩვენის სასიქადულო პოეტის, ნიკოლოზ ბარათაშვილისა. იშვიათს ქართველს ქალს გაუზღია ამდენი წარჩინებული ქართველები. ნეტარ-იყვნენ ძუძუნნი, რომელთა სწოვდინ ესეოდენნი სახელოვანი შვილნი!

## II

ნამდვილად არავინ იცის რა დროს დაიბად გრიგოლ ორბელიანი. სრულს მისს ნამსახურებითს სიაში ის არის დანიშნული დაბადებულად 1800-ში. მისთა თანამედროვეთაგან კი რამდენიმე ამბობენ, რომ ის არის დაბადებული 1804 ს. ამ წელს პოეტის მამა ზურაბ სხვათა სამასთა საქართველოს თავადთა შორის ციციანოვის ჯარში იყო, რომელმაც ერევანი აიღო. ექსპედიციის დროს, ერთხელ, ზურაბ ორბელიანი, თავისი ძმით ასლანით და იოანე სარდლით ჩაუვარდა ხელში თათალიშახს, რომელმაც დაატყვევა იგი. ეს რომ შეეტყო მის ცოლს ხორეშანს, პოეტზედ ორსულად მყოფს, აღთქმა დაედო ღვთის წინაშე, თუ ზურაბს ცოცხალს დაბრუნებ, ჩემს შვილს ბერად მივცემო. ზურაბ უვნებლად დაბრუნებულა, ხორეშანს ვაჟი ჰყოლია და აღთქმა... მაინც აღსრულებულა, რადგანაც პოეტი უცოლოდ მოკვდაო, გვიამბო ქეთევან ორბელიანმა. ამ ორ აზრში ისევ იმას უნდა მიეცეს უპირატესობა, რომელიც ნამსახურებითს სიაში არის ნაჩვენები. პოეტი პირველად 1816 წ. შევიდა სამსახურში და მაშინ უფრო კარგად ეცოდინებოდათ და ემახსოვრებოდათ დრო პოეტის დაბადებისა, ვიდრე ეხლა.

ამ რიგად გრიგოლ ორბელიანი უნდა იყოს დაბადებული 1800-ს., ამ საუკუნესთან ერთად, ან უკეთ: ამ საუკუნესა და

წარსულს საუკუნეს შორის—ორთა დროთ შუა—როდესაც ძველი დროების რეჟიმი განქრა და ახალი დროების რიჟ-რაჟი ჯერ ისევ სიბნელით და ბურუსით იყო გარემოცული. ახალ-დაბადებულს ზნეობითის და გონებითის სიდიდისა და სიმრთელისთვის ამაზე უარესი დრო მეორე სხვა ძნელი იყო გამოსჩენოდა. მთელს იმის ცხოვრებას, ამ დროების წყალობით, უნებლიეთ უნდა დასტყობოდა ამ ორი სხვა-და-სხვა ელემენტის—ძველისა და ახლის—გავლენა. გონებას, ხასიათს, ქცევას, ლაპარაკს, ენას, ყველას ორი პირის სახე უნდა ჰქონოდა, რადგანაც ორ-სახეობას წარმოადგენდა მაშინ თვით ცხოვრება. ჩვენ შემდეგ დავინახავთ, რამდენად დაიმორჩილა ამ გავლენამ პოეტი და რამდენად წინააღმდეგინა იმან ამ გავლენის ზედმოქმედებას თავი ძლიერი პიროვნება.

მანამ კი ვნახოთ სად, როგორ და რა პირობაში მოიღვა ფეხი ახალ-დაბადებულმა, როგორ განატარა იმან თავისი სიბავშვე, სიყმაწვილე, სიჭაბუკე? ამ კითხვის დადგენა აქაც შეადგენს მიუცილებელს საჭიროებას, უტყუარი მისი პასუხი მოჰყენს სინათლეს ბევრს მხარეს პოეტის მოქმედებისას, განმარტავს მის გონების ავლა-დიდებას, იმის გულის მიდრეკილებას, იმის ხასიათს, მაგრამ საქმე ის არის, ქართველი უცნობი მწერალი კი არა, ევროპაში განთქმული პოეტი რომ იყოს ოზბეკიანი, რაკი ამ კითხვის პასუხი დღემდის არ დაწერილა, დღეს, ამ ოთხმოცის წლის შემდეგ, როცა მეოთხე მოდგმა გამოდის ცხოვრებაში, ამ კითხვის შესაფერად პასუხის გება ყველასთვის საძნელო იქნებოდა. ჩვენში ეს მით უფრო ძნელია, რომ ამ საუკუნის დასაწყისში პერიოდული ბეჭდვა არა გვექონდა, რომელშიაც ასე თუ ისე ყოველთვის გამოსჩნდებოდა კაცი რამე საგულისხმო ცნობას, სახელოვან კაცთა შესახებ.

გარნაგზა არც ისე უიმედოთ შეუკრავს გარემოებას, რომ თითო ორორი ფაქტის ცხოვრებიდან ან ძველ წერილებს არ შეენახოს ჩვენთვის, ან ძველ მებსიერებას. რომ უფრო ნათლად წარმოვიდგინოთ პოეტის სიყმაწვილის დრო, ფაქტების სიღარიბეს ჩვენ შევაჯსებთ ისტორიულის სურათით. იმ ზოგი-

ერთა ამბებს, რომელთაც ჩვენამდე ჩამოულწევია, ჩვენ გავუკეთებთ ისტორიულს ფონს და ამ გვარად შემოვფარგლავთ იმ ზნეობით „ატმოსფერას“\*), რომლისაგან—როვორც მცენარის ხეირობა „ფიზიკური ატმოსფერისაგან“—არის დამოკიდებული კაცის აღზრდა და ზნეობითი განვითარება. ამ გვარის ფონით გარშემოზღუდული პორტრეტი პოეტის სიყმაწვილისა უფრო ნათლად იქნება თვალთათვის დასანახავი და გონებისთვის გასაგები.

III

წარსულის საუკუნის დამლევს და მდგომარის საუკუნის დასაწყისს ქართულ ენაზე ორი ჩინებული მოამბე ჰყავს: ალექსანდრე ორბელიანი და პლატონ იოსელიანი. პირველი არშინა ძველის ქართველის ოჯახის და საზოგადოების ცხოვრებისა, მეორე—ულმობელი მეისტორიე, ანუ, მისივე სტილით რომ ვასიამოვნოთ მისს აჩრდილს, ულმობელი ტაციტი, რომლისთვისაც სიტყვაზე: ალექსანდრე ბატონიშვილი იყო მიტრიდატი; სოლომონ ლეონიძე—ფაბრიციოსი და კატონი; დავით-გარესჯის უდაბნო—თებაილა და სხ., იმათ სულზე მოუწვრიათ წასრულის საუკუნის ისტორიულთა პირთა და გარემოებათათვის და თითონ ყოფილან მოწამენი ამ საუკუნის დასაწყისისა. მაშასადამე სრული ნდობის ღირსნიც არიან. პირველის ნაწერში მამულის სიყვარულისაგან მომხდარი გადაქარბება და მეორის გამოკვლევაში ცოტაოდენი ურწმუნოება იმდენათ საჩინოა თვალთათვის, რომ არა ვის არ დაუშლის ჭეშმარიტების გამოაცნობას.

მაშ დავეკითხოთ ამ ორთა, რა გვარ მდგომარეობაში იყო ჩვენში გრიგოლ ორბელიანის დაბადების დროს—ცოტა ადრე, ცოტა გვიან, ეს სულ ერთია; საზოგადოების ცხოვრება ყოველწლობით არ იცვლება—ოჯახი, საზოგადოება, ეკლესია, შკოლა,

\*) ტენის სიტყვა.

პოლიტიკური ცხოვრება, ე. ი. ყველა ის პირობა, რომლისაგან შესდგება ყმაწვილის აღზრდის ნიადაგი, მისი „ზნეობით ატმოსფერა“? თუ ეს მაგარი საფუძველი გავიკეთეთ, ჩვენი ბიოგრაფიული შენობაც არ იქნება ქვიშაზე აყვანილი.

ჯერ ოჯახი ვნახოთ, შევიტყოთ როგორ სცხოვრებდა ქართველი მებატონე, რომლის სახლშიაც აღიზარდი პოეტი.

აქ ჩვენ რამდენისამე ხნით თავადის ალექსანდრე ორბელიანის ცოდნაა და ავტორიტეტს მივმართავთ. ცოტა ქართულად „მსხვილადაც“ დავესესხებით მის ნაწერს, რადგანაც მისგან დახატული სურათი შინაურის ცხოვრებისა თავის თავად გამტაცებელი არის კაცისა და პოეტის ცხოვრებისთვისაც მოგვცემს ბევრს საგულისხმო შენიშვნას.

ერთმა რომელსამე სახლულობის ცოლ-ქმარმა—ანბობს თავისებურად ალ. ორბელიანი—გარიჟრაჟებდ გაიდვიძეს; მაშინვე იმათ ღმერთი ახსენეს: „ღმერთო დიდო, შენის მოწყალებით ნუ დაგვაგდებთ ჩვენ“ ამ სიტყვასთან ქმარი ქვეშ-საგებიდგან გადმოვიდა ტანტზედ და ფეხებზე მსუბუქად ჩაიციო. მეჩუ აღმოსავლეთისკენ პირი მიმართა და თავის საიდუმლო ლოცვას მოჰყვა, განდისხან პირ-ჯვარის დაწერით და იშვიათად მეტანიის მოყრით. ეს რომ ქვეშ-საგებიდგან გადმოვიდა, იქ ქვეშ-საგებში იშისი ცოლი წამოჯდა, ბეჭებზედ მსუბუქად წამოისხა, პირი აღმოსავლეთისაკენ მიიბრუნა და ისიც თავის საიდუმლო ლოცვას მოჰყვა, ხანდისხან სათხოვარის ხელების განპყრობით ღვთისადმი და თან პირ-ჯვარის დაწერითა... ქმარმა უფრო ადრე გაათავა ლოცვა, შემდეგ საჯინიბოლაკენ წაფიდა თავის საჯდომი ცბენების მოსავლელად; იქ მეჯინიბეთ ცბენები კარგათ დაურავებინა და მას უკან თავის ცოლთან შამოვიდა, რომელსაცა ლოცვა გაეთვეჭინა, პირიც დაებანა, თავიც დაეხურა, ტანთაც ჩაეცვა, ქვეშ-საგებიც სულ აელაგებინა და ქეჩაზედ მოკეცილი თავის ქმარს ელოდა შემოსულიყო.

როდესაც იშის ქმარი შემოვიდა, ცოლმა თავის შვიდი წლის ვაჟი გადავიდა და უთხრა:

— ადუ, შვილო, ილოცე, ჩაი დალიე და მეჩუ შენს ოსტატთან წადი სასწავლებლად.

ფხიზელი, მორჩილი შვილი ჩქარა წამოიდა, გამდებმა ჯერ პირი დააპანინა, მას უკან ტანისამოსი ჩააცვა და შემდეგ ალოცეს.

მინამ ყმაწვილს ალოცებდნენ, იმისმა მამამ პირი დაიბანა და ტანისამოსის ჩაცმა მოაწყო. ამასთან მოამსახურებ ფოდნოსზედ დადგმული.

ჩაი ტიკებით ჩამოარიგა. ჩაი რომ გაათავეს, ყმაწვილის ღალას მოუწოდეს, და ყმაწვილის მძამ უთხრა:

„ეს შენი გაზდილი ოსტატთან წიყვანე; ჩემ მაგიერ უთხარ, ამას რომ პირველი კანონი დავითნი გაუთავებია, დიდად გმადლობთ იმასაც და იმის შაგირდაც... ესეც მოახსენე ჩემ მაგიერ, დღეს სადილად ჩვენთან მობრძანდენ ამ თავის შაგირდით“...

ის რომ გაისტუმრეს, იმათი სოფლის მოუწავი შემოვიდა და ორთავეს მძიმედ დაუკრა თავი.

— მოურავო, როდის მოხველ?

— წუხელის უღროოდ სოფლიდან გაიხელ. თქვენთან დრო არ იყო გზლებოდიო, ჩემს სახლში ჩემს ხიზანთან გახლდით—მოახსენა.

— შენი ხიზანი ნაკლებობაში ხომ არ დაგხვდა?

— თქვენ ცოცხალი ბრძანდებოდეთ... თქვენის მოწყალებით ჩვენ ჩვენს დღეში ნაკლებობაში არ გიქნებით.

— სოფელში ჩემი ცხენები, ბარგის ჯორები და მახურის ცხენები როგორ არიან, ან ხომ არა აკლიათ-რა?

— არა აკლიათ-რა და კარგადაც არიან.

— ცხვარი, საქონელი და ან ცხენის ჯოგი როგორ არის?

— დიახ კარგად გახლავან, კარგი მწყემსები, კარგი მეჯოგეები გყვანან და ძალიან კარგად უვლიან.—ეს რომ მოურავმა მოახსენა, მერე იმან ჰკითხა: შენი ჭირიმე, ქერი და ბზე ხომ საკმაო იქმნება ცხენისთვის აქა?

— იმედი მაქვს, არ დააკლდესთ,—უპასუხა ბატონმა.

— ვინიცობაა თუ დააკლდათ, კიდევ ჩქარა ჩამოვატანინებ, ახლა ეს მიბრძანეთ: ყველი, ერბო, პური და ღვინო არ დაგაკლდებათ?

— წლის სამყოფზედაც ბევრია.—ცოლმა უთხრა.

ქალბატონიც კარზე გამოვიდა და ორი გამდელი უკან გამოყვა, ჯერ სამზარეულოში შევიდა, იქ ქვებები გახრიკა, შემდეგ მზარეულს უბრძანა: გემრიელი სადილი გააკეთე: კარგი ცხვრის გუფთის ბოზბაში, კარგი ცივად ძროხის ხორცი, კარგი ხოხბის ფლავი და კარგი ჩახოხბილი ქათმები. ამასთან მისცა რამდენიმე დარიგება, დაათვალიერა სამზარეულო, და რომ ნახა ყველა რიგზედ და წმინდად იყო, გამოვიდა და საკუტხაოში შევიდა.

იქ მეკუტხავეს ყოველიფერი ჰკითხა... თავის გაკეთებული სხვა-და-სხვა მწილეებით სავსე ქილები, ერბოს ქილები, მარილი, ტომრებით ფქვილი, ტიკებით ღვინო, ცარიელი საღვინეები და გოზაურები და სხვა, რაც საკუტხაოს ეკუთვნოდა—სულ ყოველივე რიგზედ და თავის ალაგას იყო, მეკუტხავემ ყველა კითხვაზედ პასუხი მოახსენა, მაგრამ მაინც ქალ-

ბატონმა ყველა თითონ დაიარა და გამდლებს აჩხრეკინებდა, თვითონ მხოლოდ დახედავდა. ყველა კარგად და რიგზედ რომ ნახა, მგეუტნავეს უთხრა:

— მოსამსახურებმა ამ დილით ისაუბრეთ, თუ არა?

— თქვენის მოწყალებით ვისაუბრეთ: პურით, ყველით და ორ-ორი აზარფეშაც ღვინო გიახვლით,—უპასუხა მგეუტნავემ.

ქალბატონმა ეს რომ სთქვა, საკუტნაოდან გამოვიდა და გამდლებს ოთახი დაინახა. იქ მოახლებები დაათვალიერა,—ისინი ისხდნენ და საკრავებს აკრავებდნენ: ქარგას, ჭისას, კერვას და ამგვარებსა. მას უკან ქალბატონი თავის ოთახში შემოვიდა, საუცხოვო საფენზედ დაჯდა, დარზედ მიესვენა, აიღო საკერავი და მიწამ არ გაათავა, არ მოეშო. მას უკან პატარა საერო წიგნს დაუწყო კითხვა ყურადღებით—შუადღემდის...

შემდეგ დაიწყო პურობა. წყალით სავსე ალთაფა ტაშტით მოატარეს მოსამსახურეთ და სუბუქად ხელი დაიბანეს ყველამ, მერე სრული სადილი გაიშალა გრძელს განიერს ყალანქრის სუფრაზედ, რომელზედაც სხვა-და-სხვა ვერცხლის სურები შუა სუფრაში გაამწკრივეს, კახური წითელის ღვინოთ სავსე. დიდრონი ვერცხლის სანაყურები შუა სუფრაში ჩაიდევს ორი თუ სამი, ვერცხლის აზარფეშები და თასები მიმოზნეულისავით დააწყეს აქა-იქ.

ყოველი ესენი ლამაზად რომ გააწყეს სუფრაზე, მურასლავაშები და გამტკიცული მრგვალი პურები ყველას სათვითოდ მოუტანეს, ამასთან დახატულის ხონჩებით სხვა-და-სხვა საქმელები ჩაუბრუნეს და ყველას თავთავისად ჩაუმწკრიეს წინა.

მაშინდელი ზნეობა, სრულიად გაწმენდილი იყო ყოველის მცირედის მწიკვლისაგან, ესე იგი იყვნენ: მშვიდობიანნი, წყნარნი, უფროსების მორჩილნი, ნათესაობის მიმდევ-მომდევნი დიდის სიყვარულით, მეზობლების გამტანნი და შემწენი ერთმანერთისა; კეთილნი, პურ-მარილიანნი, პუჩადნი, შემწყნარებელნი, გლახაკთ-დავრდომილთ ხელის გამმართველნი, ზდილობიანნი, მართებულნი, უცხო დარბაისელები, მოთავაზენი, გულგახსნილნი, სიწირფელით მოლაპარაკენი, დაუფერებით მთქმელნი, გულფიცხელნი, მხიარულნი, მომდერალნი, მახვილსიტყვიერნი, გონიერნი, საქმის მალე მიმხვედრნი, თავის პირობის აღმასრულებელნი. არაოდეს სალანძღველსა სიტყვას არ იტყოდნენ, არამც თუ საციებელნი ეთქოთ რამე, და თუ როგორმე იტყოდნენ, დიდი შეფოთიკ მოუხდებოდათ; მეუფროსეთ პატივის მცემელნი და იმათ უბნობის დროს განკრძალვით ყურის მიმდებნი, სინიღისიანნი, გულმარტივნი, შიმდობნი, უცხო დედა-კაცთან უმანკარი, ვალის გადახდაში უკანასკნელს ქონებას მისცემდნენ თავის დროზედ; მართალნი და მართლმსაჯულობის მოყვარულნი. საწლეულო-

ბაში ბედნიერნი, არაოდეს ტყუილს არ იტყოდნენ, რაც უნდა ძვირ-ფასი განძი ეპოვნათ, არ დამალავდნენ, მოსაენი, ქეშმარიტნი მორწმუნენი, ხასიათში მაგარნი, გაჭირვებაში დიდი მომთმენნი, ძლიერნი ვაჟ-კაცნი, ამხანაგობაში ანუ მეგობრობაში მტკიცენი და ვგრეთვე სხვანი ამგვარნი...

ამ დროის გლეხიც—სულ იმავე ორბელიანის ჰაზრით—სხვა კაცი იყო. „ყმას მებატონე მამასავით უყვარდა“; ისინი ერთად სხდებოდნენ სადილ-ვახშამზე, ერთად საუბრობდნენ, ერთად სიამოვნებდნენ. ყმა მდიდარი არ იყო, მაგრამ სარჩო საკმაოდ ჰქონდა და ისეთი შესაბრალოსი გაჭირვება, როგორც ეხლა არის, არ ადგა. რაც გლეხობას შეეფერება, ყველა კარგათ იყო ჩაცმული, ყველას ლეკური ნაბადი ჰქონდა. ყოველ სოფელს თავისი ფეიქარი ჰყვანდა, თავის ქვეშ გასაშლელი ნაბდის მთელავი, თავის შალის მქსოველი დედაკაცი. უტხვროს, უსაქონლოსა და ულოროს სოფელს ვერ ნახავდა კაცი.

ეხლა ნახეთ რა გვარის მაღალის გრძნობით იწყებდა გლეხი თვისს სამღვთო-მოქმედებას, თესვას. პირჯვარს დაიწერდა, ღმერთს ახსენებდა და მოაბნევედა რა ჰურის თესლს მარჯვნივ და მარცხნივ, თითოეულს ხელის გაშლაზე იტყოდა:

ეს ჩვენს სამშობლოს, არამც თუ ესა, ჩვენცა და ჩვენი ცოლ-შვილებიც. ეს ჩვენს ბატონს, ღმერთო პურადობას ნუ მოუღვე! ეს სტუმარსა, ღმერთო ლუკმას ნუ მოგვაკლებ, დაეხდეთ გულგაშლითა. ეს მამულის ჯარის კაცებს, ეს დაცემულს, ვისაც საქონელი დახოცია. ეს იმასა, ვისაც მოსავალი არ მოხვლია. ეს უშვილოს ქვრივსა. ეს ქვრივსა, ობლების პატრონს. ეს ღარიბსა მართოხელსა. ეს ობლებსა უდედ-მამოს. ეს იმასაც, ვისაც შიან. ეს სწორსა. ეს ამხანაგსა. ეს მეგობარსა. ეს ნათესავსა. ეს მეზობელსა. ეს. ამვლელს. ეს ჩამვლელს. ეს ფრინველს. ეს პიჯტყვს. ეს მყვთარსა ძაღლებს. ესეც მე და ჩემის ხიზნისათვის.

სარწმუნოება დიდათ მტკიცედ იყო ხალხში: უდაბნოებში ბერები არ ეტეოდა, ეკლესიებში მლოცველები. ყოველ შემძლებელ მებატონეს საკუთარი კარის ეკლესია ჰქონდა, საკუთარი მღვდელი ჰყავდა, რომელიც იმას უწირავდა, ულოცავდა, სადილ-ვახშამზე სუფრას უკურთხევდა და, სხვათა შორის, ვეჭვობ, მდივნობასაც უწევდა.

უდაბნონი და მონასტერნი ნამდვილნი ნავთ-სადგურნი იყვნენ კეთილ მოქმედებისა.

„აქა ინახებიან—ამბობს პლატონ იოსელიანი—ობოლნი და გლახაკნი; აქა იკურნებიან სნეულნი; აქა იკვებებიან მშვიერნი; აქა სნეულნი სულითა მიიღებენ სიმრთელესა; აქა მწუხარენი ვითარცა სასნეულოსა, ნუგეზ იცემებიან და ჰპოებენ სიხარულსა და შვებასა, რომელსაცა ხშირად დავნატრით სოფლისა მდიდარნი და ნეტარად საგონებულნი, ბრძოლის ჟამსა სიტყვითა და ჯარითა შეელიან ქვეყანასა; სიმშოლისა დროსა გვიძღვნიან პურსა და ღვინოსა, საკლავსა და ცხენსა, ურემსა და მეურმეთა“ \*).

ამ უდაბნოებში და ეკლესიებში მიიღებდა ჩვენი ერი სრულს სწავლა-განათლებლასა. აქ ასწავლიდნენ წერასა, კითხვასა, ვალობასა, ღრამატიკასა, რიტორებასა, ფილოსოფიასა, ღვთის-მეტყველებასა სამღვთოთა წიგნთ, კატეხიზმოსა, ძველთა სამეფოთა ისტორიასა და სხვათა საგანთა. ამ საუკუნის პირველ ხანებში თბილისში ამ გვარი სასწავლებლები იყო: ნათლის-მცემლის ეკლესიაში, კალობანში, სიონსა, ქვაშვეთს, მეტეხს და ანჩისხატში. მასწავლებლად, რასაკვირველია, სასულიერონი პირნი იყვნენ. რიცხვი მოწაფეთა ამ სასწავლებლებში აღაწვედა 400-დის.

დაგვრჩა მოსაგონებლად იმ დროინდელი პოლიტიკური მდგომარეობა საქართველოსი. ესეთი „კარგი ოჯახი“, ესეთი მხიარული და უმწიკვლევანო ხალხი, ესეთი გულკეთილი გლეხი, ესეთი მორწმუნე და ქრისტიანე ერი სრულად ბედნიერი იქნებოდა, რომ არ დაეჩაგრა ერთს გარემოებას, სახელდობრ პოლიტიკურ სისუსტეს. კოკამ წყალი ვერ ზიდა სულ-მუდამ, გატყდა ისტორიული სიმძლავრე ქართველთა გაზვიადებულის მტრისაგან. სამოციის ომის მამაცი მეფე ერეკლე, ღრმათ მოხუცებული, და ღრმათ დაღლილი, ვერ წინააღმდეგა სპარსთა ძლიერებას; მათ აღიღეს თბილისი და თბილისთან ერთად „დაემხო მთელი ივერია“. შემდეგ საქართველოს იმედი

\*) ცხოვრება მეფის გიორგი XIII-ისა გვერდი 51.



ირაკლიც გარდაიცვალა და მისთა შვილთა ურთერთ შორის უთანხმოებამ სულ ერთიანად არივ-დარივა უიმისოთაც აშლილი ქვეყანა. მეფე გიორგის გონიერებამ ვერა გააწყო-რა, რადგანაც მას ვერ აჰყვა მისი ენერგია, და სახელმწიფო მმართველობა დაუახლოვდა ანარხიას. საუკუნე თავდებოდა და მასთან ერთად ჩვენი ისტორიის მეხუთე მოქმედებაც. მოქმედნი პირნი ძალზე უჩქაროდნენ ფარდის ჩამოშვებას და ფარდა დაეშვა საშვალ მეფის ძეთა და დიდებულთა ყურთა-გლეჯისა და წელ-მოწყვეტილის ქვეყნის მძიმედ დაშვებისა. ჩინებულად ასწერს ამ არევ-დარევის დროს პლატონ იოსელიანი:

„სიმრავლემან ძეთა და ასულთა მეფისათა—ამბობს იგი—დაბადეს შური და მტრობა ურთიერთისადმი. დაჰყვეს ოჯახები და დაბადეს ურჩება და მედიდურობა სახლისა მწევრთა შორის, სადაცა იყოფოდა მეფის ასული რძლად და ანუ რომლისაგანაც წარიყვანდნენ მეფის ძენი ქალთა სასძლოდ თვისად. თავადნი ესენი, დამოკიდებულნი მოყვარეობითა მეფეთათანა, არღა ემორჩილებოდნენ მეფისა მოხელეთა, რომელნიცა იყვნენ მდივანბევად, მდივანად, მოურავად, ცეხნთა მცველათ და სხვად სამეფოსა საქმეთა გაბგედ. დასუსტდა ჰაზრი და მნიშვნელობა პირ-მშოებისა; ეცილოდნენ მემკვიდრეობასა; არა პატივის-ჰსცემდნენ პირველობასა და თვითოფული წევრი სამეფოსა სახლისა ჰგონებდა თავსა თვისსა მეფობისათვის განმზადებულად. ჰსჯული არღა ჰსჯულობდა სამეფოში, სადაცა უფლებდნენ მეფის ძენი და კარის კაცნი მათნი“)\*.

ამ გვარი პოლიტიკური მდგომარეობის გამოწყობას ან მეორე მძლავრი მარჯვენა ექირვებოდა მეფის გრეკლესი, ან ძმათა მმუსრველი სამოქალაქო ომი და მისი საშინელება. პირველი არსაით სჩნდა და მეორემდის არ მიუშვა განგებულებამ. მეფის ძეთა უთანხმოებამ დააჩქარა ისტორიული მოფენა, რომელსაც ბოლო უნდა მოეღო იმ ანარხიისათვის, რომელიც ადრე თუ გვიან ისტორიულისავე და პოლიტიკურის საქირთვებთა გამო უნდა მომხდარიყო მიუცილებლად. მე ვამბობ საქართველოს შეფერებაზე რუსეთის იმპერიასთან. 18 დეკემბერს

\*) ცხოვრება მეფის გიორგი XIII-ის გვერდი 13.

1800-ს იმპერატორმა პავლემ ხელი მოაწერა მანიფესტს, რომელმაც „საუკუნოდ და სამარადისოდ“ გამოსცვალა ბედი ქართლისა. 7 მაისს 1802 წ. პირველმა საქართველოს მთავარ მართებელმა კნორინგმა დააწესა ქალაქში უზენაესი მმართველობა და გამოაცხადა რუსის მმართველობა.

— აი მოკლედ რა დროს, რა ოჯახში, რა ხალხში და რა პოლიტიკურ წყობაში დაიბადა გრიგოლ ორბელიანი, რა „ზნეობით ატმოსფერაში“ მოიღვა იმან ფეხი და გაახილა გონების თვალი.

ვინ იტყვის აღ. ორბელიანისგან დახატული სურათი ქართლის ცხოვრებისა სულ ყოვლისფერში სწორი იყოს ნამდვილთან? პირ-იქით, მხატვარს ცოტა მეტი ფერი დაუდვია სურათისათვის, მეტი სხივი დაუკრავს. ეტყობა, დღის სინათლის მაგიერ, იმის ქარხანა მამულის სიყვარულის შარავანდედით ყოფილა განათებული. მაგრამ, მეორეს მხრით, ვინ იტყვის, რომ დედა-პაპრი ორბელიანის სიტყვისა ტყუილი იყოს! ვინ არ დაეთანხმება იმას, რომ ქართველი არ იყოს კეთილი, მშვიდობიანი, გულ-მარტივი, მეგობრის გამტანი, პურ-მარილიანი, უფროსების მორჩალი, გაჭირვებაში მომთმენი, ღვთის მოშიში, მმოსავი. უმთავრესი ნაციონალური თვისება ჩვენის ერის ხასიათისა, სწორედ რომ კარგადა აქვს იმას შემოხაზული. და რაც უფრო შორს წავალთ ჩვენ ჩვენის ისტორიის სიღრმეში, რაც უფრო გავშორდებით ამ განათლებულ დროს და დავუახლოვდებით ძველად ძველს პატრიარხალურს ჩვენს ცხოვრებას, ეს თვისება უფრო და უფრო წმიდა და შეუტყვეველი არის. ის დრო, როდესაც, როგორც ამბობენ, უღვაშზე ხელის დადება თამასუქის მაგიერობას სწევდა და სიტყვა კონტრაქტზე ძლიერი იყო, არც მოგონილია და არც ისე დაშორებული ჩვენგან. ერთად-ერთი საფუძვლიანი საყვედური, რომელიც ეთქმის ორბელიანის სურათს, არის გლეხის მდგომარეობის უმართებულო აღწერა. შეიძლება ბევრს გლეხს ბევრი მებატონე მართლა „ჰყვარებოდეს მამასავით“, როგორც ამბობს მწერალი, მაგრამ აქედამ იმ დასკვნის გამოყვანა, რომ გლეხი თავის-

მდგომარეობით კმაჰყოფილი იყოს საზოგადოდ, ეს კი ძნელი დასაჯერებელია. ვინ იცის ეგებ... ოდესმე... ოქროს საუკუნეში... მაგრამ მას აქეთ ქვეყანამ რამდენჯერ იცვალა ფერი. გარდა ამისა, რომ მებატონე გლეხის ოფლით სცხოვრობდა, კეთილ-შობილნი რას არ ჩადიოდნენ არა კეთილად-შობილებთან; არბევ - აწიოკებდნენ, სცემდნენ, სტანჯვიდნენ, საპყრობილეში ალპობდნენ, მზითვად ატანდნენ თავიანთ ქალებს, ეკლესიებს სწირავდნენ, აგირავებდნენ, ჰყიდდნენ... „გლეხ კაცისა სულის მეტი ყველა მებატონისა იყო,“ როგორ ბრძანებდა მრისხანედ ვახტანგის კანონი. ამ გვარი „მამის“ სიყვარული გულკეთილ ქართველ გლეხკაცისათვისაც შეუძლებელი უნდა ყოფილიყო, ჩვენის აზრით... მაგრამ, ამ ერთს კითხვას გარდა საზოგადო სურათი პოეტის დაბადების დროებისა სწორედ კარგად არის დახატული ალ., ორბელიანისგან და ჩვენ ადვილად შეგვიძლიან წარმოვიდგინოთ, რა კაცები და გარემოება ეხვია გარს ახალ დაბადებულ მისს თანამოგვარეს, რომელსაც გვირგვინი დიდებისა უნდა დაედგა მთელის მისის გვაროვნობისათვის.

#### IV

ტყუილად არ უთქვამს ფილოსოფოსს: ბავშვის გონება თეთრი დაუწერელი ქაღალდი არისო. რასაც დასწერს ადამიანი იმ თეთრ ქაღალდზე, კაცის გონებაც ის იქნება საბოლოოდ. ათი ათასში ერთხელ თუ როგორმე თვით ქაღალდი იქნება განსხვავებული და ცხებული ღვთის მადლით და აღზრდა შეიქმს ბავშვისგან შესანიშნავსა კაცსა, თორემ უმეტეს ნაწილად; მდაბიო ენით რომ ვთქვათ, ბავშვი იგივე ქვევრია, რომელიც რასაცა ჩასძახებ, იმასავე ამოიძახებს.

ამისთვის იყო განსაკუთრებითი ყურადღება მივაქციეთ ყველა იმ გარემოებას, რომელსაც შეეძლო დაემჩნია თავის კვალი პოეტის ნორჩ გონებაზე. სანამ შვიდი-რვა წლის, სანამ ათი-თორმეტი წლის არ შეიქნება ბავშვი, ე. ი., სანამ იმას

სჯერა თითქმის უცილოდ ყველაფერი, რასაც ეუბნებიან, და გამოხატულება მეტად მმოძრავი აქვს, კაცი სანახევროდ მომზადებულია: ამ ასაკში მიღებული შთაბეჭდილება სამუდამოდ რჩება კაცის ზნეობითი არსებას საფუძველად. შეიძლება ეს შთაბეჭდილება ჟამთა განმავლობისა გამო მიეფაროს კიდევ მეხსიერებისაგან. მაგრამ ჩვენს არსებაში ჩვენი ქცევის ლოლიკაში ის პირველი შთაბეჭდილება უხილავ პირველ საბუთად რჩება, რომლისაგან აწმყო მომდინარეობს, როგორც დასკვნა. რომ ძლიერი სამახსოვრო შთაბეჭდილება მიიღოს ყმაწვილმა, ორისაგან ერთი უნდა: ან დედა ჰყავდეს გონიერი და ხელოვანი მოლაპარაკე, რომელსაც შეეძლოს ფეხი აუდგას მის ფანტაზიას და ამუშავოს—დედა უაშბობდა გოტეს არაკად, სხვათა შორის, იმ საიდუმლო გზებზე, რომელიც ვითომ უნდა მიდიოდეს ერთი ვარსკვლავიდან მეორე ვარსკვლავამდე, იმ ფერიებზე, რომელნიც სცხოვრებდნენ ზეცათა სივრცეში, ეუბნებოდა ჰაერზე, მიწაზე, ცეცხლზე, რომელთაც გამოხატვიდა სახედ რომლისამე კაცისა ან ქალისა და ბავშვი „ღიდის ყურადღებით უსმენდა დედას“, როგორც ამბობს მისი ბიოგრაფი ლიუსი—ან ხალხის სცხოვრებაში იღვეს ისეთი გაჭირვებული დრო, როდესაც ყოველი არსება კაცისა აღძრულია სხვათა და სხვათა გარემოებათა გამო, როგორც არის, მაგ. ომი, ხალხთა გადასახლება, შიმშილი, ჟამი და სხვაგვარი საშინელება. როგორც პირველს, ისე მეორე შემთხვევაში ბავშვის შეუბღალველი ბუნება—თუ ამასთან ის კარგათაც არის წარმართული—ღრმათ ჩაიჭრის გულში და გონებაში ნათქვამსა და ნანახსა და ფეხ ადგმული ფანტაზია განაგრძობს ფრენასა. . . სხვა დროსაც და სხვა ჰასაკშიაც.

ამ მხრით გრიგოლ ორბელიანი სიყმაწვილეში ბედმა საუკეთესო პირობაში ჩააყენა.

ალექსანდრე ორბელიანისგან დახატული სურათი ქართველის ოჯახისა და ქართველის ქალისა თითქო საგანგებოდ პოეტის ოჯახისა და დედისაგან არის გადაღებულიო. როგორც ამ სურათში, ზურაბ ორბელიანის სახლიც ისეთი ოჯახი იყო,

რომელშიაც მოურავები, მოსამსახურეები, გამღლები, მოახლებები, მოჯალაბენი, მეჯინებენი, მეჯოგენი ირეოდნენ და ერთგულობდნენ. როგორც ამ სურათში, ზურაბსაც თავისი საკუთარი კარის ეკლესია ჰქონდა, საკუთარი მღვდელი ჰყვანდა და, მაშასადამე, იყო ნამდვილი ფეოდალური თავადი, რომლის სახლშიაც ახალ დაბადებულ გრიგოლს ბევრი ისეთი ღონისძიება რამ უნდა ჰქონოდა, რაც მრავლისგან უმრავლესს არა აქვს. დედა პოეტისა თვით განხორციელებული სიკეთე და სინაზე იყო. იმას იმდენათ უყვარდა პოეტი—გაგვიგია ძველთა ქალთაგან—და იმ ზომამდის მორწმუნე იყო, რომ როდესაც პატარა გრიგოლს ეძინა, დედა ლოცულობდა მის თავზე და წმიდა აიაზმას უსხურებდა მძინარეს. ყოვლიფრის შნო ჰქონდა ამ დროის ქართველ ოჯახსა, გვითხრა ქეთევან ორბელიანმა, უკანასკნელი გამდელი ბუზს რომ მოუგერებდა მძინარეს, იმის კეკლუცი რხევა კაცის თვალს დაატყვევებდა. ხორეშან იმ ძველ აღთქმის დედა კაცი იყო, რომელზედაც ლაპარაკობს ალექსანდრე ორბელიანი.

„იმ ჩვენს ქველს დედა-კაცებს ჯერ ყმაწვილობაში სამღვრთო წერილს ასწავლიდნენ, კერვა-ხელ-საქმეს და მასუკან საერო წიგნებს ანუ ხელწერილებს აკითხებდნენ; ამასთან კარგს ზნეობას, კარგს თვისებას ასწავლიდნენ; შემდეგ ქცევას, მიმოხვრას, თავის უმანკაობის სიწრფელის სიმართლითა, თან ცდილობდნენ ყოველი წმინდა და პატიოსანი ხასიათი ჩაეწვეთათ, თავის მოთმინებით, იმათ ბუნებაში; და ბოლოს; როდესაც დრო მოვიდოდა, გაათხოვებდნენ.—და ეს ხასიათები ქალს განძად და საუნჯედ გაჰყვებოდა თავის ქმრისა და იმის სახლის გასაბედნიერებლად\*“).

უეჭველია, ამ კეთილმა დედამ ჩაუნერგა გულში გრიგოლ ორბელიანს მისგან საუკუნოდ განუშორებელი ღვთის შიში, ერთგულება მამულისა, განუზომელი პატივისცემა მშობელთა და ნათესავთა (ამას მისი წერილებიდან შეატყობთ), წესიერებისა და თავდარიგის სიყვარული. იმის გარშემო სუფევდა ისეთი ქცევა, ისეთი მიმოხვრა, ისეთი სიტკბო ლაპარაკისა, თვით

\* ალ. ორბელიანის ნაწერი გვერდი 150—151.

ცხოვრება ისე განზომილად და—თუ შეიძლება ასე ითქვას— თვის-დროულად მიმდინარეობდა, რომ თითქო რაღაც გვარი საზოგადო ტაქტი და რითმა მიეცეს გამჩენს მთელის ოჯახის თვისაო. მომავალ პოეტზედ ამ პირობათ არ შეეძლოთ არ ჰქონოდათ სასარგებლო გავლენა.

მერე რა ესმოდა ბავშვს გარშემო? რას უნდა მოეყვანა გაკვირვებაში მისი ნორჩი გამოხატულება, რას უნდა მოეხდინა მისთვის ძლიერი შთაბეჭდილება, რომელსაც უნდა ჰქონოდა საბოლოო გავლენა მთელს მისს ზნეობრივსა და გონებრივს არსებაზე.

ეს იყო: თბილისის აოხრება ალა-მაჰმადისაგან. მეფე ერეკლეს გარდაცვალება... რუსის ჯარის ჩამობარგება ქალაქში... მეფე გიორგის ჯდროვოდ სიკვდილი... ბატონი შვილთა ყურთა-გლეჯა... მანიფესტი... ოთხი ათასი ეკზემპლიარი კნორინგის განცხადებისა ხალხში გავრცელებული... ლაზარევი დედოფლის ხელით მოკლული... დაჭრილი დედოფალი ტროიკით რუსეთში გაგზავნილი... თავაურელების მეცადინეობა დედოფლის განთავისუფლებისთვის დარიალის ვიწროებში... დედოფალი მონასტერში ჩამწყვდეული... მაჰმადიანთა პროვინციების შემოერთება... ჭირი ქალაქში გაჩენილი.. სამეგრელოს გაქვეშევრდომება... იმერეთის მეფის გაქცევა... კახეთის ბუნტი და სხ. ყოველს ამაზე ცისმარე დღეს ესმოდა ლაპარაკი ახალგაზდა გრიგოლს. ამას უამბობდა გამდელი, ამაზე მუსაიფობდნენ იმის მამასთან სადილათ მოწვეული სტუმრები და ნაცნობები. ჯერ კიდევ ჯოხს დააქენებდა იგი, როცა მის თვალ წინ მთელი ჩენი ქვეყნის პირი შეიკვალა. გაჩნდა რუსის სალდათი, რუსის პოლიცია, რუსის ორდენები და ლენტები, ურემმა გზა მისცა ტარანტასსა, ლეჩაქმა — შლიაპას, ქოშებმა — ბათინკებს. თითოეული ამ გვარი წინა-მორბედი ახალის ცივილიზაციისა იწვევდა ჩვენს ბუნებითად კონსერვატორთა საზოგადოებაში დიდს ლაპარაკსა და ხშირად გაკიცხვასა. ორბელიანი ამ დროების მოწამე იყო და ყოველი ახალი მოვლენა ქართლის ცხოვრებისა სტოვებდა მის ნორჩ გამოხატულებაში ღრმასა და წარუშლელს შთაბე-

ქდილებას. სამოც-სამოცდა ათი წლის შემდეგ, მოიგონებდა რა პოეტი ამ ორის ცივილიზაციის ერთად აღრევის დროსა, იტყოდა ნიმუშად დროების აღწერისა:

„მახსოვს, ერთხელ ივანე მალხაზიჩის (ანდრონიკოვის) დედასთან, მარიამთან, შევედი და ბატონიშვილი დიდათ და დიდათ გაჯავრებული დამხვდა.

— რაო, ბატონიშვილო, რამ გაგაჯავრა ასე, ვინ რა გაწყენია?

— როგორ რამ გამაჯავრა? უი სირცხვილი! შვილო, გაგონილა, ოთარის ცოლსა ქოშები გაუხდია და ბაშმაკები ჩაუცვამს.

— შერე, ბატონო, რაო რომ ბაშმაკები ჩაუცვამს.

— ისა, შვილო, რომ დღეს რომ ბაშმაკები გაიხადა, ხვალ სხვასაც გაიხდის“.

ამ გვარი სხარტული გაცვლა ქოშებისა ბაშმაკებზე, ერთის ცივილიზაციისა მეორეზე, ამ გვარი საჩივარი, „ძველის რჯულის და მეგობრების“ მომხრეთა ახალს ზნეობაზე, სულ ეს ნგრევა-ტეხა ძველის პოლიტიკურის წყობისა და ახალის რეჟიმის დამყარება ამ ნანგრევებზე—აი რა შეადგენდა პოეტის პირველ შთაბეჭდილებას, რას უნდა მოეფინა შემდეგი მისი სულის სიღრმე ცოტ-ცოტად და შეუნიშნავად მუნ ჩაძირულის ისტორიულის მოგონებითა ..

წერა-კითხვა ორბელიანმა ანჩისხატის დეკანოზისგან ისწავლა. ეს დეკანოზი, გვარად ალექსევევი-მესხივევი, დიდი მწიგნობარი იყო და იმ ზომამდის მშვენიერი, რომ ერთმა მხატვარმა მისი სახე რომელღაც ეკკლესიის გუმბათზე საბოლოოდ დასახა. როგორც გაგვიგონია თვით პოეტისაგან. ამისგან წერა-კითხვა ქართული რომ ისწავლა, გრიგოლი იმისმა მშობლებმა მიიბარეს ახალს მთავრობისგან გამართულს კეთილ-შობილთა სასწავლებელში. აქ ქართული ენის მასწავლებლად შეხვდა იმას მღვდელი ხელაშვილი, ჩვენი ენის ზედ-მიწევნით მცოდნე. ჩინებული კაცი იყო, მოიგონებდა პოეტი თვისს მასწავლებელს: როდესაც სწავლა გავათავეთ და აფიცრები ვიყავით,

ერთხელ მე და ჩემ ამხანაგებს მთავარ-მართებელის სახლის გვერდით შემოგვხვდა ეს მღვდელი, ძლიერ ისიამოვნა ჩვენი ნახვა, გამოგვკითხა საღ ვიყავით, რა სამსახურში შევედით, ჯამაგირი რა გვქონდა და როდესაც მუსაიფი გავათავეთ, გვითხრა: აბა, ახლა მშვიდობით! მე ასე უნდა წავიდე და თქვენ თქვენს გზაზე გაისეირნ-ქალწულ-ჰაერეთ! —

რუსულ ენას ჯერ კიდევ ხელით-ნაწერ რვეულებიდან სწავლობდნენ ამ დროს. ამ რვეულის თავზე პირველი რუსული სიტყვა, ქართულად თარგმნილი, იყო რუსული თანდებული — თვით ბავშვებმაც ამ რვეულს ეს სახელი დაარქვეს. „თუ კლასში დავაკლდებოდით ვინმე, — იტყოდა პოეტი, მეორე დღეს სასწავლებელში რომ მივიდოდით, მაშინვე უგვკითხებოდით ამხანაგებს: „აბა ერთი შენი ოთვისი მათხოვე, გუშინდელი უროკი“ გადმოვიწერო“. სასწავლებლის უფროსი ბუვრინსკი კარგი კაცი თურმე იყო, თუმცა გულფიცხი. როდესაც ჩვენ იმას გაუჯავრებდით, დამტვრეულის ქართულით გვეტყოდაო: შეკარცხვინოს ღმერთმა და კვალად შეკარცხვინოს!

როდესაც ქალაქში გაიხსნა არტილლერიის შკოლა, გრიგოლ გამოიყვანეს ამ სასწავლებლიდან და არტილლერიის შკოლაში მისცეს...

პოეტის ბიბლიოთეკაში ინახება ერთი წიგნი „Начальныя основанія сельскаго домоводства, В. Кукольника“, რომელზედაც წარწერილი გვაჩვენებს, თუ როგორ სწავლობდა ორბელიანი ამ სასწავლებელში; ამ წიგნში სწერია:

Сія книга, по случаю публичнаго испытанья, бывшаго въ 1817 году 3-го іюня, пожалована за прилежаніе и успѣха ученику князю Григорію Орбеліянову и во время публичнаго испытанія вручена за подписаніе правящаго должность Грузинскаго гражданскаго губернатора на правахъ и военнаго 19 ноября 1818 года Генераль маіоръ Ховенъ.

რამდენიმე ამ დროული მოგონებაც პოეტის ცხოვრებაზე. გრიგოლ სიყმაწვილეში ერთობ პატარა ტანისა იყო, ასე რომ შინაურობაში იმას „კურკას“ ეძახდნენ. თოთხმეტის წლისა



რომ შეიქნა, დიმიტრი ორბელიანმა დანიშნა იგი თავის ძმის ყაფლანის ქალზე—სოფიოზე,—რომელიც მაშინ სამის წლისა იყო, მაგრამ ეს ქორწილი არ მოხდა, რადგანაც როდესაც გრიგოლ რუსეთში იყო, სოფიო მიათხოვეს ერთს რუსის ჩინოვნიკს, ბეზაკს.

ამ დროების შესახებ არა ერთ-გზის უთქვამს ჩვენთვის პოეტს: ჩემს სიყმაწვილეში თავ-ეკკლესიაც ქალაქში ანჩისხატის ეკკლესია იყო. იქ იყო ერთი მთავარი, სახელად დავით, რომელმაც მშვენიერად იცოდა სახარების კითხვა. როდესაც შევითყობდით, რომ ის იქნებოდა მწირველი, ავიყრებოდით აქედან ქალი და კაცი და ანჩისხატში წავიდოდით, თუმცაღა მაშინ ეკკლესია დიდათ გვეშორებოდა. უმეტეს ნაწილად წირვა-ლოცვას მამა ჩემი ამ სახლიდან ისმენდა ამ ჩვენს კარის ეკკლესიაში. მამამ კარგათ იცოდა საღმთო წერილი: თუ მღვდელს რამე შეეცდომა მოუვიდოდა, აქედან გაუსწორებდა: ასე არ არის, მღვდელო, რა ღმერთი გაგიწყრა, რით ვერ ისწავლე აქამდის, დაუძახებდა. საღმთო წერილის ცოდნა ძლიერ იყო გავრცელებული საზოგადოებაში, მეტადრე ქალებში. ქართულის ცოდნა ხომ იყო და იყო. სომხებმაც ჩინებულად იცოდნენ ჩვენი ენა, განსაკუთრებით ბებუთაანთ, საკუთარი სამშობლო ენა იმდენად არ ემარჯვებოდათ, როგორც ჩვენი. ერთხელ სტამბოლიდან იყო არ ვიცი, თუ ეჩმიადინიდან, გორს მოვიდა სომხის მქადაგებელი ეპისკოპოსი და წირვის შემდეგ ქადაგება სთქვა. წირვაში მყოფთა სომეხთ იმისი ქადაგება ვერ გაიგეს და ადგილის მღვდელმა იქვე სიტყვა-სიტყვით უთარგმნა ქართულად. ქართული მწიგნობრობა ყოველს ოჯახში იყო გავრცელებული. მწერალთა შორის მე მახსოვს: პეტრე ლარაძე, გიორგი თუმანიშვილი, „მრავალ-ყვავილოვანი“-ს დამწერი, ეგნატე იოსელიანი და სხ. იოანე ბატონიშვილი „კალმასობის“ ავტორი, თეიმურაზ ბატონიშვილი და ალექსანდრე ჭავჭავაძე ჩემი დროის კაცნი იყვნენ. ალ. ჭავჭავაძეს მე ერთ დროს ადიუტანტადაც ვახლდი.

სხვა ამბებს, ჩვენ მიერ პოეტისგან გაგონილს, ჩვენ დავურთავთ თავ-თავის ადგილზე. ეხლა კი უნდა ვნახოთ, როგორი იყო მისი მსახურების დასაწყისი და პირველად ცხოვრების ასპარეზზე გამოსვლა.

კეთილ-შობილთა სასწავლებელი ჯერ არ დაესრულებინა გრიგოლ ორბელიანს, რომ ქალაქში გაიხსნა. არტილლერიის სასწავლებელი. გახსნისათნავე გრიგოლ გადვიდა ამ სასწავლებელში, რადგანაც საკუთარი მისი სურვილიც სამხედრო დიდებისკენ მიისწრაფებოდა და დიდ-მამასაც ეს უნდოდა.

ჩვიდმეტი წლისა ის შევიდა იუნკრად 21-ს არტილლერიის ბრიგადაში; ოცდა ერთის წლისა ის განწესდა პორტუპეი-უნკრად საქართველოს გრენადერის პოლკში; ოცდა ორის წლისას იმას მისცეს პრაპორშჩიკობა და ამ წელში მიიღო იმან პირველად „ცეცხლით ნათლის ღება“ მტრისაგან, ე. ი. ომში მონაწილეობა.

აი რა საქმეში და ბრძოლაში ერია გრიგოლ ორბელიანი თავის მსახურების პირველ წლებში:

1822-ს ის იყო მონაწილე გენერალ-ლეიტენანტის თავადის ერთისთავის რაზმისა, როდესაც ამან დაამარცხა და ციხე წაართვა ქარის ლეკებს.

1826-ს, სპარსეთის ომის დროს (1826—1828) იგი იბრძოდა გრაფ სიმონიჩთან, როდესაც ამას შეება სპარსეთის კავალერიის პარტია; თავად მადათოვთან, როდესაც ამან დაამარცხა სპარსელები შამხორს ახლო; პასკევიჩთან, როდესაც ამან გაიმარჯვა სპარსელებზე განჯაში; ხელ-ახლა თავად მადათოვთან, როდესაც ეს წავიდა ექსპედიციით არაქსს გაღმა.

1827-ს წელს: გრაფ ბეკენდორფთან, როდესაც ამან დაამარცხა სპარსეთის ცხენოსანი ჯარი ეჩმიადინის მონასტრის ახლო და სძლია ქურთის ჯარს და მის მოთავეს, გასან-ხანს. ამ წელს აიღო რუსის ჯარმა ორბელიანის მონაწილეობით: ირაკლი-

თავა, აბას-აბადი, სარდარ-აბადი და თვით ერევანი, რომლის დაპყრობამ მისცა პოეტს აზრი „საღლეგრძელოს“ დაწერისა; ამ წელს სძლია რუსმა სპარსეთის პრინცის აბაზ-მირზას ჯარს და ამ ბრძოლაში მონაწილეობისათვის ორბელიანს მოუვიდა უმაღლესი მადლობა.

1828-ს ასტყდა ოსმალოს ომი (1828—1829) და ორბელიანი, პორუჩიკი, იბრძოდა პასკევიჩის ხელ-ქვეით, როდესაც ამან „ხმლის ტრიალით“, „ძღვევის ყიჟინით“, „ხელს ბაირალით“ „ძირს დასცა ყარსი“. ყარსის აღების შემდეგ ორბელიანი გამოჰყვა მურავიევის ჯარს, რომელმაც აიღო ახალ-ქალაქი, ხერთვისი, ახალ-ციხე. რაც შეეხებოდა იმის მცირე თანამდებობას, პოეტმა ყველა ამ საქმეებში იჩინა თავი და მთავრობამაც განასხვავა იგი.

1829-ს ორბელიანი კახეთში გაგზავნეს ალექსანდრე ჭავჭავაძესთან. ეს უკანასკნელი ამ დროს კახეთის სამხედრო საზღვრების უფროსად იყო და ორბელიანი საგანგებო მინდობილების კაცად უნდა ხლებოდა იმას...

1830-ს გრიგოლ გაჰყვა პასკევიჩის ექსპედიციას, რომელსაც უნდა დაეპყრა და შემოეერთებინა რუსეთისთვის ქარბელაქანის ლეკები. ამავე წელში ის იღებდა მონაწილეობას სტრეკალოვის ჯარში, რომელმაც ზაქათალა აიღო.

1831-ს კავკასიის აქეთა-მხრების მთავარ-სარდალის პანკრატიევის ბრძანებით, ორბელიანი გაიგზავნა პეტერბურგს, საცა წაასხა იმან კავკასიის კორპუსიდან დარჩეული სალდათები „საგანგებო ქვეითი ჯარის პოლკისთვის“.

ამას აქეთ მთელი შვიდი წელიწადი გრიგოლ ორბელიანი რუსეთში მსახურებდა. იქ გაიცნო იმან ზედ-მიწევნით რუსული ენა და მწერლობა, სთარგმნა ქართულად რამდენიმე ლექსი და იგავ-არაკები ჟუკოვსკისა, პუშკინისა, რილეევისა, კრილოვისა; აქ გაიცნო იმან დაახლოვებით ცოცხალი ნაშთი ჩვენის წარსულის ისტორიისა: საქართველოს დედოფალი, დედოფალი; იმერეთისა, სამეგრელოს მთავრის მეუღლე, ბატონიშვილები, წარჩინებულნი და თავადნი, რომელნიც მათთან იყვნენ გადა-

სიხლებულნი რუსეთს... სიამოვნებით მოიგონებდა ზოეტი მოხუცებულობაში იმათთან გატარებულ დროებას. ბატონიშვილებს უქებდა ცოდნას და მამულის სიყვარულს და ახირებული ხასიათის კაცად გამოსახვიდა, როგორც ბაგრატიონთა.

ბატონიშვილ თეიმურაზთან რომ შევიდოდა კაციო— გვითხრა ერთხელ ზოეტმა—ის ჯერ თავაზიანად დაუწყებდა სტუმარს ლაპარაკს, მაგრამ ცოტა ხნის შემდეგ უეცრად, თითქო დაიღალაო, გაჩუმდებოდა, დაფიქრდებოდა და ოცნებისაგან გატაცებული დადგებოდა, ან დაჯდებოდა ერთს ადგილზე დიდ ხანს, უძრავად, უენოდ. ამ მდგომარეობიდან რომ გამოფხიზლდებოდა, ჩვეულებათ ჰქონდა წამოეძახნა: მერე? და ნაცნობ-მეგობრებიც გასცემდნ იმ გვარ პასუხს, რა გვარსაც მოიმარჯვებდნ. ერთხელ, ამ გვარი დაკარგულის ფიქრის შემდეგ, მეც მკითხა ჩვეულებრივი: მერე, მერე, ჩემო გრიგოლ? მეც მოვახსენე ხმა-მალლა: მერე, ბატო, წავასხით ყარაიაში წევარ-მეძებრები, დავედევნეთ ჯეირანს და მანამ ვსდიეთ, სანამ... ამაზე იმანაც სიამოვნებით: ოჰო! ჰო! ჰო! ჩემო გრიგოლ, ჩემო გრიგოლ! მაგრე, მაგრე!

მიხეილ ბატონიშვილი თეიმურაზზე უფრო ახირებული კაცი იყო. მისი ოთახის კედლები სულ ხატებით იყო მოფენილი იატაკიდან ჰერამდის. წირვა-ლოცვიდან რომ დაბრუნდებოდა, მოჰყვებოდა ამ ხატების მთხვევას და რომელ ხატსაც ვერ შესწვდებოდა; მიუშვერდა თითს, ან ჯოხს და ეტყოდა: შენც თაყვანს-გცემ, შენც, შენც, შენც და ამ გვარად დაუვლიდა ყველას, არც ერთს გულს არ დააკლებდა. ერთხელ მე და სამეგრელოს დედოფალი შევედით იმასთან. ბატონიშვილს მის სასადილო ოთახში გარშემოუსხამს სტოლზე თორმეტი რუსის მუჟიკი, ვითომ თორმეტი მოციქული, და იმათთან ერთად შეექცევა სერობას. ამ ახირებულს ექიმებისა არა სწამდა რა. ერთხელ წაიქცა და ფეხი იღძო. ვერასფრით ვერ დავაჯერეთ, რომ ექიმი დაებარებინა და ეწამლნა. თუ მოვრჩები, ხომ კარგი, თუ არა და კარგით ვივლიო და ამ გვარად ფეხი მართლა გაიფუჭა და შემდეგში ჯოხით დადიოდაო.

ნოემბრის თვეში, 1831-ს, გრიგოლ ორბელიანი მივიდა ნოვეგოროდს, საცა ჰქონდა ბანაკი საგანგებო პოლკს, და თვის ტომისგან მოშორებული, ღარიბ-ღატაკი პრაპორშჩიკი გაერთო თავის მძიმე სამსახურს... უდარდელად, უზრუნველად ლხინის მოყვარე, დაუდევნელ ჭაბუკ აფიცერთა ამხანაგობაში, პოეტი ვერც კი ამცნევდა, რა მალე მიდიოდა დრო-ჟამი, როდესაც 1833-ს „უცებ გრიგალმა უბედობისამ“ დაჰქროლა მისს სიცოცხლეს, „ძლივს გაშლილს სასიხარულოდ“. პოეტს დასწამეს პოლიტიკური ორგულობა და დაიჭირეს. ის ჯერ პეტერბურგს წაიყვანეს ნოვეგოროდიდამ და იქიდან გამოგზავნეს ქალაქს, საცა უნდა გაჩეულიყო საქმე სხვათა პოლიტიკურთა დამნაშავეთა, ორგულობის მონაწილეთა; მე დაწვრილებით ავწერე ამ შეთქმულობის ამბავი თ. გორგი ერისთავის ცხოვრების-აღწერაში (რომელთანაც ვგზავნი ამ ამბის შეტყობის მსურველთა) და აქ მოვიგონებ მხოლოდ იმას, რაც გამიგონია თვით პოეტისგან. აქ კი გაკვრით მოვიხსენიებ რაშიაც მდგომარეობდა ეს პოლიტიკური საქმე, რომლის გამო ჩვენი პოეტი რამდენიმე ხნით სამსახურს იქნა მოცდენილი და თავისუფლებას მოკლებული.

1829 წელს თბილისში დაარსდა ფარული საზოგადოება, რომელსაც უნდოდა გაენთავისუფლებინა ჩვენი ქვეყანა რუსეთის დამოკიდებულებიდან. ამ საზოგადოების მოთავენი იყვნენ: ბატონიშვილები: ოქროპირ და დიმიტრი და თავადნი: ალექსანდრე ორბელიანი, ელიზბარ ერისთავი, ია. ფალავანდოვი, გიორგი ერისთავი, მამუკა ორბელიანი და სხვანი მრავალნი. შეთქმულობის უმთავრესთა მონაწილეთაგანნი იყვნენ ეგრეთვე ქართულ გაზეთის რედაქტორი სოლომონ დოდაევი, მასწავლებელი სოლომონ რაზმაძე და ბერი ფილადელფოსი, გვარად კიკნაძე. 1830 წელს, როცა პოლშაში არეულობა მოხდა, ამ საზოგადოებამ უფრო დიდის გულს-მოდგინებით მოჰკიდა ხელი თავის საქმეს. შეთქმის მოთავეთ გადასწყვიტეს არეულობა მოეხდინათ 1832 წლის დამლევს, როცა თავად-აზნაურების კრება იყო დანიშნული ქალაქში. ამ დროისთვის თითოეულს

ამათგანს უნდა ეშოვა საკმაოდ დაიარაღებული ხალხი და მისთვის მიჩენილი საქმე აესრულებინა. დანიშნულს საათს უნდა დასცემოდნენ ხაზინას, არსენალს, მალაზიებს, უნდა გავვრცელებინათ ხმა დაბალ ხალხში, რომ ქართველების სალდათათ გაყვანას აპირებენ რუსები და მოემხროთ დაბალ ხალხს გარდა თბილისში მყოფი პოლიაკებიც. არეულობა უნდა დაწყობილიყო ბალში, რომელიც უნდა გაემართა თავად-ახუნაურობას და რომელზედაც უნდა მოეწვიათ ყველა თბილისში მყოფი მართებლობის უმაღლესნი წევრნი რუსთაგან. ყველა ესენი და ამათი მომხრე ქართველები უნდა დაეხოცათ ამ ბალში. მერე უნდა შეექნათ ქალაქში ზარების რეკა, გამოეცვენებინათ ეკკლესიიდან ხატები, დაეფიცებინათ ხალხი და ამ სახით მოეხდინათ არეულობა საქართველოს განთავისუფლებისათვის. მაგრამ შეთქმულთ გაუცუდდათ თავიანთი განზრახვა. ერთმა მოთავეთაგანმა, ია ფალავანდოვმა, წ დეკემბერს, ყოველივე ამ საქმის გარემოება მოახსენა მთავრობას და შეთქმის მონაწილენი დაქერილნი იქმნენ.

გრიგოლ ორბელიანი ერთობ დაახლოვებული იყო შეთქმულებთან, როგორც ნათესავი და ნაცნობი, რომ მთავრობას ექვი არ აელო იმაზე. გამოძიებიდამაც აღმოჩნდა, რომ იმას შორი-ახლო დამოკიდებულებაც ჰქონია შეთქმულებთან და, როზენის მიწერილობის საფუძველით ის დაიჭირეს.

ერთხელ პოეტმა ლაპარაკი ჩამოაგდო ამ საგანზე და გვიამბო შემდეგი: „იმ დროებით მე ლაგერში ვიყავი, ნოვგოროდს ახლო და აფიცრები მყავდა დაპატიჟებული სადილად. სადილის წინ ქალაქში წავედი ღვინოების საყიდლათ და დაბრუნებულზე, სანამ სუფრა გაიშლებოდა, ამხანაგებმა ქალაქის თამაში გავმართეთ: ამ დროს უეცრივ ჟანდარმის პოლკოვნიკი შემოვიდა ჩემთან.

— დიდათ მოხარული ვარ, ბატონო, თქვენის გაცნობისა: რა ვნებავსთ ჩემგან?

— მე ბრძანება მივიღე მთავრობისა სახლი გაგიჩხრიკო და შევიტყო, რა წიგნები გაქვს, — მიპასუხა განზე გახმობით ჟან-დარმმა.

— ჩემი ბიბლიოტეკა ისე ღარიბია, რომ დიდხანს არ დაგჭირდებათ შრომის გაწევა. ინებეთ, ბატონო, აი ჩემი წიგნები, — ვუპასუხე მე.

რასაკვირველია, მე წიგნები არა მქონდა-რა, მართებლობის საწინააღმდეგო. მაგრამ ჟანდარმმა, რაც მქონდა, სულ ყველაფერი ჩამომართვა, სხვათა შორის, ჩემი დღიურიც. ამის შემდეგ ერთი კვირა რომ გავიდა, დამიბარეს პეტერბურგს. არლოვმა (გენერალ-ადიუტანტი არლოვი იყო ხელმწიფისგან დანიშნული პეტერბურგში მყოფთ ქართველ შეთქმულთა ჩვენების ჩამოსახდელად) მკითხა საქმის გარემოება.

— თავადლო ორბელიანო, ელიზბარ ერისთავს იცნობთ?

— ვიცნობ.

— ალექსანდრე ორბელიანს? გიორგი ერისთავს?

— ვიცნობ.

— ბატონიშვილებს: ოქროპირს, დიმიტრის?

— ვიცნობ.

— საიდან იცნობ ყველა ამათ?

— ყველა ჩემი ნათესავებია და ამხანაგები.

— რილევის „ნალივაიკოს აღსარება“ თქვენ სთარგმნეთ ქართულად!

— დიახ, მე.

— „იარალი“ თქვენ დასწერეთ?

— მე.

— რა გინდოდათ გამოგებატათ ამ ლექსით?

— ის, რაც არის გამოხატული შიგ: ქართული შექცევა და ლხინი.

— გვითხარით, თუ იცით, რა მოიწერა საქართველოში ეგვიპტის ფაშამ.

— არ ვიცი და ვერც მივმხვდარვარ, ვისთან რა უნდა მოეწერა ეგვიპტის ფაშას. და სხ. ამ გვარები.

ერთი კვირა გამაჩერეს ამის გამო პეტერბურგს და შემდეგ ქალაქს გამომგზავნეს, საცა რამდენიმე თვე ყაზარებში ვიყავი დამწყვდეული. ჩემ გვერდით ნომრებში ისხდნენ ალექსანდრე ორბელიანი, სვიმონ მაჩაბელი, გიორგი ერისთავი. ჩემზე საცოდავი და საბრალო არა იყო-რა დედამიწაზე. მამულში ვიყავი მოსული და ნაცნობ-მეგობრებთა შორის მხიარულების ნაცვლად საპატიმროს კედლების ხილვა მაწვა გულზე ტყვიასავით. ერთხელ მარტო მოეფინა სიამოვნება ამ გულს: ერთ კვირა დღეს, საღამოს პირზე, ჩვენ ყაზარმას დაუპირდაპირდა ზურნა-დალაბანდი მოქეიფე ბიჭებით, ღვინითა და სიმღერით. მოქეიფენი შეჩერდნენ ჩვენ ფანჯრის პირდაპირ და სიმღერით დაგვიწყეს ნუგეში: „ნუ გეშინიანთ, ბიჭებო, მოთმინება იქონიეთ, ღმერთი მოწყალეა“. ერთ ხანს გვალხენდნენ და გვანუგეშებდნენ ესენი, მაგრამ მალე ყაზარმის მთავრობამ გარეკა ისინი მანდღედამ. ვინ იყვნენ ისინი, დღესაც არ ვიცი.“

1833 წლის ოქტომბერში საქმის წარმოება გათავდა. გამოძიებამ აღმოაჩინა რომ, გრ. ორბელიანს ძლიერ მცირე მომონაწილეობა მიეღო შეთქმულთა განზრახვის განხორციელებაში. ამისგამო, როდესაც ბარონ როზენმა სამხედრო მინისტრის საშუალებით ხელმწიფე იმპერატორს წარუდგინა შეთქმულთა დანაშაულის აღწერილობა და სასჯელის პროექტი, გრ. ორბელიანი ჩარიცხულ იქმნა მეშვიდე წყობის დამნაშავეებთან (სულ იყო ათი წყობა), იმ დამნაშავეებთან, რომელთა შორის იყო თ. ალექსანდრე ჭავჭავაძეც. მთავარ-მართებელმა გრიგოლ ორბელიანი გაათავისუფლა საპრობილედამ, როგორც მცირე დამნაშავის მექონი, და გავზავნა სამსახურებლად კავკასიის ლინიაზე. ის სწერდა თავისს მოხსენებაში: „პორუჩიკი თავადი გრ. ორბელიანი, რომელმაც სთარგმნა ქართულს ენაზე „ნალივიკოს აღსარება“, თხზულება რილევისა, გავგზავნე მე კავკასიის ლინიაზე და სასარგებლოდ ვრაცხ, რომ იგი განწესებულ იქნას



შიდა რუსეთის რომელსამე პოლკში იმ პირობით, რომ რამდენიმე წელი აღეკძალოს საქართველოში დაბრუნება“. ხელმწიფე იმპერატორმა როზენის მოხსენება დაამტკიცა და პოეტი ლინიიდან გაიგზავნა ნევის საზღვაო პოლკში, რომელსაც ვილნოს გუბერნიაში ჰქონდა სადგური.

ა. მეუნაძგია

(შემდეგი იქნება)

# უცხოეთის ვკრილმანი

კორეის საქმიევი.

დღევანდელი დღე მთელის ქვეყნიერობისათვის საინტერესო გამხდარა. მთელი „განათლებული“, თუ „გაუნათლებელი“ კაცობრიობა, „ევროპა“, თუ „აზია“ მარტო ერთს საქმეს ადევნებს თვალყურს—რუსეთისა და იაპონიის შორის ამტყდარ ომს. როგორც ყოველთვის, დიდის მომენტების დროს მთელი ქვეყნიერობა აღელვებულია, ყველას ნერვები აქვს აშლილი. მთელი კაცობრიობა ორ ბანაკად გაიყო: ერთედ წოდებული ინგლის-საქსთა ერები ცხადდვი იაპონიას ექომაგებიან; დანარჩენნი კი ვითომ „ნეიტრლობენ“, ნამდვილად კი იძიებენ დროსა მარჯვესა, რათა პირადი, წუთიერი „ვითომ და საერო“ ინტერესები დააკმაყოფილონ.

ექვი არაა, ეს ომი მეტად დიდი მოვლენაა; მეტად დიდ მნიშვნელოვანი ფაქტია. ყველასა სწამს, რომ მის შედეგზედაა დამოკიდებული ცივილიზაციისა და კაცობრიობის წინსვლის ახლო მომავალი.

იაპონია „აზიელად“ ე. ი. ველურად აღიარებულია ზოგთაგან, თუმცა „აზიელს“ გვერდში უდგია მთელის ევროპის ცივილიზაციის უფალი ინგლისი, ხოლო რუსეთი კი „ევროპის“ ცივილიზაციის წარმომადგენელად არის მიჩნეული. ამისთანა მკარე რამეშიაცა სჩანს დღევანდელის საზოგადოების ნერვების აშლა: სასაცილოა, რასაკვირველია, ევროპიელი ვისმე

„აზიელობას“ უკიეინებდეს, რადგან კარგად ვიცით, რომ ევროპის ხალხი და ცივილიზაცია აზიის ხალხის და ცივილიზაციის დიდლი შვილია და კიდევ უფრო სასაცილოა, რუსეთი „აზიელეზის“ მოპირდაპირედ იქმნეს აღიარებული, იმიტომ რომ ესევე ევროპიელები სხვა დროს რუსებს „აზიელეზად“ იხსენიებენ და თვით რუსეთის მწერლობა და ისტორია აღიარებს, რომ რუსი ნახევარზედ მეტად „აზიელია“ (მონგოლის სისხლის.) ასეთია-მეთქი ნიშუში დღევანდელის აზრის არა ნორმალურის მიმდინარეობისა.

მეტად ძნელია იმისი გადაჭრით თქმა, თუ რამ გამოიწვია ესა თუ ის ომი. ომის გამომწვევი მიზეზი მარტივი როდია, რთულია და მრავალ მხრივი და ვინც ერთს, განკერძოებულ მიზეზს დაასახელებს ამ დიადის მოვლენის მიზეზად, შემცდარი იქმნება.

ამ შემთხვევაშიაც ბავშვობა იქმნებოდა იმისი თქმა, ომი იაპონიამ გამოიწვიაო. თითქმის უძლეველმა გარემოებამ, საქმის ვითარებამ, მოვლენათა შეუჩერებელმა და უღომობელმა მსვლელობამ აუცილებლად გაჭხადა რუსეთისა და იაპონიის შეტაკება.

ამ შეტაკების განვითარების მშვენიერ დამახასიათებლად კორეის ამბებია და ამ ორ სახელმწიფოთა დამოკიდებულება კორეის სახელმწიფოსთან.

ამ საგნის შესახებ მშვენიერი წერილია დასტამბული ფრანგულ ჟურნალ Revue de Paris ამ წლის 15 იანვრის ნომერში. ეს წერილი ეკუთვნის ჟურნალის უცხოეთის მიმომხილველ ვიქტორ ბერარს,\*) დაწერილია ომის დაწყებამდე და, მაშასადამე, ყოველივე გარემოება ხელს უწყობდა ავტორს მიუდგომლად და საფუძვლიანად განეხილა საგანი. ამ წერილიდან ამოვ-

\*) ამავე მწერალს ეკუთვნის მრავალი წერილები აღმოსავლეთის საგნის შესახებ: „სულთანის პოლიტიკა“, „მაკედონია“, „კრიტოსის საქმეები“, „ინგლისისა და იაპონიის კავშირი“, „ინგლისი და მშვიდობა“ და სხვ.

კრებთ ჩვენის მკითხველთათვის უფრო საინტერესო აღგი-  
ლებს.

1894 წლამდის.—იმ წლამდის, როდესაც ასტყდა ჩინეთსა და იაპონიას შორის ომი—კორეა ჩინეთის თითქმის პროვინცია იყო, კორეის მმართველობა, სარწმუნოება, განათლება, ჩინეთის სრულის გავლენის ქვეშ იმყოფებოდა. მართალია კორეიას თავისი მეფე ჰყავდა და ავტონომიაცა ჰქონდა, მაგრამ ყოველ წელიწადს ხარკს აძლევდა ჩინეთს და ყოველივე წელიწადს თავიანისცემასა და უქვეშევრდომილესს ერთგულებას უცხადებდა ჩინეთის მბრძანებელთ. ჩინეთის მეფეებიც ნაცვლად ერთგულებისა კორეის გამგეთ მეფის სახელწოდებას უწყალობებდნენ ხოლმე და სამეფო ინვესტიტურასაც ისინი აძლევდნენ.

1890-შიაც კი კორეის მეფე ლი-ჰსი ოფიციალურს ქალაქებში ასე სწერდა: „ვემეფობთ რა უხსოვარის დროიდან ძალითა და წყალობითა პეკინის იმპერატორთა“. ეკონომიურადაც კორეა ჩინეთთან მჭიდროდ დაკავშირებული იყო. იაპონიაც აცხადებდა ხოლმე თავისს უფლებებს კორეისს შესახებ. 1867 წლის რევოლიუციამდე ძველი იაპონია ისტორიულ უფლებებზედ უთითებდა, ხოლო 1867 წლ. რევოლიუციის შემდეგ ფეოდალური იაპონია დემოკრატიულ სახელმწიფოდ გარდიქმნა და მიკადოს პოლიტიკასაც კორეას შესახებ საფუძვლად დაედვა ერის ეკონომიური მოსაზრება, ხალხის არსებითი საჭიროება.

ისტორიული უფლებები იაპონიისა კორეის შესახებ იწყება მე-III-ე საუკუნეში ქრ. დაბადებამდე. მხოლოდ XIV საუკუნეში ქრ. შემ. ჩინეთის გავლენამ სძლია კორეია. XVII-ე საუკუნეში კი ჩინეთი შეიქმნა სრული ბატონი კორეისა, თუმცა იაპონიას 1830 წლამდისაც კი შერჩა ფაქტიური უფლება კორეის შესახებ.

ახალმა იაპონიამ სასოებით გაიხსენა თავისი ძველი ისტორიული უფლებები. თანაც სრულიად ახალი გარემოება დაი-

ბადა, რომელმაც იაპონიის პოლიტიკას კორეის შესახებ სხვა გზა მისცა: ჯერ ერთი, განახლებულ იაპონიის სახელმწიფო კაცებმა აზრად დაიდვეს კორეიაში ცივილიზაციის ლამპრის შეტანა; წმინდა მოვალეობად დაისახეს კორეიაში დემოკრატიულის რეფორმების მოხდენა. ესეც რომ არ ყოფილიყო, მეორე ახალ გარემოებად ის უნდა ჩაითვალოს, რომ იაპონიას ძლიერი ეკონომიური ინტერესი ამოქმედებდა, ის კი არ უნდა დავივიწყოთ, რომ ეს ინტერესები სრულიად წესიერი და კანონიერი იყო და სრულიად პატიოსანი და სინიდისიერი იყო ამგვარი მისწრაფება. თუ კი ყოველს ერსა აქვს უფლება იზრუნოს თავისის ცხოვრებისა და წარმატებისათვის იმგვარად, რომ სხვა ერის ცხოვრებასა და წარმატებას არა ავნოს-რა და თუ კი ეს პრინციპი ქვა-კუთხედია დღევანდელის საერთაშორისო უფლებებისა, ამბობს ავტორი, მაშასადამე, იაპონიის განზრახვასა და მისწრაფებას კორეიაში სრულიად სამართლიანი საფუძველი აქვსო.

კორეა თითქმის უდაბნოა, ყოველს შემთხვევაში მცირედ დასახლებულია. დაახლოებით კორეაში ათ მილიონ მცხოვრებზე მეტი არ უნდა უყოს, სივრცე კი 220,000 ოთხკუთხედი კილომეტრი აქვს (თითქმის ერთი ვერსი) ე. ი. თითო ოთხკუთხედ კილომეტრს 50 მცხოვრები ძლივს მოსდის, ამგვარი განაწილება კი მცხოვრებისა საცხოვრებელ ადგილზედ ვეროპისათვის ძალიან მცირედ ითვლება.

იაპონიას ორი ამდენი სივრცე არც კი აქვს (382,000 ოთხკუთხედი კილომეტრი (ე. ი. ხუთი მეექვსედი საფრანგეთისა) და ოთხი იმდენი და, კიდევ მეტი, ხალხი სცხოვრობს: 45 მილიონი მცხოვრები. ხოლო თუ იაპონელ მეცნიერთა გამოკვლევებს გავითვალისწინებთ და მივიღებთ მხედველობაში სხვა და სხვა ადგილებს, სადაც ცხოვრება გასაჭირია ანა და ხალხი სრულიადაც არა სცხოვრობს, როგორც, მაგ. ულრანი ტყეები, საფლავეები, წმინდა ადგილები და სხვ.—გამოვა, რომ იაპონიის კუნძულზედ საცხოვრებელი ადგილი შეიცავს 137000 ოთხკუთხ კილომეტრს და ამ მცირე ადგილზედ სცხოვრებს

45000 მილიონი მცხოვრები ე. ი. ოთხკუთხედ კილომეტრს უწევს 300 მცხოვრები. ყოველ წელიწადს ამ ხალხს 400,000 სული ემატება. იაპონელს მიწა თავისს ქვეყანაში აღარ ჰყოფნის. უნდა გაიხიზნოს. თეთრ კანიანები თავიანთ კოლონიებში არ უშვებენ ყვითელ კანიანთ. რა უნდა ექნათ იაპონელთ? ჩინეთს მიაქციეს ყურადღება. 1894—1895 წწ. ჩინეთთან ომის დროს დღევანდელი სადაო მანჯურია დაიჭირეს, მაგრამ ჩგრობიელები (საფრანგეთი, გერმანია, რუსეთი) გაერივნ ომში და მანჯურიას რუსეთი დაეპატრონა. იაპონელ ემიგრანტებისთვის ერთად ერთი-ლა კორეა დარჩა, ეს ქვეყანა ზედ იაპონიას აკრავს, მაშასადამე, შეუძლია იაპონელებს მეორე სამშობლო ადგილობა გაუწიოს.

ჰავით, მიწის ნიადაგით, წყლისა და მიწის ნაყოფით კორეა სწორედ მეორე იაპონიაა. უხსოვარის დროიდან იაპონელი იხიზნებოდა კორეაში და ესახლებოდა ამ ქვეყნის აღმოსავლეთ და სამხრეთის ნაპირებზედ. 1597 წლიდან ფუხანის ერთი უბანი იაპონელებით იყო დასახლებული. 1882—1895 წლიდან იაპონელებმა დაიწყეს ზღვის პირებზედ მდებარე ქალაქებში დასახლება; უენსანში, მოკპოში, ჩემულობოში და თვით სეულშიაც კი ჩასახლდა მრავალი იაპონელი ვაჭარი და აღებ-მიცემობა გამართეს. დღეს დღეობით კორეაში 30,000 იაპონელი სამუდამოდ და ჩასახლებული, მთელის ოჯახობით.

ეს ხომ ქალაქებში და სოფლებშიაც ბევრი იაპონელი ჩინებული მიწის მუშა ჩასახლდებოდა და გააჩალებდა მუშაობას, მაგრამ კორეის სოფლებში უცხოელის ჩასახლება საშიშარია, მისი სიცოცხლე ყოველივე საფრთხეს რასმე უნდა მოელოდეს.

თვით კორეელებს კი უზარმაზარი, მშვენიერი წოყიერი ადგილები უპატრონოდ, ოხერ-ტიალადა აქვთ გაშვებული. იაპონიის კუნძული ინდუსტრიის სამეფოა, ხოლო კორეა იაპონელთ ხელში ნამდვილი ფერმა შეიქმნებოდა, ბრინჯისა და მწვანეხილეთლობის საღარო, რომელიც იაპონიას მეტად ეჭირვება.

იაპონიისათვის კორეა მიუცილებელია. როცა იაპონიაში სიმშლილობაა, დამშეულ ხალხისათვის ერთად ერთი სახსარი კორეის ბრინჯია. კორეის მთავრობა კი ყოველთვის ბოროტად სარგებლობს იაპონიის დამშევით.

ამ დროს კორეის მთავრობა აღუკრძალავს ხოლმე ხალხს ბრინჯის გაყიდვას, ვითომ და ხალხის ინტერესების დასაცველად, ზედ მეტი ბრინჯი არ გაიტანონ და თვით ხალხი არ დაიმშესო, ნამდვილად კი ამგვარი წესი ხელსაყრელია მხოლოდ მოხელეთათვის, რომელთაგან პირველი თვით კორეის მეფეა და რომელთა აღვირწახსნილ მექრთამეობასა და ხალხის ძარცვა-გლეჯის სურვილს ხელს უწყობენ ამგვარი ზომები. ამგვარი აღკრძალვა ბრინჯის გაყიდვისა სწორედ იმ დროს მოხდება ხოლმე, როცა ბრინჯის ვაჭრობა გაჩაღებულია, პირობები ერთმანერთ შორის შეკრულია და ვაჭრებს იაპონელთაგან ბეც კი აქვთ მიღებული. და აი ამ დროს იწყება უსირცხვილო და უსინიღისო სპეკულიაცია იაპონიის დამშევის გამო. კორეელი მოხელე, პოლიციის უფროსი, კანტროლიორი, მინისტრი და თვით უდიდებულესი მეფეც კი აგერ ნებას დართავს ბრინჯის გაყიდვისას, აგერ აღუკრძალავს, აგერ კიდევ ნებას მისცემს და ხელახლა ართმევს ამ ნებას და ყოველთვის იმის მიხედვით, თუ რამდენ ქრთამს გაიღებს ნების მოხოვნელი და რამდენს აიღებს ნების დამრთველი, თუ გინდ მეფეც იყოს ეს ნების დამრთველი. მეფე ისევე მექრთამეობს, როგორც სულ უკანასკნელი მოხელე. იაპონელი მიწის მუშა კი ნიადაგ იმის შიშში უნდა იყოს, რომ ბრინჯის ფასი ერთი-ათად აიწვეს და ეს ფასი მიდის მარტო ამ ოფიციალურ ავაზაკთა ბრბოს გასამდიდრებლად, თვით კორეელი ვაჭარი და გლეხი ზარალის მეტს ვერავითარ სარგებლობას ვერა ხედავენ მოხელეთა სპეკულიაციისაგან.

იაპონიის მუდმივი სურვილი ის იყო, რომ კორეაში თვით წესიერი მთავრობა დამყარებულიყო, რომელიც ხალხის მძარცვავე არ ყოფილიყო და რომელიც ვაჭრობისა და მრეწველობის კანონიერ მიმდინარეობას პირად კაპრიზს არ დაუქვემ-

დებარებდა. ამგვარი წესიერების დამყარება აღებ-მიცემობაში, არა თუ შარტო იაპონიას გამოადგებოდა, მიუცილებელი პირობა იყო თვით კორეის ერის კულტურულის ზრდისა და განვითარებისთვის.

ცოტათი არის მაინც, რომ დაამყარდებოდეს კორეაში წესიერება და სამართლიანობა, სამხრეთი კორეა ის შეიქმნებოდა იაპონიისათვის, რაც ძველად იტალია იყო საბერძნეთისათვის; იაპონიის შეწევნობით იქ დამკვიდრდებოდა ცივილიზაცია. ბარბაროსობის ნაცვლად, სანაპიროებიდან განათლება შიგა და შიგ მთელს მხარეს მოედებოდა. ყველაო, ამბობს ავტორი, ყველა, გარდა მეფისა და მისის „ხალხის ჭამია“ მოხელეების მეტი—მოგებული დარჩებოდა მიწისა და ქარხნის ამგვარის დაკავშირებითაო.

\* \* \*

აქედან ცხადადა სჩანს, რომ იაპონიას კორეის შესახებ ერთი აზრი ჰქონია: განეთავისუფლებია კორეის ხალხი მოხელეთა ავაზაკ ბრბოსაგან, რომლის ბელადად თვით „წყალობითა ჩინეთის იმპერატორთასა“ კორეის მეფე ბრძანდება; მიეცა ხალხისათვის დემოკრატიული, თავისუფალი, ევროპიული მმართველობა, რათა ხალხს შესძლებოდა თვითაც ესარგებლებია თავისის მდიდარის ქვეყნით და გონიერის და წესიერის სარგებლობით. იაპონიისთვისაც სამსახური გაეწი. იაპონიის სურვილი იყო მეზობელ ერს ევროპის ცივილიზაციისაგან საუკეთესოდ მიჩნეული მთავრობა ჰყოლოდა, რათა შესძლებოდა მასთან ადამიანურის კავშირის დაჭერა. ვნახოთ ახლა ვინ ელობებოდა იაპონიის ამ არა აზიურ, არა ველურ, არამედ სწორედ ადამიანურსა და ქრისტიანულ სურვილს?

1876—1880 წლ. კორეელებმა ზღვაზედ ძარცვა-გლეჯა დაუწყეს იაპონელ ვაჭართ. ამის გამო იაპონიამ სეულის მთავრობას პირობა დაადებინა, რომლის ძალითაც ნავთსადგური ფუზანო, უენსანი და ჩემულპო კარ-ლიად იქმნა აღიარებული.

ამ დროიდან იწყება ფარული და თანაც შეუწყნარებელი ბრძოლა იაპონიასა და კორეის „სასახლეს“ შორის. კორეის



ხალხზედ ლაპარაკი მეტია, ხალხი გაპირუტყვებულა მანდარინის ცემა-ტყეპითა და უდიერის ქცევით. ერთად ერთი ფიქარი ამ გათელილის ხალხისა ის არის, ან ხელში იგდოს მოხელეობა, თუ არა და თავისი ავლა-დიდება, თავისი სიცოცხლე მაინც დაიცვას მოხელეთა ურცხვობისაგან. ხალხს არაეინ არად აგდებს. იგი ფეოდალთა პირუტყვის ფარადაა მიჩნეული, მას ძარცვენ და გლეჯენ, ცხვარივით კრეჭენ, სჭამენ და სვამენ მის საცხოვრებელს, მისი უსაზღვრო ბატონი-მეფე, რამდენიმე დიდ-კაცის ოჯახობა და აგენტები მეფისა, რომელნიც თან ახლავს სეულში ანა და პროვინციაში მისი წარმომადგენელნი არიან.

მეფეს გარს ახვევია საჭურისთა გროვა, მოცეკვავე ქალები, წვრილი მოხელეები, ჯალათები და პოლიციელები. სდგას სასახლეში და ვაჭრობს სხვა-და-სხვა თანამდებობითა და ადგილებით, რაკი ვაჭრობაა, ადგილსაც იმას დაუთმობს, ვინც მეტ საფასს გაიღებს.

საერო ბიუჯეტი მარტო მეფისა და მისი სასახლისთვის საჭირო ფულს შეიცავს; მიწის გადასახადი სავალდებულო ხარკია, რომელიც მეფეს ეძლევა და მეფის სრულს განკარგულებაშია; სასამართლო, პოლიცია და ადმინისტრაცია მეფის კაპრიზზეა დამოკიდებული, მეტი არავითარი საფუძველი არა აქვს ამ დიდმნიშვნელოვან დაწესებულებათ, თუ არ მეფის ჟინი და ნება. მეფის აბსოლიუტიზმის საზღვარი მხოლოდ მაშინ გამოჩნდება, და ისიც ერთის წუთით, როცა რომელსამე პროვინციაში ხალხი აჯანყდება და ან თვით სასახლეში იჩენს თავს შეთქმულობა.

იაპონიას ყოველთვის მარტო ერთი საზრუნველი ჰქონდა კორეის შესახებ: ისეთი რეფორმები მოეხდინა კორეაში, რომლის შემდეგაც მხარეში დამყარდებოდა პასუხის მგებელი მთავრობა, დაწერილი კანონი, წესრიგზედ დაყენებული ადმინისტრაცია, კანონის დამცველი და აღმასრულებელი პოლიცია და ადამიანური სამართალი. ამგვარი „რეფორმა“ კორეაში მიუცილებელი იყო თვით ხალხისათვის, ხალხის არსებობის და წარმატებისათვის და, როგორც ზემოდ ნათქვამიდანა სჩანს,

ესევე იყო საჭირო იაპონიის ვაჭრობისა და მრეწველობისათვის. მაგრამ „სასახლე“ არაფრისათვის არა სთანხმდება ამ რეფორმას. „სასახლე“, მართალი რომ ვსაქვათ, არც თუ მარტო თვით მეფეა.

მეფე ლი-ჰსი 1864-ში გამეფდა და ამ დღიდან სავსებით დაამტკიცა სრული უნიჭობა, სრული სიღუბნეობა გონებისა და სიბეზარე გრძნობისა. ყოველივე ეს თვისება ლაჩარ პირუტყვად ჰხდეს მას. დედოფალი მენი კი, სრულიად წინააღმდეგ, მეტის მეტი სასტიკის ხასიათის ქალი იყო და აღმოსავლეთის დესპოტის ყოველივე ნაკლულეფანებით იყო შემკული. ტახტის უფლებებს იცავდა ისე, როგორც გააფთრებული მხეცი. თხუთმეტის წლის განმავლობაში—1880—1895 წლ.—იაპონია მარტო ამ დედა-კაცს ეომებოდა. იაპონია თხოულობდა კორეის ერის საკეთილდღეო და თავისთვისაც სასარგებლო რეფორმებს და ყოველსავე საშუალებას ხმარობდა, რაიმენაირად ამ აზრისათვის მიეღწია. დედოფალი მენი თავისის მხრით „სასახლის“ უფლებების დასაცველად არას ზოგავდა, თავგანწირული იბრძოდა, სირცხვილსა და ნამუსს არას დასდევდა, ოღონდ კი ძალა შეერჩინა. დედოფალმა ჩინეთის მფარველობას მიჰმართა და იაპონელების ჯარს წინააღმდეგ ჩინეთის ჯარი მიიწვია.

1882-ში მოხდა აჯანყება კორეის მეფე-დედოფლის წინააღმდეგ. აჯანყებულთა მეთაურად თვით მოხუცი მეფის მამა იყო, მის რეგენტად ნამყოფი, რომელსაც შვილის სიკვდილიც კი გადაწყვეტილი ჰქონდა. მეფე-დედოფალმა ჯარის კაცად და მის ცოლად გადაიცივეს, ამ გვარად გაიპარნენ და ჩინეთის საელჩოს შეეფარნენ. დედოფლის მაგიერ ერთი მისი მსახური ქალი მოჰკლეს, რომელიც დედოფლის ტანისამოსით მოირთო და მისთვის თავი განიწირა. მეფემ საჭიროდ დაინახა დაედარსტურებინა დედოფლის ვითომ და სიკვდილი და „ოფიციალურ უწყებებში“ გამოაცხადებინა ეს ამბავი და სასახლეში მგლოვიარობის დაცვა ბრძანა. მხოლოდ რვა თვის შემდეგ გაბედა მეფემ და გამოაქვეყნა, რომ დედოფალი სიკვდილს გადაარჩა.

ამ უამად ჩინეთმა იხსნა მეფე-დედოფალი და ცნობილმა ლი-ჰუნ-ზანგმა ჩინეთი გამოაცხადა კორეის მფარველად. იაპონიისათვის-კი ზარალი აზღვევინა კორეის, რადგან აჯანყებულთ არც იაპონელები დაინდეს და ზარალი მიაყენეს.

ათის წლის შემდეგ კიდევ მოხდა აჯანყება სასახლის წინააღმდეგ. ამბობენ, აჯანყებულთ იაპონელნიც თანაუგრძნობდნენო. ამ აჯანყებამაც უნაყოფოდ ჩაიარა. 1892-ში კორეის მეფე-დედოფალმა მოინდომა იმ სახლის აფეთქება, სადაც მეფის მამა იდგა, მაგრამ ისე უხერხულად მოაწყო საქმე, რომ მამის ოთახის მაგიერ, მეორე ოთახი აფეთქდა. რათა აეცილებიათ თავიდან ეჭვი, მეფე-დედოფალმა ჩვეულებრივ დესპოტიურ ხრიკს მიჰმართეს: თავისი ცოდვა სხვას გადააბრალეს და რამდენიმე საცოდავი უბრალო კაცი ჯერ აწამეს და მერე ნაჭერ-ნაჭერ დააფლეთინეს... ამ ხერხმა ვერ გასჭრა, ხალხი „სასახლეს“ სთვლიდა ამ უნაყოფო და უხერხულის ღალატის მოთავედ. ორის წლის შემდეგ მამამ სამაგიეროს გადახდა მოინდომა. 1894-ში მოიწადინა იმ სამლოცველოს აფეთქება, საცა მეფეს თავისის მინისტრებით წინაპართ საფლავის წინაშე მსხვერპლი უნდა შეეწირა. მაგრამ აქაც უხეირო აფეთქება გამოდგა. ამ აფეთქებამ მხოლოდ ერთი მინისტრი იმსხვერპლა, სხვა ყველა გადარჩა. ყოველივე ეს მიმალ მომალეს. დედოფალმა კი ძლევამოსილად განაგრძო თავისი მოღვაწეობა და ვითომდა შეთქმულთა ტანჯვა-წამებას მიჰყო ხელი; მისის ბრძანებით სტანჯავდნენ და აწამებდნენ უბრალო ხალხს ფარულად, თუ ცხადად.

1894 წლ. ივლისში იაპონიის მთავრობამ თავისის საერო ინტერესებს დასაცველად ჯარი გადასხა ფუზანსა და ჩემულპოში, თანაც სეულის მთავრობას ულტიმატუმი წარუდგინა; იაპონია თხოულობდა: კორეაში რეფორმების შემოხებას, რეგულიარულის ჯარის მოწყობას, კანონთა კრებულის შედგენას, პოლიციისა და სასამართლოების იმგვარად მოწესრიგებას, რომ ადგილობრივ და უცხოელ ერთათვისაც წესიერება და სამართლიანობა დამყარებულიყო.

კორეის მეფემ წინააღმდეგობა განაცხადა. ჩინეთმა მხარი დაუჭირა. ამან გამოიწვია ომი ჩინეთსა და იაპონიას შორის 1894—1895 წლებში. იაპონელებმა დაიჭირეს კორეა, ჩინელები იალუს იქით განდევნეს, შეესივნ მანჯურიას და სიმონოსეკის ხელშეკრულების ძალით ჩინეთს უარი ათქვემდინეს კორეის მფარველობაზედ. გამოცხადებულ იქმნა კორეის დამოუკიდებულობა. კორეის მეფეს ამგვარად ჩინეთის მფარველობა ჩამოაშორეს, იაპონიის ჯარი გარს ერტყა, რაღა უნდა ექმნა, ძალა უნებურად უნდა დათანხმებულიყო რეფორმებს. 1895 წლ. იანვარში იაპონიის ელჩმა მიიყვანა კორეის მეფე წინაპართ საფლავის წინაშე და იქ „წინაპართა სულების თანადასწრებით, რომელნიც ზეცას განისვენებენ“ საჯაროდ ფიცით დაამტკიცა 12 მუხლი სახელმწიფო დებულობისა, რომელიც სპობდა: „სასახლისა“ და ადმინისტრაციის ბოროტ-მოქმედებას, აწესებდა ჯარს, რომელიც იაპონელთ უნდა გაეწვრთნათ. იაპონიამ ასესხა კორეას შვიდი, თუ რვა მილიონი ფრანკი (2.600,000—3.000.000-მან. მეტი) კარის კაცთა სურსათის დასამზადებლად და მოხელეთა ჯამაგირისთვის — უწინ ხომ მოხელეები ხალხსა სძარცვავდნენ და ამით იჯილდოვებდნენ თავს.

მეფე დამორჩილდა და ხელი მოაწერა. მაგრამ დედოფალი მენი არა სცხრებოდა, საიდუმლო წინააღმდეგობას არა შლიდა, ხალხს აჯანყებდა „საზიზღარ იაპონელთა“ წინააღმდეგ, განსაკუთრებით აქეზებდა სოფლის ხალხს, რომლის კაი ძალი ნაწილი პირუტყვულ განცხრომაში იყო და ყოველსავე ცვლილებას მტრულად ეგებებოდა, თორემ ქალაქების მცხოვრებნი რეფორმის მომხრენი იყვნენ. რეფორმის მომხრეთ დედოფლის წინააღმდეგ აჯანყებაც კი მოახდინეს, იაპონელნი, რასაკვირველია, თანაგრძნობით მოეკიდნენ. 8 ოქტომბერს 1895 წელს აჯანყებულნი შესცვივდნენ სასახლეში, გადმოათრიეს დედოფალი, წიხლებით გასთელეს, ხმლით დასჩხენეს, მოჰკლეს და შემდეგ ნავთი გადასხეს და დასწვეს მისი გვამი — ამ ზომამდის მივიდა ხალხი, რომელიც თვით დედოფალმა გამოიყვანა მოთმინებიდან, ხალხმა დედოფალი მოიშორა თავიდან, ჩინეთი იაპო-

ნიათ მოაშორა, ეხლა რეფორმებს წინ აღარა უდგარა და იაპონიის სურვილი ხალხის მოთხოვნილებასთან ერთად უნდა აღსრულებულიყო. ხალხი მაინც არა სცხრებოდა, ბარც მუფეც მოვიშორათ თავიდან, თორემ ეგ კარგს არას დაგვაყრისო. 1896 წლ. თებერვალში მომხდარ აჯანყების დროს მეფემ თავი შეიფარა რუსეთის საელჩოში. ამ დღიდან კორეის მეფეს ჩინეთის მაგიერი მფარველი რუსეთი აღმოუჩნდა. იაპონიის მისწრაფებას ჩინეთის მაგიერ ეხლა რუსეთი გადაეღობა წინ. ერთის სიტყვით კორეის ისტორიაში ამ დღიდან ჩინეთის ადგილი რუსეთმა დაიკავა. ყოველსავე მოთხოვნილებას იაპონიის მთავრობისას რუსეთი წინააღმდეგობას უცხადებდა. შვიდის წლის განმავლობაში (1896—1903 წწ.) იაპონელთა სულ უმნიშვნელო მოთხოვნილება ძლივს დააკმაყოფილეს. ასე რომ შვიდის წლის მეცადინეობამ და შრომამ იაპონელთათვის უნაყოფოდ ჩაიარა. შვიდის წლის შემდეგაც იმავე მდგომარეობაში იყვნენ რუსეთის წყალობით, როგორც შვიდის წლის წინად. რუსეთის მოქმედება კორეიაში, ამბობს ბერარი, საიდუმლოებით იყო მოკულიო. 1898—1903-ში რუსეთის შეხედულება კორეის საქმეების შესახებ სულ წინააღმდეგია იმ შეხედულებებისა, რომელიც 1896—1897 წწ. ჰქონდა ამავე საქმეების შესახებ. იმიტომ, რომ უკანასკნელ ხანში რუსეთის ინტერესებმა შორეულ აღმოსავლეთში ძალზედ იცვალა ფერი. 1896-ში და 1898-ში ორი პირობა შეჰკრა რუსეთმა იაპონიასთან კორეის საქმეების შესახებ. ეს ორივე პირობა ერთი მეორეს წინააღმდეგია და ეს იმიტომ, რომ ამავე ხანაში იგივე რუსეთი პირობით ეკვრება ჩინეთს მანჯურიის შესახებ.

\*  
\* \*

რუსეთის მთელი პოლიტიკა საუკუნოების განმავლობაში იმაზედ იყო მიმართული, ოკეანეზედ ღია კარები ეშოვა, ისეთი ნავთსადგური, რომელიც არ იყინება. ვლადივასტოკი ამ აზრს ვერ გაუწევდა სამსახურს, რადგან იქ ნავთსადგური იყინებდა. ამ აზრისათვის ხელსაყრელი იყო კორეის ყურეები და ისეთი

ნავთსადგური, როგორც არის კორეის მოზამპო და ფუზანი. უამისოდ რუსეთის ფლოტი ვლადივასტოკში მკვდარი იქმნებოდა. ამიტომაც 1895-ში რუსეთი კორეის ნაპირების დაჭერას დიდ მნიშვნელობას აძლევდა და მიუცილებლად სთვლიდა შემოერთებია თავისი სამფლობელოსათვის კორეის გაუყინავი ნავთ-სადგურები.

1896-ში-რუსეთის პოლიტიკის მიმართულება უეცრად იცვლება: ჩინეთი ნებას აძლევს რუსეთს მანჯურიის იქითა მხარეში რკინის გზის გაყვანისას, რომელიც ირკუტკს უერთებს ვლადივასტოკს. ეს პირობა ხელმოწერილი იყო 1896-ის წლის მარტში, მაგრამ მხოლოდ იმავე წლის დეკემბერში გამოაქვეყნეს, თუმცა ზოგიერთი მუხლი ეხლაც საიდუმლოდ რჩება: როგორც ჰგავს, რუსეთს უნდა მოეთხოვოს იმ დროში ჩინეთისთვის ხანგრძლივის ვადით დაეთმო ჩინელთ ნავთ-სადგური კიაო-ჩიუ (ეს ნავთსადგური ეხლა გერმანელთ უჭირავთ) და ამგვარად კორეა რუსის ორ ნავთსადგურ შუა მოემწყვდია.

სწორედ ამ ხანში კორეის მეფემ აჯანყების გამო თავი შეაფარა რუსეთის საელჩოს და დაპყრო იქ ერთი წელიწადი— 1896 წლ. თებერვლიდან 1897 თებერვლამდის. სწორედ ამავე დროს რუსეთმა და იაპონიამ ერთმანერთის შეთანხმებით ხელი მოაწერეს საიდუმლო ოქმსა და საიდუმლო მემორანდუმს (1896 აპრილში), რომელიც გამოქვეყნებულ იქმნა მხოლოდ თითქმის ერთი წლის შემდეგ (1897 — მარტში). ოქმი ნათქვამი იყო: „რათა კორეის დამოუკიდებლობის პრინციპი ხელ უხლებლად დარჩეს, როგორც მოხსენებულნი არის სიმონოსეკის ხელშეკრულებაში—რუსეთი და იაპონია ეცდებიან, დაანებონ კორეის მთავრობას საჭირო ჯარის შექმნა და წესზედ დაყენება, რამდენადაც ქვეყნის ეკონომიური და ფინანსიური მდგომარეობა ხელს მისცემს... და თანაც რჩევას მისცევენ კორეის მთავრობას მოახდინოს მიუცილებლად მიჩნეული რეფორმები“. „ეცდებიან დაანებონ დამოუკიდებელ სახელმწიფოს ჯარის შექმნა და წესზედ დაყენება!“ ოქმის ეს სიტყვები საუცხოვოა, ბუნდოვანი რომ არ იყოსო, ამბობს ავტორი.

მემორანდუმი უფრო გასაგებარის ენით არის დაწერილი. მემორანდუმის ძალით: რუსეთს ჰყავდა ჩაბარებული მეფის პირადობა, მისი სასახლე, ჰქონდა შინდობილი სასახლის მცველის რაზმის და ფინანსების რეფორმა; იაპონიას უნდა ედევნებია თვალ-ყური პოლიციისათვის იაპონელთა უბნებში სეულსა, ფუზანსა და უანსენში, სადაც რუსებსაც ეძლეოდა ნება ჰყოლოდათ სადარაჯო რაზმები; იაპონელებს ნება ჰქონდათ გაემართათ ტელეგრაფი ფუზანიდან სეულამდე და დაეყენებიათ ამ ტელეგრაფის მცველი ჟანდარმები; რუსებს ეძლეოდათ ამგვარივე უფლება გაემართათ ტელეგრაფი სეულიდან ვლადივოსტოკამდე, ასე რომ ეს დიპლომატიური საბუთები, რომელნიც აღიარებდნენ კორეის ვითომ-და დამოუკიდებლობას, ნამდვილად თავისებური განაწილება იყო კორეასი: იაპონიას ჰხვდა წილად დიდი ნავთსადგურები და კორეის სამხრეთი ნაწილი, ხოლო რუსეთს — სასახლე და ჩრდილო ნაწილი. 1896 და 1897 წწ. რუსეთი ვითომ და კიდევაც სცდილობდა ამ პროექტის სისრულეში მოყვანას და იმავე ხერხს მიჰმართა, რომელიც სპარსეთში ჰქონდა ნაცადი. სამხედრო ინსტრუქტორი ჩამოიყვანა დარაჯის შესადგენად და გასაწვრთნელად; თავისის ფინანსთა სამინისტროს მოხელე ჩამოგზავნა, რომელმაც მაგრად ჩასკიდა ხელი კორეის საბაჟოებსა და შემოსავალს; დააარსა რუსეთ-კორეის ბანკი. ამასთანავე რუსეთმა ასესხა მეფეს შვიდი თუ რვაოდე მილიონი მანეთი და გირაოც, რასაკვირველია, შესაფერისი გამოართვა.

უცრად ყოველივე იცვლება: მეფე სასახლეში დაბრუნდება; ინსტრუქტორი და ფინანსთა სამინისტროს მოხელე რუსეთში გაიწვიეს; სეულსა და ვლადივოსტოკის შორის ტელეგრაფის გაყვანა მიატოვეს; კორეის ნავთსადგურებში სადარაჯო რაზმს აღარ გზავნიან. რა ემართებოდა რუსეთს? თურმე ნუ იტყვი, 1898 წლ. აპრილში ხელ-ახალი ოქმი შეუდგენიათ რუსეთსა და იაპონიას. ამ ოქმიდან, როგორცა სჩანს, კორეა მარტო და მხოლოდ იაპონიის სრულ გავლენას ქვეშე რჩება. აი რას ამბობს ამ ოქმის მესამე მუხლი.

3. მუხლი: მივიღეთ რა მხედველობაში, რომ იაპონიის სავაჭრო და სამრეწველო მოქმედება კორეაში ფრიად განვითარებულა და აგრეთვე რაკი იაპონიის ქვეშევრდომთა დიდძალი რიცხვი სცხოვრებს ამ ქვეყანაში, რუსეთის მთავრობა ხელს არ შეუშლის იაპონიის სავაჭრო-სამრეწველო დამოკიდებულობას კორეისთან.

1898 წლის 12 მაისის მთავრობის უწყების ნუმერში გამოქვეყნებული იყო ეს ახალი შეთანხმება იაპონიასთან და თანაც დამატებული; „ამ სამეგობრო ხელშეკრულობის შემდეგ რუსეთს შეუძლია შეუდგეს თავისის ისტორიულის და არსებითად სამშვიდობო აზრის განხორციელებას, რომელიც იწვევს მას დიდ ოკეანეს ნაპირებისაკენ“.

ახალი „გარემოება“ მიეცა რუსეთს, რომელმაც საოცრად გაუადვილა „განხორციელება“ ისტორიულის სამშვიდობო აზრისა ე. ი. „მოპოვება ნავთსადგურისა თავისუფალ ზღვაზედ“. 1898 წლის 1 აპრილს ჩინეთმა დაუთმო რუსეთს კიო-ჩეუს ნაცვლად, რომელიც ორის წლის წინად ჰქონდა შეპირებული რუსეთს და რომელიც ეხლა გერმანიას ეჭირა, ხანგრძლივის ვადით 99 წლის პორტ-არტური და ტალიენვანი, თანაც რუსეთს მიეცა ნება შეუერთოს ეს ნავთსადგურები მანჯურიის რკინის გზას.

ეს მთელი რევოლიუცია იყო რუსეთის მსვლელობაში „ღია-კარებისაკენ“—თავისუფალის ზღვისაკენ. ამას თან მოჰყვა რევოლიუცია რუსეთის პროექტებში კორეის შესახებ.

ეხლა ადვილი მისახვედრია, რომ მეორე ხელ შეკრულობა რუსეთსა და იაპონიას შორის 1898 წლ., რომელიც კორეას მარტო იაპონიის გავლენას უქვემდებარებდა, ორი კვირის შემდეგ თან მოჰყვა იმ პირობას, რომელმაც პორტ-არტური რუსეთს მიაკუთვნა. რუსეთმა რა კი ჩინეთს გამოართვა ნავთსადგური, საიდანც თავისუფალი გზა ჰქონდა გაშლილ ზღვისაკენ, კორეია აღარად ეპიტნავებოდა და იაპონიას დაანება, ოღონდ კი პორტ-არტურის დასაკუთრებაში ხელს ნუ შემიშლიო.

ავტორი ჰფიქრობს, რომ რუსეთისა და იაპონიის ხელშეკრულობა არ იყო ერთიანად გამოცხადებული. უქვევლიაო,



რამდენიმე მუხლი გამოშვებულია. რუსეთი უთმობს კორეიას იაპონიას: „საუაჭრო-სამრეწველო მოქმედებისათვის“-კი, მაგრამ ნუ თუ ეს დათმობა უსასყიდლოდ იყო, სულ არა უსარგებლობია-რა რუსეთს და არა მიუღია-რა ამ დათმობის სამზადიროდ? ეჭვი არარის, სამაგიერო რამ უნდა მიეღო რუსეთს და ეს ოქმის მუხლშიაც უნდა ყოფილიყო მოხსენებული. 1894—1895 წლ. იაპონიასა და ჩინეთის შუა მომხდარ ომის შემდეგ, იაპონიამ დაიჭირა პორტ-არტური და მანჯურია და მხოლოდ მაშინ დასტოვა პორტ-არტურიცა და მანჯურიის ნაპირები ზღვაზედ, როცა ჩინეთმა და სხვა სახელმწიფოებმა (მათ შორის, რასაკვირველია, რუსეთმაც) კანონიერი აღთქმა დასდევს, ეს პროვინცია და ეს ნავთსადგური ჩინეთის მფლობელობაში დარჩება და თავის დღეში ჩინეთი არავის არ დაუთმობს მათ და არც სხვა სახელმწიფოები მოინდომებენ დასტყუონ ჩინეთს რაიმენაირათ ეს ადგილებიო.

1897 წ. დეკემბერში რუსეთმა თავისი ფლოტი გაპაზაფხანა პორტ-არტურში, მაგრამ აღთქმა დასდვა, ზამთარი გაივლის თუ არა, გემებს უკან დავაბრუნებო, ნამდვილად კი 1898-ში პორტ-არტური რუსეთმა დაისაკუთრა, ხოლო იაპონიამ ხმა გაიკმინდა და არავითარ წინააღმდეგობას არ აცხადებდა. ინგლისელი გაზეთები სამართლიანად ამტკიცებდნენ, რომ მეორე ხელშეკრულობა იაპონიასთან ამ სიჩუმის ჯილდო იყო. თუ კი რუსეთმა სიტყვა მისცა იაპონიას— არა თუ ხელს არ შეგიშლი, ხელს შეგიწყობ კორეაში შენი მოქმედება გააფართოო, ეს უთუოდ იმიტომ, რომ იაპონელები დაპირდნენ სამაგიეროდ მანჯურიაში ჩვენ არ შეგეცილებითო.

1898—1903 წელში იაპონელებმა დიდი შრომა გასწიეს, ყოველივე ღონე იხმარეს კორეაში მოეხდინათ ეკონომიური და პოლიტიკური ცვლილება. მაგრამ მაინც კარგათ ესმოდათ, არაფრითარი ეკონომიური მოქმედება არ იყო შესაძლებელი ამ ქვეყანაში, თუ მმართველობა არსებითად არ შეიცვლებოდა. ამიტომ იყო, რომ იაპონია სულ იმას ზრუნავდა კორეაში პოლიტიკური და ადმინისტრაციული რეფორმები მოეხდინა, მაგრამ შეფე

საშინელს წინააღმდეგობას უწევდა. იაპონელთ სრულიადაც არა სურდათ კორეის დაპყრობა, ერთად-ერთი სურვილი მათი ის იყო, რომ კორეა ევროპიულად განათლებული და კულტურული ქვეყანა გამხდარიყო, ევროპიული კონსტიტუციონალური წეს-წყობილება დამკვიდრებულიყო იქა, რათა ყველაზედ უწინ თვით კორეის ერს შესძლებოდა თავისუფალი შრომა და მოღვაწეობა და მერე ყველა იაპონელსა, თუ უცხოელს. ლი-ჰსიმ თავი იმპერატორად აღიარა, რათა ჩინეთისა და იაპონიის მპყრობელთ სწორი გამხდარიყო და კიდევ მეტად მათზედ მაღლაც რომ ყოფილიყო დაყენებული, თავი „უდიდებულესს იმპერატორად“ აღიარა. კიდევაც გამოსცა ხარტა, რომლითაც „ძველი ჩვეულებანი“ დააკანონა და თუმცა 1895 წ. სულ სხვანაირი პირობა დასდვა და დაამტკიცა ფიციითის აღთქმით „წინაპრთა, სულების წინაშე, რომელნიც ზეცას განისვენებენ“, ეხლა—1899 წლის ივლისში—ყოველგვარი უფლება თვით მიითვისა. მეტად საინტერესოა ეს ხარტა:

- მუხ. 1. კორეა დამოუკიდებელი ქვეყანაა.
- 2. ხუთასი წელიწადია ქვეყანას მართავს აბსოლიუტური მონარქი და ასე ამგვარადვე დარჩება დასაბრუნებლად ცის ქვეშეთისა.
3. იმპერატორსა აქვ განუსაზღვრელი ძალა.
4. ყოველივე ვინც გაბედავს ტახტის წინააღმდეგობას, კანონს გარეშეა აღიარებული.
5. იმპერატორი განაგებს ხმელეთისა და ზღვის ჯარს.
6. მარტო და მხოლოდ იმპერატორის ნებჲა კანონის განსაზღვრა, კანონის ასე თუ ისე მოხმარება და მოსპობა.
7. იმპერატორი ნიშნავს ყველა მოხელეს, როგორც სამოქალაქო, ისე სამხედრო უწყებებისა.
8. იმპერატორი აწერს ხელს ტრაქტატებს, აცხადებს ომს, ზავის ჩამოგდებაც სრულ მის ნებაზეა.

ამ დღიდან იმპერატორმა ჩაიგდო ხელში ქვეყნის ყველა საქმე; ყოველივე სულ უმცირესს განკარგულებაზედ იმას უნდა მოეწერა ხელი, ყოველივე პირობას, ბრძანებას, განცხადებას, სასამართლოს გადაწყვეტილებას, პოლიციის უბრალო განკარგულებას მის ხელში უნდა გამოეგლო. ყოველივე სა-

ზოგადო და კერძოსაქმე უნდა ჩაეხრჩოთ სეულის სასახლეში, სადაც მზის სხივსაც არაეინ მიაკარებდა. კორეის მმართველობაში დამყარდა სრული ანარქია და ხაოსი. მინისტრებს ისე სცვლიდნენ, როგორც უბრალო ბიჭებს: 1903-ში ცხრა თვის განმავლობაში რვა გარეშე საქმეთა მინისტრი გამოსცვალეს და ვინც ადგილზედ რჩებოდა, ისიც მარტო სახელს ატარებდა, საქმეს კი ვინ ეკითხებოდა. ჯარს ჯამაგირი არ ეძლეოდა და ამიტომ აჯანყდა. პოლიციის პრეფექტები და პოლიციის დარაჯები, რაც ძალი და ღონე ჰქონდათ, სძარცვავდნენ ხალხს. სასამართლოში საქმეს ბოლო აღარა ჰქონდა ხოლმე, სოფელი და ქალაქი, თვით სატახტო ქალაქი ავაზაკ მოხელეთა ბრბოსაგან აკლებული იყო; საშიშარი იყო სახლიდან გარედ გამოსვლა.

მარტო იმ ქალაქში შეიძლებოდა თავისუფლად სიარული, საცა იმპონელი იდგა და იაპონელ პოლიციის დარაჯები იცავდნენ ქუჩებს.

ყალბი ფულის მომჭრელებმა ააფეს ქვეყანა ყალბის ფულით. არავითარი კომერციული, არავითარი სამრეწველო მოქმედება არ იყო შესაძლო, ვინაიდან სასახლე მტრული თვალთ უცქეროდა, და მოხელეთა მექრთამეობას და ავაზაკობას ვერავითარი გაბედული კაცი ვერ გაუმკლავდებოდა.

1901-ში იაპონიაში ბრინჯის მოსავალი ნაკლები იყო. ბრინჯი კორეაში უნდა ეყიდათ. კორეის იმპერატორმა ჯერ ნება დართო ბრინჯის გაყიდვისა, მერე აღუკრძალა, ბოლოს ისევ ნება დართო და ჯუკანასკნელად ისევ აღუკრძალა. იაპონიის ელჩმა თავისი დიდი უკმაყოფილება განაცხადა, მაგრამ იმპერატორმა ცივი უარი სტკიცა—არ შემიძლია ერთი ბეწოც არის შევცვალო „ძველი ჩვეულებანიო“. თვით წარმოიდგინეთ, თუ შესაძლოა ამგვარის ქვეყნის წარმატება, თუ შესაძლოა ამნაირი მეზობელი მოითმინოს ვინმემ, მით უმეტეს ისეთმა განათლებულმა ხალხმა, როგორც იაპონიაა და მარტო თავისის ინტერესებისთვის კი არა, თვით მეზობელის ხალხის ინტერესებისათვის.

მეფის ამნაირი ჯიუტობა იაპონელთ ეუცხოვათ, როგორ, პირობა მოგვცეს და ეხლა ჩუმი და ფარული ინტრიგა რა საკადრისიაო. განაგრძობს ავტორი, რომ რუსეთს, რომლის წარმომადგენელიც იმ დროს სეულში ცნობილი ელჩი პავლოვი იყო,—კორეის მეფესთან საქმე სახვალიოდ ჰქონდა დაჭერილი და საიდუმლო მოლაპარაკება ჰქონდა გამართულიო. ერთ წელიწადს დემის კუნძულები (კორეის სამხრეთით) გამოართვა ხანგრძლივის არენდით, მეორე წელიწადს—მოზამპოს ღრმა რეიდი.

რუსეთმა ჯერ გადასწყვიტა თავი მიანებოს კორეას, მაგრამ ჩინეთისა და იაპონიის კავშირმა დააფიქრა, ისევ დაუბრუნდა გადაგდებულ ლუკმას და სულ სხვანაირად შეჭხედა საქმეს. ხუთის წლის განმავლობაში მიტოვებული ჰქონდა კორეა, თავისი დაწყებული ტელეგრაფიც კი მიატოვა, უნდა მივიღოთ მხედველობაში, რომ დალნი-რუსეთის სავაჭრო ნავთსადგური—ყინულით არის გაჭედლილი მას შემდეგ, რაკი რუსის ინჟენერებმა დამბები დააკეთეს, რუსეთს კი სავაჭრო ნავთსადგური ეჭირვება და არა სამხედრო. შეიძლება ამიტომაც გამოიცვალა აზრი რუსეთმა და მოზამპოსა და მოკპოს მიაქცია დიდი ყურადღება.

იაპონიის კანონიერ მოთხოვნებს ამერიკაც მხარს აძლევდა, ამერიკასაც ჰქონდა კომერციული ინტერესები კორეაში და ამ ინტერესების დაცვა შეუძლებელი იყო, თუ კორეაში დესპოტიზმი არ მოისპობოდა.

იაპონიის კანონიერ და სამართლიან მოთხოვნებს კორეაში პოლიტიკურის რეფორმების მოხდენისას სულითა და გულით ემხრობოდა თვით კორეის ერი, რომელიც გაწამებული იყო მთავრობისაგან. ამ მოთხოვნებს საფუძვლად ედვა დღევანდელი და მომავალი არსებითი საჭიროება ერისა. იაპონიის მოთხოვნებს მხარს აძლევდა აგრეთვე კორეის ერთი მუჟა მოწინავე საზოგადოება, რომელიც გულწრფელად და გატაცებული მსურველი იყო ერის თავისუფლებისა. დაბოლოს იაპონელთა მომხრე იყო ყველა, ვისაც რაი-

მე სავაჭრო, ან სამრეწველო ინტერესი ჰქონდა, ყველა, ვისაც რაიმე შეგნებული პირადი ინტერესი ჰქონდა, — ერთის სიტყვით, იაპონიის მოთხოვნილებათა ზნეობრივი ძალა იმაში იყო, რომ მასთან ერთად მოქმედებდა ყველა, ვისაც რაიმე საზოგადო ინტერესი ჰქონდა. კორეაში დიდი სიმდიდრეა ჩაფლულია, ამბობენ; ოქროს მადნებია იქაო, გვარწმუნებენ, ამიტომაც იაპონელნი და მათი ძომხრენი ასე ამბობენო, დასძენს ავტორი: „განათლებულის კაცობრიობის მოვალეობაა უვიცთა ხელში არ დასტოვოს სიმდიდრე, რომელიც ბარბაროსთა წყალობით მკვდარია.“

თუ წესიერება არ დამყარდა კორეაში, არც ერთი უცხოელი თავის კაპიტალს არ შემოიტანს ამ ქვეყანაში, უკაპიტალოდ-კი ყოველივე სიმდიდრე ფუჭია და მათი შემუშავება შეუძლებელია. კანონიერი მთავრობა უცხოელს ყოველგვარ გარანტიას მისცემდა. იაპონელთა და ევროპიელთა წყალობით მრავალგვარი საზოგადოებები და ამხანაგოებები დაარსდებოდა; ევროპიელი ფულს მოიტანდა, იაპონელი კი ცოდნას, მართვა-გამგეობის უნარს, მუშა ხელსა და ძალას. ნუ დავივიწყებთ, რომ იაპონიამ დიდი ფული დახარჯა და გაიწყო მშვენიერი ჯარი, მშვენიერი ფლოტი, რომლის წყალობითაც ყოველთვის შეუძლია დაიცვას როგორც თავისი კერძო, ისე საერთო ევროპიელთა ინტერესები.

\* \* \*

სამმა წელმა განვლო და არა ეშველა-რა, კორეაში ანარხია არა სცხრებოდა. „რუსეთის საიდუმლო წაქეზებამ ჩვენს მოთმინებას ბოლო მოუღოო,“ ამბობენ იაპონელები. ერთმა შემთხვევამ უკიდურესს გამწვავებამდის მიიყვანა საქმე და განხეთქილება გამოიწვია.

1897-ში რუსეთის ერთმა კამპანიამ კორეის მთავრობას კონცესიით გამოართვა უშველებელი ტყეები ტუმენისა და იალუს ხევში. ეს იმ დროში მოხდა, როცა რუსეთმა იაპონიასთან პირველი ხელშეკრულება დასდვა, რომ-

ლის ძალითაც კორეას შუაზედ იყრფდა ეს ორი სახელმწიფო: იაპონიის გავლენას ქვეშ სამხრეთი დარჩა, რუსეთს კი ჩრდილოეთი მიანებეს. როცა რუსეთისა და იაპონიის მთავრობამ ხელი მოაწერეს მეორე ოქმს, რომლის ძალითაც მთლად მთელს კორეას მარტო და მხოლოდ იაპონიის გავლენას უთმობდა რუსეთი, ცხადი იყო, იალუს ხევის ტყეების ზემოხსენებულ კონცესიაზედ უარი უნდა ეთქვა რუსეთს. მაგრამ 1901-ში ეს საქმე ხელახლად წამოაყენა სტატს-სეკრეტარმა ბეზობრაზოვმა, რომელმაც დაინტერესა რუსეთის მთავრობა კორეის ტყეებით.

1902-ში კორეის ერთ ქალაქში, იონგამპოში, სადაც უცხოელთ ნება არა აქვთ დასახლებისა, დაბინავდა რუსის ერთი კამპანია, რომელსაც აზრად ჰქონდა ტყის ექსპლოატაცია და ქარხნების გამართვა ამ საგნისათვის. ამ კამპანიამ ტელეგრაფი გამართა და ემზადებოდა რკინის გზის გაყვანას, რომ მდინარე იალუს ნაპირები მანჯურის რკინის გზისთვის შეეერთებინა. 1903 წლ. აგვისტოში ამ კამპანიამ კორეის მთავრობისაგან მონოპოლიად აიღო მდინარე იალუსზედ სატივე ხეების ექსპლოატაცია და ტივების მდინარეზედ ჩაშვებისა, ამას გარდა იონგამპოში 25 წლის ვადით აიღო ადგილი სამას ორმოცთა ათი აკრი, სადაც ციხე სიმაგრეებიც-კი ააგო.

ამბობენ, ამ კამპანიამ მოსთხოვა კონცესია კორეის მთავრობას სეულიდან იალუსკენ რკინის გზის გასაყვანად. ეს კონცესია ერთ დროს საფრანგეთის ერთ-ერთ კამპანიასა ჰქონდა მიცემული, მაგრამ ბოლოს დროს ისევ კორეის მთავრობამ ჩაიგდო ხელში. რუსეთის ელჩის ყოველსავე მოთხოვნილებზედ კორეის იმპერატორი ფანხმობას აცხადებდა. იაპონიის ელჩი, რომელსაც მხარს აძლევდა შეერთებულის შტატების ელჩი, თხოულობდა საერთაშორისო კომერციისათვის ღია ყოფილიყო იალუს ნავთსადგური ვიჟუ, მაგრამ მისი თხოვნა უნაყოფო რჩებოდა. ყოველ ექვს გარეშეა, რომ იალუს ეს ნაპირები მეტად ძვირფასია. ვისაცკი უმგზავრია ამ მხარეში, ყველა აქებს ამ დაუფასებელ ტყეებს, რომლითაც სარგებლობდნენ უხსოვა-

რის დროიდან ჩინელი კომერსანტები. ადგილობრივ მკვიდრთა აზრით, აქ მდინაარეებში ოქროს სილიც უნდა იყვეს. რუსეთისათვის კი ეს მხარე ერთი ორად ძვირფასია: ვლადივოსტოკსა და პორტ-არტურს შუა ტუმენისა და იალუს ნაპირებზედ რკინის გზების გაყვანა შეიძლება, ეს რკინის გზა ერთ დროს მიუცილებელი იქმნებოდა...

იაპონიაო, განაგრძობს ბერარი, მოთმინებიდან გამოვიდა. მოითხოვა იოგამპოში რუსეთის საელჩოს მოსპობა და თუ არა, იოგამპო ყველა უცხოელთათვის ღია უნდა ყოფილიყო; ტყის კონცესია უკანონოდ აღიარა და მოითხოვა, რომ ის ქალაქები და ნავთსადგური, რომლებშიაც უცხოელთა დასახლება აკრძალულია, ყველასთვის ნებადართული ყოფილიყო; მოითხოვა ახალის რკინის გზებისა და ტელეგრაფების კონცესია; ყველაზე უფრო კი იმას ეტანებოდა, რაც შეადგენდა იაპონიის უმთავრეს სურვილს: კორეაში რეფორმები მომხდარიყო, რათა ხალხს შესძლებოდა წესიერის მთავრობის წყალობით თვით მოეწყო თავისი საქმეები და ამგვარად დაწესებულიყო ამ მხარეში კანონი და სამართალი. იაპონიის აზრით, ამ პირობებში ყველას შეეძლო კულტურული მოქმედება ამ მხარეში, შესაძლო იქმნებოდა ამ ქვეყანაში წესიერი, კანონიერი და მშვიდობიანი კონკურენცია.

სეულის იმპერატორი ცხარე წინააღმდეგობას უცხადებდა იაპონიას და რუსეთთან ჯამართა მოლაპარაკება. 1903 წლის ოქტომბერში რუსეთმა არ. გაიყვანა ჯარი მანჯურიიდან. უკანასკნელის ხელშეკრულობის ძალით კი 1903 წლის 8 ოქტომბრამდინ მანჯურიაში რუსეთის ჯარი აღარ უნდა ყოფილიყო. იაპონიამ წარუდგინა პეტერბურგის მთავრობას თავისიხ მოთხოვნის მინიმუმი. იაპონია თხოულობდა, ან აღმისრულე 1898 წლის პირობა, რომლის ძალითაც კორეაში ჩემს სავაჭრო-სამრეწველო მოქმედებას წინ არ უნდა გადაეღობო, თუ არა და მანჯურიისა და პორტ-არტურის შესახები პირობა მაინც დაიცევიო. მანჯურიიდან რუსეთს ჯარი უნდა გაეყვანა შარშან 8 ოქტომბრამდინ, ხოლო პორტ-არტურიდან ფლოტი 8198

წლ. გაზაფხულზედ უნდა წაეყვანა. 1898 გაზაფხულზედ პორტ-არტური 99 წლით, ესე იგი, თითქმის ერთის საუკუნით იქირავა. იაპონიამ კი ჩინეთთან ომის შემდეგ მარტო მაშინ დასტოვა მანჯურია და პორტ-არტური, როცა სახელმწიფოებმა (საფრანგეთმა, რუსეთმა, გერმანიამ) პირობითი აღთქმა დასდეს, არც ერთი ჩვენგანი ამ პროვინციებს ხელს არ ვახლებთ და არ დაფიქვართო.

ამით ათავეებს ავტორი ომის წინ დაწერილ წერილს და კიდევ იმედს გამოსთქვამს, საქმე მშვიდობიანად გათავდებაო.

შემდეგში იაპონიის შესახებ მოვილაპარაკოთ.

ბ. ს.





# ბიბლიოგრაფიული შენიშვნები

## 1

1. თ. მაგმაძე—ტოლოკი.—2. წმინდა გიორგის რაზმი.—აკაკი-  
სა.—3. ლექსები გრ. ორბელიანისა, —გამოცემა ს. მერკვილაძისა.—  
4. საქართველოს კალენდარი.—5. რომის კათოლიკეთა ეპისკოპოზნი  
დე როპპი და მისი მოგზაურობა საქართველოში.—6. თ. ალ. სუმ-  
ბათაშვილი.—„ლალატი“.—დრამა.—თარგმ. გრ. ყიფშიძისა.—7.  
პირველი ნაბიჯი.—რომანი.—გ. წერეთლისა.—8. ლექსთა ბაასი და  
არსენას ლექსი.—9. სრული სიზმრის ახსნა.—10. სრული სიზმრის  
ახსნა ანბანითა და მთვართა.—11. ხალხური მესხური ლექსები.—  
შეკრებილი და გამოცემული მესხი კონსტანტინე გვარამაძისაგან.

ხშირათ გვესმის, ჩვენი ლიტერატურა დღითი-დღე ვითარ-  
დება და მდიდრდებაო. მართლაც ახალგამოულ წიგნების რიც-  
ხვი წინანდელთან შედარებით გაცილებით მეტია, ხოლო რაგვარ  
სიმდიდრეს წარმოადგენს ეს წიგნები, ამას კი ყურადღებას არ  
ვაქცევთ. ძვირათ თუ რომელიმე წიგნი თავის დროზე გახდება  
განხილვის ღირსი. ხშირად რომელიმე წიგნი კი მეორე, მესამე  
გამოცემითაც გამოდის და ჩვენს ჟურნალ-გაზეთებში უბრალო  
ბიბლიოგრაფიულ შენიშვნებსაც კი ვერ შეხვდებით მის შესახებ.

საზოგადოთ კრიტიკას და ბიბლიოგრაფიას ჩვენში ჯერ-  
კიდევ შემთხვევით ხასიათი აქვს და ათასნაირ მიზეზებზედ  
არის დამოკიდებული—ხშირად სიმპატია-მეგობრობაზე თუ  
პირად მტრობაზედაც.

ჩვენ განვიზრახეთ რაოდენიმეთ მაინც შევაფასოთ ეს ნაკლი.

ჩვენ ვეცდებით სისტემატიურად აღვნიშნოთ ყოველივე  
წიგნი, დიდი თუ პატარა, მნიშვნელოვანი, თუ უმნიშვნელო.

რაც კი დაიბეჭდება ქართულს ენაზედტფილისში, თუ სხვაგან, და მივაწოდოთ „მოამბის“ მკითხველებს მათ შესახებ მოკლე ბიბლიოგრაფიული შენიშვნები.

მიმდინარე 1904 წლის—იანვრის განმავლობაში დაიბეჭდა და გამოვიდა შემდეგი წიგნები.

1. თ. მაგმაძე.—ტოლოკი, სამტერ-მოყვრო კრებული. გამოცემა ავტორისა, ტფილისი სტაჰა გ. დიასმიძისა; გვერდი 16. ფასი ერთი შაური დაიბეჭდა 1200 ცალი.

ამ პატარა წიგნაკში მოთავსებულია ლექსები და შაირები სხვა და სხვა საჭირობოროტო საგნებზე—ზოგი ლექსი გაზ. „ივერიის“ საკვირაო ფელეტონებში „შურდულში“ იყო მოთავსებული.

ავტორი მოურიდებლად ოხუნჯობს ზოგიერთ ჩვენ საზოგადო მოღვაწეებზე და დაწესებულებებზე. ლექსთ წყობა სუსტია. ავტორის ხუმრობა უფრო გასართობ ნაკვესებს წარმოადგენს, ვინემ გესლიანს იუმორს, რაც უფრო მეტ ძალას და მნიშვნელობას მისცემდა ამ კრებულს. საუკეთესო ადგილია „პალმის სიზმარი“.

2. წმინდა გიორგის რაზმი, აკაკისა. გამოცემა ს. შერკვილაძისა, ტფილისი ფასი 5 კ. დაიბეჭდა 5,000 ც.

ეს წიგნი კი გადმობეჭდილია „აკაკის კრებულიდან“ და მშვენიერ სახალხო გამოცემად უნდა ჩაითვალოს. წიგნზედ არ აწერია, ავტორის ნებართვით არის გამოცემული, თუ არა.

ჩვენს მწერლობაში თითქმის განვლო იმ ხანამ, როდესაც წიგნების გამოცემა სამადლო საქმედ ითვლებოდა.

ამ ჟამად ქართულმა წიგნმა ცოტად თუ ბევრად მოიპოვა ბაზარი, განსაკუთრებით ისეთი იათსიანი სახალხო წიგნები, როგორიც წმ. გიორგის რაზმია, გამომცემელს დეფიციტის ნაცვლად კარგ მოგებას მოუტანს. რაკი წიგნების გამოცემას მიეცა კომერციული ხასიათი, ავტორმაც უნდა მიიღოს ჰონორარი და წიგნი უსათუოდ მისი თანხმობით უნდა გამოიცეს.

ავტორის უფლების წესიერად დაცვა ჩვენში თანდათან შექმნის ისეთ ნიადაგს, რომ შესაძლებელი იქნება პროფესიონალურ მწერალთა კლასიც გაგვიჩნდეს და სამუდამოთ არ დავრჩეთ ისეთ მდგომარეობაში, რომ ჩვენი მწერლები, როგორც აქამდის იყო, კერძო და სახელმწიფო სამსახურით დატვირთული ემსახურებოდნენ მშობლიურ ლიტერატურას მხოლოდ „სხვათა შორის“.

3. ლექსები თ. გრიგოლ ორბელიანისა. გამოცემა ს. მერკილაძისა. ტფილისი. დაიბეჭდა 500 ცალი.

კრებულში მოთავსებულია ავტორის უმთავრესი ლექსები. წიგნი სუფთად არის გამოცემული და სასარგებლო სახალხო გამოცემად შეიძლება ჩაითვალოს.

4. საქართველოს კალენდარი 1904 წ. ვალ. გუნიასი. რედაქცია ფ. გოგიჩაიშვილისა. წელიწადი მეცამეტე. ტფილისი. სტამბა ქუთათელაძისა. გვერდი 720. ფასი 1 მან. დაიბეჭდა 2,000 ცალი.

ეს კალენდარი გამოცემულია „ქართველთა შორის წერა-კითხვის გამავრცელებელ საზოგადოების“ გამგეობისაგან. დიდი შრომა მიუღია თავისთავზე კალენდრის რედაქტორს ბ. ფ. გოგიჩაიშვილს და არ დაუკლია ცდა, რომ ღირსეულად შეესრულებინა საზოგადოების მინდობილება.

არც ერთი კალენდარი ამ წელში გამოსული ტფილისში ქართულს, სომხურს, თუ რუსულ ენაზედ არ არის ისეთის მდიდარის შინაარსის, როგორიც ეს კალენდარია. ვერც ერთზე ვერ იპოვიოთ იმდენ ცნობებს ჩვენი ქვეყნის შესახებ, განსაკუთრებით ეკონომიურის მხრით, როგორც აქ არის. ჩვეულებრივი საკალენდრო ცნობებიც გაცილებით უფრო კარგად არის მოყვანილი და უფრო მრავალიც. ყოველსავე განყოფილებაში (სულ 9 განყოფილებაა) მასალა რიგიანად არის შემუშავებული და ბევრი სერიოზული წერილები არის მოქცეული. მაგ., სარწმუნოება საქართველოში მ. ჯანაშვილისა; ცა

და დედამიწა; სახელმწიფოთა მართვა-გამგეობის ფორმები; ქართული მწერლობა პ. უმიკაშვილისა; ენა და ერი პ. სურგულაძისა და სხვ. განსაკუთრებით მდიდარია შინაარსით მეოთხე განყოფილება (150 გვერდია)—კავკასია და საქართველო, სადაც დაწვრილებით არის დასურათებული საქართველოს ყოფილი და ახლანდელი მართვა-გამგეობა, სივრცე, მცხოვრებთა რაოდენობა, სოფლისა და ქალაქის ურთიერთობა, მეურნეობა, საფაბრიკო წარმოება, კრედიტის საქმე, სწავლა-განათლება და სხვ.

კერძო წერილებში აქვე იქცევენ მკითხველის ყურადღებას: ქართველი ერის დაქუცმაცება იაკობ გოგებაშვილისა, ბრმა წინამძღოლობა ხალხის განათლებაში ი. ვარიანელისა, „წერა-კითხვის საზოგადოების“ დაარსება ვ. თულაშვილისა და სხვ.

ლიტერატურულ განყოფილებაში დათმობილი აქვთ ადგილი: ჩვენს მწერლებს: ვაჟა-ფშაველას, დუტუ მეგრელს; ია ეკალაძეს და სხვ. კალენდარში მოთავსებულია აგრეთვე სურათები და ბიოგრაფიები ჩვენი მწერლებისა და ზოგიერთ მოღვაწეებისა. ბოლოში კალენდარს დართული აქვს სია იმ წიგნებისა, რაც 1902 წ. დაიბეჭდა ქართულ ენაზედ.

კალენდარში ძალიან მკრთალად არის შედგენილი მერვე განყოფილება: საეკიმო და საოჯახო ცნობები. ბიოგრაფიებიც უსათუოდ უფრო ვრცლად უნდა იბეჭდებოდეს, ისე მაინც, როგორც ბ. ი. გოგებაშვილის ბიოგრაფია. ლიტერატურულ განყოფილებაში უნდა ყველა ჩვენ საუკეთესო მწერლებს მიეღო მონაწილეობა და მაშინ, რა თქმა უნდა, ამ განყოფილებას მეტი ინტერესიც ექნებოდა. საადრესო ნაწილში ბევრი დაძველებული ცნობა ჩარჩენილა.

მიუხედავად ამ წვრილმან ნაკლისა, კალენდარი უსათუოდ სასარგებლო საოჯახო წიგნად უნდა ჩავთვალოთ და მისი შექმნა ვურჩიოთ ჩვენ საზოგადოებას. სამწუხაროდ, კალენდარი

გამოვიდა იანვარში, და არა გასული წლის ნოემბერში ან დეკემბერში, როგორც მოსალოდნელი იყო\*).

ნ. ყოვლად სამღვდლო რომის კათოლიკეთა ტირასპოლის ეპარქიის ეპისკოპოსი ედუარდ ბარონ დე როპპი და მისი მოგზაურობა საქართველოში, შედგენილი და გამოცემული მესხის კონსტანტინე გვარამაძის მიერ. ტფილისი, ქართველთა ამხანაგობის სტამბა გ. 40 ცალი 800.

1903 წლის გაზაფხულში საქართველონ ესტუმრა კათოლიკეთა ტირასპოლის ეპარქიის (საქართველოც ამ ეპარქიას ეკუთვნის) ეპისკოპოსი დე როპპი. მოგზაურობის უმთავრესი მიზანი იყო, ეკურთხებინა ბათუმის ქართველ კათოლიკეთა ეკლესია, რომელიც ღვთისმშობლის უმანკოდ ჩასახების სახელობაზედ არის აშენებული, და დაეთვალა იერებინა კათოლიკეთა ეკლესიები საქართველოში. ამ ფრიად საინტერესო წიგნაკში მოყვანილია ეპისკოპოსის მოკლე ბიოგრაფია, მოთხრობილია მისი მოგზაურობა კავკასიაში. მოყვანილია რამოდენიმე საინტერესო სიტყვა, წარმოთქმული თვით ეპისკოპოსისა და ზოგიერთ ქართველების მიერ. მოკლეთ არის მოხსენებული თვით ეკლესიის აშენების ისტორიაც, რომლიდანაც სჩანს, რომ ეკლესიის აშენება დაუწყიათ ბათუმელ ქართველებს, მაგრამ სისრულეში მოაუყვანია ბათუმელ ქართველ კათოლიკეთა ნატვრა და სურვილი ქართველ ქველმომქმედს სტეფანე კონს. ზუბალაშვილს, რომელსაც ამ შესანიშნავი შენობის აგება დასჯდომია 200,000 მანათამდე. წიგნში მოთავსებულია სურათები ბათუმის ეკლესიისა, ეპისკოპოსის როპპისა და თვით ზუბალაშვილისა. ფრიად საყურადღებოა თვით ეპისკოპოსის დღიურიდან მოყვანილი ცნობები. ბევრი საგულისხმიერო შენიშვნები შეუტანია ეპისკოპოსს თავის დღიურში კავკასიის შესახებ.

\*) ჩვენ ვერ გავვიგია კალენდრის ერთი შეცდომა „მოამბის“ შესახებ: რად წაუერთმევია შემადგენელს „მოამბისათვის“ საკუთარი რედაქტორი? რედ.

სამწუხაროთ, წიგნაკის გამომცემელს მოჰყავს ეპისკოპოსის დღიურიდან ადგილები, რაც შეეხება უმეტეს ნაწილად სომეხ კათოლიკეთა ეკლესიების დათვალიერებას\*) და რა შთაბეჭდილება მოახდინა ეპისკოპოსზე ტფილისის ქართველ კათოლიკეთა ეკლესიამ და ტფილისის ქართველობამ, აგრეთვე გორმა, ქუთაისმა, ბათუმმა და საზოგადოთ საქართველომ, ამის შესახებ ეპისკოპოსის დღიურიდან არაერთარი ცნობა არ მოჰყავს. ამის შესახებ მხოლოდ თვით წიგნაკის შემდგენელი მოგვითხრობს. ეჭვი არ არის, ჩვენთვის უფრო საინტერესო იქნებოდა თვით ეპისკოპოსის აზრი ამის შესახებ, ვინემ ბ-მ მესხი გვარამაძის აზრი. როგორც წიგნაკიდან სჩანს, ეპისკოპოსის ეს მოგზაურობა დასჯდომია ქართველ კათოლიკეებს 50.000 მანეთამდე. ეპისკოპოსი დაჰპირებია ქართველებს, რომ გამოვიკვლევ კითხვას ქართველ და სომეხ კათოლიკეთა შესახებ (ამ ჟამად მთავრობა არ სცნობს ქართველ კათოლიკეებს) და ვეცდები ქართველ კათოლიკეთა კანონიერი სურვილი დედანისა და სარწმუნოებრივ მისწრაფებათა შესახებ განვახორციელოვო, მაგრამ, სამწუხაროთ, ეპისკოპოსს დე როპს კავკასიიდან წასვლაც არ დასცლია, რომ ის გადაიყვანეს სხვა ეპარქიაში (ვილნოში) და მის ყოვლად უსამღველოესობის დაპირებებს უფრო პლატონიური ხასიათი მიეცა.

6. თ. აღ. სუმბათაშვილი. „ლალატი“, დრამა-ლეგენდა 5 მოქ., თარგმანი გრ. ყიფშიძისა. ტფილისი, სტამბა გრ. დიასამიძისა. გვ. 123. ფასი 1 მან. დაიბეჭდა 1200 ცალი.

წიგნი სუფთათ არის გამოცემული და დართული აქვს ავტორის სურათი და წინასიტყვაობა.

ბ. ყიფშიძე ქართულ მწერლობაში კარგ სტილისტად ითვლება და იმედი გვქონდა წარმოადგენდა უკეთესს თარგმანს. მას შეეძლო ზოგიერთი ადგილები გადმოეცა უფრო

\*) ამ ეკლესიებს ეპისკოპოსზე იმ ზომამდე ცუდი შთაბეჭდილება მოუტანდა, რომ ეპისკოპოსსამ ეკლესიებში წირვაზედაც უარი უთქვამს.

მკვირცხლათ და მოკლეთ, როგორც დედანშია და არა გაგრძელებულათ და მძიმეთ. ეს თარგმანი დიდის აჩქარებით იყო დაწყებული და იბეჭდებოდა ფელეტონებათ „ივერია“-ში და, რა თქმა უნდა, სიჩქარის ელფერი ეტყობა როგორც ფრაზების კონსტრუქციაში, ისე აღმოსავლეთის ზოგიერთ ტერმინების და სიტყვების შეუმუშავებლობაში. ექვი არაა, თარგმანი სრულია და დედენტან ძალიან ახლო და საზოგადოთ უნდა ჩავთვალოთ გვარიან თარგმანად. ფასი ერთი მანეთი ძვირი არის, მაგრამ, ალბათ, აიხსნება იმით, რომ პრემიათ უნდა დაურიგონ „ივერიის“ ხელის მომწერლებს.

7. პირველი ნაბიჯი, რომანი გ. წერეთლისა. ქუთაისი სტამბა ჭილაძისა გამოცემა ქუთაისის ამხანაგობისა № 19 გვ. 384 ფ. 70 კ. დაიბეჭდა 1200 ც.

წიგნი გამოცემულია კარგად და ავტორის მშვენიერი სურათი აქვს დართული. ეს რომანი პირველად დაბეჭდილი იყო ქუთაისში „ცდის“ ნომრებში და დიდი ხანია მეორეთ გამოცემას ელოდებოდა.

კრიტიკამ თავის დროზედ მიაქცია ამ რომანს ყურადღება და, ექვი არაა, ხელმეორეთაც მიაქცევს, მით უმეტეს რომ ამ რომანის გამოსვლის შემდეგ დღევანდლამდის ბევრი თვალსაჩინო ცვლილება მოხდა ჩვენს ცხოვრებაში. გ. წერეთლის მიერ აღნიშნული დასავლეთ საქართველოს პირველი ნაბიჯი მეცხრამეტე საუკუნის მეორე ნახევარში გადადგმული ახლა ცხადოთ თავის შედეგებით და ეს რომანიც უფრო მნიშვნელოვანი და უფრო მეტის ყურადღების ღირსი ხდება ახლა, ვინემ პირველად დაბეჭდვის დროს იყო.

8. ლექსთა ბაასი და არსენას ლექსი, ტფილისი გამოცემა ზარიძისა. ფასი 5. კ. დაიბეჭდა—1,200 ც.

ლექსთა ბაასის სახელით მოქცეულია აქ ცნობილი ქალაქიანი და დართული აქვს ზედ პ. უმიკაშვილის მიერ შეკრებილი არსენას ლექსი. წიგნაკი საბაზროთ არის გამოცემული.

9. სრული სიზმარის ახსნა. მეცხრამეტე გამოცემა კ. თავართქილაძისა, ტფილისი. დაიბეჭდა 1800 ც. ფ. 10 კ.

10. სრული სიზმარის ახსნა ანბანითა და მთვარითა. მკითხაობა პურის მარცვლით, ასო სამღრალი და კვიმატი ღღეები. გამოცემა ალ. შახბარათოვისა № 14. ტფილისი, სტამბა რეკონიანცისა ფასი 25 კ. დაიბეჭდა 2,000 ც.

ორივე ზემოთ მოხსენებული წიგნი, სამწუხაროთ, ძალიან გავრცელებულია ხალხში, რომელიც სასარგებლო გონებრივ საზრდოს მოკლებულია.

შინაარსით ისინი არაფერს საინტერესოს არ წარმოადგენენ და მხოლოდ ცრუმორწმუნეობის იარაღად ხდებიან.

11. ხალხური მესხური ლექსები, შეკრებილი და გამოცემული მესხი კონსტანტინე გვარამაძისაგან. ტფილისი. გველი 30. ფ. 5. კ. დაიბეჭდა 1900 ც.

ჩვენს მწერლობაში არა ერთხელ ყოფილა ბაასი სხვა და სხვა კუთხეებში ზეპირ გადმოცემათა შეკრების და გამოცემის შესახებ. ვის არ გაუგონია, რამდენი წყობილი თვალმარგალიტია გაბნეული აქა-იქ ჩვენს დალოცვილს საქართველოში და შეგროვებას უნუგეშოთ მოელის. ამ მხრივ. ბ. გვარამაძის მცირე შრომაც ყურადღების ღირსია. მას შეუკრებია სახალხო ლექსები მესხეთში, იმ კუთხეში, რომელიც ხშირად და დიდის ხნობით ყოფილა განსხვავებულ ისტორიულ პირობებში, ვინემ დანარჩენი საქართველო. შეგროვილია სულ ოციოდე პატარა, მაგრამ საგულისხმიერო, ლექსი, ალბათ, ერთი მეთათსედი ნაწილი იმისა, რაც შეიძლება შეგროვილიყო, მაგრამ ეს პატარა მასალაც არ მოუყვანია ავტორს ჯეროვანს სისტემაში. ლექსები სადღესასწაულო, საქორწილო, საცეკვაო, საარშიყო და ისტორიული ზეპირ გადმოცემებიც ერთი მეორეში არიან აბნეული და არეული. უსათუოდ საჭიროა, რომ ვინც ასეთ შრომას გასწევს, როგორც ეს ბ. გვარამაძეს გაუწევია, ისიც მიიღოს მხედველობაში, რომ ასეთ მასალებსაც, როგორც ეს პატარა კრებულია, უნდა მიეცეს სისტემატიური ხასიათი, რომ



ამით გაუადვილონ შრომა ჩვენ ზეპირ-სიტყვაობის მომავალ მკვლევართა და გამომცემელთა.

როგორ უნდა იკრიბებოდეს სახალხო სიტყვიერების მანა-წარმოები, ამის შესახებ ბევრი დაწერილა თვით „მოამბე“-ში და სხვა ჩვენ ჟურნალ-გაზეთებში, და აქ აღარ გავიმეორებთ.

X



## ნ ა რ ე ვ ი

ფინლანდიელი პოეტი რუნებერგი. ჰელსინგფორსის უნივერსიტეტმა და მასთან ერთად მთელმა ფინლანდიამ 23 იანვარს იდღესასწაულა სახელოვან ეროვნულ პოეტის რუნებერგის დაბადება (1804—1904). რუნებერგი სვედელი იყო, სვედურად სწერდა, მაგრამ თავის პოეზიით ღვიძლი შვილი იყო ფინლანდიისა და ამიტომ გახდა საყვარელ ეროვნულ პოეტად სვედელთათვისაც და ფინლანდელებისთვისაც. მისი ლექსი „ჩვენო ქვეყანავ, ჩვენო მშობელო ქვეყანავ“ საერო ჰიმნად გაიხადა ამ ორმა ერმა. რუნებერგი დაიბადა 1804 წ. განათლება მიიღო ჰელსინგფორსის უნივერსიტეტში და ჯერ ისევ სტუდენტ იყო, რომ წერა დაიწყო. საუკეთესო მის თხზულებად ითვლება: 1) კუზო პერროში (1831 წ.)—ეპიზოდი რუს-სვედთა ომისა; ყაზახთაგან ფინლანდიელის ოჯახის წვალება; 2) ირმის მკვლელნი (1832 წ.) და ჰანნა—პოემები ხალხის ცხოვრებიდან. ფინლანდიურად არა დაუწერია რა, მაგრამ ამ ხალხის ეროვნულ თვითცნობიერების აღორძინებაში და განვითარებაში იმოდენი ღვაწლი მიუძღვის თავის თხზულებებით რუნებერგს, რომ ფინლანდიელებმა მას უძღვნეს სახელი—მამა ეროვნულის პოეზიისა. სკანდინავიაში ამ ენებს თითქმის ერთნაირი მნიშვნელობა აქვთ და განათლებული ფინლანდიელი ერთნაირად კარგად ხმარობს თავის ენასაც და სვედურსაც; ამ უკანასკნელს დროს ფინლანდელებმა შესამჩნევად წასწიეს წინ თავიანთი. მწერლობა და უპირატესი ალაგი საკუთარს ენას დააჭერინეს. დღიჯი დღეობრდება, მათი ლიტერატურა და იმე-

დია, ამ ცოტა ხანში ღირსეულს ალაგს დაიჭერს ევროპიელ ერთა მწერლობაში.

\* \*

მკვდარა გულის გაცოცხლება. მეცნიერულ ქეშმარიტებად იყო აღიარებული, რომ ავადმყოფობისაგან სიკვდილი—სხვა-და-სხვა ორგანის მოქმედების ნელ-ნელი მისუსტება და ბოლოს სრული მოსპობა არისო; შეიძლება ორგანიზმი რომ მოკვდეს, მასთან ერთად ყველა ორგანმა არ მოსპოს მოქმედება, მაგრამ მკვდარ ორგანიზმში ცოცხალი ორგანი დიდხანს ვერ გაიტანს თავს და ისიც მალე მოკვდებაო. ამას წინად ფრიად საინტერესო გამოკვლევა გამოაქვეყნა ფიზიოლოგმა კულიაბკომ მკვდარი გულის გაცოცხლების შესახებ, რომლითაც მტკიცდება სრული უსაფუძვლობა ზემოდ მოყვანილ აზრისა. კულიაბკომ ერთნაირი სითხე გაატარა მკვდარი ბაცაციის გულში და თუმცა ზოგი 5 დღის მკვდარი იყო, ზოგი შეიღისა, გულმა ისეთივე რითმიული ცემა დაიწყო, როგორიც ცოცხალი არსების გულს შეუძლიან. მკვდარი ბაცაციები ყინულში ჰქონდათ შენახული. მკვდარი კაცის გულზედ სცადეს შემდეგ იგივე სითხე, მაგრამ იმავე გარემოებაში მოათავსეს ადამიანის მსხვილი გული, რომელშიც ბაცაციის პაწაწკინა გულს სცდიდნენ, და ცდამ უნაყოფოდ ჩაიარა. ბავშვის გული კი რამდენიმე გაცოცხლა გულიაბკოს სითხემ: სულ 9 ბავშვის გულზედ სცადა მეცნიერმა. თავისი წამალი; უნცროსი დღისა იყო, უმფროსი ექვსი თვისა; ზოგი ფილტვების ანთებას გადაეტანა, ზოგი ხუნაგს, ზოგი ყვანას. ცხრა გულიდან—სამი ვერ გაცოცხლდა, ერთი ოცის საათის მკვდარი, სრულიად გაცოცხლდა, ექვსი კი ოდნავ. თავის ცდას კულიაბკო ჯერჯერობით არაფითარ პრაქტიკულს მნიშვნელობას არ აძლევს. ჯერ გამორკვეული არ არის—რა არის სიკვდილი, და თუ მნიშვნელობა აქვს რამე გულის გაცოცხლებას, უფრო ამ მხრივ არის საინტერესო. ცხადია, ორგანიზმი რომ მკვდება, მაშინვე არ კვდებათ ყველა ორგანები; სიკვდილი ნელ-ნელა ერევა სხვა და სხვა ნაწილს ორგა-

ნიზმისას და შეუძლებელია შეუცდომლად სთქვას მკვლევარ-მა—ეს ორგანი მოკვდა, ეს ჯერ არაო; ან ეს ორგანი უკვე მომკვდარა და მის სიცოცხლისკენ გამობრუნება შეუძლებელიაო.

\* \*

**ჭაობის ხალხი.** სერ ფრ. ვინტერს ახალ-გვინეაში უცნობი ხალხი აღმოუჩინია, რომელთაც მეზობლები აგიაშბოს უწოდებენ. სულ 3000 სული იქნება და კუნძულის შუა გულში, ჭაობებში ცხოვრობენ. ამ ჭაობებში ბოძებზედ აქვთ ამართული თავიანთი სახლები და ერთმანეთთან ნავებით დაიარებიან, ან ცურვით. ხმელეთის კი არა, უფრო წყლის მცხოვრებნი არიან და იმდენად შეჩვეულან აქ ცხოვრებას, რომ სიარულიც კი იციან წყლის ძირში; მიწაზედ სიარული კი ეძნელებათ; ხეზედ ასვლა და ხიდგან ხეზედ გადასვლა ძალიან ეხერხებათ. ტანით სრული ადამიანები არიან, ფეხები კი ძალიან სუსტი და განუვითარებელი. აქვთ ჯერ ისევ პირვანდელს ყოფაში ცხოვრობენ, თუმცა ცეცხლის ხმარება უკვე იციან.

\* \*

**სვედურა გამნაზია.** სვედურ საშუალო სასწავლებლებში ამ უკანასკნელ დროს ცდილობენ სწავლებას საზოგადოებრივი წესწყობილებისას. ჯერ-ჯერობით 11 კერძო სასწავლებელში უკითხავენ მოსწავლეთ ამ საგანს. ლექციებს კითხულობენ მასწავლებელთა გარდა გამოჩენილი ლიტერატორები. უმთავრეს ყურადღებას აქცევენ: სოფლის თვითმმართველობას და ლარობთა შესახებ კანონებს; კერძო ქველმოქმედებას სვედიის დედა ქალაქს სტოკჰოლმში; კანონების მიერ მფარველობას ბავშვებისას; სახალხო განათლებას, სვედელ ქალის და დედა-კაცის უფლებათ და სხ.

\* \*

**რადის სარგებლობა.** ახლად აღმოჩენილი ელემენტი რადი ფრიად სასარგებლო წამლად გამოდგა ეგრედ წოდებულ კუს მოსარჩენად; მაგრამ ხშირად კუ არ ეტყობა ავადმყოფს და

იმავე დროს ისე შეუხუთავს სასას, რომ ყლაპვას მოუსპობს და სიმშილით მოჰკლავს, თუ მუცელი არ გაუჭრეს და ისე არ მიაწოდეს საჭირო ნოყიერება. ვენელი პროფესორი ექსნერი სასის შეხუთვასაც რადით სწამლობს და იმდენს შვებას აძლევს სნეულს, რომ სასას უგანიერებს და საქმელ-სასმლის ჩაყლაპვას შესაძლებლად უხდის.

\* \*

სპენსერის ავტობიოგრაფია ორ ტომად იბეჭდება და ამ გაზაფხულზედ გამოვა ინგლისურად. გამოჩენილს ფილოსოფოსს არ დასცალდა თითონვე დაემთავრებინა თავის ცხოვრების აღწერა და უკანასკნელის ხუთი წლის ცხოვრება მისმა მეგობარმა დუნკანმა დასწერა.

\* \*

ტურინის საუნივერსიტეტო ბიბლიოთეკის დაწვამ ბევრი ფრიად იშვიათი და ძვირფასი ხელნაწერი დააკლო კაცობრიობას. ბიბლიოთეკაში 250,000 დაბეჭდილი წიგნი ინახებოდა და 4,146 ხელნაწერი; წიგნთაგან ასი ათასი დაიწვა და ხელნაწერები თითქმის ყველა. სხვათა შორის დაიწვა მრავალი ბიზანტიური დოკუმენტი, ციცერონის და კასიოდორის ნაწერები, ბუნებრივ მეტყველება პლინისა ნახატებით, რომელიც ოთხი ათას თუმნად იყო დაფასებული; გლობუსი, მილანში გაკეთებული 1570 წ., აღმოსავლეთური და ეგვიპტური პაპირუსები.

\* \*

მეტრული ზომა ინგლისში. გაიხსნება თუ არა ლორდა პალატის სხდომები, ლორდი ბელჰავენი და ლორდი კელვინი მაშინვე შეიტანენ წინადადებას, რომ ინგლისში მეტრული ზომა იქმნას შემოდებული. ამ საგანს მრავალი მომხრე ჰყავს ინგლისის მოწინავე, უფრო განვითარებულ, წრეებში მით უფრო, რომ ჯერ ისევ 1773 წ. ჯემს უაიტმა აღძრა კითხვა ინგლისურ ზომათა სისტემის შეცვლაზედ იმ რიგად, რომ ათეულებად განიყოფებოდეს ყოველი ზომა და, მეტრული სისტემის ურთა-

უპირატესობათაგანიც ხომ ეს არის. რუსეთშიც აპირებდნენ მეტრული ზომის შემოღებას, მაგრამ ჯერ-ჯერობით მხოლოდ მეცნიერულ თხზულებებში ხმარობენ და ინგლისის მაგალითმა იქნება ამაოდ არ ჩაგვიაროს.

\* \*

**უცნაური თეატრი.** შეერთებულ შტატებში ამას წინად ხომალდზედ გამართეს თეატრი. ამ თეატრმა ოზიოს, ილიინოის და მისისისპზედ უნდა იაროს. დარბაზი ათასი მაყურებლისთვის არის მოწყობილი და განიყოფება პარტერად და ლოჟებად; ორკესტრისთვის ცალკეა ალაგი. საცა კი სამყოფი მაყურებელი ეგულება, უნდა გაჩერდეს ეს მცურავი-თეატრი და წარმოდგენა გამართოს. თეატრის მოსვლას ხალხს ხომალდი ერთნაირ ფრიად სასიამოვნო საყვირით აცნობებს. თეატრი ელექტრონით არის განათებული, მსახიობნი — ერთობ დახელოვნებულნი — მეზღვაურნი არიან.

\* \*

**მისაბაძე მკვლელი.** ამ ზამთარს ბერძნის თეატრმა ისე მოაწყო საქმე, რომ ყველას შეაძლებინა წარმოდგენებს დასწრობოდა: კვირაში ორჯელ შეავეალ ფასად ერთად ერთი აბაზი დანიშნა (ნახევარ ფრანკი) და მით გაუადვილა ღარიბს ხალხს საუკეთესო ნაწარმოების და არტისტების ნახვა. თეატრის გამგეობას ეშინოდა — ვაი თუ აბაზად ნაყიდი ბაღეთები ძვირად ჰყიდონ და ტყუილად ჩაგვიტარონ ჩვენი განძრახვანო, და ამიტომ ბილეთის ყიდვა მარტო თეატრში შესვლისთანავე და ამასთან თითო ბილეთზედ მეტის შეძენის ნება არავის მისცა. ბილეთი კონვერტში დევს და კიდევ რომ მოინდომოს ვინმე, ვერავის მიჰყიდის, რადგან გახსნილ კონვერტიან ბილეთით თეატრში არ უშვებენ, და გაუხსნელში კი, ვინ იცის რა ალაგი შეხვდება — პირველი წყობის, თუ უკანასკნელისა. თეატრში აღკოლოლიან სასმელებს არ ჰყიდიან. თეატრის ზარალის დასაფარავად კერძო წრე შედგა და პირველსავე მის მიწოდებაზედ რეაასი თუმანი მოაგროვა.

\* \*

ახალი იტალიური ჟურნალი. ენრიკო კორრადინიმ და ჯიოვანნი პაპინიმ ქ. ფლორენციაში დააარსეს ახალი ჟურნალი „სამეფო“, რომლის მიზანი იქნება იტალიური, ეროვნული ხელოვნების და თვითცნობიერების აღძვრა და განვითარება და უცხო ერთა პოლიტიკურ და ეკონომიურ ზედგავლენასთან შებრძოლება.

\* \*

ამერიაკული ქაღალის მართვა. ქ. ფილადელფიის მოთავედ, ერთი ამერიკული ჟურნალის სიტყვით, იმისთანა მოხერხებულის ქურდები არიან, რომ ამ ხუთის წლის განმავლობაში 200 მილიონი მანეთი მოჰპარეს ქალაქს; მოჰპარეს სრულიად კანონიერად, ისე რომ მათი რაშიმე გამტყუვნება ყოველად შეუძლებელია, მით უფრო რომ ყოველად ძლიერნი ისინი არიან მთელს ქალაქში. ხაზინადარხს ანგარიშიდან სჩანს, რომ 1902 წელს ქალაქს 40 მილიონი მანეთი დარჩა ყოველ ხარჯს გარეთ და წელს კი იქნება ხარჯი ვერც კი დაჰფაროს შემოსავალმაო.

\* \*

იაპონელის აზრი ტოლსტოის შესახებ. იაპონელი ვინმე იშიკავა ამტკიცებს, ევროპელების განათლება ქრისტეს მოძღვრების შედეგი არ არისო. „რამდენი ევროპელი მოეხირება ჩვენს ქვეყანაში; აბა ჰკითხეთ — რა აზრისაა თავის სარწმუნოებაზედ? და მაშინვე დარწმუნდებით, რომ თავის საქმეების და ჯიბის მეტი არა სწამს რა, მით უფრო, რომ მისი საქმე ძირიანად ეწინააღმდეგება მის სარწმუნოებას. ევროპაში ქრისტიანობა ისეა დაცემული, თითქო ქრისტიანნი თავის დღეში არ ყოფილანო; სარწმუნოებრივი მათი ფიქრი დღეს ქრისტესთან კი არა, ტოლსტოისთან არის და ნიცშესთან. ევროპიულ განათლების გამომეტყველი და დამახასიათებელი თუ გნებათ, ნიცშე გახლავთ, სახარების უარმყოფელი. და სახარების გამომეტყველი, ღვიძლი შვილი, თუ გნებათ, ტოლსტოი გახლავთ, განათლების უარმყოფელი“.

\* \*

ომის მიზეზი. იაპონელი თ. ოკუმა ამტკიცებს, ომის მიზეზი კორეა კი არა, მარტო და მარტო მანჯურია არისო. მანჯურ-

რია რომ რუსებს შევანარჩუნოთ, თავს დავიღუპავთ, რადგან მაშინ მართო მანჯურიითაც გვაჯობებს რუსეთი; სულ ცოტა რომ ვთქვათ, 500 ათას კაცს თავისუფლად გამოიყვანს აქედგან სამხრად და ჩვენ მოგვისევეს. მანჯურელი ჩინგის-ხანის შთამომავალია და დღესაც იგივე მძლავრი და უძლეველი მხედარია, რაც უწინ იყო. მანჯურიაში რუსეთის გამაგრება და ჩინეთის დამორჩილება ერთი იქნება, ამას კარგად გრძნობს რუსეთის მართებლობაც. რა დიდ მნიშვნელობას აძლევს ჩინეთის სამკვიდრო მანჯურიას რუსეთი იქიდგანა სჩანს, რომ თავი მიანება თავის ინტერესებს ბალკანეთში და შორეულს აღმოსავლეთში დაიჭირა საქმე. გარდა ამისა, თუ რუსეთმა მანჯურია დაისაკუთრა, გერმანია შანსუნგს დაისაკუთრებს, საფრანგეთი—კვენგტუნგს, ინგლისი—იანგცეს მინდორს და... სხვებს კი არ უნდათ მეტის შეძენა? დაგვერევთან და მიწასთან გაგვასწორებენ აზიელებს. იაპონიის წარმატება იმაზედ არის დამოკიდებული, რომ ჩინეთში შეეძლოს თავის ნაწარმოების გასაღება. თუ ჩინეთში ევროპიელები დამყარდნენ, საქონელს მძიმე ბაჟს დააღებენ და სულს ამოგვხუთავენ.

\* \*

ევროპელებთან გაუფრთხილები ხალხი. ძნელი წარმოსადგენია, მაგრამ თურმე იპოვება მიწის პირად ხალხი, რომელსაც გაუძლია და ევროპიელთა განათლებას—ლოთობას და გარყვნილებას—არ დამორჩილება. დიდი ქებით მოიხსენიებს ამ ხალხს, ცეცხლის კუნძულზედ მცხოვრებს და ონასად წოდებული ინგლისელი ბერკლეი. ღვინოს, არაყს და ერთობ ალკოოლიან სასმელს არა სმენ თურმე. და დიდ შეურაცხყოფად მიიღებენ, თუ გაუბედა ვინმე და ამგვარი სასმელი შესთავაზა. მაგრამ როგორც სატანა აცდენდა ქრისტეს, ისე შესჩენიან ინგლისელი ვაჭრები და ცდილობენ—დააღვეინონ არაყი, ზედ მიაყოლონ სხვა და სხვა სნეულებანი და ამოწყვიტონ საწყალი ხალხი.

\* \*

ადისსეას დამწყობი. პიერ კილიარი ამტკიცებს, რომ ოდისსეის თავგადასავალი ფინიკიელ მწერლობაში იყო აწერი-



ლი და ბერძნებმა იქიდან გადაადგნო. მეცნიერი ჟანეგნი დიდს მსგავსებას ჰპოვებს ოდისსეასა და ასსირიულ ეპოპეის „გილგამიშ“-ს შორის. ოდისსეა დაწერილი უნდა იყოს ებრაელთა კუმეში დასახლებიდან (XI-ს.) ბერძენთაგან სიცილიის დაქვერამდეო. (VIII-ს. ქრ. შობამდე).

\* \*

**ველური ხალხი.** ელიზე რეკლიუსსიტყვით, ძმ. სარაზენტს ელგებს კუნძულზედ ველური ხალხი აღმოუჩენიათ „ტა-ოტა“, რომელმაც ჯერ ცეცხლის ხმარება არ იცის. მართალია რუსი მოგზაური მიკლუხა-მაკლაი ამტკიცებდა, ახალს გენეაში ამბობენ—ცეცხლის ხმარებას სულ ორი-სამი თაობა არის რაც შევეჩვიენითო, მაგრამ ამას ჯეროვან ყურადღებას არ აქცევდნენ და მეცნიერებაში უეჭვო ქეშმარიტებად იყო მიღებული ის აზრი, რომ უცეცხლო ცხოვრება ადამიანისა დიდი ხნის საქმეა და პირვანდელს, უკვე დავიწყებულს დროებას ეკუთვნის. შემცდარი გამოდგა ეს შეხედულება და დღესაც მოიპოვება დედამიწის ზურგზედ ყოველი დარგის განათლების ხალხი, იმისთანაც კი, რომ ძნელი გადასაწყვეტია—პირუტყვს წარმოადგენს, თუ ქვეყნიერების მეუფედ წოდებულს ადამიანს!

ტა-ოტებმა სამს იქით თვლა არ იციან; სარწმუნოებრივად გრძნობა არა აქვთ; ბუჩქნარში ცხოვრობენ; ხილით და ფესვებით იკვებებიან, ბრძოლისა არა იციან-რა, არც ერთმანერთში, და ჯერჯერობით არც მეზობლებთან. მეტის-მეტად მხდალნი არიან, ცდილობენ—არაფრით გააგებინონ მონადირეებს თავიანთი არსებობა და იმისთანა მოხერხებით იმალებიან, რომ ძალიან გამოცდილნიც ვეღარ მიაგნებენ ხოლმე მათ კვალს.

\* \*

**ქიზნოტიზმი აბაშაში.** მენელიკის მიერ მეტად პატივცემული შვეიცარიელი ბ. ილგი ამტკიცებს, აბაშაში ქურდებს და კაცისმკვლელთ ჰიპნოტიური ძალის წყალობით აღმოაჩენენ ხოლმეო. 12 წლის ბავშვებს იშველიებენ, რომელთაც ლაბასჰა-ს უწოდებენ. ამას წინად აღის-აბადაში ცეცხლი წა-

უკიდეს ერთს სახლს და თუმცა ძალიან ეცადა პოლიცია, და-  
მნაშავე ვერსად იპოვნა. მაშინ ბავში დაიბარეს და პიპნო-  
ტიურად ჩააგონეს—უნდა გვიპოვნო ცეცხლის წამკიდებელიო.  
ბავში წავიდა, ქუჩები გაიარა, მინდორში გავიდა და იქ ერთს  
მუშას დაადო ხელი. მუშა დაიჭირეს და აღიარა კიდევ თავი-  
სი დანაშაული. მეორედ ბავშვს უბრძანეს კაცის-მკვლელის  
პოვნა. ჯერ ეკლესიები დაიარა ბავშვმა, თან, რასაკვირველია,  
პოლიციის მოხელეები დასდევდნენ, მერე რამდენიმე სახლი,  
და ბოლოს ერთ სახლის კართან წამოწვა. იმდროს სახლში არა-  
ვინ იყო. სახლის პატრონი რომ დაბრუნდა, დაიჭირეს. ჯერ  
უარი სთქვა, მაგრამ ბოლოს გამოტყდა და სთქვა—კაცი რომ  
მოვკალ, ჯერ ეკლესიებში ვიარე, მერმე ამ და ამ სახლებში  
ვიყავო... იგივე გზა დაასახელა, რომელიც ბავშვმა გამოიარა.

ფრანგული „საექიმო გაზეთი“ ამობს, ამ საშუალებას სა-  
ფრანგეთშიც ხმარობენო და მაგალითსაც მოგვეთხრობს ამ გვა-  
რად დამნაშავის აღმოჩენისას.

\* \*

**ზიარტყევის გონება.** რომ პირუტყვისაცა აქვს გონება,  
ოღონდ განუვითარებელი, ყველასთვის ცხადია. პანრი კოპენს  
რამდენიმე მაგალითი მოჰყავს დასამტკიცებლად პირუტყვთა მო-  
სახზრებისა, შურისძიებისა და წინაღვე განძრახულ ხუმრობისა.

ზოოლოგიურ ბაღში დამწყვედელი მაიმუნი თავზედ წა-  
მოიცივამს ხოლმე პატარა ქებას, რომლითაც წყალს უდგამენა,  
და იმისთანად იღრიჯება, რომ სიცილით ხოცავს მაყურებელთ.  
მაგრამ ერთი ოჭიცერია მათ შორის, ძალიან ხშირი სტუმარი  
ბადისა, რომელიც არა თუ არ იცინის, პირიქით, აჯავრებს და  
აწვალებს მაიმუნს. აგერ დაინახა მაიმუნმა შორიდგან მომავა-  
ლი თავისი მტერ-მოყვარე, იქვე ტალახი აზილა, ხელში დაი-  
მალა და შიგ პირში მიარტყა ოჭიცერს. რაც უნდა დადონებუ-  
ლი ყოფილიყო მას შემდეგ, იმ ოჭიცერის დანახვა და იმის  
გამხიარულება ერთი იყო.

ერთს ნატურალისტს ძაღლი ჰყავდა, რომელსაც ძალიან  
უყვარდა ფანჯარაში ბუხების სრესა, და თან ძალიან სწყინდა

დაცინვა. ერთხელ, საცდელად, ბუზი რომ გაუფრინდა, სიცილი დავიწყე, მოგვითხრობს იგი, თითქო ჩემმა სიცილმა სიმარდე მოაკლოვო, რამდენსაც გამოეკადა, ყველა გაუფრინდა; მე კი უფრო და უფრო გულიანად ვიცინოდი; რომ ველარას გახდა, პირი წაჰკრა და ვითომ დავიჭირეო, იატაკზედ დასდო, გასრისა, სწორედ ისე, თითქო მართლა გამარჯვებული ბრძანდებოა. მე ფანჯარაზედ მივუთითე, სადაც ბუზი თავისუფლად დანავარდობდა და იატაკზედ, რომელსაც გასრესილი ბუზისა არა ეტყობოდა. აქ კი შეერცხვა ჩემს ძაღლს, კული ამოიძუა და ტახტ ქვეშ შეიმალა.

შეიტლინი ამბობს, ალპის მთებში ვსეირნობდით რამდენიმე კაციო. ერთი ცხენი გამოგვიდგა შორიდან: თქათა-თქუფით წამოვიდა და — არ იქნა, გაგვიტანაო, რადგან ვიწრო ბილიკზედ ვიყავით, უცბად შესდგა, სწორედ ერთი ნაბიჯის მანძილზედ. თითქო მოეწონა ჩვენი შიში, გაბრუობდა, ცოტა დრო მოგვცა დაგშორებულიყავით და ისევ გამოგვეკიდა და ისევ ისე ერთი ნაბიჯის მანძილზედ შედგა. ოთხჯერ გაიმეორა ეს ხუმრობა და, ეტყობოდა, ძალიან სტკებოდა თავის ძალით და უპირატესობითაო.

ერთმა კაპიტანმა ცხარი პილპილი წააყარა კარაქ წასმულ პურს და სპილოს შეიჭამა. ექვსი კვირა დაიცადა — დაავიწყდება, თუ არაო; მერმე მივიდა და ძველებურად ალერსი დაუწყო. ჯერ არაფერი შეიმჩნია სპილომ, მაგრამ კაპიტანი რომ გაბრუნდა, ჭუჭყიანი წყალი ჩაიყენა ხორთუმში და თავით ფეხამდე გაზუნზლა.

ძაღლს ხორცი მოეტაცა და სჭამდა. იქვე ყვავები იყვნენ. ხან აქეთ მოუარეს, ხან იქით, მაგრამ ვერას გახდნენ. ბოლოს, თითქო მოლაპარაკება უნდათ, ერთად შესხდნენ ღობეზედ და ყვას დახილი დაიწყეს; მერმე ორნი ხორცს მიუახლოვდნენ, ერთმა კი უკანიდან მოუარა ძაღლს და ნისკარტი ჩაჰკრა კულში. ძაღლი რომ იმისკენ გაბრუნდა, ხორცი მოსტაცეს და წაიღეს.

# ზინაური მიმოხილვა

## ქერძო თაოსნობის საზოგადოება

სამძიმაო საზოგადოდ იმ ხალხის მდგომარეობა, რომლის ცხოვრებაშიაც რაიმე ღრმა ცვლილება გარედან შემოიჭრება, უცებ,—ადვილობრივ რეალურ ნიადაგის მოუშზადებლად,— იჩენს თავს და იწყებს განვითარებას. ადამიანის გონება ბუნებით ზანტი და კონსერვატორია,—იგი ადვილად ვერ იშორებს ძველ აზრ-შეხედულებას, მალე ვერ ეჩვევა ცვლილებას და ვერ იგებს ახალ ვითარებას. საშუალო ადამიანი ხშირად ისევ ძველებურად სჯის და აზროვნობს, ძველის წესით ცხოვრობს და მოქმედობს და სრულებით ვერ ამჩნევს, რომ სოციალური ცხოვრება ძირიან-ბუდიანად შეიცვალა და საზოგადოებაში ახალი ურთიერთობა და დამოკიდებულება დამყარდა. მას ჰგონია, ისევ წინანდელს ნიადაგზე დგას, მაშინ როდესაც ცხოვრების ახალი ვითარება ფეხიდან აცლის ამ ნიადაგს და საექვოდ ჰხდის მთელს მის არსებობას. იგი იკვებება ძველებურ ოცნებით, თავს იტყუებს უნიადაგო იმედით, ეძლევა გონებრივს სიზანტეს და უდარდებლობას,—და ეს სწორედ მაშინ, როცა გარემოება მოითხოვს მეტს სიფხიზლეს და დაკვირვებას, თავის მდგომარეობის გულდადებით აწონ-დაწონვას და სავსებით შეგნებას.

ასეთი სიფხიზლის ნაკლებობა და მძინარობა ემჩნევა დღეს ჩვენი ძირითად საკითხების შესახებ ქართველ „საზოგადოებას“. თანამედროვე ცხოვრებაში არის ბევრი ისეთი გარემოება, რომელიც აბრკოლებს ჩვენს ხალხოსნურ წარმატებას და საფრთხეში აგდებს ჩვენს ეროვნულ არსებობას. და ამ დროს კი ჩვენ

ვიჩნთ სრულს უზრუნველობას, ფიქრად არ მოგვდის დაფუკვირდეთ საერთო მდგომარეობას და ვეცადოთ შეერთებულის ძალით ბრძოლას და დაბრკოლებასთან გამკლავებას. ნაცვლად მოქმედებისა, ძვირფას დროს მარტო ლაპარაკში ვატარებთ, აღძრულ შავ ფიქრებს წარსულის მოგონებით ვაძინებთ და გულს უნიადაგო ოცნებით ვიოხებთ. ჩვენში მოიპოვება არა ერთი და ორი „განათლებული“ კაცი, რომელიც მარტო იმ საფუძვლით, რომ ძველად საქართველოზე ათასი რჯულის ხალხს გადაუვლია, მაგრამ ქართველი ხალხი მაინც ქართველად დარჩენილა და ხალხოსნობა არ დაუკარგავს, ნეტარს სიმშვიდეს ეძლევა და ჰფიქრობს, რომ ჩვენს ეროვნებას მერმისშიაც არ მოეღოს არავითარი განსაცდელი და დაბრკოლება. თურმე ასეთ დამამშვიდებელ გაკვეთილს იძლევა ჩვენი ისტორია და წარსული ცხოვრება. ტყვილად დაუწყებთ ასეთ ოპტიმისტს მტკიცებას, რომ დრო და გარემოება გამოიცვალა, რომ ეხლა რკინის გზისა და ტელეგრაფის ხანაა, სხვა და სხვა ხალხთა მოძრაობა ადვილი და ხშირია, უცხოს გავლენა საკუთარს თავისებურობაზე დიდი და ძლიერია, რომ „ისტორიის“ შემდეგ ეკონომიური წესი და განწყობილება შეიცვალა და ეხლა ხალხის დაპყრობა და სულიერად თუ ეკონომიურად დამონაგება უთოფ-ზარბაზნოდაც შეიძლება, — ტყვილად დაუწყებთ მეთქი ყველა ამაებზე ლაპარაკს: იგი მაინც წარსულს ეპოტინება და იქ ეძებს თავის უაზრობის საბუთს და დამტკიცებას.

სამწუხაროდ, — და, შეიძლება, სასიამოვნოდაც, — პირადად ჩვენ ვერ თანავუგრძნობთ ამგვარ დამაძინებელ ოპტიმისტობას. პირიქით; ჩვენი დღევანდელი მდგომარეობა მიგვაჩნია ფრიად სერიოზულად და ღრმად დამაფიქრებლად... და ყოველი ჩვენგანის მოვალეობაა, ნამდვილი ვითარების არა დაფარვა და მიფუჩეჩება; არამედ საჯაროდ გამოცხადება და საზოგადოებრივის შეგნებისა და თვით-ცნობიერების გაღვიძება ავადმყოფს უნდა უთხრან და გააგებინონ დროზე მისი სენი და დაავადება, რომ მან შესძლოს ღონისძიების ხმჯრება;

ძალის მოკრება და სენისგან განკურნება. მიუხედავად მრავალგვარ დაბრკოლებისა, ჩვენი სენი არც ისე უიმედოა, რომ მხნეობითა და ენერგიული მუშაობით არ შეიძლებოდეს მისი ძლევა და ჩვენი ხალხოსნური პოზიციის უფრო გამაგრება და განმტკიცება. მხოლოდ საჭიროა. შრომა, კიდევ და კიდევ შრომა, მუყაითობა, შეგნებული და მიზან გათვალისწინებული მოქმედება, რომელიც ასე არ გვიყვარს ჩვენ და რომელსაც უნდა დავეჩვიოთ უეჭველად. ენერგიული მუშაობა სასწაულს ახდენს სხვა ხალხებში, — ამის მაგალითს მკითხველი ქვევით დაინახავს, — და ასევე ნაყოფიერი იქნება იგი ჩვენშიაც. შეთანხმებულ მოქმედებას ბევრი რამ შეუძლია, — ხშირად იგი, აღფრთოვანებული საერთო იდეით და მისწრაფებით, სძლევს ისეთ დიად დაბრკოლებას, რომელიც კაცს ერთის შეხედვით ეჩვენებოდა უძლეველად და მოწინააღმდეგის შემმუსვრელად. ჩვენშიაც საზოგადო საქმეები, რომელნიც მოითხოვენ შეერთებულ ძალ-ღონით მუშაობას, მრავალთ მრავალია და ამათში ბევრი ისეთი, რომელიც ჩვენი ეროვნულ თვით-არსებობის ძირითად საკითხს შეადგენს და ამიტომ ღირსია განსაკუთრებულის ინტერესის და ყურადღებისა. ჩვენ გვინდა დღეს ერთ ამგვარ საკითხზე მივუთითოთ მკითხველს და გავაცნოთ, თუ რა და როგორ უმოქმედნია ამისთვის ერთ-ერთ უცხოეთის ხალხს. ეს საგანია — ტერიტორიის დაცვა საქართველოში და ადგილ-მამულის შერჩენა ქართველებში.

ვურც ერთი ხალხი ვერ იარსებებს, ვითარცა ერი, თუ მას არ აქვს მიწა-წყალი, არ აქვს განსაზღვრული ტერიტორია. ტერიტორია ერთი პირობათაგანია ეროვნულ არსებობისა და განვითარებისათვის. „სამშობლოს არსებობისათვის — სწერს ლუი ლეგრანი (*L'Idée de patrie*, გვ. 39—40), — საჭიროა ტერიტორია, რომელზედაც აღმოცენებულა და განვითარებულა ეროვნული ცხოვრება. ეულ ხალხებს, რომლებიც შიმშილისა თუ ფანტაზიის მიხედვით ხან ერთ ადგილას გაიკეთებენ ზომე კარებს და ხან მეორეს, არ აქვთ სამშობლო. ეგვიპტიდან გამოსვლის შემდეგ ისრაელები სამშობლოს მოკ-

ლებული იყვნენ, სანამ პალესტინაში არ დასახლდნენ: იმათ, ვითარცა ისრაელებს, აღარ აქვთ სამშობლო მას შემდეგ, რაც იძულებული გახდნენ იუდეა მიეტოვებინათ და მთელი დედამიწის ზურგზე გაფანტულიყვნენ... გეოგრაფიულ პირობებს დიდი მნიშვნელობა აქვს. ცა, ჰავა, ნიადაგის მოყვანილობა, მიწის კულტურა—ყველა ეს აძლევს მხარეს იმ ფიზიკურ სახეს, რომლითაც ჩვენ მას ვხედავთ და გვიყვარს. ამისთვის საჭირო არაა, რომ მზე იყოს ბრწყინვალე, ჰავა რბილი, ნიადაგი მდიდარი და ნოყიერი. პირიქით, შემჩნეულია, რომ ადამიანი მით უფრო ეკვრის თავის სამშობლო მიწას, რაც უფრო უმაღურია იგი. შვეიცარიელს უყვარს თავისი მთები, ჰოლანდიელს ჭონჭყოები, რუსს გაყინული უდაბნოები. ტერიტორიას, იმის მიხედვით, სწორეა იგი თუ მთებიანი, წყლიანია თუ უწყლო, ღარიბი თუ მდიდარი, ცივი თუ ზომიერ ჰავის მქონე, მადნებიანი თუ მარტო მცენარეულობის მომცემი,—გავლენა აქვს მცხოვრებთა ზნე-ხასიათზე და ეკონომიურ მოქმედებაზე. იგი ჰქმნის თუ სცვლის დიდ წილად ეროვნულ ფიზიონომიას და აძლევს მას განსაზღვრულ გამოხატულობას“.

ტერიტორიას სხვა კიდევ უფრო დიდი და მრავალმხრივი მნიშვნელობა აქვს ხალხისათვის, მაგრამ ყველა ამის აღწერას და გარკვევას ჩვენ აქ ვერ გამოვუდგებით, რადგან ეს შორს წაგვიყვანს და მახლობელ საგანს აგვაცდენს. უამისოდაც, გვგონია, ნათელი და უცილობელი უნდა იყოს ყველასათვის, რომ მიწა, ადგილ-მამული, ვითარცა ბუნებრივი ნიადაგი (Standort) საზოგადოდ ადამიანის ყოველგვარ მოქმედებისა, აუცილებელი საფუძველია ხალხისათვისაც, რომელსაც უამისოდ არ ძალუძს აღორძინება და განვითარება. ეს კი არა, შეიძლება, ზოგიერთ მკითხველს ეხამუშოს კიდევ, რომ ასეთ საანბანო ჭეშმარიტებას ვიმეორებთ, და გაუკვირდეს მხოლოდ, რომ ამ—ჩვენში მაინც—მშვიდობიანობისა და მყუდროების დროს ტერიტორიის „დაცვასა“ და „ბრძოლაზე“ ლაპარაკს ვიწყებთ. კარგა ხანია, ჩვენში ისტორიული ბრძოლა შესწყდა, ახლა მტერი გარედან თავს აღარ გვესხმის და თოფ-ზარბაზნის სა-

შუალებით ადგილ-მამულის წართმევას არ გვიქადის. ამიტომ თითქოს უცნაური უნდა იყოს მამულის დაცვაზე ლაპარაკი, როცა არც სპარსეთი და არც ოსმალები არ გვემუქრებიან და არ ცდილობენ გამოგვეტაცონ ხელიდან ის, რასაც ჩვენი წინაპრები თავგანწირულად იცავდნენ საუკუნეების განმავლობაში.

მაგრამ ეს უცნაურად ეჩვენება მხოლოდ იმას, ვინ თავისი აზრ-შეხედულებით ჩაფლულია საშუალო საუკუნეებში და ნაკლები ცოდნა-შეგნება აქვს თანამედროვე ცხოვრებისა და ურთიერთობის. ძველად მტერი, მართალია, ხშირად იპყრობდა ჩვენს ქვეყანას და ბატონდებოდა პოლიტიკურად, მაგრამ ხელ შეუხებლად სტოვებდა ხალხის ეკონომიურ წყაროს, მიწა-წყალს, და საერთოდ ხალხოსნობის მთავარ საფუძველს, — ტერიტორიას. მაშინ ისეთი ეკონომიური წყობილება იყო, რომ დამპყრობელს არ შეეძლო სხვა ნაირად ესარგებლა დაპყრობილი ქვეყნით, თუ არ ხარჯის დადებით და მცხოვრებთაგან გადასახადის აკრეფით. მიწა, მამული რჩებოდა ხელში ისევ მწარმოებელს თუ მეპატრონეს და თავისუფლად შეეძლო ისევე წარემართა მისი შემუშავება, როგორაც ამუშავებდა წინედ, — დამოუკიდებლობის დროს. ვერავითარი საშუალება ეკონომიურის ხასიათისა, თუ არ ძალმომრეობა (მაგალ., გაძევება ან მამულის კონფისკაცია), ვერ დააშორებდა ერთმანეთს მიწასა და მიწათ-მფლობელს და ვერ გახდიდა უკანასკნელს უმამულოდ და ბოგანოდ; ვერ გახდიდა, რადგან მაშინ მამული იყო ქონება უძრავი, უძრავი არა მარტო ბუნებრივად, ე. ი. მისი აღება და ადგილიდან დაძვრა არ შეიძლებოდა, არამედ უძრავი ეკონომიურადაც. ნატურალურ მეურნეობის ხანაში ყოველ ხალხს თავისი საკუთარი ეკონომიური ცხოვრება აქვს, რომელიც მოკლებულია უცხოეთთან კავშირს და დამოკიდებულებას. პოლიტიკურ დამოუკიდებლობის დაკარგვის დროსაც დაპყრობილი მხარე განაგრძობდა წინანდელ წარმოების წესით მუშაობას და ძველებურს ეკონომიურ ცხოვრებას. გადასახდელ ხარკზე



მეტი, რომელსაც იძლეოდა ადგილობრივი შომა და წარმოება, ისევ ადგილობრივ რჩებოდა და არჩენდა როგორც მიწათ-მფლობელს, ისე უმამულო მშრომელ ხალხს. ერთის სიტყვით, ძველ დროში მხარე, დაპყრობილი პოლიტიკურად, რჩებოდა თავისუფალი და უცხოთაგან დამოუკიდებელი ეკონომიურად.

მაგრამ მას შემდეგ გარემოება შეიცვალა და დღეს ყველამ უნდა იცოდეს, რომ ამ ჩვენს დროში შესაძლებელია ხალხის როგორც პოლიტიკურად დაპყრობა, ისე მისი ეკონომიურად დამონავებაც. შესაძლებელია ეს იმიტომ, რომ ძველი კარჩაკეტილი ცხოვრება მოისპო და ყველგან ესრედ წოდებული ფულის მეურნეობა განვითარდა და მისი შესაფერი ეკონომიური ურთიერთობა და განწყობილება დამყარდა. ამ განვითარების სავსებით გარკვევა და გათვალისწინება ფრიად საინტერესო და საგულისხმოა, და, იქნება, სხვა დროს როდისმე კიდევ დაეუბრუნდეთ ამ საგანს. ამ ჟამად-კი ჩვენი მსჯელობა შეეხება უმთავრესად ტერიტორიას და მამულის საეროვნო ვითარებას. და ეს ვითარება სრულებით არა ჰგავს ძველ დროისას, როცა არ არსებობდა არც თანამედროვე აღებ-მიცემობა და არც ყოველ ნაწარმოებისა და ქონების საბაზროდ გახდომა. დღეს, შეიძლება, ვთქვათ, აღარ არის უძრავი ქონება და ფლობელობა, — ყველაფერი მოძრავი გახდა, ელვის სისწრაფით გადადის ხელიდან ხელში, ეცვლება მუდამ პატრონი და ფლობელობითი დანიშნულება. დღეს სულ რამდენისამე წუთის განმავლობაში შეუძლია ბერლინელს გინდ ლონდონელს პატრონი და მოსარგებლე გახდეს იმ მამულისა, რომელიც მდებარეობს საქართველოში, რუსეთში და გინდ ამერიკის რომელსამე შტატში. ასევე სწრაფად და ადვილად შეუძლია მას შეძენილი მამული მოიშოროს და სამაგიეროდ სადმე სხვას. დაეპატრონოს. ის, რაც ძველად იყო შეუძლებელი, ეხლა შესაძლებელიცაა და ადვილად მოსახერხებელიც. ამას მკითხველი დაახლოვებით წარმოიდგენს შემდეგი მაგალითითდანაც, რომელიც მამულის დაგირავების გარემოებას

შეეხება და რომელსაც ჩვენ, გაგების გაადვილების გულისათვის, ვამოკლებით და ძალზე ვამარტივებთ.

როგორც იცით, ფულის საშოვნელად მემამულე მიჰმართავს ხოლმე ბანკს და, მამულის დაგირავებით, იღებს იქიდან სესხს. იგი ვალდებული ჰხდება, თუ მამული გაჰყიდა, ბანკის ვალი სრულიად გაისტუმროს, ხოლო სანამ არ გაუყიდნია და მის ხელშია, ყოველ წლივ იხადოს მიღებულ ფულის სარგებელი და თან განსაზღვრებული შესატანი ვალის გადასაწყვეტად (ამორტიზაცია). ასრულებს-რა ყველა ფორმალურ მოთხოვნებს, იგი იღებს ფულს და მალე მეჯლისში შექეიფიანებული მხიარულად დაჰლიძინებს „საქართველო ჩვენია“-ს და აზრადაც არ მოსდის, თუ ვის ხელში გავიდა ფაქტიურად საქართველოს ტერიტორიის ის ნაწილი, რომელიც აქამდის მას ეკუთვნოდა იურიდიულის უფლებით და რეალურ სარგებლობითაც. ის ფული, რომელიც მემამულეს სესხად მიაქვს, ბანკს საკუთრებად არ მოეპოვება. მისი საკუთარი თანხა მოთხოვნილებასა და საჭიროებასთან შედარებით სრულიად მცირე და უმნიშვნელოა. ბანკმა თავის მხრით უნდა მიჰმართოს ფულიან კაცებს და იმათგან მოიპოვოს საჭირო კაპიტალი. ამისთვის იგი გამოსცემს ხოლმე ესრედ წოდებულ გირავნობის ფურცლებს, რომლებიც იმის მაჩვენებელია, რომ ბანკს გირავლ მიღებული მამულები მოეპოვება და, მაშასადამე, ფულის პატრონს მასზე გასესხებული ფული ვერ დაეკარგება. ამ ფურცლებს ყიდულობენ ისინი, — ჩვეულებრივ კაპიტალისტები, — რომლებსაც თავისუფალი ფული აქვთ და ფულის გასესხებით სარგებლობის მიღება სწადიათ: გირავნობის ფურცლის საფასო ფული შემოდის ბანკის კასაში, ხოლო თვით ფურცელი, ვითარცა თამასუქი, ინახება კაპიტალისტის პორტფელში, საიდანაც მხოლოდ დრო გამოშვებით ამოიღებს პატრონი, რომ მაკრატელი გაათამაშოს, კუპონი მოსჭრას და გასესხებულ ფულში ვადაზე სარგებელი მიიღოს ბანკებიდან. ეს ის სარგებელია, რომელიც უნდა იხადოს წლიურად მემამულემ, — თავის მამულ-დედულის დამგირავებელმა.

ამ სახით, როგორც ხედავთ, ადგილობრივი ბანკი მხოლოდ შუამავალია მემამულეებსა და კაპიტალისტებს შუა. პირველნი, ბანკის საშუალებით, აძლევენ უკანასკნელთ სესხის სარგებელს და უხდიან ნაწილ-ნაწილ ვალსაც. ამ დამოკიდებულებაში ძალიან ადვილია მოვალეების ცნობა და გაგება, მაგრამ ეგვე არ ითქმის მევალეების ე. ი. ფულის გამსესხებელთ შესახებაც. ესენი, შეიძლება, მთელი დედამისის ზურგზედ იყვნენ გაფანტულნი და ჩამომავალობით ეკუთვნოდნენ ათასგვარ ხალხს და ეროვნებას. გირავნობის ფურცლების ყიდვა ყველას შეუძლია, ვისაც აქვს სურვილი და თან შეძლებაც და, მაშასადამე, ყველა ჯურის ფულიან ხალხს აქვს შეძლება გახდეს მოსარგებლე ე. ი. ფაქტიურად მფლობელი იმ მამულისა, რომელსაც დავალიანებული მესაკუთრე ანუ პატრონი *de jure* თავისად სთვლის და ამის გამოისობით თავისი თავი მართლა მემამულე ჰგონია. შემოსავალი მემამულისა, როცა იგი, როგორც ეს, მაგალითად ჩვენშია, მართო თავის ფლობელობითი უფლებით სარგებლობს, თვითონ წარმოებს არ ეწევა, არამედ მამულს საღალოდ ან საიჯაროდ აძლევს სხვას, მხოლოდ მიწის რენტაა და სხვა არაფერი. ეს რენტა დაახლოვებით ეთანასწორება იმ ღალას ან საიჯარო ქირას, რომელსაც მიწის შემმუშავებელი აძლევს მას. და საზოგადოდ მიწის ფასიც რენტის კვალობაზე იანგარიშება და ამავე საფუძველით აფასებს ბანკიც, როცა მამულს იღებს გირაოდ ვინმესაგან. მართალია, ბანკები სესხად იმდენსავე არ იძლევიან, რამდენადაც მამული დაფასდება (50 — 60%), მაგრამ მოგებსენებათ, სესხის მძებნელი მემამულე ყოველი საშუალებით ცდილობს დაფასების დროს შემოსავალი დიდად გამოაჩინოს და ამის მიხედვით შემდეგ სესხიც მეტი მიიღოს. და მომატებულ სესხს, რასაკვირველია, მეტი სარგებლის შეტანით უნდა პასუხის გაცემა და გასწორება.

ერთის სიტყვით, ყოველ ექვს გარეშეა, რომ მემამულე, თუ მთელ რენტას არა, რენტის უდიდეს ნაწილს მაინც იხდის ნასესხებ ფულის სარგებლად და ვალის გადასაწყვეტად. და

ეს კი იმის მომასწავებელია, რომ მან, ვითარცა მემამულემ, დაჰკარგა თავისი ფუნქცია და გაჰხდა უბრალო მმართველი კაპიტალისტისა, რომელსაც იგი რენტას უგროვებს და დანიშნულ ვადაზე აძლევს ვალის სარგებლად. სახელად მას მიწათ-მფლობელი ეწოდება, ხოლო სახრავად-კი მისი მამული სხვისია, --- კაპიტალისტისაა, რომელიც, ვინ იცის, სად სცხოვრობს და ჩვენგან აღებულ სარგებელს რომელ მხარესა და ხალხში ხარჯავს.

ცხადია ამიტომ, რომ საქართველოს მამულების დავალიანება ყურადღების ღირსია არა მარტო იმათგან, ვისაც ეს პირადად შეეხება, არამედ იმათგანაც, ვინც ბანკის სარგებელს არ იხდის, მაგრამ ჩვენს საერთო სოციალ-ეკონომიურ ყოფამდგომარეობას უკვირდება და საზოგადოებრივ საკითხებს შეგნებითა და ინტერესით ეკიდება. ჩვენს მწერლობაში არა ერთხელ გვსმენია გულის ტკივილით აღსავსე მოთქმა ამ დავალიანების გამო, მხოლოდ არასოდეს არ შეგვხვედრია სასტატისტიკო ცნობები, რომლებიც ჰხატავდნენ ამ ეკონომიურ მოვლენის სიდიდეს და განვითარებას. ეს კი აუცილებლად საჭიროა საგანზე ნამდვილ და სწორე წარმოდგენის შესადგენად. ზეპირად ლაპარაკი და წერა არ კმარა იქ, საცა საჭიროა ფაქტის სავსებით აღნიშვნა და მისი სისხო-სიდიდის უმეტესაკლებოდ გათვალისწინება. ასეთი ცნობები, რომლებიც აღნიშვნენ ციფრებით მამულების დავალიანებას ჩვენში, დღეს უკვე მოიპოვება და, ვგვონია, უსარგებლო არ იქნება გავაცნოთ ისინი ჩვენს მკითხველსაც. რა თქმა უნდა, ეს ციფრები სრულიად სწორი და უტყუარი არაა და გარდა ამისა არც ჰხატავს სავსებით დავალიანების სიდიდეს: ტფილისის, გუბერნიისათვის ჩვენ გვაქვს ცნობები მარტო თავად-აზნაურთა ვალების შესახებ, ხოლო ქუთაისის გუბერნიის შესახებ 1898 წლის შემდეგი სტატისტიკური ციფრები არაა გამოქვეყნებული. მიუხედავად ამისა, შემდეგი ცხრილი დაახლოვებით მაინც წარმოგვიდგენს სურათს ადგილ-მამულების დავალიანებისას საქართველოში.

გუბერნია და მაზრები	რიცხვი დაი- რავებულ მუღლებს	სივრცე დაი- რავებულ მუღლების დესეტი.	დაფსება და- გირაფებულ მამულებისა მა.	ბატემული მან.	კალი 1 იანვ. 1903წ. მან.
<b>ტფილისის გუბერნია</b>					
1. ახალციხის მაზრა . . .	2	1020	20000	16000	9770
2. ბორჩალოს " . . .	98	114788	4.731504	2.751047	2.696340
3. გარის " . . .	434	90276	3.717062	1.979625	1.931966
4. დუშეთის " . . .	87	18527	741855	436195	378211
5. სიღნაღის " . . .	81	17613	992597	501430	485956
6. თელავის " . . .	114	39138	1.604909	858589	831357
7. თიანეთის " . . .	40	21953	654627	357400	347831
8. ტფილისის " . . .	150	55828	2.067054	1.124652	1.075434
<b>სულ გუბერნიაში</b>	<b>1006</b>	<b>359143</b>	<b>14.529680</b>	<b>8.018938</b>	<b>7.756865</b>
					(1 იანვ. 1898 წ.)
<b>ქუთაისის გუბერნია</b>					
1. ქუთაისის მაზრა . . .	499	8087	2.113687	1.025800	957227
2. ზუგდიდის " . . .	27	9019	567300	223200	206642
3. ლენხუმის " . . .	9	2899	63800	18200	15680
4. ოზურგეთის " . . .	42	3231	613331	319000	311609
5. რაჭის " . . .	49	3379	140400	64300	59794
6. სენაკის " . . .	99	3186	717470	379900	366888
7. შორაპნის " . . .	335	12195	1.148200	543700	512835
8. სოხუმის ოლქი . . .	12	4871	258600	104900	103760
<b>სულ გუბერნიაში</b>	<b>1072</b>	<b>46867</b>	<b>5.622788</b>	<b>2.679000</b>	<b>2.534435</b>
<b>სულ ორივე გუბერნიაში . . .</b>	<b>2078</b>	<b>406010</b>	<b>20.152396</b>	<b>10.697937</b>	<b>10.291300</b>

როგორც ხედავთ, ტფილისის გუბერნიაში დაგირავებულია სულ 359 ათასი დესეტინა თავად-აზნაურთა მამული. საერთო სივრცე თავად-აზნაურთა მამულებისა ამ გუბერნიაში შეადგენს 1 მილიონ დესეტინას. მაგრამ თუ მივიღებთ მხედველობაში, რომ აქ, გარდა ქართველ მემამულეებისა, არიან მიწათ-მფლობელნი სხვა ეროვნების წარმომადგენელნიც, რომელნიც ამავე წოდებას ეკუთვნიან, მაგრამ, ქართველობასთან შედარებით, ვითარცა უფრო შეძლებულთ და ყაირათის მცოდნეთ; ნაკლები ვალი ადევთ, შეგვიძლია ვივარაუდოთ, რომ აქ ქართველ თავად-აზნაურობის მამულების ნახევარი დაგი-

რავებულება ბანკებში. ამასთან არ უნდა დავივიწყოთ, რომ ეს ციფრები შეეხება მხოლოდ თავად-აზნაურთა მიწათ-ფლობელობის დავალიანებას. საერთო ჯამი დავალიანებულ მამულებისა, რასაკვირველია, უფრო დიდია. ჩვენ არა გვაქვს ხელთ ახალი ცნობები, რომლებიც ამ მოვლენის ეხლანდელ მდგომარეობას ასურათებდეს. სტატისტიკურ კომიტეტის ცნობებით 1897 წლის ბოლოს სულ ყოფილა დაგირავებული ბანკებში 710099 დესეტინა ტფილისის გუბერნიის ყველა წოდების კერძო მესაკუთრეთა მამულები.

ქუთაისის გუბერნიაში მამულების დავალიანება ბევრად ნაკლებია, ვიდრე ტფილისისაში, რაც, სხვათა შორის, იმით აიხსნება, რომ იქ მეტად წვრილი მიწათ-ფლობელობაა გავრცელებული. დაგირავებულ მამულების სივრცვა 47 ათასი დესეტინა, ხოლო ვალის რაოდენობა  $2\frac{1}{2}$  მილიონი. ორივე გუბერნიაში-კი მემამულეთა ვალი აღემატება 10 მილიონს. ამ ფულში ისინი იხდიან ვალის გადასაწყვეტად, სარგებლად თუ სხვა და სხვა ნედრობებისა და ჯარიმების გასასწორებლად  $1\frac{1}{2}$  მილიონ მანეთს ყოველ წლიურად.

აი, ასეთი სამსახური გაუწია ბრწყინვალე წოდებამ სამშობლოს მე-XIX საუკუნის მეორე ნახევარში. 10 მილიონი მანეთი ათი კაპეიკი არ არის;—ამოდენა კაპიტალს რაიმე კვალი უნდა დაეჩინა ჩვენს სასოფლო მეურნეობაში, რაიმე ცვლილება და გაუმჯობესება უნდა შეეტანა სამეურნეო წარმოებასა და საზოგადოდ სოფლის ცხოვრებაში. მაგრამ არც ერთი ეს არ მომხდარა,—ეს ამოდენა ფული გაიფლანგა სრულიად უნაყოფოდ და უსარგებლოდ უაზრო ფუფუნებაში და უმიზნო ხეტიალში. და ეხლა, როცა დაუფიქრებლად აღებულ ვალის სიმძიმე დააწვა კისერზე, ჯიბე-ცარიელი მემამულე დიდ ჯან-წყვეტაშია და აღარ იცის, სანამდის მოახერხებს შეინარჩუნოს ხელში მამა-პაპისაგან საუკუნეების განმავლობაში სისხლით დაკული და იარაღით შენახული მამული. იგი ცდილობს, რასაკვირველია, ბანკებში სარგებლის ვადაზე შეტანას იმ იმედით, რომ ის ცოტა შემოსავალი, რომელიც მას

რჩება სარგებლის გადახდის შემდეგ, არ დაჰკარგოს და სრულიად მშრალზე არ დარჩეს. ამისთვის იგი არ დასდევს საშუალების სიავე-კარგეს, ადიდებს ღალა-იჯარას, მამულის რენტას, და ამ ნაირად მომეტებულ ხარკსა და გადასახადს ადებს გლეხობას და საზოგადოდ მიწათ-მომქმედ ხალხს. ჯერ მან, თავის ხან-მოკლე ფუფუნებისა და სიამოვნების გულისათვის, არ დაჰზოგა საკუთარი მამული, დაჰკარგა დამოუკიდებლად ცხოვრების საშუალება, და ეხლა ვითომ იმ შეცდომის გასასწორებლად არ ჰზოგავს ხალხის ძალ-ღონეს და შეძლებას, რომელიც თავის ოფლითა და მუშაობით არჩენს მას და არჩენს თავის თავსაც.

მამულის დავალიანება ისეთი მოვლენა არ არის, რომელიც ვითომ მარტო ჩვენში იყოს და სხვა ხალხებში არ არსებობდესო, — იტყვის ვინმე. მართალია. ჰიპოტეკური დავალიანება მემამულეებისა დიდია როგორც რუსეთში, ისე დასავლეთ ევროპის სახელმწიფოებშიაც. მაგრამ ამ საფუძვლით არ შეიძლება ვთქვათ, რომ ვითომ ეს მოვლენა ერთნაირის საზომითა და აზრით გასასჯელი იყოს სხვაგან და ჩვენშიაც. ჩვენში დავალიანება სწარმოებს ისეთ პირობებსა და გარემოებაში, რომელიც, ეროვნულ ინტერესის მხრით, განსაკუთრებულ მიმართულებასა და მნიშვნელობას აძლევს მიწის დაგირავებას და მამულზე ვალის დადებას. გერმანიაში, მაგალითად, მემამულეთა მევალეები, რომელთაც ხელში უჭირავთ გირავნობის ფურცლები და მიწათ-მფლობელებზე ფული აქვთ სესხად გაცემული, არიან გერმანლები, — იმავე ერის შვილები. მაშასადამე, ტერიტორიის ფლობელობა ისევ გერმანელებში რჩება და უცხოელების ხელში არ გადადის. სულ სხვაა ჩვენში. გვგონია, არ შევსცდებით, თუ ვიტყვი, რომ იმ კაპიტალისტებში, რომლებსაც, ბანკების საშუალებით, ჩვენს მემამულეებზე სესხი აქვთ გაცემული, არ ურევია ათიც, რომელიც ქართველ ერს ეკუთვნოდეს და, მაშასადამე, ამ შემთხვევაში ქართულ ინტერესის წარმომადგენელი იყვეს. ქართველების მევალეები სულ უცხო ტომის ხალხს ეკუთვნიან და ეს უცხონი არიან საქართველოს დავალიანებულ მამულების მოსარგებლენი და ფაქტიური მფლობელები.

შეიძლება, აქ მკითხველმა შემდეგი შენიშვნა მოგვეცეს: მართალია, მევალებები უცხონი არიან და ამიტომ ბანკებში შეტანილი სარგებელიც უცხოთა ჯიბეში მიდის, მაგრამ ცოტა რამ ჩვენშიაც რჩება. მემამულეთაგან შეტანილ გადასახადის ის ზედმეტი, რომელიც რჩება მევალებთა სარგებლის გასტუმრების შემდეგ, ჩვენი ბანკების მოგებად ირიცხება და სხვა და სხვა საზოგადო საჭიროებათ ხმარდება.

წარმოიდგინეთ, ჩვენ ამ მხრივაც არა ვართ სასურველ მდგომარეობაში. როგორც იცით, ჩვენში არსებობს სამი საადგილ-მამულო ბანკი, რომელიც იღებს გირაოდ მამულებს და აძლევს სესხს მიწის პატრონებს. ესენია: სათავად-აზნაურო ბანკები ტფილის-ქუთაისში და სახელმწიფო სათავად-აზნაურო ბანკის განყოფილება ტფილისში. სტატისტიკური ცნობები გვიჩვენებს, რომ მამულების უმრავლესობა დაგირავებულია არა „ჩვენს“ ბანკებში, არამედ სახელმწიფო სათავად-აზნაურო ბანკის განყოფილებაში. ამას მკითხველი შემდეგი ციფრებიდან დაინახავს.

რომელ ბანკშია დავი- რავებული.	რამდენი მამული	რამდენი ლე- სეცინა	დაფასებული მან.	გაცემული სესხი მან.
<b>ტფილისის გუბერნიაში:</b>				
სახელმწ. ბანკის განყ.	382	217951	8.990308	5.424400
ტფილისის სათ.-აზნ.	621	140588	5.506000	2.577938
ქუთაისის სათ.-აზნ.	3	604	33300	16600
სამივეში	1006	359143	14.529608	8.018938
<b>ქუთაისის გუბერნიაში:</b>				
სახელმწ. ბანკ. განყ.	54	10145	1.823688	1.016600
ტფილისის სათ.-აზნ.	12	6237	245600	121500
ქუთაისის სათ.-აზნ.	1006	30485	3.553500	1.540900
სამივეში	1072	46867	5.622788	2.679000
<b>ორივე გუბერნიაში:</b>				
სახელმწ. ბანკ. განყ.	436	228096	10.813996	6.441000
ტფილისის სათ.-აზნ.	633	146825	5.751600	2.699438
ქუთაისის სათ.-აზნ.	1009	31089	3.586800	1.557500
სამივეში	2078	406010	20.152396	10.697938



ცხადად ხედავთ, რომ მამულების უმრავლესობა დაგირავებულია არა ტფილისისა და ქუთაისის სათავად-აზნაურო ბანკებში, არამედ სახელმწიფო საადგილ-მამულო ბანკის განყოფილებაში. ეს საკრედიტო დაწესებულება მხოლოდ 1890 წელს გაიხსნა ჩვენში და მას შემდეგ დიდ კონკურენციას უწევს ადგილობრივ თავად-აზნაურობის ბანკებს. იგი შედარებით უფრო ძვირადაც აფასებს მამულებს, მეტ სესხსაც აძლევს (დაფასების 60<sup>0</sup>/0-ს, ნაცვლად სხვა ბანკების 50<sup>0</sup>/0-ისა) და სარგებელსაც ნაკლებს ახდევინებს დამგირავებელს. ეს პირობები ხელს უწყობს, რასაკვირველია, რომ მემამულეებმა უფრო იქ დააგირავეონ თავისი მამულები. და ეს კი იმას ნიშნავს, რომ „ჩვენს“ ბანკებს აკლდება სოფლიდან კლიენტები და ამიტომ აკლდება ამ მხრით საზოგადო საჭიროებაზე მოსახმარი შემოსავალი და სარგებელი.

რა თქმა უნდა, როცა ისეთი ეკონომიური წყობილება მყარდება, რომელშიაც უძრავი ქონება, ასე ვთქვათ, მოძრავად გარდაიქმნება, მისი მობილიზაცია ჰხდება და სააღებ-მიცემო საგნად იქცევა, ხშირი უნდა იყოს მიწის ყიდვა-გაყიდვა და მამულით ვაჭრობა. გადაჭარბება და შეცდომაა, რასაკვირველია, თუ ვინმე ჰფიქრობს, რომ ეს მობილიზაცია ჩვენში საადგილ-მამულო ბანკების დაარსებამა და მოქმედებამ გააჩინა და გააძლიერა. მაგრამ იმის უარისყოფა კი არ შეიძლება, რომ ბანკების არსებობა და ჰიპოტეკურ კრედიტის შოვნის გაადვილება ხელს უწყობს ამ მოვლენის გახშირებას და განვითარებას. მემამულეს ხშირად დროზე ბანკის სარგებელი ვერ შეაქვს; აქ ძველებურ „მადროვეს“ ძახილი აღარ შეიძლება, — ბანკი საჯარო ვაჭრობას ნიშნავს და მის მამულს იმაზედ ჰყიდის, ვინც მეტ ფასს შეაძლევს და დარჩენილ ნედლომკას ნაღდად გადაიხდის. ყველამ იცის, რომ წელიწადში ორჯერ გაზეთები ივსება განცხადებებით, რომლებშიაც ბანკები ქვეყანას აგებინებენ, ესა და ეს მამულები, ხვედრ ფულის შემოუტანლობის გამო, საჯარო ვაჭრობით გასაყიდადა დანიშნული. ვაჭრობის დღემდის ზოგი მემამულე ახერხებს

წვითა და დაგვით საჭირო ფულის შოვნას და იხსნის მამულს გაყიდვისაგან. მაგრამ ბევრსაც ფულის სასესხებლად სირბილი და ქაპან-წყვეტა უნაყოფოდ ურჩება და დაგირავებული ქონება საჯარო ვაჭრობით ეყიდება.

სამწუხაროდ, არ მოიპოვება ცნობები, რომლების საშუალებითაც შეიძლებოდა ამ მოვლენის საფასურით აღნუსხვა და მისი სისხო-სიდიდის გათვალისწინება. არც ტფილისისა და არც ქუთაისის სათავად-აზნაურო ბანკი არ ჰპოვებს საჭიროდ ამის შესახები ვრცელი და დალაგებული სტატისტიკა შეამუშაოს და წლიურ ანგარიშში ჩაუბრტოს. ეტყობა, იმათ გამგეებს უფრო ოპერაციების ბუხჰალტერია აინტერესებს, ვიდრე ჩვენი ეკონომიურ მდგომარეობის გამოკვლევა და აწონ-დაწონვა. ვრცელ ანგარიშებს ჰბეჭდავს მხოლოდ სახელმწიფო საადგილ-მამულო ბანკი და იქ შეიძლება ზოგიერთ ცნობების პოვნა, რომლებიც ჩვენს მხარეს შეეხება და ჩვენ ამ ჟამად გვეინტერესება. 1891 წლიდან 1897 წლის ბოლომდის გაყიდულა და არა თავად-აზნაურთა ხელში გადასულა 7273 დესეტინა ამ ბანკში დაგირავებული ტფილისისა და ქუთაისის გუბერნიის მამულები. ამ მამულთა ფასი, ბანკის შეფასებით, შეადგენს 346 ათას მანეთს და მათში გაცემული სესხი 105 ათას მანეთს. — თავისთავად საგულისხმოა, რომ ეს ციფრები არ ჰხატავს იმ მამულების სრულს რაოდენობას, რომლებიც პირველ დამგირავებელთ გაჰყიდვით და სხვის ხელში გადასულა, რადგან აქ არ შედის ის მამულები, რომლებიც საჯარო ვაჭრობით აზნაურებს შეუძენიათ.

ვინ არიან ეს მამულების შემძენნი? ქართველები თუ სხვა ეროვნებათა წარმომადგენელნი? ამაზე ბანკის „ანგარიშში“ არას ამბობს, მაგრამ ჩვენ თამამად შეგვიძლია ვთქვათ, რომ მათი უმრავლესობა უცხო ხალხს ეკუთვნის და არა ქართველობას. ანგარიშიდან ჩანს, რომ ყველაზე მეტი მამული შეუძენიათ „არა აზნაურთ“ ბორჩალოს მაზრაში, შემდეგ ტფილისისა და გორისაში. და ეს სწორედ ის მაზრებია, საცა უცხო ტომის ფულიანი ხალხი გაძლიერებული და გაბატონებულია.

მკითხველი ჰხედავს, რომ უცხო ხალხი საქართველოში იღებს არა თუ რენტას, არამედ ისაკუთრებს მამულებსაც. ამ აზრს ამტკიცებს არა მარტო სტატისტიკა, არამედ ყოველიჩვენ-განის დაკვირვება და გამოცდილება. ჩვენი მემამულეები ძალიან მარდნი არიან მამულების დაგირავებასა და გაყიდვაზე და ფიქრადაც არ მოსდით, თუ რა გავლენა აქვს ამას ჩვენს საერთო ეკონომიურ და ეროვნულ მდგომარეობაზე. ამ მხრით სრული შეუგნებლობა სუფევს მათ გონებაში და ინდიფერენტიზმი გულსა და სულში.

მაგრამ ის, რაც მიეტევება უვიც და გადაგვარებულ აზნაურს, ვერ მიეტევება ქართველ საზოგადოების შეგნებულ ნაწილს. საქართველოს მამულების უცხო ხალხის ფლობელობაში გადასვლა ისეთი დიდი და საყურადღებო საგანია, რომ ყველას უნდა გვაფიქრებდეს და სამოქმედოდ გვიწვევდეს. ამას აქვს მნიშვნელობა როგორც ეროვნული, ისე სოციალ-ეკონომიური. ქართველთა მამულები და მიწა-წყალი გადადის სხვების ხელში, მაშინ როდესაც ჩვენი გლეხობა, მიწის სიმცირის გამო, აუტანელ მდგომარეობაში იმყოფება. მას არ აქვს არც შეძლება, არც ცოდნა და გამოცდილობა, რომ ის მამულები, რომლებსაც ბანკები თუ თავად-აზნაურნი ჰყიდიან, შეისყიდოს და თავის საკუთარ საწარმოვო იარაღად გაიხადოს. გასაყიდი მამულები ჩვეულებრივ ფართო სივრცისა და დიდი ფასისაა; ერთ ან ორ გლეხს არ შეუძლია მათი შეძენა, ხოლო ბევრთან ერთად შეამხანაგება და ყიდვის სხვა და სხვა ფორმალურ მოთხოვნილებათა შესრულება ეძნელება და არ ეხერხება. აქ საჭიროა კერძო თაოსნობა და შეგნებულად მოქმედება, საჭიროა ენერგიული მუშაობა და კერძო პირთა შეერთებულის ძალით ამ დიდი საქმის მოწყობა და მოგვარება. ჩვენ აუცილებელ საჭიროებად მიგვაჩნია, რომ ჩვენში დაარსდეს კერძო ამხანაგობა ან საზოგადოება, რომელსაც მიზნად ჰქონდეს მემამულეთა და ბანკებისაგან მიწების შეძენა, მათი დაყოფა-დანაწილება და შემდეგ გლეხებისათვის მიყიდვა.

ნურაინ იტყვის, რომ ვითომ ჩვენ უფულობისა და უსახსრობის გამო არ შეეძლოს ამგვარ საქმის დაწყება და გაძღოლა. თუ ხალისი და ენერგია იქნება, საქმე პატარისაგანაც გაიზრდება და გადიდება. მაგრამ უბედურობაც ის არის, რომ ჩვენ ფულზე კიდევ უფრო გვაკლია ჩვენი მდგომარეობის შეგნება და იდეური საქმიანობა. ჩვენ ყოველთვის რალაც ახირებული და უნიადაგო იმედები გვაქვს და გვგონია, რომ ესა თუ ის სასარგებლო დაწესებულება, რომელიც სხვაგან არსებობს, ჩვენშიაც თავის თავად მოვა და გაგვიწვეს საჭირო დახმარებას. იმის მაგიერ, რომ თვითონ ხელი გავანძრიოთ და ჩვენს ქირ-ვარამს ჩვენვე ვუპატრონოთ, მუდამ რალაც მოწყალებაზე ვფიქრობთ და ნათხოვნის მოლოდინში პრაქტიკულ საქმეს ვივიწყებთ და ღრმა უღარდელ ძილს ვეძლევიით.

სამწუხაროდ, ერთ ამგვარ „თხოვნის“ გამართვაში მეც მიღვეს წილი და ვსარგებლობ შემთხვევით, რომ ჩემი „ცოდვა“ საჯაროდ მოვინანიო. შარშან, როცა ჩვენში დიდი სჯა-ბაასი იყო გამართული ადგილობრივ სამეურნეო საჭიროებათა შესახებ, „კავკასიის სამეურნეო საზოგადოებამ“ აღძრა, ჩემი მოხსენების თანახმად, მთავრობის წინაშე შუამდგომლობა, რომ ჩვენშიაც დაარსებულ იქნეს იმ საკრედიტო დაწესებულების განყოფილება, რომელიც დიდი ხანია რუსეთის შიდა გუბერნიებში მოქმედობს და სახელად „საგლეხო ბანკი“ ეწოდება. მე—და, უეჭველია, „საზოგადოებასაც“—მხოლოდ იმ შემთხვევაში მიმაჩნდა ამ დაწესებულების ჩვენში გადმოტანა სასურველად და სასარგებლოდ, თუ იგი თავის საზოგადო წესდებით იხელმძღვანელებდა და აქაც იმის თანახმად იმოქმედებდა. ეს ბანკი რუსეთში გლეხობის ინტერესებისთვისაა დაარსებული. მისი მიზანი იმაში მდგომარეობს, რომ უმიწა-წყლო გლეხებს მამულის შეძენაში დაეხმაროს: იგი აძლევს მათ სესხს მცირე სარგებლით მიწის საყიდლად და ამ ნაყიდ მიწას გირაოდ იღებს. აძლევს აგრეთვე გლეხებს სესხს იმ მიწების დაგირავებითაც, რომლებიც მათ საგლეხო ბანკის დაუხმარებლად უყიდიათ, რომ ამით

გლახებმა მიწის ყიდვისთვის აღებული ვალი გაისტუმრონ. გარდა ამისა თვითონ ბანკიც ყიდულობს თავისი კაპიტალით მიწებს და შემდეგ ჰყიდის, რამდენადაც ეს მოსახერხებელი იქნება, ისევე გლახებზე. როგორც ხედავთ, მიზანი ბანკისა სიმპატიური და თანაგრძნობის ღირსია. „აგერ 20 წელიწადია,— ვწერდი შარშან ამ საგანზე („ცნ. ფურც.“ № 2113),— რაც ეს სიმპატიური საკრედიტო დაწესებულება რუსეთში არსებობს, და დღემდე მისი მოქმედება ამიერ-კავკასიას არ შეეხება. ამიტომ იყო, რომ ჩემს მოხსენებაში ვთხოვე „სამეურნეო საზოგადოებას აღძრას მთავრობის წინაშე შუამდგომლობა, რომ ტფილისში დაარსებულ იქმნას ამ ბანკის განყოფილება, რომელმაც უნდა იმოქმედოს არა რაიმე პოლიტიკურ მოსაზრებათა განსახორციელებლად, არამედ კავკასიის მკვიდრთა ეკონომიურ მდგომარეობის გასაუმჯობესებლად“.

მიუხედავად ამისა, დღეს მაინც მეზარება ამ ჩემ მიერ გამართულ „თხოვნის“ მოგონება, და ეს იმიტომ, რომ... არ ვარ— და არც მინდა ვეგონო ვინმეს— წარა-მარად მთავრობასთან თხოვნებით მიმართვის მომხრე... პირიქით, მე ვფიქრობ, რომ ჩვენი დევიზი უნდა იყოს თვით-მოქმედება და დამოუკიდებელი საქმიანობა. ფრანგებს აქვთ ერთი ანდაზა: „უშველე თვითონ შენს თავს და ღმერთიც გიშველისო“. დიდი ნაბიჯის წინ გადადგმას ნიშნავს ეს, როცა ხალხი შეიგნებს, რომ მან „თვითონ უნდა უშველოს თავის თავს“. და ყოველი ჩვენგანის მოვალეობაა ხელი შეუწყოს ამ შეგნების გაძლიერებასა და განმტკიცებას, — რომ იმ ხალხს არც ღმერთი შველის და არც კაცი, რომელმაც არ იცის თავის ინტერესების დაცვა და თავისი თავის საკუთარის ძალ-ღონით დაფარვა...

სრულს სიმართლეს სწერს ამის გამო, ჩვენის აზრით, ბ-ნი განი „ცნობის ფურცელში“ (№ 2412): საგლახო ბანკის მსგავს „დაწესებულების საჭიროება კარგა ხანია შეგნებული ჰქონდა ჩვენს პრესასაც, ჩვენის საზოგადოების მოთაფეთაც, მაგრამ ჩვეულებრივმა დაუდევრობამ გვძლია და საჭიროების დასაკმაყოფილებლად ხელი არ გავვინძრევია: როგორც

ყოველთვის და როგორც სხვა საქმეშიაც, ამ საქმეშიაც მთავრობას ვუცდიდით, მარტო მისგან ველოდით შევლას. მიუხედავად იმისა, რომ თვით მთავრობა მუდამ იმას ურჩევს საზოგადოებას,—ეკონომიურ ვითარების გასაუმჯობესებლად საკუთარი ინიციატივა, თვით-მოქმედება გამოიჩინეო, ჩვენ მაინც მას შევეყურებდით ხელში და დახმარებას ვემუდარებოდით... განა არ შეიძლებოდა, მაგალითად, ჩვენებურ გლახთა მიწათ-ფლობელობის გასაძლიერებლად რაიმე პრაქტიკული საქმე თვით ჩვენვე მოგვეწყო? განა არ შეიძლებოდა თუნდ ამხანაგობა დაგვეარსებინა სათავად-აზნაურო ბანკებში დაგირავებულ მამულების შესაძენად და შემდეგ გლახებისთვის მისაყიდად? რასაკვირველია, შეიძლებოდა ამ დიდი საქმის ჩვენდა სასაგებლოდ მოწყობა, მაგრამ მაგარიც ის არის, რომ,—რუსების თქმისა არ იყოს,—„პირჯვარს არ დავიწერთ, სანამ მეხი არ გავარდება“...

ამიერ-კავკასიაში საგლახო ბანკის განყოფილების დაარსების საქმე არაა ჯერ-ჯერობით გადაწყვეტილი, თუმცა ჰფიქრობენ, რომ ეს სულ მოკლე დროში უნდა მოხდეს. მაგრამ ჩვენ ეხლავე უნდა გავაგებინოთ ჩვენს მკითხველებს, რომ ჩვენში თურმე ეს ბანკი ჩვენი გლახობის შესახებ არ იხელმძღვანელებს იმავე აზრითა და მიზნით, რომელიც აქვს მას დადებული შიდა რუსეთში. ამ საგნის შესახებ ერთი ფრიად საყურადღებო და საგულისხმიერო კორესპონდენცია იყო ამას წინად ეკატერინოღარიდან გაზეთ „კავკაზ“-ში დაბეჭდილი (№ 41). საგლახო ბანკის განყოფილება არსებობს ეკატერინოღარშიაც. ეს არის „კავკასიის განყოფილება“, რომელიც ჩრდილოეთ-კავკასიაში მოქმედობს და ამიერ კავკასიას არ შეეხება. „ამ დღეებში—სწერია „კავკაზ“-ის ხსენებულ კორესპონდენციაში—ამ განყოფილებამ ერთი ფრიად მნიშვნელოვანი ცნობა მიიღო პეტერბურგიდან, რომელიც შეეხება ბანკის მოქმედების გავრცელებას ამიერ-კავკასიაზე. საქმე იმაშია, რომ ამას წინედ შინაგან საქმეთა სამინისტროს აღუძრავს საკითხი,—ფინანსთა სამინისტრო ხომ ვერ ჰპოვებს შე-

საძლებლად, რომ, სანამ ამიერ-კავკასიაში საგლახო ბანკის განყოფილება გაიხსნებოდეს, ნება დართოს, ამ ბანკმა თავისი თანხით შეიძინოს ის მამულები, რომლებიც საჯარო ვაჭრობის შემდეგ დარჩა სახელმწიფო საადგილ-მამულო ბანკს ტფილისისა და ქუთაისის გუბერნიებში, იმ მიზნით, რომ შემდეგ ეს მამულები მიჰყიდოს რუსეთიდან გადასახლებულ გლეხებს. ეწლა საგლახო ბანკის ცენტრალური განყოფილება იტყობინება, რომ ფინანსთა სამინისტროს გამგემ თანაუგრძნო ამ აზრს, რომ სასურველია გაშენდეს რუსის გლეხთა სოფლები იმ მიწებზე, რომლებიც დარჩენია სახელმწიფო საადგილ-მამულო ბანკს ხსენებულს გუბერნიებში, და ამიტომ მისცა ბრძანება ამ ბანკს, რომ მან მის საკუთრებაში მყოფი მამულები ამიერ-კავკასიაში მიჰყიდოს ხოლმე უმთავრესად (преимущественно) რუსის გადასახლებულ გლეხებს, როცა კი ესენი განუცხადებენ ყიდვის სურვილს.

„ამასთან იმ შემთხვევებში, როცა მყიდველთ არ ექნებათ საჭირო სახსარი შესაძენ მამულების ფასის გადასახდელად, ფინანსთა სამინისტროს გამგემ ჰპოვა შესაძლებელად, სანამ ამიერ-კავკასიაში საგლახო ბანკის განყოფილება გაიხსნებოდეს, ნება დართოს ამ ბანკს მიიღოს საწარმოებლად ეკატერინოდარის განყოფილების საშუალებით გადასახლებულ რუსის გლეხთაგან ხსენებულ მამულების ყიდვის საქმეები.

„რაც შეეხება იმას, რომ საგლახო ბანკს ნება-რფვა მიეცეს თავისი თანხით შეიძინოს ის მამულები, რომლებიც ამიერ-კავკასიაში სახელმწიფო საადგილ-მამულო ბანკს ეკუთვნის, — ფინანსთა სამინისტროს გამგემ ვერ ჰპოვა ეს მოსახერხებლად იმ მოსაზრებით, რომ საგლახო ბანკს თავისი განყოფილება არა აქვს ამიერ-კავკასიაში და ამიტომ ხსენებული ოპერაცია საძნელო იქნება მისთვის მამულების მოვლა-გამგეობის მხრით.

„ყველა ზემოდ ნათქვამის მიხედვით, რუსის გადმოსახლებულმა გლეხებმა, როცა მოისურვებენ საგლახო ბანკის დახმარებით იმ მამულების შეძენას, რომლებიც დარჩენია სახელმ-

წიფო საადგილ-მამულო ბანკს ტფილისისა და ქუთაისის გუბერნიებში, უნდა მიჰმართონ თხოვნით სესხის მისაღებად საგლებო ბანკის კავკასიის განყოფილებას, რომელიც ქ. ეკატერინოდარში იმყოფება“.

ეს არის გაზ. „კავკაზ“-ის კორესპონდენცია, მართლა ფრიად საყურადღებო და საგულისხმიერო...

საინტერესოა ვიცოდეთ, რამდენი მიწები დარჩენია საჯარო ვაჭრობის შემდეგ სახელმწიფო საადგილ-მამულო ბანკს, რომელიც ამიერიდან, თანახმად მინისტრის განკარგულებისა, უმთავრესად რუსის გადმოსახლებულ გლეხებს მიჰყიდის ამ მამულებს. ჩვენ არ გვაქვს ცნობები, რომლებიც გვიჩვენებდეს, თუ რა სივრცისაა დღეს ბანკის საკუთრებად გამხდარი მამულები. ის ცნობები, რომლებიც ჩვენ ხელთა გვაქვს, მხოლოდ ორი წლის წინანდელ ვითარებას ჰხატავს. მაგრამ ჩვენ გვგონია, მკითხველი ამ ცნობებითაც შესძლებს დაახლოებით მაინც შეადგინოს საგანზე აზრი და წარმოდგენა.

1901 წლის დამდეგს ბანკის ხელში ყოფილა 5777 დესეტინა ქუთაისის გუბერნიაში და 7314 დესეტინა ტფილისისაში (12746 დესეტ. ორივეში). წლის განმავლობაში დარჩენია საჯარო ვაჭრობის შემდეგ 748 დესეტ. პირველ გუბერნიაში და 1964 დესეტ. მეორეში (2712 დესეტ. ორივეში). ამავე წლის განმავლობაში გაუყიდა და თავიდან მოუშორებია 427 დესეტ. ქუთ. გუბ. და 5777 დესეტ. ტფილისისაში, ასე რომ წლის ბოლოს დარჩენია საკუთარი მამული რიცხვით 38 და სივრცით 5752 დესეტ. ქუთ. გუბ., ხოლო ტფილისისაში 11 მამული სივრცით 3501 დესეტ. (49 მამული 9253 დესეტ. ორივეში). ამ 49 მამულზე ყოფილა სულ 727315 მანეთი ვალი. ამათგან უფრო მსხვილი მამულებია ტფილისის გუბერნიის. აქ უუდიდესი მამული შეიცავს 772 დესეტ., შემდეგ არის 646, 467, 409, 336, 305 დესეტ. და ასე ქვევით. ქუთაისის გუბერნიის მამულებიდან ერთია 2000 დესეტინაზე მეტი, ერთიც 430 დესეტ., 3 მეტი 200 დესეტინაზე, 7 მეტი 100 დესეტინაზე, ხოლო დანარჩენი მამულები ყვე-



ლა 100 დესეტ. ნაკლებია. ამ ნაირად რუს გლეხთა დასახლების მიზნის განსახორციელებლად უფრო მოსახმარია ტფილისის გუბერნიის მამულები, ვიდრე ქუთაისისა, სადაც ძალიან წვრილი მიწათ-ფლობელობაა და ამიტომ აქა-იქ კანტიკუნტად დასახლებული რუსი იქაურ მქიდრო და მრავალრიცხვოვან ქართველობაში ეროვნების მხრით სულ მოკლე ხანში გაილესება და გაითქვიფება...

რა თქმა უნდა, ეს მხოლოდ ჯერ-ჯერობითაა, რომ გამოსახლებულ რუსის გლეხების ხელში მარტო ის მამულები უნდა გადავიდეს, რომლებიც სახელმწიფო ბანკს დარჩენია გაუყიდველი. შემდეგში, როცა აქ საგლეხო ბანკის განყოფილება გაიმართება, უეჭველია, ეს ბანკი პირდაპირ გამოვა მყიდველად საჯარო ვაჭრობის დროს და, რახან მას დიდი თანხა აქვს, თვითონ დაინაზრჩუნებს (რუს გლეხებისათვის) გასაყიდად დანიშნულ მამულების უმრავლესობას.

შეიძლება ამიტომ, ამ ბანკის დიდი კაპიტალისა და ძალის გამოისობით, ზოგიერთ მკითხველს უნიადაგოდ და შეუსრულებელ საქმედ ეჩვენოს ჩვენი წინადადება შესახებ კერძო თაოსნობის გაძლიერებისა და თვით-მოქმედების ნიადაგზე ჩვენი გლეხობის მდგომარეობის გაუმჯობესებისა. მაგრამ ეს არის მხოლოდ ეჭვი, რომელიც არ გამართლდება, თუ ჩვენ გამოვიჩინებთ ენერგიას, საერთო მისწრაფებით აღფრთოვანებას და დაუღალავს შრომა-მუყაითობას. ქართველებს რაღაც უცნაური ბუნება გვაქვს: საქმის დაწყებისათანავე ყველაფერი ერთად და უცებ გვინდა და გვაფიწყდება, რომ ყოველი საქმე პატარაობით იწყება და თანდათანის მუშაობით დიდი და შესამჩნევი ჰხდება. ამის დამამტკიცებელი მაგალითები ბევრად ბევრია უცხოეთის ხალხთა ცხოვრებაში, მაგრამ ჩვენ აქ მარტო ერთს გავაცნობთ ჩვენს მკითხველებს. ეს არის მოვლენა, რომელიც დღესაც სწარმოებს პრუსიასა და პოლონეთის პროვინცია პოზნანში და ცხადად გვისურათებს, თუ რა დიდი ნაყოფის მოტანა შეუძლია კერძო თაოსნობას და თვით-მოქმედებას, როცა იგი ხელმძღვანელობს გარკვეულის პროგრა-

მით თავის საქმიანობაში და შეგნებულის მიზნით პრაქტიკულ მიმართულებაში.

1885 წელს პრუსიის მთავრობამ უცებ ერთი დაუვიწყარი „გმირობა“ მოიმოქმედა, რომელიც მიმართული იყო პრუსიაში მცხოვრებ პოლონელების წინააღმდეგ: მოულოდნელად გადაეცა პრუსიის სამეფოდან და საზღვარს იქით გადაჰგზავნა 40000 პოლონელი, რომელთაც, ვითარცა რუსეთ-პრუსიის საზღვარზე მცხოვრებთ, არ ჰქონდათ ფორმალურად პრუსიის ქვეშევრდომობა მიღებული. ეს ამოდენა ხალხი მოაშორეს თავის საქმეს და სარჩო-საბადებელს და გაუკითხავად და უცერემონიოდ სახელმწიფოდან განდევნეს. უცებ ათასობით საზღვარზე გადაყვანილი ხალხი დარჩა უბინაოდ და ულუკმაპუროდ. ბევრი მათგანი ავადმყოფობისა და შიმშილის გამო გამოეთხოვა წუთისოფელს. ეს იყო პირველი ნიადაგის მომზადებელი „ეფექტი“, რომლითაც ბისმარკს სწადა გერმანელ „პატრიოტებზე“ შთაბეჭდილება მოეხდინა და პოლონელთა წინააღმდეგ შემუშავებული კანონ-პროექტი პრუსიის პარლამენტისთვის მიეღებინებია. პოლონელების განდევნის გამო დიდი ალიაქოთი ასტეხეს რეიხსტაგში პოლონელ დეპუტატებმა, უკიდურეს მემარცხნეებმა და სხვა დემოკრატებმა. მაგრამ ბისმარკმა ამათი კიცხვა არაფრად არ ჩააგლო და რეიხსტაგს პირდაპირ გამოუცხადა: პოლონელების განდევნა მარტო პრუსიის საქმეა, ეს რეიხსტაგის კომპეტენციაში არ შედის და ამიტომ აქ არც არაფერი გეთქმითო. პრუსიის მთავრობამ მიიღო ეს ღონისძიება, რომ გერმანელები „დაფთვარა“ პოლონელთა „შემოსევისაგანო“...

1886 წელს პრუსიის ლანდტაგის (პარლამენტის) გახსნის წინედ წაკითხულ იქმნა მეფის სეფე-სიტყვა, რომელშიაც სხვათა შორის ნათქვამი იყო, რომ „პოლონელები თანდათან ძლიერდებიან აღმოსავლეთ პროვინციებში და გერმანელებს აძევებენ იქიდანო; ეს გარემოება ვალად სდებს მთავრობას იზრუნოს და ღონისძიებანი გამონახოს, რომელნიც ხელს შეუწყობენ და უზრუნველ ჰყოფენ გერმანელ ხალხის არსებობასა და განვითარებასო“.

ამ სიტყვებით ეს სეფე-სიტყვა აღნიშნავდა გაკვრით იმ ღონისძიებას, რომელიც უკვე შემუშავებული ჰქონდა ბისმარკს. 9 თებერვალს ეს უკანასკნელი წარსდგა ლანდტაგის წინაშე კანონმდებლობითი წინადადებით, რომელსაც ეწოდებოდა „კანონ-პროექტი გერმანელთა დასახლების გაძლიერების შესახებ დასავლეთ პრუსიისა და პოზნანის პროვინციებში“. მთავრობამ ამ პროექტში ითხოვა 100 მილიონი მარკა (50 მილ. მან.) პოლონელთა სამშობლო პოზნანში ადგილობრივ თავად-აზნაურთაგან მამულების შესასყიდად და ამ ადგილებზე გერმანელ გლეხების დასახლებლად. ბისმარკს არ დაუთარავს თავისი აზრი და პირდაპირ გამოსთქვა ლანდტაგში: „ჩვენი მიზანია პოლონეთის მამულები შევისყიდოთ და იქაურ თავად-აზნაურობის ექსპროპრიაცია მოვახდინოთო. პოლონელებს ჩვენ ამით არავითარ უსამართლობას არ ვუშვრებით,— განაგრძო ირონიით ბისმარკმა,— რადგან ისინი თავიანთ მამულებში ფულს მიიღებენ. იმათ შეუძლიანთ ამ ფულით საზღვარს იქით—რუსეთში იყიდონ მამულები, თუ არა და შეუძლიანთ მონაკოშიაც წაბრძანდნენ და ლატარიაში წააგონ-“ო.

აქაც, ამ კანონ-პროექტის საჭიროების დასაბუთების დროს, ბისმარკმა იგივე გაიმეორა, რაც რეიხსტაგში სთქვა: პოლონელები თანდათან გვაძევებენ პოზნანიდან და ჩვენ იძულებული ვართ „თავი დავიფაროთო“. გარდა ამ გვარ პრტყელ-პრტყელ სიტყვებისა მთავრობას არავითარი ნამდვილი საბუთები და ფაქტები არ წარმოუდგენია, რომლებიც მაჩვენებელი ყოფილიყოს პოლონელთაგან გერმანელების და-„ჩაგვრისა“ და ეკონომიურად დაძაბუნებისა. „როგორ?— იძახის აღშფოთებით ერთი უკიდურეს დემოკრატთა ორგანო.— ხალხი დაიპყარით, დაიმონავეთ, პოლიტიკური არსებობა მოუსპვთ, საკუთარი კულტურული განვითარება შეუჩერეთ და ეხლა თავის თავს ნებასაც აძლევთ, მოლაღატეობად დასახოთ, რომ ეს ხალხი, მიუხედავად ყველა ამისა, მაინც ცოცხლობს? თქვენ შეცვივდით ამ ხალხის სამშობლოში,

ეცადეთ ყოველგვარ საშუალებით ეკონომიურად გაგეყვლიფათ იგი, გააღვიძეთ მისი სოციალ-ეკონომიური ძალა და ეხლა მოსთქვამთ და ჰყვირით, რომ ეს ხალხი მოქმედებას იწყებს და უცხო ელემენტის გადამეტებულ შესევას ბოლოს უღებს?“ (იხ. კარსკის წერილი: **Die Thätigkeit der Ansiedlungs-Kommission in Posen und Westpreussen**).

პარლამენტმა, რომელშიაც პრუსიის „იუნკრობა“ (თავად-აზნაურობა) და მსხვილი ბურჟუაზიაა გაბატონებული, მიიღო უცვლელად მთავრობის წინადადება: გადაიღო 100 მილიონი მარკა, შესდგა ესრედ წოდებული „გერმანელთა დასახლების კომისია“ და გაჩაღდა პოლონელთა საწინააღმდეგო მოქმედება.

პირველად კომისიამ მამულების ყიდვა დაიწყო ისეთ ადგილებში, სადაც გერმანელები და პოლონელები ერთმანეთში არეულად მოსახლობენ, და ეს იმ მიზნათ, რომ გერმანელების რიცხვი გაეძლიერებია და მათი გავლენა გაედიდებია. შემდეგ გადავიდა პროვინციის ისეთ ნაწილებშიაც, სადაც უფრო პოლონელთა მჭიდრო მოსახლობაა, და მიჰყო ხელი პოლონელ თავად-აზნაურობის მამულების შექენას და გერმანელ გლეხების დასახლებას. ეს კომისია დღემდის არსებობს და განაგრძობს თავის მოქმედებას. იგი ყიდულობს მამულებს, ახდენს ამ მამულებში მელიორაციას, აშენებს სადგომ სახლებს, სკოლებს, ეკლესიებს და სხვა-და-სხვა საზოგადო საჭიროებათათვის შენობებს და ასე მოწყობილ კოლონიებში ასახელებს გლეხებს. გლეხებს მიწა ეძლევათ როგორც იჯარით, ისე ყიდვითაც; უკანასკნელ შემთხვევაში ესენი გრძელის ვადით სწყვეტენ ვალს და იხდიან მცირე სარგებელს (2<sup>1</sup>/<sub>2</sub><sup>0</sup>/0-ს).

გერმანელები დიდ იმედებს ამყარებდნენ ამ პოლიტიკაზე და ოცნებობდნენ, რომ სულ მოკლე ხანში პოლონელების მამულებს ხელში ჩაიგდებდნენ და მცხოვრებთ ერთიან გააგერმანელებდნენ. მაგრამ გამოცდილებამ ყველანი დაარწმუნა, რომ მაგ რიგად ადვილი საქმე არ არის შეგნებულ და მებრძოლ ხალხის გადაგვარება და მოსპობა. გერმანელთა მოლო-

დინი არ გამართლდა და მათმა მილიონებმა შედარებით მცირე და უმნიშვნელო შედეგი მოიტანა. 1886 წლიდან 1898 წლამდის გერმანელებმა დახარჯეს 80 მილიონი მარკა და იყიდეს სულ დასავლეთ პრუსიასა და პოზნანში 89 ათასი დესეტინა მიწა, აქედან პირველში 25 ათასი დესეტინა, ხოლო მეორეში 64 ათასი დესეტ. ამ მიწებიდან 65 ათასი დესეტინა პოლონელებისაგან შეიძინეს, ხოლო დანარჩენი 24 ათასი დესეტინის გამყიდველნი ისევ გერმანელები იყვნენ. ამ სახით პოზნანში გერმანელების ხელში გადავიდა 4% მიწათფლობელობისა და 20% მიწის საერთო სივრცისა. ამავე ხნის განმავლობაში „კომისიამ“ დაასახლა 2342 კომლი გერმანელი გლეხი 38 ათას დესეტინის სივრცის მამულებზე, ხოლო დანარჩენი 51 ათასი დესეტინა ჰქონდა იმ დროს მოუწყობელი და დაუსახლებელი. ამ ნაირად, პრუსიის „გერმანელებელ“ ღონისძიების საშუალებით ორსავე ხსენებულ პროვინციას მიემატა სულ დაახლოვებით 10 ათასი სული გერმანელი, რაც იქაურ მცხოვრებთა საერთო რიცხვის მესამედ პროტესტსაც კი არ შეადგენს.

ეს იყო სულ ის ნაყოფი, რომელსაც წარმოადგენდა 1898 წლის დამდევს „დამსახლებელ კომისიის“ 12 წლის მოქმედება. 1886 წელს გადადებული 100 მილიონი თითქმის გათავდა და მთავრობამ ხელახლა სთხოვა პარლამენტს ამავე საგნისთვის კიდევ 100 მილიონის გადადება, რაზედაც პარლამენტი დასთანხმდა და „კომისიას“ ნათხოვნი ფული მისცა (იხ. ვ. შულცეს **Preussisches Ansiedelungsgesetz für Posen und Westpreussen**).

მაგრამ ამავე დროს არ ეძინათ პოლონელებსაც. როგორც კი ბისმარკის პროექტი დაკანონდა და თანხაც გადაიღო, პოლონეთში გაიმართა გერმანელების წინააღმდეგ ძლიერი აგიტაცია და მოძრაობა. დევნამ კიდევ უფრო გააღვიძა პოლონელებში ეროვნული ინტერესის შეგნება და ხალხოსნური თვით-ცნობიერება. პოლონეთის პრესსამ გამოაცხადა უპატიოსნოდ და სამშობლოს მოღალატედ ყოველი მემამულე,

რომელიც კი თავის მამულს პრუსიის „კომისიას“ მიჰყიდდა. გაძლიერდა კერძო თაოსნობა, შესდგა მრავალი ამხანაგობები, რომლებმაც მამულების ყიდვას მიჰყვეს ხელი, რომ შემდეგ პოლონელი გლეხები დაესახლებიათ და ამ ნაირად გერმანელებისთვის კონკურენცია გაეწიათ. ამ გვარივე ოპერაციები დაიწყეს რამდენიმე კერძო ბანკებმაც. ერთის სიტყვით იმათ გამოიჩინეს დიდი ეროვნული სიფხიზლე და საქმიანობა. ამ საქმიანობამ დიდი ნაყოფი მოიტანა და ყველას დაუმტკიცა, რომ პატარა ხალხსაც შეუძლია შეერთებული ძალით ძლიერი მეტოქის წინააღმდეგობა და დამარცხება, პონელებმა არათუ ნიადავი არ დაუცალეს გერმანელებს, არამედ, პირიქით, ალაგ-ალაგ შეუმტკირეს მათ მიწათ-ფლობელობა და შეიძინეს გერმანელებისაგან უძრავი ქონება. ამ წლის თებერვლის 19-ს მინისტრმა ჰამერშტეინმა განაცხადა პრუსიის პალატაში (Herrenhaus), რომ ამ უკანასკნელ ხანებში პოლონელთა ფლობელობაში გადავიდა მამულები, სივრცით 36 ათასი დესეტინა, რომლებიც 1896 წლამდის გერმანელებს ეკუთვნოდაო.

პრუსიის მთავრობას მოსვენებას არ აძლევს პოლონელთა ასეთი სიფხიზლე და ეროვნული მოძრაობა. იგი მუდამ ახალ საშუალებასა და ღონისძიებას იგონებს, რომ ეს მოძრაობა მოსპოს და პოლონეთის ერი როგორც პოლიტიკურ-ეკონომიურად, ისე ეროვნულ-სულიერადაც გერმანიას დაუმორჩილოს. ერთი ამგვარი საშუალება მას ეხლა ხან გამოუგონია და ამის შესახები კანონ-პროექტიც შეუმუშავნია. მას უნდა მთელი პოლონელი ხალხი საერთოდ კანონს გარეშე დააყენოს და მოაკლოს ის უფლება, რომელიც, კონსტიტუციის ძალით, ყოველ მოქალაქეს აქვს გერმანიის იმპერიაში მინიჭებული.

პალატაში შეტანილია განსახილველად კანონ-პროექტი რომელიც, თუ მიღებულ იქმნა და დაკანონდა, პოლონელებს წაართმევს მოქალაქობრივ უფლებას და მოუსპობს მამულების შეძენის საშუალებას. აქ ეს პირდაპირ ნათქვამი არ არის, მაგრამ ამას მნიშვნელობა არა აქვს, — ფაქტიური შე-

დეგი მისი მიღებისა და კანონად გახდომისა უეჭველად ეს აკრძალვა იქნება. პროექტის სიტყვით, პოზნანში არავის არ ექნება უფლება დასახლდეს ან სხვები დაასახლოს, თუ „დასახლების კომისია“ ჰპოვებს ამას თავის მიზნისა და დანიშნულების წინააღმდეგად. და ეს კი, რა თქმა უნდა, იგივე აკრძალვაა: „დასახლების კომისია“ თავის დღეში არ დართავს ნებას, რომ პოლონელთა მიწათ-ფლობელობა გადიდდეს და დასახლებულ პოლონელთა რიცხვი გამრავლდეს.

ამ კანონ-პროექტზე სჯა-ბაასი ჰქონდათ პრუსიის პალატაში ამ თვის 19-ს. მეტად დამახასიათებელია გერმანელთა და პოლონელთ განწყობილებისა ის სიტყვები, რომლებიც იქ ამ შემთხვევის გამო წარმოითქვა. „შეგნებულ გერმანულ პოლიტიკის წარმართვა აღმოსავლეთ პროვინციაში—განაცხადა მინისტრმა პოლბიელსკიმ—ჩვენ შეგვეძლება მხოლოდ მაშინ, როცა დაყრდნობილი ვიქნებით გერმანელ გლეხობაზე. იმ ბრძოლაში, რომელიც გამოგვიცხადეს პოლონელებმა, ჩვენ გვესაჭიროება იარაღი, და იმედი მაქვს, ამ იარაღის მოცემაზე თქვენ უარს არ გვეტყვიან. 40 ათას ჰექტარზე მეტი გერმანელთა მამული გადავიდა პოლონელების ხელში. ჩვენ უნდა ვიბრძოლოთ ბოლომდის და უნდა გავიმარჯვოთ. წინანდელი ობერ-პრეზიდენტი თავადი ჰაცფელდი მუდამ იმის ცდაში იყო, რომ ზემო შლეზიაში მშვიდობიანობა დაემყარებია, მაგრამ ვერ მოახერხა,—ჩვენ, გერმანელები, ძალად გამოგვიწვიეს საბრძოლველად და, აი, ეხლა, როცა ომი (Krieg) გაჩაღდა, ჩვენც უნდა ვიომოთ და გამარჯვების დროში ავაფრიალოთ. პოლონეთის ბანკების მოქმედებას, რომლებიც მიწებს ყიდულობენ, ანაწილებენ და პოლონელ გლეხებს ასახლებენ, ბოლო უნდა მოვუღოთ. პოლონელები პირაქედ გვებრძვიან, და ჩვენი ღირსების გათელვა იქნება, პასუხი არ გავსცეთ და მათს მისწრაფებას წინააღმდეგობა არ გავუწიოთ“.

ზოგიერთ მხრით კიდევ უფრო საინტერესო იყო თავბისმარკის—„რკინის“ ბისმარკის შვილის—„რეჩი“. „პოლო-

ნელები—სთქვა: მან სხვათა შორის—გახელდნენ და გასა-  
 ძავლდნენ. პატარა ბავშვებსაც-კი აგონებენ, რომ თავისი სათა-  
 მაშო ნივთები გერმანელ ვაჭრების ღუქნებში არ იყიდონ.  
 აღარაფერს ვიტყვი იმაზედ, თუ საიდან მოსდით მათ ის დიდი  
 თანხები, რომლებიც პოლონეთის ბანკებს აქვთ საწარმოე-  
 ბლად... თუ პოლონელები მართლა პრუსიელებად სთვლიან  
 თავის თავს, როგორც ამას ხშირად გვეუბნებიან, მოსპონ სა-  
 კუთარი პარტიები ლანდტაგში და რეისხტაგშიაც. მხოლოდ  
 მაშინ დავუჯერებთ, რომ „დიდი პოლონეთის“ აღდგენის  
 ოცნებაზე ხელი აუღიათ. ბატ. პოლონელები მუდამ პოლო-  
 ნეთის ეროვნებაზე ლაპარაკობენ, მაგრამ ასეთი ეროვნება  
 გერმანიაში არ გახლავთ. ამ სახელწოდებით ისინი აღვივებენ  
 დიდი პოლონეთის უტოპიას. მე ჩემდა თავად ვერ გამიგია,  
 თუ როგორ ჰხარჯვენ ისინი ამდენ ძალას, დროს და ფულს  
 ასეთ უტოპიაზე... დაანებეთ, ბატონებო (მიჰმართავს პოლო-  
 ნელებს), ამ უტოპიას თავი და იმუშავეთ ჩვენთან ერთად;  
 ილაპარაკეთ სახლში პოლონურად, რამდენიც გენებოთ, მაგ-  
 რამ მადლობელი იყავით, თუ თქვენს შვილებს გერმანულ  
 ენას ვასწავლით!... უწინარეს ყოვლისა ჩვენ პრუსიელები  
 ვართ და იმედი მაქვს, მთავრობა საკმაო ძლიერებას გამოი-  
 ჩენს, წერილმან დაბრკოლებაზე ფეხს არ წაიკრავს, არამედ  
 პრუსიის სახელმწიფოს ინტერესს ყველაფერზე მაღლა დააყე-  
 ნებს და განაგრძობს მოქმედებას აღმოსავლეთ პროვინციებში  
 პრუსიის ღირსება-სახელის დასაცველად“.

ასე რიხიანად და მოურიდებლად ლაპარაკობდნენ პალა-  
 ტაში აღძრულ საკითხის გამო ყველა გერმანელები. მათში  
 არ გამოჩნდა არც ერთი კაცი, რომელსაც ჰემმარიტებისა  
 და სამართლიანობისთვის ხმა აღემალღებია, მთავრობის ბარ-  
 ბაროსული პროექტი დაეგმო და ბედისაგან დაჩაგრული პა-  
 ტარა ერი დაეფარა. თვით პოლიტიკურ ეკონომიის პროფე-  
 სორმა შმოლერმაც, რომელიც განთქმულია თავისი ლიბერა-  
 ლობით და „სოციალ-პოლიტიკით“, სრული ნდობა და თან-  
 ხმობა გამოუცხადა მთავრობას.



რასაკვირველია, კანონ-პროექტის წინააღმდეგ ილაპარაკეს პოლონელებმა. „ჩვენ ომი გამოგვიცხადეს, — სთქვა კოსციელსკიმ, — უნდათ, რომ გაგვალატაკონ და დედამიწის ზურგიდან აღგვგაონ. ჩვენთვის ხელსაყრელი არაა ისეთს ძლიერ სახელმწიფოსთან ომის გამართვა, როგორც პრუსიაა, და ვერც ვერავენ დაგვწამებს ამას... კანონ-პროექტი ჩვენს წინააღმდეგაა მომართული. მე თავი მომწონს იმით, რომ ჩემმა თანამემამულეებმა, მიუხედავად დევნისა, თავის ბეჯითობითა და შრომით მოახერხეს გამკლავება და თავის დაცვა. საბოლოოდ გამარჯვება მხოლოდ იქ შეიძლება იყვეს, სადაც სამართლიანობაა, და ეს სამართლიანობა კი ჩვენს მხარეზეა... ჩვენ შეჩვეული ვართ დევნისა და შევიწროვების ატანას, და ამ კანონის შემდეგაც, თუ კი იგი მართლა მიღებულ იქმნა, მაინც ვიარსებებთ და არ გავჰქრებით. ჩვენ არ ვისურვებთ გადაგვარებას და ჩვრების ტომრებად არ გადავიქცევით. დიახ, ბატონებო! განა სანახვე ტომრები არ გავხდებით, თუ ჩვენ უარვყავით ჩვენი ეროვნება? ჩვენ გვინდა პატიოსანი კაცები ვიყვეთ. ისეთ ხალხს, რომელიც თავისში გრძნობს ძალას, თქვენ ვერას დროს ვერ მოერევით“.

მთავრობის საკანონმდებლო პროექტი გადაეცა კომისიას დაწვრილებით განსახილველად. წინ და წინ ძნელია იმის თქმა, შეიცვლება იგი, თუ უცვლელად დაკანონდება. ადვილი შესაძლებელია, რომ შიგ ცვლილება არაფერი მოხდეს და პრუსიის მთავრობამ ძალმომრეობითა და კანონის უარყოფით დაუწყოს პოლონელებს დევნა და შევიწროება.

მაგრამ თვით-ცნობიერების გაღვიძებას და ენერგიულს მუშაობას შეუძლიან გადალახოს დაბრკოლება და გააუმჯობესოს მდგომარეობა...

ფ. გოტიჩაიშვილი.

## უცხოეთის მიმოხილვა

გაზეთისა თუ ჟურნალის ეხლანდელი მკითხველი რუსეთ-იაპონიის ომის ამბებს თხოულობს. და გაზეთიცა და ჟურნალიც დღეს მართლა ამ ამბებითლაა სავსე. არც საკვირველია ასეთი გარემოება: ეხლანდელ ომიანობას უდიდესი მნიშვნელობა ექნება როგორც მებრძოლ მხარეებისათვის, ისე მთელ კაცობრიობისთვისაც და მაშასადამე ჩვენთვისაც...

მიუხედავად ამისა დღევანდელი მიმოხილვა ომიანობას არ შეეხება: ერთი იმიტომ, რომ ამ ერთი თვის განმავლობაში მებრძოლ მხარეთა მდგომარეობა არ შეცვლილა—ზღვაზე ისევ იაპონიაა გაბატონებული და ხმელეთზე ჯერ საყურადღებო შეტაკება არ მომხდარა; მეორეც იმიტომ, რომ გაზეთ „ცნ. ფურცლის“ მექრონიკე ყველა საყურადღებო ცნობებს აწვდის ჩვენ მკითხველს და მესამეც იმიტომ, რომ ევროპაში ბევრი საყურადღებო ამბები ხდება, რომელსაც გაზეთი ვერ აქცევს ეხლა შესაფერ ყურადღებას და რომლის ცოდნა თანამედროვე მკითხველისათვის ფრიად მნიშვნელოვანია.

თუ ომიანობაზე არა, იაპონელებისა და ჩინელების შესახებ მაინც მოვიყვანთ ზოგ. საყურადღებო აზრს, სანამ სხვა საგნებს შევეუდგებოდეთ.

რუსულ გაზეთ „რუსკია ვედომოსტი“<sup>(\*)</sup> ლონდონელ კორესპონდენტი, სხვათა შორის, სწერს: „...ამ ბოლოს დროს დიდ ძალი წიგნები იბეჭდება; მათ შორის უფრო საინტერესონი არიან ის ნაწერები, რომელნიც იაპონელის „სულის“ გაგებას გვიადვილებენ. ინგლისურ ჟურნალ „თვიურ მიმოხილვა“-ში მოყვანილია ტოკიოელ პროფესორის ინაცო ნიტობეს გამოკვ-

<sup>\*</sup>) იხ. № 64

ლევის შინაარსი იმ ზნეობრივ პრინციპების შესახებ, რომლებითაც იაპონელი ხელმძღვანელობს. იაპონელების ზნეობის კოდექსს „ბუშიდო“ ჰქვია სახელად. ეს „ბუშიდო“ იყო საფუძველი „სამურაების“ აღზრდისა და დღესაც სკოლებში მის საშუალებით ასწავლიან ზნეობას.

„ბუშიდო“ს წინ უძღვის მიკადოს სიტყვა განათლების მნიშვნელობაზე. ამ სიტყვას ყოველთვის ჰკითხულობენ ხოლმე სკოლებში ზნეობის გაკვეთილის დროს. იაპონიის იმპერატორი, სხვათა შორის, ეუბნება თავის ხალხს: „იყავით კარგი შვილები მშობლებისათვის, დაიცევით ძმობა, იყავით პატიოსანი ქმრები და ერთგული მეგობრები; თავის თავს სასტიკად მოეპყარით, სხვებს ღმობიერად; გიყვარდეთ სხვა, როგორც თავის თავი; იზრომეთ, ისწავლეთ, იფიქრეთ და განავითარეთ თქვენში ზნეობრივი გრძნობანი, აღზარდეთ თქვენში საზოგადოებრივი სული, ემორჩილეთ ჩვენ კონსტიტუციას და აღასრულეთ ჩვენი ქვეყნის კანონები“.

თვითონ „ბუშიდო“ ან „რაინდული წესები“ შემუშავებულია ძველად სამურაების მიერ. ეს „ბუშიდო“ იმდენად ნაციონალურია, იმდენად იაპონურია, რომ მას „იაპონიის სულს“ ეძახიან. პროფესორი ინაცო ნიტობეს გამოკვლევით „ბუშიდო“-ს ოთხი გავლენა ეტყობა. პირველად ყოვლისა აღსანიშნავია ბუდისმის გავლენა: ბედის წერის რწმენა, აუცილებელის დამორჩილება, სტოიციზმი დიდ საშიშროებისა და უბედურობის დროს და სიკვდილის არაფრად მიჩნევა. შინტოისმმა შეიტანა „ბუშიდო“ში, რაც ბუდისმს აკლია—ლოიალობა, წინაპართა კულტი და პატივის ცემა მშობლისა შვილის მხრივ. შინტოისმის ტაძრებში საპატიო ადგილი უკავია სარკეს, რომლის წინ იჩოქებს ხოლმე მლოცველი. აზრი ამ ჩვეულებისა ის არის, რომ ვისაც სურს ნამდვილ კეთილმორწმუნეობას მიაღწიოს, ჯერ თავის თავი უნდა იცნოს. შინტონისმის სწავლით, სამშობლო მარტო მოხვეჭისა და მოსავლის ადგილი კი არ არის, არამედ წინაპართა სულის სადგომიც. კონფუციისა

და მენცრის გავლენაც ცხადათ ეტყობა იაპონელების ზნეობას კოდექსისიმ ნაწილში, სადაც წმინდა ეთიკაზეა ლაპარაკი.

„ბუშილო“ მეომართა წრეშია შექმნილი; ამიტომაც არის, მეტად მალლა აქ დაყენებული ადამიანის პატიოსნება და სახელი, იმდენათ მალლა, რომ ევროპიელს ასეთი შეხედულება გადაჭარბებულად ეჩვენება. „მოიქეც ყოველთვის პირდაპირ, როგორც გონება გასწავლის. მოკვდი, როცა სიკვდილი უნდა დადგეს; დაჰკარ, როცა დაკვრა სამართლიანია. პირდაპირობა ის ძვალია, რომელიც იკავებს მთელ სხეულს; როგორც უძველოდ თავი ვერ გაჩერდებოდა ტანზე, ხელები ვერ იმოძრაებდნენ, ფეხები ვერ გაჩერდებოდნენ, ისე პირდაპირობას მოკლებული კაცი ვერ გახდება ნამდვილი საღურაი, რაც უნდა ნასწავლი და ბუნებით ნიჭიერი იყოს. ვინც პირდაპირია, არ უნდა რცხვენოდეს არც გაუნათლებლობისა და არც უნიჭობისა“. ინაცო ნატიბეს სიტყვით, ფეოდალურ ხანის დროს სიტყვა „გიში“ (პირდაპირი კაცი) ითვლებოდა ბევრად უფრო საპატიოდ, ვიდრე სხვა რომელიმე ტიტული. პირდაპირობასთან ერთად დიდათ დაფასებულთა სამართლიანობა (შრი): ამ სათნოებათა შემდეგ მოდის სიმამაცე, ვაჟკაცობა. „თუ იცი, რა არის სამართლიანი, და არ იქცევი მის მიხედვით, შენში არ ყოფილა ვაჟკაცობა“. „ბუშილო“-ს განმარტებით, დიდი განსხვავებაა ფიზიკურსა და ზნეობრივ ვაჟკაცობას შუა. „ადვილია შევარდე შიგ შუა-გულ ბრძოლაში და იქ სიკვდილი იპოვო; ეს ყველა თავზე ხელადებულ ოხერსაც შეუძლია. ნამდვილი ვაჟკაცობა ის არის—იცოცხლო, როცა ვალდებულნი ხარ და მოკვდე, როცა ამას სამართლიანობა თხოულობს“. ამიტომაც ნამდვილი ვაჟკაცობა ბევრად მალლა სდგას უბრალო ფიზიკურ ვაჟკაცობაზე. სამურაის შვილები არც საჭიროებდნენ ფიზიკურ ვაჟკაცობაზე ჭადაგებას, რადგან თავიდგანვე ნამდვილ სპარტანულად იზრდებოდნენ.

ვაჟკაცობას მოსდევს მოწყალე გული, დიდსულოვნობა და სიყვარული მოყვასისადმი. „ბუშილო“ ასწავლის აგრეთვე ზრდილობასაც, ე. ი. სხვათა აზრის პატივისცემას. ცრუობა მეტად

დაგმობილია: „სიცრუე და ორჭოფობა სიმხდალის ნიშანია“ო.

„სირცხვილი ის ნიადაგია, რომელზედაც ამოდის ყოველ გვარი სათნოება“-ო, ამბობს მენცი. ეს იმას ნიშნავს, რომ კაცს იმ თავითვე უნდა შეათვისო შეხედულება, რომელიც სავსებით ეწინააღმდეგება ცნობილ რუსულ ანდაზის აზრს—**Стыдъ не дымъ, глазъ не выѣсть**. თუ გრცხვენია. შენის ცუდის მოქმედებისა, შეგიძლიან სათნოიანიც გახდეთ, ამტკიცებს მენცი. „ბუშილო“ სამ მთავარ სვეტზეა დამყარებულიო, ამბობს ხსენებული პროფესორი; ეს სვეტებია—ხი, ჯინ და იუ, ე. ი. სიბრძნე, გულმოწყალება და ვაჟკაცობა.

„ბუშილო“ ავითარებს და ზრდის იაპონელებში პიროვნების ღირსების გრძნობასაც. ინაცო ნიტობე სწერს: „ჩვენი ქვეყანა გავაღეთ უცხოელებისათვის, ბევრი რამ გამოვცვალეთ ჩვენ ცხოვრებაში და შევუდექით დასავლეთ ევროპის მეცნიერებისა და პოლიტიკის შესწავლას. რით ვხელმძღვანელობდით, როცა ვგრე ვიქცეოდით? იმითი კი არა, რომ იაპონიის ბუნებრივ სიმდიდრეთა დამუშავება და მოხმარება გვინდოდა; არც ბრმა მიმბაძველობით ჩავვიდენია ასეთი საქმე. მთავარი მიზეზი რეფორმების შემოღებისა იყო სახელისა და პატიოსნების გრძნობა. ჩვენ არ გვინდოდა, რომ სხვა ხალხებს ამაყად ეცქირათ ჩვენთვის ზემოდან. მატერიალური ინტერესები გაჩნდნენ შემდეგში, როცა სარეფორმო პროცესისი უკვე დაიწყო“.

როგორც ზემოდაც იყო ნათქვამი, „ბუშილო“ სამხედრო წოდების ზნეობრივი კოდექსი იყო. ამიტომაც შიგ ბევრია ლაპარაკი იმის შესახებ, თუ რა არის მხედრის სახელი და პატიოსნება. ამ სახელისა და პატიოსნებისათვის სამურაის ხშირად თავიც უნდა მოეკლა. „ბუშილო“ ქებით იხსენიებს თავის მოკვლას ერთგულებისა და სიყვარულისათვის. მოგვყავს ერთი ამბავი ასეთ თავის მოკვლისა. ეს ამბავი მოხდა მე-XVI-ე საუკუნეში, როცა გამწვავებული სოციალური ბრძოლა იყო იაპონიაში. მთავრის ბრძანებით თავი მოჰკვეთეს ერთ სამურაის, რომელსაც პირადათ არ იც-

ნობდა. რომ დარწმუნებულიყო, რომ სწორედ ის დასაჯეს, ვინც მას სურდა, მთავარმა ბრძანა, რომ მოკვეთილი თავი ეჩვენებიათ სამურაის შვილისათვის, რომელიც იქვე იყო. „მამაშენის თავია?“ ჰკითხა მთავარმა ახალგაზდა სამურაის. სამურაიმ შეხედა თავს და მამამისის თავი არ აღმოჩნდა. მაგრამ მამის ხსნისათვის, დასჯილი მამად იცნო, აკოცა და იქვე თავი მოიკლა, რომ ეჩვენებინა მთავრობისათვის, რამდენად შეწუხებულია მამის სიკვდილით. მთავარმაც დაიჯერა და ამ გვარად შვილის თავის მოკვლამ მამა გადაარჩინა.

სამურაების „ბუშილო“ ეხლა ის ზნეობრივი კოდექსია, რომელზედაც იზრდება იაპონიის მთელი მოზარდი თაობა.

რუსულ გაზეთის ამავე კორესპონდენციაში მოყვანილია სხვა და სხვა აზრი იმის შესახებ, თუ რისთვის დაიწყო იაპონიამ ომი.

„იაპონიამ დაიწყო ბრძოლა იმიტომ, რომ ასე რო არ მოქცეულიყო, მას მოელოდა სიამისა და სპარსეთის ბედი... იაპონია ხედავს თავის წინ უდაბურ ბილიკს, რადგან სულ განმარტოებულად სდვას სხვა ხალხებ შორის. მთელი ევროპა—ერთი ოჯახია მიუხედავად იმისა, რომ ამ ოჯახის წევრები კინკლაობენ და ერთმანერთის წინააღმდეგ ინტრიგების ქსელს აპყენ. ამავე ოჯახს ეკუთვნის ამერიკაც. ევროპიელებმა ჩაპყლაპეს მთელი ქვეყანა, გარდა შორე-აღმოსავლეთის იმ იმპერიისა, რომელიც კუნძულებზე მდებარეობს. იაპონელების მონათესავე ფილიპელებს, მალაელებს, კანაკებს და მაორისებს ევროპიელები ხან ჟღეტდნენ და ხან საქონელსავით ბაზარში გამოყავდათ და ყიდდნენ. თათრები და ციმბირის ხალხები ხივიდან დაწყებული კამჩატკამდე აღარ არსებობენ, როგორც დამოუკიდებელი სახელმწიფოები. აზიის ის ხალხები, რომელნიც ჯერ კიდევ არ გამხდარან სავსებით ევროპიელების მსხვერპლნი, სამსხვერპლო „სიაში არიან შეტანილი“. იაპონიის არსებობა ისტორიაში მხოლოდ მაშინ იქნება შესაძლებელი, თუ იაპონიის ხალხი შესძლებს უახლოეს მეზობლებისა და ნათესავების—კორეისა და ჩინეთის გამოღვიძებას, იაპონიას კარგად

ესმის, რომ თუ ეს ასე არ მოხდა, ისიც უნდა შევიდეს იმ ბრძმედში (საღნობელი ქურა), სადაც ევროპიელებმა გადაჰყარეს არა თეთრ კანიანების ყველა სახელმწიფოები. ამ ბრძმედთან ჯერ არც ერთი ხალხი არ გამოსულა განახლებული. იაპონიაში ყველას კარგად ესმის, რომ მათ მოეღისთ უკიდურესი ბრძოლა არსებობისათვის; ყველას ესმის, რომ ბრძოლა ერთი და ორი წელიწად კი არ გაგრძელდება, არამედ რამდენიმე ათი წელიც“.

მთელი ევროპა შორე-აღმოსავლეთის ომიანობით არის ვატაცებული, ყველა ომის ამბებს ჰკითხულობს და მთავრობანი განუწყვეტლივ იმის ცდაში არიან, რომ ომმა არავინ ჩაითრიოს და უფრო რაული და სახიფათო ხასიათი არ მიიღოს. მიუხედავად ამისა შინაური პოლიტიკური ცხოვრება დაწინაურებულ ევროპისა სდულს და გადმოდულს; თავისუფლად მომქმედი ევროპიელი ცხოვრების პირობებს იუმჯობესებს, იბრძვის უკეთეს მომავლისათვის...

საფრანგეთის დიდი რესპუბლიკა ისევ განაგრძობს ენერგიულ ბრძოლას თავის შეუურიგებელ მტრებთან—მეფობისა და ეკლესიის ძველ ავტორიტეტის აღდგენის მოტრფიალებთან. კომბის სამინისტრომ წარმოადგინა და გაიტანა კიდევ ახალი კანონ-პროექტი კლერიკალების ბუდე—კონგრეგაციების წინააღმდეგ. მკითხველს ემახსოვრება, რომ ვალდეკ-რუსოს მიერ გაყვანილ კანონით მთავრობისაგან ნება-დაურთველი კონგრეგაციები ყველა უნდა დახურულიყო. ბევრი კონგრეგაცია საფრანგეთიდან გადასახლდა სხვა სახელმწიფოებში, ბევრმა ნება-რთვა ითხოვა, მაგრამ რესპუბლიკის მთავრობამ ყველას უარი უთხრა და ძალით დახურა. ბერებისა და მალალ სამღვდლო პირების ჩაგონებით და მეცადინეობით ბტვრგან დიდი მანიფესტაციები გაიმართა მთავრობის ასეთ ენერგიულ მოქმედების წინააღმდეგ. ძველ, დახვსებულ და გამრყენელ წესწყობილების მომხრეებმა იმდენი მოახერხეს, რომ რამდენიმე წარჩინებულ ჯარისკაცებსაც კი უარი ათქმევინეს მთავრობის მორჩილე-

ბაზე—ზოგან აფიცრებმა არ აასრულეს თავის უფროსის ბრძანება, როცა გალალეზულ ბერების წინააღმდეგ უნდა ემოქმედნათ. მთავრობაც, რასაკვირველია, შესაფერად მოეპყრო ასეთი ჯარის-კაცებს და ბოლოს თავისი გაიტანა—ყველა ნება-დაურთველი კონგრეგაციები დახურა. საქმე ამით ვერ გათავდებოდა.

საფრანგეთში საკმაოდ იყო ნება-დართული კონგრეგაციებიც და ამ კონგრეგაციებს დიდძალი სკოლები ჰქონდათ ხელში. ბერების ეს სკოლები არიან ის ქარხანა, საიდანაც გამოდიოდნენ და გამოდიან ახალ, დემოკრატიულ წესწყობილების შეუთრგებელი მტრები. ბერი თუ მონაზონი, რომელმაც ვითომდა უარჰყო ამ სოფლიური ცხოვრება და მხოლოდ სულის საქმეზე მზრუნავი არის, დიდის მოხერხებით ზრდიდნენ და ზრდიან თავიანთ შეგირდებს, რომ შემდეგ მათის დახმარებით ვითომდა უარყოფილ ამ სოფლიურ ცხოვრებას სათავეში ჩასდგომოდნენ და, როგორც ძველად, ეხლაც განეგრძობთ ხალხის ყვლეფა. სკოლა კლერიკალების ხელში საშინელი იარაღი იყო რესპუბლიკისა და დემოკრატიის წინააღმდეგ. „სკოლა კლერიკალების ხელში“ ისეთი მოვლენაა თანამედროვე ევროპაში, რომელსაც ლოლიკაში *contradictio in adjecto* ჰქვია. სკოლა—გონების სინათლის კერაა თავის დანიშნულებით, და სად გონების სინათლე და სად კლერიკალისმიანი კლერიკალები იმ თავითვე იმას იყვნენ მოწადინებული, რომ ხალხი უვიცი დარჩენილიყო, რადგან ხალხი მხოლოდ მაშინ არის, მორჩილი და ადვილი სათლელი, როცა იგი უვიცია. კლერიკალმა რომ განათლება, განვითარება შეიტანოს ხალხში ეს იმას ემზგავსება, რომ კაცმა საკუთარის ხელით მოსჭრას ის ერთად-ერთი ტოტი, რომელზედაც თვითონ ზის. ამიტომაც არის რომ კლერიკალების სკოლა გონებრივ სინათლეს კი არა, სიბნელეს ჰფენდა და ჰფენს ნორჩ ახალთაობას. საფრანგეთის დაწინაურებულმა დემოკრატამ გადასწყვიტა საბოლოოდ მოესპო ბერების ეს მეტად მავნებელი და წინსვლელობის შემაფერხებელი დაწესებულება.



კომბის უკანასკნელი კანონ-პროექტი არის „დაგვირგვინება“ იმ საქმისა, რომელიც მისმა სამინისტრომ მიიღო მემკვიდრეობად ვალდევ-რუსოსაგან. ახალ კანონ-პროექტის პირველი მუხლი ამბობს: „კონგრეგაციებს (რასაკვირველია, წინაღ ნებადართულებს, რადგან ნება დაუთვრელი კონგრეგაციები ყველა დახურულია) აკრძალული აქვთ ყოველგვარი სწავლება სკოლებში. ის კონგრეგაციები, რომელნიც წინანდელ ნებართვის ძალით მხოლოდ სწავლების მიზნით იყვნენ დაარსებული, დაიხურება ხუთის წლის განმავლობაში“. იმავე კანონის მეორე მუხლის ძალით, ვერც ერთი „მასწავლებელი კონგრეგაცია ვერ მიიღებს ახალ წევრებს“.

სულ საფრანგეთში თორმეტი ათასი სკოლა ჰქონდათ კონგრეგაციებს; აქედან რვა ათასი სკოლა წინანდელი კანონების ძალით დაიხურა. ახალი კანონის ძალით კიდევ უნდა დაიხუროს დანარჩენი ოთხი ათასი.

დიდი და გაცხარებული წინააღმდეგობა გამოიწვია კომბის ახალმა კანონმა კლერიკალების მხრივ. მთელი სამინისტრო ხალხის განათლების მტრად დასახეს, მაგრამ ეხლანდელი პარლამენტის უმრავლესობა ისეთ დაწინაურებულ ელემენტებისაგან შედგება, რომ კარგად ესმის რა არის ხალხის ნამდვილი განათლება, და ამიტომაც მან მტკიცედ დაუჭირა მხარი თავის წარმომადგენელ სამინისტროს.

დახურულ სასულიერო სკოლების მაგიერ, რასაკვირველია, გაიხსნება საერო სკოლები. ასე რომ-სკოლღს გარეთ არ დარჩება სწავლის მსურველი.

ეს ერთი დამარცხება კაცობრიობის პროგრესის მტრებისა. მეორე დიდი დამარცხება მათი ღრეიფუსის საქმის განახლებაა.

მკითხველს ეხსომება ამ საქმის წინანდელი დაბოლოვება რენის სასამართლომ ხელმეორედ იცნო დამნაშავედ საფრანგეთის ჯარის კაპიტანი ღრეიფუსი და სასჯელიც გადაუწყვიტა, მაგრამ ამნისტიაში მოხვდა და განათავისუფლეს. მარტო ეს უკანასკნელი გარემოება იყო საკმარისი იმის დასამტკიცებლად, რომ რენის სასამართლოს დადგენილება სამართლის ქმნა კი

არა უსამართლობის დაკანონება იყო. სად გაგონილა, რომ სამშობლოს გამცემსა და მოღალატეს დანაშაული ეპატიოს! ყველასათვის ცხადი იყო, რომ დრეიფუსი მართალი იყო, ეს ვალდეკ-რუსოს სამინისტრომაც კარგად იცოდა, მაგრამ სამხედრო სასამართლო კლერიკალების სრულ გავლენის ქვეშ იყო და, რასაკვირველია, დრეიფუსი დამნაშავედ იცნო, რომ კლერიკალისმის წარჩინებულ პირების სიყალბე და უსინდისობა არ გამოაშკარავებულებოდა.

დრეიფუსმა მიიღო ამნისტია; კლერიკალებმა ეს ახალ საბუთად გამოიყენეს უბედურ კაპიტანის წინააღმდეგ: ამნისტია დანაშაულის პატიებაა და ვინც ამ პატიებას მიიღებს, იგი ამით ამტკიცებს, რომ ეს დანაშაული მართლა ჩაუდგნია. ამიტომაც მოხდა, რომ ლაბორი, ნიკიერი და გაბედული ვეჟილი დრეიფუსისა, შეტად უკმაყოფილო დარჩა თავის კლიენტის მოქმედების გამო. მაგრამ დრეიფუსის გამტყუნებაც ძნელია ამ საქმეში: მართალია, მის მხრივ სულმოკლეობა იყო ამნისტიის მიღება, რადგან უბრალო იყო იმ დანაშაულში, რომელსაც მას სწამებდნენ, მაგრამ სულმოკლეობა ადვილად გასაგები და საპატიებელიც—ამნისტია რომ არ მიეღო, ისევ უნდა დაბრუნებულყო კატორგას, სადაც ავდენხანს იტანჯა და იწამა, და კატორგაში დაეწყო ლოდინი საქმის განახლებისა. ასეთ გმირობას ვერ მოვსთხოვთ ჩვეულებრივ ადამიანს.

გავიდა ხანი და ჟამი. დრეიფუსი და მისი საქმე თითქოს მიივიწყეს. ამასობაში უფრო და უფრო განტკიცდა ნამდვილი დემოკრატია, ძალა მოიკრიბა და სასტიკი, მედგარი იერიში მიიტანა ბნელეთის წარმომადგენელთა ბანაკზე. ბრძოლიდან დემოკრატია გამოვიდა გამარჯვებული. კეთილშობილმა ჟორესმა არ დაივიწყა უდანაშაულოდ დასჯილი და წამებული კაპიტანი და მისი მეოხებით საქმე ისევ განახლდა: აღმოჩნდა დიდძალი ახალი სიყალბე, რომელიც დემოკრატიის ბტრებს ჩაედინათ, რომ თავისი გაეტანათ, და უმაღლეს სასამართლომაც დაადგინა საქმის ხელ-ახალი გარჩევა.

ეხლანდელი საფრანგეთი სახელოვნად განაგრძობს დიდორევოლიუციის კეთილშობილ და ჰუმანურ ტრადიციებს; ევროპის მოწინავეერი ისევე მეთაურობს თანამედროვე პროგრესს.

თუ საფრანგეთის თანამადროვე პოლიტიკური ცხოვრება იმედისა და სასოების მომგვრელია, სულ სხვა შთაბეჭდილებას იტებს პრუსიის პოლიტიკურ ცხოვრების მეთვალყურე. ძალმომრეობამ, ადამიანის უფლების გადალახვამ, უბრალო ელემენტალურ სიმართლის უარყოფამ ურცხვად და გაბედულად იჩინეს აქ თავი.

ჩვენს მიმოხილვებში არა ერთხელ გვქონია ლაპარაკი პრუსიის საწეფოში მცხოვრებ პოლონელებზე. დაპყრობილ ერის მდგომარეობა ყველგან მძიმე და აუტანელია, მაგრამ ზოგი დამპყრობელი სახელმწიფო მაინც საზღვარს გადადის. ასეთებს ეკუთვნის პრუსიის სამეფოც. არ არის ისეთი ღონისძიება, რომ პრუსიის მთავრობამ სიხარულით არ მიიღოს, ოღონდ პოლონელების წინააღმდეგ იყოს იგი მიმართული. საკოლონიზაცია ფონდის დაარსება მკითხველს ეცოდინება: პრუსიის მთავრობამ დიდძალი ფული გადადო, რომ პოლონელ თავადაზნაურობის ადგილ-მამული შეიყიდოს და ზედ გერმანელები დაასახლოს, პოლონელები მედგრად დაუხვდნენ იერიშით მოსულ ძლიერ მტერს; დააარსეს პოლონური ბანკები, ამ ბანკების საშუალებით თავადაზნაურობის ადგილ-მამულს ჰყიდულობენ, წვრილ ნაჭრებად ჰყოფენ და შემდეგ ზედ პოლონელ გლეხებს ასახლებენ. შედეგი ამ ბრძოლისა ის იყო, რომ პოლონელების ხელში მეტი ადგილები გადავიდა გერმანელებისა, ვიდრე პოლონელების გერმანელების ხელში. ამიტომაც პრუსიის მთავრობამ ახალი ღონისძიება გამოიგონა და პრუსიის ლანდტაგს წარუდგინა. მთავრობის პროექტით, პოზნანსა და დასავლეთ პრუსიაში ვერავინ დასახლდება, თუ საკოლონიზაცია კომისიის თავმჯდომარე არ მისცემს საგანგებო ნებართვას. თუ ეს პროექტი დაკანონდა (და ეს უთუოდ ასე მოხდება, რადგან გარდა პოლონელებისა ლანდტაგში არავინ არის მისი წინააღმდეგი), ყოველ პრუსიელ პოლონელს აკრძალული ექნება თავის სამშობლოში მიწა შეიძინოს და დასახლდეს: **სახელმწიფო უკრძაღვს ქვეყნადღამას ერთ ნაწილს საკუთრების შექენს.**

პოლონელი დეპუტატები, რასაკვირველია, მთელის თავის ძალღონით შეებრძოლენ მთავრობის პროექტს: ერთადერთი მიზანი ამ კანონ-პროექტისა პოლონელების მოსპობა არისო და რომ ამ მიზანს მიაღწიოთ, კონსტიტუციისა და სამოქალაქო დებულების დარღვევისაც არ გრცხვენიათო, თამამად ეუბნებიან პოლონელების წარმომადგენელნი პრუსიის მთავრობას. და მერე როგორ პასუხს იძლევიან მთავრობა და მისი თანამგრძობნი?

მინისტრმა პოდბიელსკიმ, სხვათა შორის, განაცხადა: პროექტის მიზანია პოზნანში და დასავლეთ პრუსიაში გერმანელების დასახლების გაადვილება, რადგან გერმანული პოლიტიკა მხოლოდ გერმანელ გლეხზე შეიძლება იყოს დამყარებული. იმ ბრძოლისათვის, რომელიც მთავრობას მოახვიეს თავზე, იგი საჭიროებს იარაღს და იმედი მაქვს, რომ ამ იარაღზე უარს არ გვეტყვიოთ. მიუხედავად ყოველგვარ ცდისა 40 ათასი ჰექტარი მიწა გერმანელებისა პოლონელების ხელში გადავიდა... ბრძოლა ბოლომდე უნდა განვაგრძოთ და უთუოდ გავიმარჯვოთ... რაკი ბრძოლა არის, გამარჯვება ჩვენი უნდა იყოს. პოლონურ ბანკების პოლიტიკას (დიდ მამულების პატარა ნაჭრებად დაყოფა და ისე გაყიდვა) ბოლო უნდა მოვუღოთ“.

ტყვილი იყო დეპუტატ კოსცელსკის პასუხი: პოლონელი გიჟი ხომ არ არის, რომ ომი გამოუცხადოს ისეთ ძლიერ სახელმწიფოს, როგორიც პრუსია არისო; თუ ვიბრძვიოთ, იმიტომ რომ პრუსია სრულ მოსპობას გვიქადისო; მეორე მინისტრი, პოდბიელსკიზე კიდევ უფრო ურცხვი, ჰამერშტეინი უფრო მკაცრად ლაპარაკობდა—პრუსიაში მბრძანებელი ჩვენ, გერმანელები, ვართო და პოლონელები ჩვენ უნდა გვემორჩილებოდნენო.

დავანებოთ თავი მინისტრებსა და მთავრობას: ძალმომრეობა, სუსტის დაჩაგვრა ამათ ხომ ყოველთვის ეადვილებათ, მაგრამ რას იტყვიოთ განთქმულ პროფესორზე და ცნობილ მეცნიერზე, რომელიც მხარს აძლევს ასეთ პოლიტიკას? ცნობილი ეკონომისტი შმოლერო პრუსიის ლანდტაგის წევრია და მოსალოდნელი იყო, რომ იგი მაინც აღამაღლებდა თავის ავტორიტეტულ ხმას უსინდისო კანონ-პროექტის წინააღმდეგ. ნამდვილად კი აი რა სთქვა განთქმულმა მეცნიერმა: „...თუ მთავრობა აგვიხსნის, რომ უამკანონოთ ჩვენი კოლონიზაციის დიდი

საქმე პოზნანსა და დასავლეთ პრუსიაში შეუძლებელი გახდება, უთუოდ უნდა მივანიჭოთ მთავრობას მოთხოვნილი უფლება, რადგან ყველაზე მაღლა *Salus publica* სდგას. თუ სახელმწიფოს არსებობას რაიმე ხიფათი მოეღოს, ყველა გერმანელები ერთ სულ უნდა ვმოქმედებდეთ“.

გამოდის, რომ პრუსიელი პოლონელი პრუსიის სახელმწიფოს მოქალაქე არ ყოფილა: მართალია, გადასახადებს იხდის სახელმწიფოს სასარგებლოდ, ჯარში მსახურებს და პრუსიის მეფისათვის სისხლს ღვრის საქიროების დროს, მაგრამ ეს ხომ მარტო მოვალეობანია. მოქალაქეს მოვალეობასთან უფლებაც უნდა ჰქონდეს! უფლება მარტო გერმანელისა უნდა იყოსო, გამოდის შმოლერის სიტყვიდან. პოლონელი მოკლებულია უფლებას თავის სამშობლო ენაზე მიიღოს სწავლა, თუშცა კანონით პოლონელი და გერმანელი სწორუფლებანი უნდა იყვნენ, პოლონელ გლეხს მოკლე ხანში არ ექნება უფლება ადგილი შეიძინოს—გერმანელი გლეხი უნდა დავასახლოთ თქვენ ქვეყანაშიო. შმოლერის „*Salus publica*“ „*salus ferriamea*“-ა, რადგან როცა პოლონელიც თხოულობს ამ „*Salus*“-ის პატარა წილიც ირგოს, ახლოსაც არ იკარებენ.

და განა გასაკვირველი უნდა იყოს ამის შემდეგ, რომ პოლონელს არ უყვარდეს პრუსია და მისი მთავრობა?

კანონ-პროექტის დაკანონების შემდეგ პოლონელებს, რასაკვირველია, უფრო გაუძნელდებათ მტერთან ბრძოლა, მაგრამ კოსციელსკის სიტყვებისა არ იყოს, „იმ ხალხს, რომელიც სიცოცხლის ძალას გრძნობს თავის თავში, თქვენ (პრუსიის მთავრობა და მისი თანამგრძობნი) ვერას უზამთ“. „სიცოცხლის ძალა“ პოლონელმა არა ერთხელ დაამტკიცა და მომავალშიაც დაამტკიცებს.

როგორც ნათქვამი გვქონდა, პრუსიის ლანდტაგში არ გამოჩნდა არც ერთი გერმანელი დეპუტატი, რომ პოლონელებისათვის მხარი მიეცა და მთავრობისათვის პროტესტი გამოეცხადებია. გერმანიის რეიხსტაგში რომ ყოფილიყო ასეთი კანონ-პროექტი წარდგენილი, პოლონელები მარტო არ დარჩებოდნენ: ოთხმოც-და-ორი დეპუტატი, გერმანიის დემოკრატიის წარმომადგენელი, მტკიცედ გამოესარჩლებოდა დაჩაგრულ პოლონელ ხალხს. პრუსიელი პატრიოტები, რასაკვირველია,

ასეთ ქცევისათვის სამშობლოს „მოღალატეებს“ უწოდებდნენ მათ, მაგრამ ეს ხომ ძველი და ყოველად უნიადაგო ცილის წამებაა. სხვა ერის უფლებათა და გრძობათა პატავისცემა შეუძლია მხოლოდ ნამდვილ პატრიოტს და სწორედ ასეთები არიან ნამდვილი დემოკრატები დაწინაურებულ ევროპისა. ვისაც აქამდე ეჭვი ჰქონდა ამის შესახებ, მან წაიკითხოს ბებელის მეორე სიტყვა, წარმოთქმული სამხედრო ბიუჯეტის განხილვის დროს. ეს სიტყვა იმდენად საყურადღებოდ მიგვაჩნია, რომ არ შეგვიძლია არ მოვიყვანოთ შემოკლებით მაინც: „...ჩვენ მუდამ იმას გვისაყვდურებენ, რომ ჯარს მტრულად ვუცქერით. ჩვენი საქმე რომ იყოს, ყოველი საღი მოქალაქე ჯარისკაცი იქნებოდა, მაგრამ იმ ხნის განმავლობაში, რამდენიც აუცილებლად საჭიროა... ამ ეს განსხვავებაა თქვენსა (არა სოციალდემოკრატებსა) და ჩვენ შორის. ბურჟუაზულ საზოგადოების წინააღმდეგობანი უფრო და უფრო გამწვავდნენ. ამ გამწვავების მიზეზი არც ჩვენა ვართ და არც თქვენ, არამედ ეკონომიური დამოკიდებულებანი... ვის შეუძლია უარჰყოს ის ფაქტი, რომ ეს წინააღმდეგობანი ჯარშიც გადაიტანეს?... ამას ამტკიცებენ ისეთი მწერლები, რომელნიც დაწვრილებით იცნობენ ჯარს...“

სამხედრო მინისტრმა სთქვა, რომ თუ ჯარში ხშირად ჯარის-კაცებს ცუდათ ეპყრობიანო, ამისი ბრალი სოციალდემოკრატისაც ედებო (ვითომ სოციალ-დემოკრატია უნდა აგულიანებდეს თანამოაზრე ჯარის-კაცებს უფროსების წინააღმდეგობაზედ). სულ ახალი თეორია არის, მაგრამ ისევე დასაბუთებული, როგორც ბევრი სხვა. სამი მილიონი ხმა მივიღეთ უკანასკნელ არჩევნების დროს, ამიტომ არ უნდა გვიკვირდეს, რომ ჯარშიაც არიან სოციალ-დემოკრატები, განსაკუთრებით სათადარიგო ჯარში; საქსონიაში აუცილებლად უნდა იყვნენ სოციალ-დემოკრატი ჯარის-კაცები; მე ვიცი საპიორების ბატალიონები, სადაც მხოლოდ სოციალ-დემოკრატები არიან. თქვენ უნდა თავი მოუაროთ ასეთ გარემოებას. თქვენ წინაშე ისეთსავე მდგომარეობაში ვართ ეხლა, როგორც მესამე საუკუნეში ქრისტიანები იყვნენ კეისრების წინაშე: ისინიც შეურიგებელი მტრები იყვნენ სახელმწიფოსი, როგორც დღეს ჩვენ ვართ. უჩვენოთ ვერც ერთ ომსაც ვერ დაიწყებთ. და თუ ჩვენ ისეთ ომში მოგვიხდება მონაწილეებას მიღება, სადაც საქმე

სამშობლოს აძსებობას ეხება, სიტყვას გაძლევთ, რამ: ყოველი ჩვენგანი ძსად იქნება თოფა ძსაძზე გაიდვას; იმიტომ კი არა, თქვენი ან ვისიმე გულის მოგება გვინდოდეს; უკანასკნელ სისხლის წვეთამდე ვიბრძოლებთ, რომ ეს სამშობლო, რომელიც ჩვენი სამშობლოც არის ისე როგორც თქვენი, ისე მოვაწყოთ, რომ იქ ცხოვრება სიხარული იყოს ყველასათვის. ეს არის ჩვენი მიზანი და ამიტომაც ყოველთვის უკანასკნელ სულის თქმამდე შევებძმოდებით ყველას, ვინც კი მოიწადინებს ჩვენ სამშობლოს რამე წაჭკლადვას. ყოველ ჩვენგანს ძსაგიერ გაძლევთ სიტყვას, რამ ეს ეგრე იქნება....“

გერმანია ძლიერი, თავისუფალი სახელმწიფოა. წარმოვიდგინოთ ერთის წუთით, რომ გერმანია ისეთ მდგომარეობაში ჩავარდა, როგორშიც დღეს პოლონეთია: თუ დღეს ბებელი ზემოთ მოყვანილ სიტყვას ამბობს, რას იტყოდა და როგორ მოიქცეოდა წარმოდგენილ შემთხვევაში? თუ ეხლა ასეთ მამულის-შვილურ გრძნობას ამჟღავნებს, მთელის პარტიის სახელით, რამდენად უფრო მხურვალე და ძლიერი იქნებო და ეს გრძნობა გერმანელი რომ პოლონელის მდგომარეობაში ჩავარდეს?

ჩვენთვის სრულიად საკვირველი არ არის ბებელის სიტყვა და გრძნობა: იგი ყოველად კანონიერი და ბუნებრივია. და თუ აქ ასეთ ხაზს ვუსვამთ, ზოგიერთ მოურჯულებელ დოკტრინიორებისა და მათ დამჯერეთა საგულისხმიეროდ.



რედაქტორი  
დ. ჭყონას.

გამომცემელი  
დ. ჯაბაძარი.

<b>IX—ნარევი</b> —1. ფინლანდიელი პოეტი რუნებერგი.—2. მკვდარი გულის გაცოცხლება.—3. ქაობის ხალხი.—4. სვედური გიმნაზია.—5. რადის სარკებლობა.—6. სპენსერის ავტობიოგრაფია.—7. ტურინის საუნივერსიტეტო ბიბლიოთეკის დაწვა.—8. მეტრული ზომა ინგლისში.—9. უცნაური თეატრი.—10. მისაბაძი ზეგალითი.—11. ახალი იტალიური ჟურნალი.—12. ამერიკული ქალაქის მართვა.—13. იაპონელის აზრი ტოლსტოის შესახებ.—14. ომის მიზეზი.—15. ევროპიელთაგან გაურყენელი ხალხი.—16. ოდისსეის დაბწერი.—17. ველური ხალხი.—18. ჰიპნოტიზმი აბაშაში.—19. პირუტყვთა გონება	<b>115</b>
<b>X—შინაური მიმოსილვა.</b> —კერძოდ თაოსნობის საჭიროება.—ფ. გოგინაიშვილისა.	<b>125</b>
<b>XI—უცხოეთის მიმოსილვა.</b>	<b>155</b>



# მ ლ ა მ ბ ე

წელიწადი მკთერთმეტე

## გამოდის ყოველ თვე

ფასი ჟურნალ „მოამბისა“ გაგზავნით:

რუსეთის და კავკასიის ქალაქებში:	სახლვარ-გარედ:
ერთის წლით . . . . . 10 მან.	ერთის წლით . . . . . 13 მან.
ექვსი თვით . . . . . 6 მან.	ექვსის თვილ . . . . . 7 მან.
სამი თვით . . . . . 4 მან.	სამი თვით . . . . . 5 მან.

**მინც „მოამბისა“ გამოიწერს, „ცნობის ფურცელი“ კვირასი ორის სურათებიანის დამატებით უფასოდ დაეთმოება**

ფასის განაწილება შეიძლება ასე: ზირველად 5 მან. 1-ლ მარტამდე — 3 მან, და 1-ლ აგვისტომდე — 2 მან.

ხელის-მოწერა მიიღება ტფილისში, ჟურნალ „მოამბისა“ რედაქციაში, რომელიც იმყოფება ვანქის დიდ ქუჩაზე, № 27.

ქალაქს გარეშე ხელის-მომწერმა პირთი მანეთი უნდა წარმოადგინოს **დამატებითა** გასაგზავნად.

ქალაქს გარეშე მცხოვრებთათვის აღრესი: **Тифлисъ, Редакция „Моамбе“** ჟურნალში დასაბეჭდად მიღებულ წერელებს, თუ საჭიროება მოითხოვს, რედაქცია შეასწორებს და შეამოკლებს. ხელნაწერები, რომლებიც არ დაიბეჭდება, პატრონებმა რედაქციაში უნდა მოიკითხონ ერთის თვის განმავლობაში, — შერამე ველარ მოსთხოვენ რედაქციას; არავითარ მიწერ-მოწერას დაუბეჭდავ ხელნაწერების შესახებ რედაქცია არა კისრულობს.

დასაბეჭდად წარმოგზავნილ თარგმანზე აღნიშნული უნდა იყოს უეჭველად ყველა ის წყაროები, საიდანაც არის თარგმნილი ხელ-ნაწერი.

რომელ ავტორსაც ან გამომცემელს ჰსურს, რომ ახალი წიგნის შესახებ ჟურნალმა თავისი აზრი წარმოსთქვას, ორ-ორი ეგზემპლიარი უნდა გამოუგზავნოს რედაქციას.

პირისპირ მოლაპარაკება რედაქციასთან შეიძლება ყოველ დღე, კვირის უქმეებს გარდა, შუადღიდან ნაშუადღევის ორ საათამდინ.

რედაქცია უმორჩილესადა სთხოვს ყველა ხელის მომწერთ, რომელთაც კი ჟურნალის ნომერი არ მიუვათ, განცხადებასთან ერთად რედაქციას წარმოუგზავნონ აგრედვე მოწმობა იმ ფოსტის კანტორისა, რომლიდანაც იღებენ ნომრებს, რომ ამ კანტორას ესა და ეს ნომერი არ მიუღია. წინააღმდეგ შემთხვევაში ხელ-მეორედ ნომერი არავის გაეგზავნება.

---

რედაქტორი გამომცემელი  
 ა. ჯ. ჯ. ა. ა. ა. ჯ. ა. ა. ა. ა.